



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



878.08
844g



STANFORD UNIVERSITY LIBRARY





**SCRIPTORES REI RUSTICÆ
VETERES LATINI**

**E RECENSIONE JO. MATTH. GESNERI
CUM EJUSDEM PRÆF. ET LEXICO RUSTICO
VOLUMEN PRIMUM**

CONTINENS

CATONEM ET VARRONEM

PRÆMITTITUR NOTITIA LITERARIA

STUDIIS SOCIETATIS BIPONTINÆ



EDITIO ACCURATA

BIPONTI

**EX TYPOGRAPHIA SOCIETATIS
CICIDCCLXXVII**

)

406208

1961-1962

SCRIPTORES REI RUSTICÆ

VETERES LATINI

CATO, VARRO,
COLUMELLA, PALLADIUS,

QUIBUS ACCEDIT

VEGETIUS DE MULOMEDICINA,

ET

GARGILII MARTIALIS FRAGMENTUM.

JO. MATTHIÆ GESNERI

P R Æ F A T I O.

F U N G I enim tandem aliquando, Dei virtute, licet dulci officio, & diu votis nostris expetito : quod tanto alacrius rusticis nostris, quin tibi, L E C T O R, præstabimus, quo majori nos voluptate finis ipse longi laboris, & quasi occupatus ex difficili navigatione portus, afficit. Ne vero turba opprimamur, placet ordinem quendam iis, quæ hic dicenda sunt, præfinire, ut primo quidem, quæ singulorum scriptorum, quos damus, adhuc fata fuerint, indicemus; deinde qua fortuna conjuncti sint usi quatuor principes, persequamur; ut commemoremus denique, quid auxilii vel ornamenti, postquam aliorum conatus fortuna intercepit, hac editione iis accesserit.

I. Jam ut *M. Catonis Censorii, qui agricolationem Latine loqui primus instituit* (Col. 1, 1, 12.) vel ceterorum adeo vitam enarremus, nemo, credo, expectat, inprimis cum in omnium manibus versetur Fabriciana bibliotheca, quæ studiosos illius
. Scriptt. R. R. Vol. I. a 2

rei ad fontes ipsos ablegat. Scriptum ab illo de agricultura librum, vel ex nostris satis certum est, ne de Cicerone dicamus ac Plutarcho. Sed utrum is, quem habemus hodie, qualis hodie est, Catonem auctorem habeat, de eo non facile est pronuntiare. Illud quidem apparet, quæ Varro, Columella, Plinius, Palladius, laudant, ea nihil fere vel parum immutata hic legi. Habent etiam pleraque illam ex antiquitate gravitatem, brevitatem illam, oraculis non absimilem, interlucentem illum in austeritate incompta leporem atque suavitatem, quæ faciunt, ut Catoniana esse, quæ hic dantur, dubitari non debeat. Verum enimvero illud nemo temere mihi persuaserit, qualis nunc exstat, & a nobis etiam post multas multorum curas editur, talem, hoc est, hoc ordine, his totidem verbis (ne de orthographia¹ quidquam commemorem) constantem librum ab auctore suo traditum amicis esse. Primo, si Servio fides ad Georg. 2, 412, *Cato libros scripsit ad filium de agricultura*. Non illud nunc dicam, *libros* appellari a Servio, non *librum*: *librum* enim appellat Cicero de Senect. c. 15. Sed *ad filium* si scripsit Cato, allocutus illum quidem est in ingressu libri, in fine; ut a Tullio factum videmus, ut a Varrone, ut ab omnibus, qui libros suos aliis inscripsere. Sed huius quidem rei nec vola hodie, nec vestigium superest. Deinde, aut male nobis Catonis ingenium atque orationem descripsit Tullius eo ipso loco, quem modo laudavimus, aut egit Cato paulo diser-

1. Egit de illa erudite Pontedera principio notarum suarum in Addendis.

tius uberiusque de natura & rationibus agrorum, frumentorum, vinearum, arborum. Profecto qui fuit illo ingenio, quo suavissimus ille senex, quem pingit Tullius,² is non potuit sibi temperare ab amœnioribus etiam quibusdam digressionibus & descriptionibus, quales non tantum Ciceronianus Cato profert, sed Varro, sed Columella, sed Plinius, & quicunque sunt viri humaniores. Quem modo nominavi Plinius 16, 8, s. 42, *novissimum libri Catonis ait esse de asparagis, ut appareat, repentinam ac noviciam viro curam fuisse*. At in nostris libris non novissimum est de asparagis, sed sequitur adhuc *de pernis salientis*: ac ne hoc quidem fuisse novissimum, sed *de offis Puteolanis* præceptum adhæsisse in antiquis libris, ex summario veteri sive lemmate fit manifestum. Quod ex eodem Plinio affert ad Cat. 112 Popma, non videtur magnam vim habere: & ea ipsa, quæ adhuc protulimus, non nimis firma forte aliquis dixerit. Sed illud quale est, quod Columella 3, 2, 31 ex Catone laudat, *nulum genus vitium conferendum, nisi fama; nullum conservandum, nisi experimento probatum*. Ac ne quis dicat, ex ore forte Catonis hoc acceptum traditumque posteris, alia formula de talibus utitur Columella v.g. 1, 4, 1: *Cæsonianum præceptum, quo fertur usus etiam Cato*. Hoc quidem non mirarer, si hodie non legeretur apud Catonem: & tamen sententia ejus habetur in ipso principio. Extra controversiam etiam est illud, ab eodem Columella 12, 50, 19 plura laudari ex Catone, quam hodie eo

2. l. c. add. tamen Brut. 85. extr.

ipso loco leguntur. Itaque pendet animus, an non injuria facta sit a me pariter atque Cl. Schœttgenio Columellæ, cum ad 1, 3, 1 ipsum potius Moderatum festinationis postulare, quam conqueri de Catone amisso aut truncato, maluimus. In eo quidem certe errare non potuit Columella, quod pratorum commendationem longam 2, 17, 2 M. Porcio Catoni adscripsit, cum suffragatorem ejus rei ipsum Tullium habeat. At in his Catonianis, quæ nunc exstant, *quintus* demum prator locus assignatur. Hoc quidem ejusmodi est, ut integritatem libri evertat penitus. Sed sunt etiam alia. Notas agri boni ex Catone laudat Plinius 18, 6, f. 7, n. 2, quæ in nostris libris non habentur: quasque ex eodem repetisse videtur Columella 2, 2, 20. Neque illud invenio, quod ex eo affert idem Plin. 18, 6, f. 8: *Quidquid per asellum fieri potest, vilissime constat*. Ecquis vero putabit, sanum Catonem fuisse, si immiscuit ipse pistoriis operibus *votum pro bubus* c. 83, aut inter vini condituras præceptum *de canibus interdium clausis* c. 124. De priore jam stomachatus est Meurfius. Et nos malam manum suspicati sumus ad c. 38, 3. Minime etiam contemnenda nobis videntur, quæ de repetitionibus in hoc libello occurrentibus monet Cl. Pontedera in ipso fine, seu ad 162, 3. Iterum dico, aut talis vir non fuit, qualem nobis uno ore tradunt veteres, qualem loquuntur fragmenta a Gellio aliisque servata; aut liber de re rustica, ut nunc est, non est Catonis. Itaque non tantum subscribo sententiæ ejus, qui in calce Rhedingeriani codicis annotavit, *Existimo opus esse frag-*

mentatum, ut & alia multa, quæ ad nos pervenere: sed fragmenta etiam reliqua male digesta atque confuta vix dimidiatum Catonem, vel potius disjecta membra Catonis exhibere. An dicamus, hic etiam esse, quæ non sint Catonis? Suspicionem movet Plinius. Hic enim 17, 14, f. 24 de Catone loquens, *Ex iis, inquit, quæ commentatus est Cato, facile apparet, illa ætate inter lignum & corticem, nec alio modo inferere solitos.* At noster cap. 41: *Vitem sic inferito — eam mediam diffindito*, rel. Et paulo post: *Vitem teneram præacuito, obliquo inter sese medullam cum medulla libro colligato. Tertia infitio est: Terebra vitem — pertundito.* Sed fateor, quo minus in argumento negante, ut ita loquar, omnia tribuam Plinio, novo scrupulo impediatur. Negat ille *prunorum neque silvestrium, neque aliorum mentionem a Catone fieri* 15, 13, f. 13. (quod idem de oleo ficticio 15, 7, f. 7. ac de mespilo arbore 15, 20, f. 22, de amygdalis autem lubie negaverat 15, 22, f. 24) cum tamen ipse 18, 6, f. 7, n. 2. inter notas boni soli, quas Catonis maxime verbis se ponere dicit, *prunum silvestrem* referat. Item Plinius 22, 25, f. 61 *alica*, dicit, *res Romæ est — nondum arbitror Pompeji M. ætate in usu fuisse.* Sed noster c. 76 ad placentam suam adhibet. Verum hic quoque Plinii culpa videtur: siquidem *Alicarii* jam Lucilio noti fuere, auctore Charisio, L. 1. p. 75, & *alicarias reliquias* habet Plautus Poen. 1, 2, 54. Cum autem illud ipsum maxime liberare possit Secundum, manet utique suspicio illa adversus hodiernum Catonem mota: qui undecunque sit, congeries est parum digesta *oraculorum*, quæ Plinius

vocat, veri & *Prisci* Catonis (Horatianum illud epitheton tribuunt illi etiam inter nomina libri antiqui) tum formularum & descriptionum ab ipso utique primum profectarum, sed, quantum ad architectonicas v. g. a cap. 18 ad 22, ita varie corruptarum, ut nusquam fere minus intelligatur, plus tenebrarum & sudoris adeo offundat interpretibus. Sed qualiscunque est, hoc quidem jam Catone contenti simus necesse est. Incredibilem codicum varietatem etiam, præter cetera scriptoribus omnibus communia, ortam esse arbitror, primo ex ipsa illa formularum & descriptionum obscuritate, in qua facile nimis fuit errare imperitis hominibus; tum inde etiam, quod correctores nunc ex Varrone atque Plinio Catonem, nunc contra emendare aggressi sunt.

II. Quæ communia cum reliquis rusticis fata habuerit, deinde dicetur. Jam illud monendi sumus, post PE. VICTORIUM diligenter inprimis tractatum esse Catonem ab ADR. TURNEBO in adversariis, quibus strenue usus est AUSON. POPMA: an satis liberaliter, alii existiment. Certe in suas areolas transtulit pluribus in locis Turnebi explicationes & emendationes, ubi verbum de Turnebo ipse nullum fecit. Exemplum funto, in quæ primum nunc incidimus, *placentæ, spiræ, scriblitæ, encyui, ernei, spartitæ, favilli* descriptiones apud Catonem c. 76—84, quas eodem plane modo explicaverat Turnebus 23, 10. Laterculos Cat. 109 sic interpretatus fuerat Turnebus 30, 6. Plura hujus generis in Varrone dabimus. Edidit igitur Popma Catonem cum reliquo-

rum ipsius scriptorum fragmentis, quæ a se collecta dicit (sed fecerat idem diu ante Riccobonus) in officina Plantiniana 1590, 8. quæ quo minus vendi posset editio, offecisse videtur Commeliniana omnium rusticorum, paulo post emissa. Igitur rescisso veteri novum titulum agglutinari reliquis exemplis iussit Raphelengius, adjecto annotationum Meursianarum insigni auctario. Novus titulus ita habet: *M. Porci Catonis de agricultura s. de re rustica liber: post ultimam A. Popmæ editionem centum amplius locis auctus correctusque studio atque opera Jo. Meursii. Item fragmenta ejusdem scriptoris ab A. Popma diligenter collecta restituta. ex offic. Plant. apud Christoph. Raphelengium 1598, 8.* Illud de Commeliniana editione non dictum temere, inde etiam arguas, quod iniquior est in illam Meursius in præfatione, quam deinde damus loco XIII. Separatim etiam vendita quædam Meursianarum notarum exempla inde colligo, quod non nova modo paginarum series in iis notatur: sed, quod prima illarum plagula litera B signatur: ut intelligamus, τῇ A tributum cum præfationibus libelli titulum. Minutiora hæc fortasse videantur: sed cum mutatis personis eadem agatur sæpe fabula, interest harum artium non esse ignarum, qui in libris versetur. Meursianarum emendationum fundus est Basileensis Catonis Varronisque editio 1521, 8, quam cum Colonienſe Gymnici convenire, ipse non negat, & collatio ipsa me docuit. Cum igitur v. g. ad Cat. 10, 4 ex Codice suo, quem mirificis maſtat laudibus, *dolia olearia XV* laudet, is autem,

non minus quam reliqui ante Victorium libri typis incusi, *decem* habeat: errorem nescio cujus putavi, nec rationem ejus in varietate lectionis annotanda habui.

III. Et sane magnam partem notarum Meursii ita compendii fecimus. Prope enim ab infania abesse putabam adscribere annotationem unum alterumque versum impleturam, qua nihil disceret lector aliud, quam quod jam supra brevi nota unius alteriusque literæ satis aperte indicatum esset. Atque hoc quidem eo consilio factum est, quod nemo facile improbabit. Sed alias etiam quasdam tum Meursii tum Popmæ notas suo loco frustra requires, si forte id agas, Lector: cujus rei reddenda hic ratio est, ne quis alio, quam opus est, accipiat. Deceveramus initio in quatuor quasi classes dispescere, quidquid ad illustrandos hosce scriptores pertineret, atque in prima classe ponere lectionis varietatem, eo modo, quem secuti etiam sumus, in altera breviores annotatiunculas, quibus sententia redderetur clarior, easque & ipsas verbis auctorum subjicere; tertiæ autem assignare uberiores disputationes, quibus vel lectionis redderetur ratio, vel argumentum ipsum copiosius explicaretur; denique in indicem conjicere ea omnia, quæ ad singularum vocum significationem atque usum pertinerent. Eam vero rationem, quam nunc etiam optimam judicamus & omni lectorum generi accommodatissimam, quaque usum ex parte aliqua video in Aretæo nuper illustrem Boerhaviū, servare aliæ quædam rationes non sunt passæ, evenitque, quod est apud

Cornicum, quæ mihi putaram prima in experiundo repudio. Hic igitur factum est, dum dispersæ jam & in suas sibi stationes divisæ annotationes in Catonis priora revocantur, & sub vetera signa rediguntur, paucae quædam in indice ut manerent, quædam moratorum instar palatæ sero tandem in addendis collocandæ essent. Spero tamen nullam esse vel Popmæ, vel Meurfii animadversionem ita prætermittam, ut non illius ratio vel in varietate lectionis, vel alterutro locorum, quos dixi, habita sit. Ceterum, redeundum enim in viam est, iterum recensuit Catonem, & notas tum suas, tum Meurfii, suumque de instrumento fundi librum addidit, Aufonius Popma Franekeræ 1620, 8. cujus ipsius quoque editionis rationem, quoties a superiore diffentit, habuimus. Popmæ præfationem neutra habet, posterior nec Meurfii. Quoties cum Varrone Cato f. editus, quoties item cum reliquis rusticis, deinde indicabitur. Codex Catonis MS. membranaceus recensetur in Montfauconii Diario Ital. p. 304 alius ibid. p. 313. alius denique p. 393. Neapoli in bibliotheca S. Jo. Carbonarii esse Catonem de re rustica Thom. Bartholinus narrat de peregrinat. Medica p. 26. Recentioris notæ a. 1472 scriptus, & monstrofe vitiosus est membranaceus item codex, qui asservatur in Rhedingeriana bibliotheca Vratislaviæ, cujus specimina plura ad me misit humanissimus cum viveret senex Kranzius: conjeceram autem in chartam loca inprimis difficiliora, & quæ opem a bonis libris expectare mihi videbantur. Cum ea parum aut nihil juvari viderem, nolui abuti optimi senis

facilitate, vel arca Thomæ Fritschii in re parum, ut suspicabar, ad summam profutura. An recte conjectaverim, ipsi lectores judicabunt, quibus inspicendam omnem, quæ nobis innotuit, hujus quoque codicis varietatem exhibemus. Hæc de Catone.

IV. M. TERENTIUS VARRO *jam eloquentem* Sæfarnarum beneficio *agricolationem expolivit*, (Col. 1, 1, 12) tum quod methodum ei applicavit divisionibus subtiliter institutis, quas deinde accurate plerumque persequatur (vid. v. g. 1, 5, 3 & 4. 1, 37, 4. 2, 1, 12. 3, 3, 1 sqq.) tum quod genere dicendi utitur erudito, quod polymathian, Græcam præsertim literaturam, ubique respiciat. Hinc *etymologias* (vid. Indicem hac voce) sectatur, ut auctorem librorum de lingua latina facile agnoscas, collocutores etiam & personas quasi ludi sui deligit, quorum nomina ad res, de quibus agitur, apte cadant: *proverbia* admiscet pluscula (vid. Indicem h. v.) antiquitatem in rebus & verbis, leges, historias, fabulas, passim docet obiter, dictionem suam translationibus ubique pæne exhilarat (vid. Indic. *Metaphora*) doctumque & abstrusius dicendi genus sequitur perpetuo (vid. *Pleonasmus*, *Synefis* in Indic.) Integrrior ad nos pervenit Catone, nisi quod suspicionem nobis movit locus 1, 5, 4, quam ibi indicavimus, & versus finem vulnera aliquot habere insanabilia videtur: denique a Plinio 18, 29, f. 70 laudatur Varronis locus, qui ad rusticam rem pertinet haud dubie, sed in libris nostris non invenitur: *Varro auctor est, si fidiculæ occasu, quod est initium auctumni, uva picula consecratur inter vites, mi-*

nus nocere tempestates. Si bene coniecit Justus Lipsius Var. Lect. 3, 21, (quem mihi indicavit δ πᾶν Fabricius) cum apud Nonium 7, 82 legi voluit *de re rustica*, pro eo, quod legitur vulgo *de rerum natura*: si recte illi, quamquam non laudato, nec ulla varietatis mentione facta, obsecutus Mercerus, eum titulum restituit: etiam illo indicio constabit, non integrum esse hodie Varronem, apud quem, nisi parum attendi, non sunt hodie verba illa *Ne familiæ rixent cum vicinis* (*rixentur* male scribitur in Merceriana, & contra consilium Nonii.) Confer. quæ dicimus ad Varr. 1, 13, 6.

V. Si igitur, ut illuc redeamus, passus est injuriam seculorum Varro; at in hoc est felicior, quod sospitatorem est nactus, acutissimum monstrosarum sæpe lectionum, quas Victorius ex MSS. Codicibus protulerat, interpretem, an conjectorem? JOSEPHUM SCALIGERUM; cujus notas, si titulo fides est, primum edidit cum reliquis anno 1573, 8, Henricus Stephanus: vocat enim *non antea editas*. Ex hac editione tum alias notas, quas postea delevit Scaliger, revocavimus (ad 3, 17, 4. *quos proinde*, & ibid. *quam illi in Lydia*) ne quid talis viri pereat, tum imprimis ad 1, 2, 10 nobiles Mureti versiculos Trabeæ suppositos atque Accio. Reliqua ad Durdrechtanam 1619 editionem fere exegimus, non neglectis etiam, quæ in margine annotatæ sunt lectiones, quas Aldinas fere esse, jam Cl. Pontedera ad 1, 12, 4 observavit. AUSONIUS POPMA etiam hunc dedit cum notis & conjectaneis ex offic. Plantin. 1601, 8. Sed minus etiam, quam in Catone fa-

Etum observavimus, candori suo pepercit, ita passim alienis inventis auctore dissimulato pro suis utitur. Hoc temere non dici comperiet, si quis inspicere volet & comparare annotationes ad 1, 23, 3. 1, 45, 3. Illud *inigere est utile* 2, 2, 12 debetur Urfino. Add. 2, 2, 13 & 2, 2, 18, ubi duas Victorii notas, præcedentem & sequentem, compilavit. Add. 2, 3, 8. 2, 4, 10. 2, 4, 11, ubi locum Strabonis e Scaligeri nota ad *Tomacina* sumsit. Eidem Scaligero quoque debentur notæ ad 2, 5, 14 & ad 2, 9, 7, ad 2, 11, 2; Urfino autem, quæ ad 2, 9, 9, itemque ad 3, 1, 2 adscripsit; denique, definendum enim est, Victorio ea, quæ leguntur ad 3, 5, 9. Illiberale sane facinus, & dignum iris Scaligeri, qui vero mire locutus est, si dixit ea, quæ tribuuntur illi in Scaligeranis secundis, 3 quem locum indicavit nobis Cl. Schœttgenius, ut & alterum e Scaligeranis primis p. 19, ubi dicitur notas in Varronem de R. R. confecisse Scaliger anno ætatis xxv. Sed de Popmæ notis illud adhuc dicendum. Mirifice corruerunt eas librarii, & minime ex dignitate Plantiniana officinæ ediderunt. In mediis vocibus, ut hoc utar, est interpunctum, toti versus geminati, & alia id genus flagitia. Quæ satis aperta erant, ea restituiimus, non sane pauca. Erant etiam, de quibus suspicaremur, sed quæ pervestigare tempore inclusi non poteramus. Illud quidem nemo, qui superiorem editionem in-

3. *Popma a pauvrement fait sur Varron. O les pauvres jugemens que ceux de Popma! celui qui a fait sur Varron &*

Salluste, stercore collegit. (At descripsit Scaligerum & magnos viros alios!) Je me moquais tant de lui à Geneve.

spexerit, negabit, multo jam commodius eas notas emendatiusque legi. De MSS. illud adhuc unum indicamus, unum esse Vratislaviæ in bibliotheca Rhedingeriana seculo scriptum XIV, lemmatibus & capitum distinctione carentem, de quo non audebamus negotium faceffere humanissimo Kranzio, quod non nimis multa speraremus a codice, qui nos in ornithonis descriptione, quam submiserat senex optimus, & paucis alijs locis dubiis, destituisset. Plus opis attulit collatio ex antiquo codice facta a THEODORO RYCKIO, quam Perizonii rogatu cum Schoettgenio communicaverat Jo. Theod. Schalbruchius, Amstelodamensis Lycei professor meritissimus.

VI. DE COLUMELLA paulo accuratius agendum, cum ille totus noster sit, Cato & Varro inprimis propter reliqua scripta ad aliorum quoque curam pertineant. Hujus igitur vitam scriptam esse ab Jo. Argolo Talioquitienfi non tantum ex Teifferio p. 160, & libro Italico *Glorie degli incogniti* p. 163 observavit Lichtenhahnus, Medicus in Saxonia celebris, cujus manu passim notatum exemplar Aldinum scriptorum rei rusticæ pervenit ad J. H. Schulzium medicum & philologum clarissimum, verum etiam docuit me per literas Fabricius, eam laudari in Nic. Comneni Papadopoli hist. Gymnasii Patavini T. 2. p. 140. Addit vir summus, *Promissam video in elogiis Academicorum Incognitorum* p. 195. Utrum is idem sit liber, cujus Italice modo titulum Lichtenhahnii fide retuli, jam non disquiro. Utrum multo plura dederit Argolus, vel dare adeo poterit, quam ex ipso opere viri constant, nescio. Quæ

illa sint, hic repetere nihil opus est, cum in indice auctorum sub Columellæ nomine posuerimus. Ex eo, quod Syriam Ciliciamque se obiisse indicat 2, 10, 18, forte non injuria collegerit aliquis, cum imperio, certe cum potestate, ibi eum fuisse. Ea conjectura fuerit tanto minus improbabilis, si ex eodem indice auctorum de patruo ipsius Marco, aliquis volet cognoscere: qui idem docet, quoties Columellam Palladius laudet, Vegetiusque. De ætate certius statui inde potest, quod Senecæ viventis & florentis vineas commemorat 3, 3, 3: atque Cornelium Celsum, suorum temporum virum nominat 1, 1, 14: passim ipse citatur a Plinio majore. qui quidem non nimis illi æquus videtur fuisse, cujus rei vel testimonia vel indicia proferimus ad 2, 2, 19. 2, 9, 8. 2, 15, 4. 2, 16, 4. 2, 21, 5. 5, 6, 20. 10, 407. An pungat illum 1, 6, 3, itemque in ipso operis sui procemio Palladius, ad ea disputamus: injuria quidem certe in procemio, si hoc voluit. Ita enim profecto disertus est Columella, non ut argumentum simplex, quod doceri amat, dicendo obscurer, quod Palladio facilius aliquis obijciat, sed ut clarissima luce perfundat omnia, & mereatur non illud modo. Vegetii, *Columella abundavit dicendi facultas*, sed illud quoque Theodori Bezæ Epigramma, quod non in Fabriciana tantum bibliotheca, sed hic etiam legi dignum est:

Orphea mirata est Rhodope sua fata canentem,

Si modo Virgilii carmina pondus habent.

Tu vero, Juni, silvestria rura canendo

Post te ipsas urbes in tua rura trahis.

O *superi, quales habuit tum Roma Quirites,*

Cum tam faciendum viderit agricolam.

Nimirum interdum quasi vela laxat orationi, ubi argumentum vim dicentis recipit, ut in præfationibus fere, &, ut exemplis ex medio opere petitis utamur, 3, 10, 9 sqq. 3, 21, 2. 7, 12, 1. 8, 8, 10. ubique autem copiosus est, & ut rura, quæ coluit, læta quadam ubertate nitens & splendidus. Quam felicem verborum copiam habuerit, existimare licet, si synonyma quædam illius proferamus. Quam diversimode de caseo loquitur? *Lac cogitur, conducitur, concrefcit, congelatur, glaciatus est caseus: plantas translatas aut insitas coalescere dicit, convallescere, comprehendere, tenere, respondere.* Plantæ eædem apud ipsum *ponuntur, differuntur, panguntur, disponuntur, deprimuntur, feruntur, differuntur, transferuntur, deponuntur, depanguntur.* Sed se, quod difficile erat, superasse, & ipsam naturæ matris varietatem æmulatus videtur in re simplicissima & quotidiana exprimenda. Operæ pretium est ipsi paulum auscultare. *Agit arbor colicutum, folia, gemmas: citat virgam vitis: creat palmes materiam: dat materias, edit frondem prima germinatione ulmus: effunditur vitis in materiam frondemque: egerminant vites: ejicit ex se vitem, sarmentum (quamquam hoc solius forte Varronis est) emicat in jugum palmes: emicat celeriter nux posita: emittunt oculi pampinos: enascuntur rami: evenit serius arundo: evomit solum herbas: exit herba: exigit palmes uvas: facit caulem cicuta: fruticat e trunco vitis: fundit vitis pampinum: gemmant palmæ: germinat vitis ex singulis gemmis*

Scriptt. R. R. Vol. I.

b

compluribus materiis cum fructu : incitatur vitis : mittere radículas : procedit sarmentum , germen de cicatrice , e tenero nepos : prodeunt semina : procreatur palmes : profundit vitis ex infuso germen , profundit se supra modum numerus palmitum : progemmant palmæ : progerminant , promunt se , profiliunt vites : promunt ulmi sameram : prorepunt undique pampini : prorumpunt novelli caules : provenit palmes ex duro : pullulascit , pullulat vitis : repullescit vitis novis frondibus. Sunt quadraginta prope formulæ , cultæ omnes , nitidæ , rem unam eandemque mira quadam venustate signantes.

VII. De libro , qui de arboribus inscriptus est , totoque adeo Columellæ consilio , dictum in præmio illius libri ab Aldo , a Cl. Pontedera , & a nobis denique. Nunc illud addimus. Diximus , videri Columellam primum tribus aut quatuor libris rem omnem rusticam esse complexum , in quorum numero fuerit ille de arboribus , solus hodie suorum fratrum superstes. Jam si ponas quatuor fuisse , omnes aliquamdiu superstites , habebis , computato integro , quod adhuc legimus , opere XII libris concluso , *sedecim* illos , quos laudat Cassiodorus divin. lection. c. 28 ; qui locus Cl. Fabricio scrupulum movit. Post Palladium delituisse videtur Columella , cum illum accommodatiorem rationibus suis putarent agricolæ , ea credo causa , quod & lingua magis ad barbariem declinante , & illa in menses divisione usus est. Certe Pe. Crescentius , qui Catone , Varrone , Palladio , frequenter utitur , nusquam , quod recorder , Columellæ meminit. Tanto magis gratulandum

nobis est, quod tot tamen codices ætatem tulere. 4 Commemorat plures Fabricius, & in his primum ex fide Menagii, qui ad Diogenem Laertium p. 54 edit. Wetst. laudat Columellam monasterii Corbejenfis, qui hodie Parisiis asservatur in bibliotheca S. Germani de pratis. Hunc eundem puto, quem Nic. Heinſius sæpe laudat ad Ovidium, unde plurimas ipsius observationes & emendationes depromere Cl. Schoettgenio & mihi licuit. Quin aut valde fallor, aut idem est Gœſianus ille, de quo deinde dicetur. Pergit Cl. Fabricius: *Alii tres MSS. exstant in bibliotheca Medicea.* Horum uno alteroque usus forte est amicus ille Pontederæ & literarum Georgius. Quin suspicari fas est, in Mediceis numerari nunc, & jure quidem, eosdem, quibus usi sunt primo Angelus Politianus, ac post eum Pe. Victorius, quod & ipsum in hujus editionis apparatu erit commemorandum. De illo quidem vix dubito, quem quartum numerat, ac Venetiis exſtare dicit Cl. Fabricius in bibliotheca S. Marci, eundem esse, quod duumviri modo laudati usi sunt, nec Venetiis quærendum, sed Florentiæ, apud sodes Divi Marci (nam & ibi colitur Evangelista;) vel in ipsa adeo Medicea: de quinto enim, qui Augustinianorum S.

4. Laudavit Fabr. B. Lat. T. 2. p. 680. locum Poggii Florentini ex dialogo de infelicitate Principum, ubi inter inventos ab illo auctores Latinos, qui ante detruncti & deformes erant, etiam Columella ponitur. Quod si

ita est, miror, qui factum sit, ut neque primi typographi, neque Angelus Politianus, neque Victorius, ejus rei aliquam mentionem fecerint. Quid si Mediceæ bibliothecæ Poggiani illi codices Columellæ illati sunt?

Galli fuit a Politiano Victorioque adhibitus, plane dubium non est, quin inter Mediceos sit referendus. Quæ cum ita sint, probabile mihi est, quartum & quintum Fabricii codices, sub tribus Mediceis contineri. Æquum est autem, omnes, qui magna sua cum commoditate utuntur quotidie Fabricianis thesauris, non tantum comiter ferre, si is non viderit omnia: sed etiam pro virili quemque sua nummos aliquot in divitem gazam conferre. Nos quidem hac præfatione tale quid conamur, non autem, quod emendari possunt quædam in libris præstantissimis, viro multis nominibus amabili exprobrare. Addi igitur Fabricianis potest Codex Columellæ collatus, qui exstat in bibliotheca Ed. Bernardi n. 7478, No. 132, p. 227. Catal. MSS. Angliæ: itemque quem Neapoli esse ait in bibliotheca S. Joannis Carbonarii Thomas Bartholinus de peregrinat. Med. p. 26. Sed huic nostræ editioni duo præsertim MSS. profuerunt. Primo Guil. Gæsius Columellam cum optimæ notæ Codice contulerat ad editionem Colonensem; eamque collationem editioni Parisinæ 1533 adscripserat Janus Broukhufius; qui liber deinde pervenit in bibliothecam Lipsiæ conditam a Jo. Jac. Kæfio, consiliario regis Poloniarum & senatore Lipsiensi, in quam vir ille rei rusticæ studiosus non magis quam peritus magnam vim librorum ad omnes ejus partes pertinentium congefserat. Ex hac igitur bibliotheca primum utendam acceperat Cl. Schoettgenius, deinde etiam mihi ejus copia facta est per THOMAM WAGNERUM Ictum & consiliarium regium,

inter maxima decora sua agricolam etiam & rusticum politissimum. Hinc lectiones omnes etiam in nostram collectionem relatæ sunt. Non autem procedit ea collatio ultra Col. 8, 11, 4: sive non plura habuit antiquum exemplar, sive fatigatus est Gœsius aut Broukhufius 5 adeo. Si prius est, damno conjecturam illam, qua videbatur mihi idem ille Codex San. Germanensis esse, ad quem provocat sæpe Nic. Heinsius: hujus siquidem emendationes ad finem fere librorum progrediuntur. Ceterum adeo sæpe inter se conveniunt, quæ Heinsius laudat, & quæ profert Gœsius, ad cujus familiam illius pervenisse libros constat, ut mirum sit, si sint diversi: si quando dissentire videantur, ut v. g. ad 6 pr. 7; potest fieri, ut conjectura Heinsii *Atticis*, pro lectione ipsius libri *Atticus* arrepta sit. Cum vero salivam eruditis movissent merito Heinsianarum illa emendationum specimina, tentavit quidem aditum ad ea-scrinia Schoettgenius, sed responsum tulit triste, *non consensuros esse heredes Heinsianos, ut thesauri isti exteris concedantur*. Bene igitur est, quod vel invitis quibusdam hominibus materia certe, in qua versatum est ingenium Heinsianum, publici nunc juris facta est, qua uti omnes in posterum possint. Præter hoc editionis nostræ ornamentum multis etiam locis salutaris fuit Codex depromptus e bibliotheca amplissimi Ordinis Lipsiensis, thesauro tam referto optimorum librorum;

5. Editio Ro. Stephani collata cum veteri codice Wilh. Gœsii usque ad Lib. VIII c.

8 fuit in bibliotheca Surenhus. p. 63 cum notis MSS. viri docti Fabric. in literis.

quam præclarum semper fuit ille ordo virtutis, doctrinæ, humanitatis quasi armamentarium. Hujus cum jam multas lectiones annotasset Schoëtigenius, visum tamen est, opportunitate ita ferente, totum de integro codicem conferre, cujus laboris nostri non poenitendum ad Columellam & lectores nostros fructum redundare putamus.

VIII. Sed jam porro de hoc scriptore separatim qui meruerint videndum est. Hic interpretes excipio, quos deinde commodè uno quasi fasce comprehendemus. Jam PETRARCHÆ in Columellam notas in bibliotheca Vaticana aliquando exstitisse, deprehensum a se ait ex adversariis philologicis intimi sui Jo. Rhodii, Jac. Phil. Thomæsinus in Petrarchæ rediv. c. 7. p. 34. Sed ille quidem labor meo ne perierit, vel si exstat, ut multum inde juvari Columella possit. Plura expectare poteramus a PE. NEEDHAMO, qui Geoponicis edendis, quantum in eo genere posset, declaravit (vid. Act. Erudit. Lips. 1724 p. 376); sed ille fato nuper functus, anno seculi XXXII, spem nostram destituit, non minus ac Menagius, qui idem consilium indicaverat ad Diog. Laert. p. 54. edit. Werst. Quid si hoc reservatum est Abrahamo Gronovio V. C. qui non alia de causa negavit mihi avi sui, cui principatum in hoc doctrinæ genere deferre soleo, observata in Columellam, quem diligenter lectitasse & emendasse mihi constabat, quam quod ipse cogitaret in lucem ea proferre. Utinam, inquam, ea felicitas contingat Viro clarissimo, ut Needhami & Menagii curas adjicere avitis aliquando possit. Nunc

ad ea veniamus, quæ habemus. PHILIPPUS BEROALDUS præfatus ille quidem est paucissima jam in editione Bonon. 1496 fol. in cujus titulo etiam *cum exscriptionibus D. Philippi Beroaldi* dari hi scriptores dicuntur, h. e. si recte interpretor, ex recensione Beroaldi. Annotationis enim plane nihil hic comparet; sed lectio a mendis Jensonianæ, quam alioquin preffe sequitur, sic satis diligenter purgata. In editione Regiensi 1499 eadem præfatiuncula Beroaldi habetur, ad nomen typographi accommodata: sed notas ipsas non vidi prius editas, quam in Ascensiana 1529 fol. & cum ibi dicantur literarum serie digestæ, suspicari licuit, alio habitu, ad seriem nimirum ipsius Columellæ, fuisse initio dispositas: in Georgii quidem Merulæ explicationibus ita factum, deinde observabimus. Post Ascensianam repetitæ sunt illæ Beroaldi explicationes, a Galeoto, a Gymnico & a Gryphio. Nos primo cogitaveramus, quales sunt, indici nostræ inferere integras: sed procedente opere, tum multa in iis deprehendimus bona illa quidem & necessaria adeo, cum proderet Beroaldus, sed postea per Lexica omnia sic vulgata, ut sine emtorum lectorumque injuria repeti hodie vix posse viderentur⁶: alia quædam potius ad emendandum Columellam pertinere

6. Quid v. g. attinebat referre in indicem, quæ de verbo *decussare* habet Beroaldus, ac de perfectione numeri denarii, cum jam agnovisset præsertim, *Græcam* *lit-*

ram., quam nominat Columella, esse $\chi\bar{\iota}$. Ita quæ de conjugatis *fibula* disputat ad 1, 6, 13. sunt ea bona; sed olim in Fabro leguntur declarata accuratius &c.

videbam, quibus olim obtemperatum esset in superioribus editionibus, sed nulla tamen viri mentione facta. Hic illud mihi curandum putavi, ut memoria hujus meriti exstet; igitur, in notis tum prioribus, tum post in addendis, quidquid ad hanc classem pertinet, suo auctori vindicavi: explicationum autem tantum servavi, ut habita illa, quam dixi, ratione, potius tamen justo liberalior, quam restrictior videri mallet: scilicet, quæ ad privas voces pertinent, eas indici inserui, alias autem inter annotationes reliquas collocavi.

IX. Supereſt, ut de decimo libro Columellæ five hortulo aliquid dicamus, quandoquidem ille privatim suos sibi eſt fautores naſtus; credo quod carmine venuſto ſcriptus, & parvæ molis eſt. Eſt igitur penes J. H. Schulzium, medicum & philologum nuper Altorffi, nunc apud Halenſes clariffimum, libellus antiquiſſimus, & in ipſa typographiæ infantia excuſus, niſi fallit expreſſionis ratio adeo imperfecta ac vitioſa, ut cum vitioſiſſimis MSSis certare poſſit. Hic igitur libellus in principio hanc habet præſcriptionem: *J. Moderati Columellæ hortuli commentarium incipit feliciter.* in fine autem legitur: *Commentarium J. M. Columellæ finit.* In hoc commentario, quod plagulas tres cum dimidia implet, habentur explicationes, quas pleraſque omnes & multo plures damus nomine Julii Pomponii Fortunati inſcriptas: ſed ita corrupte ſcriptæ, ita multis verborum compendiis (in charactere non Longobardico, ſed Romano erecto, quem antiquum vocant typographi) implicitæ, ita denique traje-

tæ, truncatæ, repetitionibusque deformatæ, ut magistri cujusdam dictata, a discipulo neque docto neque diligente scripta, & imperitissime typis mandata, sine ipso Columellæ carmine, appareat. Emendatiora pleraque & pleniora, nec tamen illa valde præclara sunt, quæ adscripto nomine JULII (in edit. Regienſi JUNII) POMPONII FORTUNATI circumposita versibus Columellæ leguntur in Bononiensi 1494, Regienſi 1496, & Juntina 1521 7 (nam Aldus & Juntarum prior contempsere) itemque in Ascensiana 1529, ubi intextæ sunt *annotationes virorum illustrium Baptiste Pii & Philippi Beroaldi, & aliquot aliorum*. Cur dicatur *aliquot aliorum*, non video: certe unicam observavi Jac. Constantini Fanensis ad v. 178, & pauca hinc inde ab Ascensio, ut videtur, Pii observationibus adjecta: sub eo quidem nomine edi curavimus, quæ in Gruteriana lampade (e qua describendas jam curaverat Cl. Schoettgenius) non inventa dederat Ascensius: cum tamen alioquin illa Gruteri editio quibusdam locis sit plenior. Sed de Fortunato pariter ac Pio aliquid hic dicendum est. De illo Pyrrhus Perottus præfatione ad patrui sui cornu copiæ, *Pomponius*, inquit, *Fortunatus, vir seculo nostro doctissimus & Romanæ Academiæ princeps — Nicolaum Perottum Sipontis Pontificem patruum meum hortatus est, ut M. Valerium Martialem &c.* Non dubito, quin idem hic sit, cujus in Virgilium commentarii, cum editioni jam parati essent a. 1486, demum in lucem prodierunt

7. Sed vid. quæ dicentur in Indice editionum.

opera Jo. Oporini Basileæ 1544, 8. Cum non vulgata sit hujus viri notitia, juvat ex præfationibus hujus libri docere, quæ ad virum memoria dignum pertinent. JULIUS igitur POMPONIUS SABINUS hic, a patria, credo, semper vocatur: unde FORTUNATI nomen illi hæserit, in Commentarii ad Columellam inscriptione usurpatum, non habeo dicere. Hujus viri in Virgilium commentaria jam 1486, quod diximus, vulgare typis in animum induxerat Daniel Gaitanus, eumque dedicaverat Petro Mannæ, insigni Grammatices & Rhetorices propagatori, quem Cremona quadraginta jam annos legentem, & ex pectore, non ex ore, recitantem tum audiverat, ad quem confugiebant ex ultimis Cisalpinæ Galliæ partibus magnorum principum gnati cum pædagogis erudiendi; qui, quoties plenissimo auditorio legebat, ingenua & liberalis juvenus singula tanto studio annotabat, ut nulla alicujus didascalica, quam ipse, doctior effici posse arbitraretur: cujus etiam dictata in Ciceronem, Sallustium, Plinium, Livium, Tranquillum, Cæsaris commentarios, (hos libros omnes ad manus habebat) in Ovidium, Lucanum, Silium, Juvenalem, Martialem, Catullum, Propertium, Tibullum, Oratium, Papinium (quorum singulos sæpius perlegerat) præcipue vero in Maronem, miris laudibus effert Daniel. Huic enim Petro Mannæ, quod dicere cœpimus, suo præceptor, Pomponii commentarios dedicat, hac formula usus: *Quare tot tuis cumulatus beneficiis & meritis, Petre præstantissime, hoc meum pignus, mihi vita carius, quod præ omnibus thesauris & deliciis meis, ne ulla pila sive columna venale haberet, congestis un-*

dique saccis incubans hætenus servavi, non potui diutius penes me continere, quin palam facerem, tuoque ductu & auspicio illud adjutum omnibus Vergilianum poema interpretantibus impertiri non dubitarem — Adest itaque Pomponius Sabinus, vir nostri temporis doctissimus: cujus exactissimum Opus in Virgilium viri docti quanto diutius expectaverunt impressoribus tradi, tanto fortasse — Sed ad Sabinum meum redeo. Is est unus, qui in præclarissima illa ac felicissima beatissimi Pii Pontificis Secundi academia optimas e situ literas in lucem capiti afferere, & mystica illa veterum annalium apophthegmata miro ingenio dilatavit: nec adhuc parci quotidiana antiquorum Græcorum uti consuetudine, quos adhuc inclita urbs Roma, cunctarum gentium regina & imperatrix, ad sui contemplationem trahit, & notas in æs & marmor incisas scrutari. unde conjecturis non solum colligit, sed argumentis quibusdam, esse nonnihil, quo adhuc Latina lingua indigeat: & multa in manibus sunt, quæ propediem lucem habebunt. Hæc Daniel Gaitanus ex urbe Cremona 1486. Verum eo quidem tempore non est typis mandatus ille Commentarius, sed quacunque de causa latuit in tenebris, donec ab D. Arnaldo Arlenio Peraxylo, viro doctissimo, asserendisque ab interitu veterum monumentis nato, nactus illum est Jo. Oporinus, qui 1544 eum edidit, quod diximus, judicatque in præfatione, dignum esse Pomponium hunc, cujus etiam reliqua scripta, quibus a se T. Livium, Corn. Tacitum, Silium Italicum, & alios quosdam explicatos esse non uno in loco testatur, aliquando in lucem proferantur. Profitetur porro Oporinus: Supra sexcenta loca per librarii in-

*curiam corrupta emendavimus, ut non tam alienam, quam nostram ipsius operam tibi commendare jure optimo videri queamus. Tametsi non omnibus etiam mon- stris, quæ se in eo nobis offerebant, conficiendis soli esse pares potuerimus. Hæc paulo verbosius de Pomponio nostro referre tanto minus dubitavimus, quod præfationes hæc omissæ sunt postea, licet recuderentur cum Georgii Fabricii Virgilio Servioque ipsi commentarii. Apparet etiam credo ex his, quæ de Virgilianis commentationibus acta sunt, qui fieri possit, ut nomen suo aliqui merito illustre ferant explicationes & disputationes sæpe mediocres, pueriles sæpe, & plane absurdæ. Nimirum non ipse literis talia mandavit Pomponius, sed excepta a rudissimis bonarum rerum auditoribus in vulgus tandem edita sunt. Itaque suspicor, Pomponianos in Virgilium commentarios, quales primo ad Oporinum pervenere, non multo meliores fuisse illo, quem apud Cl. Schulzium esse diximus, libello. Hinc patet, quid voluerit sibi Pius ad Col. 10, 235. scribens: *Insulsiſſimus interpres Pſeudo — Pomponius; non enim ausim credere, talem mentem in hac errata incidisse.* In hanc sententiam etiam accipi volo, si quid mihi exciderit, quod ad Pomponii injuriam pertinere videatur: itemque illud a me dictum intelligi, quod paulo ante de ejus emendatione commemorabat Oporinus. De ipso JO. BAPTISTA PIO dicere nihil opus est, postquam Pe. Burmannus, quem honoris causa, statore harum literarum debiti semper appello, in doctissima ad Valerium Flaccum præfatione obscuritati nomen & vitam atque*

facta viri eripuit. Hujus viri ad laudem vel illud fatis est, quod Burmannus, *Plurima*, inquit, *jam a me scripto consignata in notis Pii deprehendebam, quæ a me profecta ante credebam, sed quæ a Pio jam occupata esse comperiebam* —. Post hæc non moramur, quæ inclementer passim in Pium Barthius in Adversariis, unde quædam etiam translata sunt ad Col. 10, 40, it. 125, iniquissimumque illud Adv. 28, 14, ubi audit illi *Pius homo omnium bonorum auctorum varo quodam ingenio conspurcator*. Sed addit, verecunde quidem & modeste, *quamquam non varo tamen etiam suæ sponsæ bene colat fundum*. Sed, quod dixi, mihi videbatur veriore candidioremque sententiam dicere Burmannus. Illud jam coepi dicere, annotationes Pii hic dari, ut a Cl. Schoettgenio ex *Lampade Gruteriana* excerptæ fuerant, collata tamen passim Ascensiana editione, quæ interdum potius videbatur sequenda. Video etiam, omissum interdum aliquid a Cl. Schoettgenio, quod vel ipse statim damnaverit auctor, vel quod alioquin ad rem Columellæ plane non pertineret: qua in re, serius inprimis animadversa, standum ipsius consilio putabam. Hæc de Pio. Reliquæ hortuli editiones, in quibus nihil novi ornamentum accessit, in Catalogo, quem deinde texemus, commemorabuntur. Lancilloti expositionem MS. in hortum Columellæ Florentiæ in bibliotheca Medicea pluteo LII esse, narrat Cl. Fabricius.

X. Nunc transimus ad PALLADIUM, de cujus ætate nihil certi videtur posse constitui. Illud quidem fatis apertum, Plinio & Quintiliano non esse

æqualem, quod putabat Christophorus Mylæus apud Scheffer. de re vehic. 2, 6, p. 116. Sed neque Hadriani tempore vixisse potest, qui Apulejum laudet, quo argumento utitur adversus Ludovic. Vivem Casp. Barthius ad Rutilii Itinerar. 1, 207. Neque adhuc, qui nostrum laudaverit, antiquior inventus credo est Cassiodoro, qui divin. lectt. c. 28, *Æmilianus*, inquit, *explanatos duodecim⁸ libros de hortis vel pecoribus aliisque rebus planissima lucidatione differuit*: unde probabile fit, etiam Isidori *Æmilianum* ad nostrum esse referendum, quamquam corruptissime ita laudatur 17, 1: *Cornelius Celsus & Julius Aticus Emilianus sive Columella, insignis orator* (arator Basil. 1489) *qui totum corpus eiusdem disciplina complexus est*. Nobis, dictionem præsertim & deletum prope Romanum genium, *titulorum* item divisionem, ipsamque appellationem adeo, considerantibus, tanto minus falli aliquis videtur, quanto recentiore fecerit. Itaque probabilem, dum certius quid proferatur, judicamus sententiam Barthii, qui suspicatur, Palladium Rutilii itiner. 1, 208 esse nostrum, quod tum commune nomen Rutilii, tum alia ibi commemorata suadent: unde nec Petro Burmanno extra veri speciem ista conjectura videtur. De fundis suis in Sardinia ipse Mart. 10, 16. Utrum vero *Neapolitanum territorium*, cujus ibi mentionem facit, in ipsa Sardinia sit, quod nobis auctoritas præsertim MSS. persuasit, an famosior illa Nea-

8. Debebat XIII, etiam non computato de inscriptionibus carmine. Si est a Cassio-

doro, XII menses tantum cogitasse videtur, in quos descripsit opus suum Palladius.

polis? de eo tanto facilius est disputare, cum etiam ibid. f. 24, in *Italia* plantas grandes ficorum se disposuisse commemoret. Itaque nolim temere erroris postulare Antonium Sanfelicium, qui in libro de situ & origine Campaniæ To. ix thes. Ital. Burmann. ex hoc ipso loco Palladii, eum Neapoli, quæ caput regni est, scripsisse colligit. Indicavit mihi hunc locum Cl. Fabricius. Palladii Codice MS. usus est Barthius, cujus observationes damus ex Adversariis; diversus a Leidenſi, quod apparet ad 1, 9, 3, præſertim ad 1, 9, 12. Affervatur alius in bibliotheca Rhedingeriana Vratislaviæ (quàm in Catione & Varrone jam nominavimus) in titulos diviſus, quorum argumenta ſ. rubricæ interpoſitæ iſſis titulis ſunt: nomen ſcribitur *Rutilii & Emilia-ni*. Ad MS. quod in bibliotheca Salvini ſerveretur, provocat in præſatione ad Facciolum Cl. Pontedera. Quem laudat Felleri Catalogus Palladium bibliothecæ Paulinæ Lipſienſis, eum Cl. Schoettgenius comperit epitomen eſſe barbaram hoc titulo: *Palladii liber breviatus per Gotfridum tractatus primus de plantationibus arborum*, rel. Sed Voſſianum Palladii Codicem, qui in bibliotheca Academiæ Lugdunenſis aſſervatur, accurate conferri juſſit, qui Varroni etiam ſuppetias tulit, vir ſummus Jac. Perizonius, eamque collationem Cl. Schoettgenio miſit, a quo illa porro dextre adhibita, a nobis vero tota in varietatem lectionis relata eſt. Idem eſſe videtur hic liber, quo uſus eſt Jo. Frid. Gronovius, ex cujus observationibus hæc pluſcula relata ſunt. Vid. v. g. ad 1, 6, 5. Quid ſi idem quo-

que a Vlitio adhibitus? conveniunt certe ad Jan.
12, 3.

XL. VEGETII RENATI artis veterinariæ sive mu-
lomedicinæ libros IV ut scriptoribus rei rusticæ co-
mites darem, primo illud me impulit, quod vide-
bam non materiam tantum nostris cognatam, sed
etiam insignem Columellæ locum, apud eum quo-
que legi; ut mutuam sibi opem uterque scriptor
præstare posse videretur. Cum deinde viderem, il-
lud negotium præclare jam actum in tertia Cl. Mor-
gagni epistola, ibique inter se comparatum utrum-
que scriptorem, ut vix quidquam nobis relinque-
retur, abjeceram consilium illud prius; mox tamen
ad illud me retuli, cum præter spem mihi offerren-
tur hinc ab incomparabili humanitate summi viri
JO. ALB. FABRICII exemplum Vegetii cum Corbe-
jensi codice 9 collatum, quod ad ipsum ex Gudia-
na auctione pervenit, unde quamplurimis locis
emendatiorem dari hunc scriptorem posse animad-
vertebam: hinc ab JO. HENR. KROMAYERO, huma-
norum literarum in Academia Jenensi Professore
clarissimo, amico veteri, quem malo harum lite-
rarum fato nuper extinctum nondum eluxi, pri-
mæ editionis exemplar, cum altero Sambuci ac-

9. Adscriptit enim, quis-
quis primus fuit collationis
illius auctor f. Contuli cum
exemplari descripto ex MS.
codice Corbejensis monasterii,
tunc temporis Coloniae apud S.
Pantaleonis deposito. Item il-
lud: Codex Corbejensis opti-

mae notæ admodum antiquus,
literis uncialibus exaratus, la-
cerus tamen & inde (forte hinc
inde) lacunis deformatus.
Quoties deficiat Corbejen-
sis codex, ex nostris notulis
potest intelligi.

curatissimo studio a se compositum. Videbar enim mihi ipse vix reprehensione carere posse, si tantam opportunitatem juvandi operis, nimis fere ad hunc diem neglecti, dimitterem. Ambabus igitur, quod ajunt, amplexus sum munus amicorum, atque illud cum meis conjecturis, & annotationibus, propter alias occupationes, & quod moles operis jam metuebatur, brevissimis, in medium quam potui diligentissime contuli, adjutus aliquoties ab JO. ZACHARIA PLATNERO, medico non minus quam philologo præstantissimo: perfecique, spero, ut nunc majore parte monstrorum, quæ obfederunt Vegetium, profligata, cognosci commodius, & plus utilitatis præbere studiosis queat. Quæ supersunt pauca, ea forte confici & ipsa poterunt adhibito Codice MS. membranaceo, quem inter libros bibliothecæ Cæsareæ philosophicos & philologicos n. LXXXI numeravit Seb. Tengenagelius, quod subjecit mihi Cl. Fabricius, ut & illud, Vegetii exemplum cum notis MSS. fuisse in bibliotheca Cl. Almelovenii; nec non hoc, Codicem MS. hujus operis fuisse Neapoli apud illustrem virum Josephum Vallettam; idque ipsum opus cum aliis Veterinariis esse Noribergæ penes Gottfridum Thomassium, virum, quem & nos experti sumus humanissimum, sed de hac re propter necessariam festinationem nostram compellare volebamus; denique hoc, meditatum esse JO. RHODIUM editionem hujus operis, (id quod observaveram etiam ex ipsius Lexico Scribo. Voc. *Fecula*) atque loca suspecta

Scriptt. R. R. Vol. I.

c

castigari sibi petiisse ex MS. Mediceo aliisque, quod constat ex Epistolis ad Heinsum Syll. Burmann. To. V. p. 447, 449, 456, ubi laudat quoque Jordanum Calabrum de equorum natura, qui MS. in bibliotheca Thuana habeatur. ¹⁰ Loco, quem medium laudavimus, notat Rhodius, in Sambuci Vegetio quædam aliunde accessisse. Et sane compages hujus operis male quibusdam in locis cohæret. Taceo libro secundo, caput secundum, tertium & quartum bis numerari: illud quidem attento lectori patet, 4, 3, 3 sq. haberi introductionem quasi totius operis, certe distributionem, quæ vel principiis ipsis, vel certe libri tertii ex auctoris consilio initiis conveniat: ita quæ 1, 19 & 20 habentur, ea recurringunt 4, 12 *reliqua*: sunt enim plura, quæ ad hanc quæstionem pertinent. Et quid illud, quod Corbejenfis MSti titulus nullam facit Vegetii mentionem, sed ita modo conceptus est, *Digestorum artis mulomedicinæ libri III*? Qui igitur hunc operi indicem præfixit, ille videtur non sola Vegetii nobis dedisse, sed aliunde etiam, inprimis quæ Columella de hoc argumento habet, in unum corpus digessisse. Et sane illud etiam ex varietate lectionis apparet, minime religiose tractatum esse hoc opus, sed diversa exempla a suis dominis ita habita, ut non, quod a Vegetio scriptum esset, rationem haberent, sed quid ipsi convenientissimum

10. Quin etiam illud docet Fabricius, To. 3 p. 137, Casparem Bartholinum Tho. F. jam typographis dedisse

Rhodii suasque ipsius observationes; ejusque operis jam primum folium speciminis causa excusum fuisse.

judicarent. hinc medicamenta Vegetianis substituta, quæ vel commodiora putarent, vel parabiliora e. i. g. a. legentibus enim idem patebit.

XII. De GARGILIO MARTIALI subjicere volebamus, quæ ex bibliotheca Latina mediæ ætatis, quæ hac parte excusa quidem erat, sed nondum, cum ista scriberem, publicata, communicavit nobiscum humanissimus Fabricius, quorumque partem jam in bibliotheca Latina dixerat. Sed cum paulo post omnibus ea legendi facultas futura sit in libro, quo carebit nemo, qui ista legit, ac Cl. Schoettgenius iisdem fere veterum locis usus, justam dissertatiunculam de hoc viro scripserit; eam potius hic exstare, & post præfationes reliquas collocari loco XVI debere, visum est. Illud unum liceat observare, hoc fragmentum, ne Cassiodoro quidem, quem laudat Schoettgenius, potuisse pulchrum videri, itaque mirifice corruptum esse debere: deinde ex eo, quod ex corpore DIGESTORUM ARTIS MULOMEDICÆ Corbejensi desumptum hoc fragmentum testatur, qui descripsit, confirmari conjecturam nostram de Vegetio, quam paulo ante proposuimus.

XIII. Dicendum etiam est aliquid de semivetere scriptore, quem non edimus illum quidem, sed quo tamen sæpe utimur. Is est PETRUS CRESCENTIUS vel DE CRESCENTIIS, ut ipse se vocat, civis Bononiensis, qui, septuagenarius cum esset, scripsit, & Carolo II, Jerusalem & Siciliæ regi (regnabit ab a. 1287 — 1308) dedicavit opus *commodorum ruralium* XII libris comprehensum, *visum, lectum, examina-*

tum & approbatum per sapientissimum virum fratrem Aymericum, Magistrum ordinis fratrum prædicatorum, & per prudentissimos fratres ejus: itemque per peritos in scientia naturali universitatis scholarium civitatis Bononiensis. In epistola, qua miserat opus solum Aymerico, quem modo nominavimus, vestigia mihi hi deprehendere videbar inquisitionis, rei eo tempore vehementer agitatae. *Vestræ*, inquit, *dominationi eundem (librum) grandi affectu offero corrigendum per vestram prudentiam, quæ summa est, & vestrorum fratrum: humiliter supplicans, quod ipseus elimetur rubigo, & quod est utile non spernatur.*— Non enim opus, QUOD DE FIDE NON TRACTAT, reprobari vel sperni — sicut nec eradicatur rosarium quibusdam spinis, si multas redolentes exhibeat rosas, rel. Ceterum de se & vita sua ista quoque in tertia præfatione Petrus: Ego, qui tempus adolescentiæ in Logica, Medicina, & scientia naturali totum consumpsi, & demum nobili Legum scientiæ insudavi, pacifici status anxius, post flendum schisma illius egregiæ urbis, quæ vero & sibi proprio nomine Bononia, h. e. bona per omnia in omnibus mundi climatibus dicebatur, cognovi, quod commutata unitate & statu pacifico in dissensionem, odium & livorem, non erat justum illius perversæ divisionis immiscere negotiis: ideoque annis triginta diversas provincias, cum earum rectoribus circumivi, subjectis justitiam libenter tribuens, rectoribus fidele consilium; & civitates in suo jure & statu pacifico pro posse conservans. Multosque libros antiquorum & novorum prudentum perlegi, & diversus ac varias operationes colentium rura vidi. Demum civitate quo-

*dammodo divina gratia reformata, tadio latæ circui-
tionis — ad propria redii — ad cultum ruris mentem
animumque converti & — aclus & commoda ejus, &
cujuslibet generis agrorum & plantarum atque anima-
lium doctrinam obscure ac imperfecte ab antiquis tradi-
tam, & modernis satis incognitam, de sola Christi li-
beralitate confusus dilucide, tam secundum prudentum
naturalis philosophiæ sententias & rationes apertas,
quam ex approbatis experiētiis, tradere in scriptis pro-
posui. Liber iste ruralium commodorum dicitur. — Non
pœnituit pluscula ponere, cum in quibusdam editio-
nibus omissæ sint, si bene memini, præfationes. Et
sane interest lectoris, nosse aliqua ex parte virum,
cujus testimoniis sæpe deinde non nos tantum ute-
mur, sed Pontedera quoque & Morgagnus; vide
v. g. hujus epistoliam 2, 12. Nimirum Catonis, Var-
ronis atque Palladii (de Columella enim non re-
corder) non sententiis modo, sed verborum longa
satis serie sæpe utitur Crescentius: scripsit autem
eo tempore, quo antiquissimorum illi codicum fa-
cultas esse potuit, ut adeo primæ Crescentii edi-
tiones, nondum, quod postea nonnusquam factum
suspicio, ad veteres scriptores exactæ, instar MSS-
torum esse iis, quas dixi, partibus possint: ac no-
bis quidem non minus, quam præclarus aliquis li-
ber MS. sæpe rebus dubiis, antiquissima editio pro-
fuit. De ea vero, & reliquis, deinde dicetur. jam
illud monemus, Vegetio usum non videri, neque
Hippiatricis antiquis Crescentium: adeo alia omnia,
h. e. barbara, membrorum, morborum, instrumen-
torum nomina; alia medendi ratio: quibus quidem*

rebus omnibus melius illi cum Laurentio Rufio convenit.

XIV. Nunc denique quæ fata habuerint rustici nostri, in quantum juncti fuere, videndum est. Utrum exstet liber manuscriptus, qui omnes illos in unum quasi corpus redactos habeat, non habeo dicere. Susplicandi occasionem præbet, quod inter tam multos, quos laudavimus, adhuc nullus est. Palladius solus defuit illi, quo Victorius usus est, codici, quem describit in præfatione explicationis suarum in hos libros castigationum, qui Catonem, Varronem, Columellam, & Martialem Gargilium comprehenderat, quorum ultimi duo perierant. Igitur, quod norimus, conjunctionem illam suam & necessitudinem debent NICOLAO JENSONIO. quamquam enim ille quoque in tria quasi volumina totum hoc corpus divisit, quorum primo Catonem cum Varrone junxit, quod vel præfationes ternæ testantur, quas deinde damus: ab eo tamen tempore plerumque simul editi sunt, & rei rusticæ scriptores κατ' ἐξοχὴν dicti, etsi eodem jure Georgica Virgilii, & Plinii aliquot libri assumi potuissent. Jensonianam igitur editionem, qua antiquior adhuc nulla, quod sciam, innotuit, curavit præcipue GE. MERULA ALEXANDRINUS, quamquam medium nomen fere in his libris omittitur; non autem recensuit solum tres priores (nam Palladium curavit *Franciscus Colucia Verginensis*) sed etiam enarrationes vocum obscuriorum adjecit, ordine librorum & capitum dispositas initio: quæ in Ascensiana editione primum videntur elementari serie ordinatæ.

De hujus viri vita atque libris quædam dabunt additiones ad Trithemium in Fabricii Bibl. Eccles. p. 233. plura G. Stollus, ob ingenii, morum, doctrinæ elegantiam, ornamentum Jenensis Academiæ merito dicendus, in bibliothecæ suæ historia Germanice nuper edi cœpta p. 15. Nescio an satis sanus sit locus, quem affert ex Gallicis *Novellis* (utemur enim verbo, quod facillime intelligatur, in re novitia) reip. literariæ M. Majo a. 1685. p. 473. *Il traitoit si mal Gilote, qu'il en fut mourir de depit, & de tant de personnes, qu'il attaqua, il n'y en a eu pas une, qui osa mettre la main à la plume, pour se defendre, tant on craignoit d'etre accablé par une replique.* Legitur enim Tomo I Facis Gruterianæ, p. 583 sqq. Cornelii Wittelli Corynthii (melius credo Vitellii Corinthii) defensio Plinii & Domitii Calderini contra Georgium Merulam Alexandrinum ad Hermolaum Barbarum, in cujus procemio tum alias pessime traducitur vivus vidensque Merula, tum sua maledicentia in iracundiam conjecisse accusatur præceptorem bene de se meritum Franciscum Philesum, quæ mortis viro statim causa fuerit. Post hunc PHILIPPI BEROALDI studio emendati videntur quatuor viri. De Columella satis constat, & nos paulo ante commemoravimus. Sed videtur etiam reliquis recensendis aliquid industriæ impendisse: quod ex præfatione, quam loco v damus, intelligas: & docuit nos collatio instituta, multa Jensonianæ peccata in Bononienfi & Regienfi emendata esse. Bruschanam enim consulere non licuit. Illud autem observasse mihi videor, unam quasi se-

stant esse eorum editionum, quæ ante Aldinam prodierunt. Aldus enim edidit hos libros, a JUCUNDO VERONENSI ex vetustis exemplaribus, quod in præfatione proficitur, emendatos; " quamquam est etiam, ubi τὰ καλῶς κεῖμενα videatur movisse. Juntarum deinde editioni priori, a qua vix discedere alteram deprehendimus, operam dedit NICOLAUS ANGELIUS BUCCINENSIS, vir ingenio præstans & doctrina. Hanc in explicatione vocabulorum, quibus utuntur nostri, declaravit: cui cur prælata sit in editionibus posterioribus, illa altera Georgii Alexandrini non video. Hodie neutra valde opus est, postquam in Lexica hæc talia commigrarunt, & quidem majorem partem & accuratiora, & auctoritatibus suis confirmata. Ingenium autem Angelii elucet, quod multos locos in Juntarum libris videas multo clarius legi & explicatius. Quod si libris bonis ita dextre usus est Angelius, bene habet. Sed metus est, ne conjecturæ sint bonam partem: quod inde apparet, quod discessionem sæpe ab illis lectionibus, ita lepidis & planis, facit PETRUS VICTORIUS, ille unus tot librorum hospita- tor atque Æsculapius.

XV. Quibus ille libris fretus ad emendandos rusticos accefferit, ipse indicat in præfatione, cui locum XI assignavimus. Hic singularem casum rusticorum narrabimus. Quibus codicibus Victorius usus

II. Indicavit mihi Fabricius locum Budæi de asse L. V. p. 232. Jucundus Veronensis, professione architectus, sed antiquariorum diligentissimus, Catonem imprimendum curavit, multaque in eo emendavit & restituit.

est, eos ante diu contulerat cum Jensonianae editione ANGELUS POLITIANUS, (cujus de laude qui legere vult, adeat Barthii aduers. 47, 5.) & varietatem omnem marginibus illius commiserat. Politiani ille liber in Magni Ducis Hetruriae bibliotheca servatur, unde beneficio ANTON. MAGLIABECHII, quem literis adierat Schoëttgenius, liberali autem & erudita opera HENR. BRENKMANNI descriptae accuratissime Politiani observationes post longum errorem tandem pervenere ad Thomam Fritschium, & nunc cum fide in hanc editionem relatae sunt. Iisdem codicibus usum & Victorium, manifestissime apparebit insipientibus v. g. Cato. c. 84. 112, 3. Varr. 3, 17, 4. Quin, quod ad Cat. 1, 4. *expin-si lar* legi scribit Victorius in optimo codice, pro quo ipse *far* conjecerit, illud in Politiani collatione eodem modo se habet: nimirum τῶ *lar* superscriptam *far* est. Suspiciosum id alicui videri poterat: cum constet imprimis, Florentiae etiam nunc esse librum Politiani; usum autem esse Victorium etiam aliis ejus viri in hoc genere laboribus, Terentio, ut hoc utar, ad Cic. Fam. 7, 23. & libris juris (Pandecten Florentinum, credo, intelligit) in peroratione notarum ad Colum. seu de Arb. 28, 4. Verum enimvero indignum est, de candidissimo viro tale quid suspicari, qui fateri libenter solet, per quos profecerit. Deinde si habuisset Victorius Politiani collationem, habuisset etiam Jensonianam editionem. Jam vero pluribus ex locis nobis videbamus colligere, neque hanc, neque aliam seculi xv, ad manus semper optimo feni fuisse. Inspiciat,

qui volet, Varr. 2, 4, 20. 2, 11, 1. 3, 5, 14 in *navalia*; it. 3, 5, 4 in *id tectum*; 3, 12, 4 *mares in feminas*. Nam quod Varr. 3, 9, 18 ad eas videtur respicere, illud ex conjectura facere potuit. tamen ad V. 1, 19, 4 Venetiis excusos libros memorat. Et plane ab it Politiiani observationibus ad Cat. 95, 3, *nascebis*; itemque ad Cat. 11, 1, *dolia ubi quinque*. Salvus certe apud me Victorii pudor est, si etiam rationem forte omnium reddere non possim. Ceterum castigationum explicationem sive notas optimi viri dedimus comparatione editionum instituta pleniores. sed cum non semper ad manus fuerint, hinc factum est, ut aliquot earum in Addenda conjiciendæ fuerint, inprimis illa nobilis de voce *quandoque*: quem errorem nobis a benevoli lectoris facilitate condonari petimus.

XVI. Alterum in Italia præsidium invenere rustici nostri plerique FULVIUM URSINUM, quem *storem Italiae suae extra controversiam* pronuntiabat Lipsius Elect. 1, p. 609. Fulvius igitur Ursinus, ut rem ex ipsius præfatione paulo repetamus altius, cum PET. CIACCONO Hispano Romæ familiariter vivebat, quod ambo essent inter delectos viros, qui Pontificis jussu biblia Græca expolirent, post severiores autem illas de obscuris S. Scripturæ locis habitas disputationes, solebant hi duo aliquem ex nobilibus Latinis scriptoribus perpoliendum suscipere. *In quo quidem genere, inquit, scriptionis, cum multa ex illo congressu uterque nostrum ad communem utilitatem contulerit, tum præcipue in M. Varrone de re rustica, post aliorum in eum editas lucubrationes per-*

purgando communis industria elaboravit. Ad cuius sane libros cum permultæ tum ex vetustis codicibus per nos collatis, tum ex conjectura peiitæ correctiones essent a nobis in adversaria relatae — & Ciacconus morte satis immatura præventus esset — Omnia, quæ ille in suo chirographo ad M. Varronem notasset, edere operæ pretium visum non est, verum illa tantum ex iis excerpere, quæ mihi vel penitus probarentur, vel saltem non improbarentur. Quibus præter ea, qui a me fuerant in eundem scriptorem notata, & cum Ciaccono cum viveret communicata, adjunxi etiam illa, quæ in M. Catonem & L. Columellam, vel ipse jam pridem scripsissem, vel a Jo. Babuista Sighicello scripta accepissem. Quin & alia ad rem rusticam iidem pertinentia olim a me collecta adjeci, notas scilicet ad Kalendarium rusticum Farnesianum & ad veteres inscriptiones fratrum arvalium, itemque ad Servium in Bucolica Virgilii & Georgica, cujus etiam lectiones nonnullas in Commentario Æneidis restitutas non omittendas censui. Deinde etiam de iis, quæ in illa collectione plane ad rem nostram nihil faciunt: quæque jure a nobis prætermissa putamus. Curabunt ea, qui Virgilium, qui Grammaticos veteres edent in posterum. Ceterum longiorem ex Ursini epistola locum describere non pigritus sum, tum ut rationem redderem, cur ipsius nomen adjectum sit annotationibus, non ab ipso solo, sed majorem forte partem a Petro Ciaccono profectis: deinde ut desiderium minuerem hujus in Varronem notarum, quæ in Isaaci Vossii bibliotheca, quæ Leidæ asservatur, esse cum dicantur a Colomesio, rogatus de iis a Schoettgenio

Perizonius respondit, frustra eas a se requisitas. Multa sunt in his Urfini & Ciacconi notis ingenio illorum digna, sed est etiam, ubi audaciores justo videantur illorum conjecturæ. Sæpissime in iis usu mihi venit, quod sibi in Pio accidisse narrantem ante audiebamur Burmannum. Bona nobis pars emendationum nostrarum sic periit. Quod interdum non dissimulavimus, idem nobis in mentem venisse, id eo inprimis consilio factum, si ponderis aliquantum accedere posset conjecturis, de quibus pluribus, tanto intervallo disjunctis, idem videretur. Sed non nobis solis hoc contigisse, etiam Cl. Pontederæ exemplum docet, qui ab initio certe F. Urfini notis destitutum se fuisse questus est, & tamen eadem dicit, quæ Urfinus ad Varr. 2, 2, 12, & alias. Quin ipse etiam Urfinus ad Varr. 1, 16, 6 de *oleris* appellatione eadem fere dicit, quæ ibid. Scaliger: & quæ ad 1, 19, 3 de *pecuaria* disputantur, ea præceperat Victorius V. L. 31, 23. Solet Urfinus una comprehendere annotatione plures in vicinia locos: nos plerumque ea distraximus, ut suo quodque loco applicari posset: sed est tamen, ubi conjuncta manserunt, ita tamen vicina, ut diligenti lectori molestiam creare non possint.

XVII. Novissime rusticis omnibus commodare conatus est HIERONYMUS COMMELINUS, qui ex mente Pe. Victorii, adhibita etiam Bartholomæi Bruschi editione, suam concinnavit, usus inprimis diligenti & ingeniosa opera FRID. SYLBURGII. Molliebatur opus multo amplius, quod ex præfatione illius, quam damus loco XII, potest intelligi: sed

fatis interceptum est: non minus, quam adhuc retenta sunt, quæ alii viri præclari in hos scriptores sunt conati. In his numeratur a Fabricio & Schoettgenio JOSEPHUS WASSE, Collegii Reginensis apud Cantabrigienfes socius, qui gustum aliquem dedit, restitutis ad Sallustium aliquot Columellæ locis, quibus etiam usus est laudatus modo Schoettgenius. Sic in eadem Anglia PE. NEEDHAM idem agitaſſe fertur; de quo supra diximus, cum de Columella ageremus. Quid JO. CONR. SCHWARZIUS, Director nuper Gymnaſii Coburgensis factus, in quo diu bonas literas cum ſucceſſu & fama docuit, quid igitur ille in animo habuerit, ex epistoſis viri doctiſſimi, quæ hanc editionem ornant, intelligitur. Et optandum erat, ut vel ipſe nobis curafſet hos auctores, vel certe ſua cogitata atque obſervationes ſubmiſſet. Egerat quidem cum illo Cl. Schoettgenius, egi & ego, ut ſua, ſi videretur, nobiſcum communicaret, ſed maluit ille, quod nec reprehendimus, ſua ſibi ſeorſim conſilia habere. De ABRAHAMO GRONOVIO v. e. ante diximus, cum de Columella ageremus. Habebit ſane nunc aliquanto minus negotii, ſi quis poſt nos admoveſſe manum ruſticis voluerit: niſi tamen ſibi negotium datum putet peccata noſtra deprehendendi, producendi, emendandi. Neque ego, ſi poſterius fiat, priora deprecor. Quid hic actum ſit, nunc ſimpliciter exponam.

XVIII. Anni viginti, credo, ſunt, cum THOMAS FRITSCHTUS, quo neſcio an majorem bibliopolam noſtra habuerit Germania, vir prudens inprimis, &

literis variis non mediocriter cultus, consilium cepit edendi hosce scriptores, præfidiis, quæ tum haberi possent, omnibus exornatos. Usus erat ad eam rem opera CHRISTIANI SCHØTTGENII, viri eo tempore juvenis, acris, docti, & perquam diligentis. Ille virorum, quos adhuc commemoravimus, eruditorum notas & observationes in unum corpus digessit, certe ordinem, quo quidque ponendum esset, præscripsit: varias lectiones, quas diximus, (non pervenerant autem ad ipsius manus Medicæ Politiani) notis suis intexuit, quas quidem momentum aliquod habere crederet: eodem retulit eorum, qui in Lampade Gruteriana habentur, BARTHII item, GRONOVIIQUE, ac TH. CREENII annotationes, ex Adversariis, Observationibus, Animadversionibus illorum excerptas; acceperat etiam a viro illustri GISBERTO CUPERO observationes quasdam in Varronem, neque quidquam intermiserat, quod ad ornandam spartam pertineret. Jacuit deinde opus, credo, quod expectarentur copiæ illæ Italicæ: & Schoettgenius ad alia vocatus, in manibus Thom. Fritschii diligentiae suæ fructum reliquit. Circa annum seculi, quod vivimus, XXVI ad me ivit vir ille acerrimus, cum interim non Medicea tantum collatio venisset, sed etiam excitari a Cl. FACCIOLATO Duumviri præstantissimi JO. BAPT. MORGAGNUS & JULIUS PONTEDERA, Patavinæ Academiæ & Medicæ artis, alter Botanicæ præsertim, Anatomicæ alter lumina, suos labores doctos fane & ingeniosos liberaliter Fritschio indulgissent, quibus novis subsidiis deinde etiam ac-

cefferunt A. BUCHNERI & C. S. SCHURZFLEISCHII quædam observationes ex bibliotheca, cui tum præeram, Vinariensi defuntæ, itemque eæ, quas ALMELOVEENIUS margini libri sui commiserat, liberalitate Illustris UFFENBACHII, cujus viri nunquam nobis memoria, & grata benevolentia illius recordatio, excidet.

XIX. Petiit igitur a me Fritschius, ut universas copias jam dentio meo judicio digererem, quas tandem aliquando in lucem edere posset. Putabam initio, laboris tantum & diligentia mediocris opus futurum, ingenio aut doctrinae qualicunque vix locum relictum iri. Sed aliter evenit. Illam fundi hujus calamitatem vel præcipuam animadvertebam, quod nemo unus operam dedisse videretur virorum doctorum, qui a Victorii inde ætate hos scriptores artigerunt, ut uno quasi tenore perlectis semel iterumque & perceptis hisce rei rusticæ præceptis, ante omnia & orationi quatuor virorum & sententiis ita affuesceret, ut illos tanquam suos amicos & de sententiis & de verbis nosset: ex quo & falsas interpretationes nonnunquam, & emendationes non necessarias, quin corruptiones potius, oriri in aliis sæpe didiceram. Primum igitur omnium summa diligentia totos mihi unoque quasi spiritu cognoscendos sumsi hos libros, ut non ad omnia solum, quantum possem, attenderem, verum etiam in indicem referrem, quidquid ad verba vel res explicandas pertinere videretur; speroque hanc rem non tantum eo profuturam lectoribus, quod pro Lexico uti poterunt rustico, inprimis cum in illum mul-

tæ observationes tum nostræ, tum aliorum conjectæ sint: sed multis in locis sententiam auctorum aperire facilius, eorumque tueri integritatem nobis licuit, quod præsertim in Ursini audacioribus conjecturis sæpiusculè fuit necessarium. Commode hic nobis accidit, & commodius multo lectoribus accidet, illa capitum quæ vocantur & titulorum in minora segmenta divisio, jam a Schœttgenio instituta, quæ etiam ad parallelismum, quem vocant, indicandum, unum optimum interpretandi libros quoscunque instrumentum, apprimè utilis est, ut mirer, rem ita facilem, & olim cognitam, negligi fere in splendidis librorum antiquorum editionibus, præsertim cum metus non sit, ne ea similia bonis libris vulnera infligat, qualibus capitum illa divisio occasionem dedit.

XX. Hic locus est plura de infelici illa cåpitiim divisione, conjunctis ei rei lemmatibus disputandi; quade re visum est hic uno loco ita dicere, ut totam complecti aliquis animo possit, ac tum in his, tum in aliis libris eorum, quæ hic disputata sunt, meminisse. Jam ipsos antiquos scriptores uno fere tenore & continuatione libros scripsisse, satis constat, ut non tantum historias in unum perpetuum & undique cohærens corpus redigerent; sed ea etiam, quæ diversitatem aliquam habent, arte quadam inter se devincirent, latentibus, ut in Corinthia columna, membrorum finibus, aut in statuarii opere commissuris, & subtiliter permixtis, velut in pictura extremis partis cujusque lineis. Cujus rei nescio an clarius & mirabilius exemplum exstet Ovidiano Me-

tamorphoseon opere: quod qui uno quasi spiritu legere volet, ille demum poetæ ingenium mirabitur, qui mille partes diffimillimas ita inter se coagmentaverit, ut uno solido factum marmore totum illud templum videatur. Ita quam apte Plinius ille naturæ historicus transitione res sæpe diversissimas connectit? ut unum voluisse illum librum uno quasi protelo percurrere appareat. Quæ cum ita sint, dissecuisse antiquos, quæ scripserant, in partes libris ipsis minores, non est probabile: qui librorum ipsam divisionem ad voluminum & chartarum modum necessitate quadam attemperaverint.

XXI. Sed exortum tamen mature est genus quoddam, unde gradus ad capitum, quæ vocant divisiones factus est. Nimirum qui de rebus diversis scriberent, quas non omnes omnis palati esse præviderent, ii solebant *indices* quosdam, *lemmata*, *summaria* (his enim utuntur unius ejusdemque rei nominibus auctores idonei) apponere libris suis, sed non partibus eorum, quas ita distrahere & lacerare nolebant, verum uno in loco sub conspectum legentis ponebant uniuscujusque argumentum libri. Hoc Valerius Soranus fecerat, cujus se exemplum secutum ait Plinius in ipso præfationis fine, cui indicem illum subjungit, quo liber totus primus impletur. Hoc Gellius, hoc Solinus fecit, de quorum summaris plenissime, ut solet, disputat in præfatione ad opus magnum Claudius Salmasius. Quod vero ait, ab initio tantum operis, & post præfationem positos id genus indices, oblitus est credo Columellæ nostri, qui diserte docet in ipso

Scriptt. R. R. Vol. I.

d

fine libri, qui undecimus nobis est, se illo loco *omnium librorum suorum argumenta subjecisse*, ut, cum res exegisset, facile reperiri possit, quid in quoque quærendum, & qualiter quidque faciendum sit. & habet in eo ipso loco lemmata Lipsienfis Codex & Gœsianus, nec ipsa tamen multum editis meliora, aut talia, qualia a Columella scripta jure putes. Quin Martialis quibusdam epigrammatibus, v. g. Xeniiis, nisi tamen ænigmata voluit scribere, plerisque, apposita lemmata fuisse, nec aliter potuisse, res ipsa loquitur. Alia quæstio est, utrum ea, quæ habemus, sint Martialis, quod de toto hoc genere merito negat Sanctius Minervæ 3, 14, p. 507. Sed illud plane diversum scriptionis genus est, & a nostro proposito alienum.

XXII. De nostris illud tenendum: Varronis quidem & Columellæ libros ita inter se cohærere, ut divisio in capita, quæ nunc habetur, plane auctorum consilio repugnet. Testantur hoc ipsi etiam antiquissimi libri, qualem Varronis non ipse modo Victorius tractavit, sed item etiam de eo ostendit, quo Nonius usus est. vide illum in ipso explicationis suarum in Varronem castigationum principio, itemque ad 1, 60, 1. quem compilavit suo more Popma ad Varr. 3, 17, 9. Et quo quisque antiquior est Columellæ liber, eo minus discerptus est, eo minus habet lemmatum. Palladius vero in *titulos*, quos ipse vocat, opus suum distribuit, si ipsi credimus Oët. 12, 9: verum ita, opinor, ut non interponeret lemmata ab orationis serie sejuncta, sed primis fere tituli cujusque verbis indicaret illius ar-

gumentum. Eandem fere rationem, ut retro quasi tandem ad hunc veniamus, cui primæ debentur alioquin, Priscus ille Cato noster tenuisse videtur. Ille enim, modo liber, qualem nunc habemus, talis de manu ipsius exierit, qua de re ante disputabamus; Cato igitur, ut quidquid usu venit aut memoriam subiit, ita in chartam cōjecit, nulla ratione habita ordinis, sic tamen, ut primis fere verbis, quoties scribere inciperet, qua de re dicturus esset, indicaret. Hæc ita se habere tanto videbit apertius, quo quisque diligentius ad libros veteres attenderit.

XXIII. Jam quibus quasi gradibus in eum statum res pervenerit, quo nunc est, videamus. Primum vel auctorum ipsorum argumenta, (quæ seorsim ipsi universa posuerant, uti diximus) vel, idque multo frequentius, alia quæcunque lemmata margini commiserunt ipsorum locorum, ad quæ pertinent, raro illi quidem omnium, sed prout usus, libido, impetus, aut quælibet altera causa suasisset, nunc densiora, nunc rariora, longa, brevia, apta, inepta: cujus rei exempla plura inveniet, qui vel ad dimidiam horam in manus sumere Lipsiensem Columellam voluerit. II. Quoties vero ita conveniret, ut verba ipsius auctoris lemmatis instar esse possent, ea ipsa indicis loco in margine posuerunt. vid. Cat. 10. it. 11 & 12, pr. it. 37. 57. 66. 106. 107. 110. 136. 161. Varr. 1, 59. 1, 60. Col. 12, 46 & 47. III. Cum libri antiquissimi una serie atque tenore scripti essent, iique distinctionibus & interpunctis, quibus nunc utimur,

fere carerent, non potuit fieri, ut accurate fatis lemmata illa responderent auctorum verbis: quare supervenientibus librariis imperitis atque barbaris, qui vellent superare ornatu archetypos suos, & indices illos, quos, *rubricæ* ut fierent, minio pingebant, tanquam emblemata quædam intextere, sæpissime absurdum in modum distracta sunt, quæ auctores volebant conjunctissima. Vid. e. c. Col. 2, 11, 1. 4, 12 & 13 itemque 16 & 17. Col. 12, 11 & 12, tum 14 & 15. Ita pars ultima cap. 51 ad 52 adjuncta. Ac poterat illis malis acutior aliquis facile mederi. sed ut est prona in vitia mortalitas, successerunt interdum his, qui medicinam multo peiorem facerent, & ita concinnarent verba, ut vestigia illa continuatæ orationis abolerentur, certe obscurarentur. IV. Porro cum otiosa aliis viderentur verba iterum posita, & rubricam solam fervarent, eam vero ipsam, alii vel differrent minii defectu, paulo post explendam, vel plane ornatum non necessarium omitterent: ea res truncandis capitibus occasionem dedit. Exempla supra ad n. II. dedimus. V. Denique alii, vel ut minio parcere, vel alia de causa, vel temeritate, ea, quæ lemmatis stationem tueri verba aliena debebant, ipsius auctoris contextu immiscuerunt. e. g. C. 3, 7 extr. Var. Lect.

XXIV. Post multiplicem illam a lemmatis calamitatem, mirum non est, I. quæ hodie interposita leguntur Catoni & reliquis, ea vehementer inter se invicem discrepare, ut nulli fere libro cum altero conveniat, nisi quod, ut quisque est antiquif-

finus, ita minime illis phaleris ornatur. II. Sententiæ auctoris sæpe adversari, vel quod distrahunt, quæ conjuncta esse debebant, vel quod vix partem aliquam attingunt eorum, quæ tamen comprehendere videntur omnia. III. Quæ tolerabilia sunt, ea fere ex ipsorum verbis auctorum repetita, aut plane ex lemmatum statione ad contextum orationis revocanda esse. Quæ cum ita sint, non reprehendendum credo consilium nostrum, quod I capitum quidem divisionem, a primis inde editoribus acceptam, qualis Commelino placuit, servavimus: non quod ea commodissima sit omnium, sed quod ad eam fere provocatum adhuc est in sexcentis libris. quam ob causam non posset sine lectorum injuria omitti. Lemmata autem a contextu auctoris plane removimus, si qua tamen ad corpus ipsum orationis pertinere viderentur, ea revocavimus in stationem suam. verbo, operam dedimus, ut, quantum ejus fieri posset, prisca facies hac etiam parte bonis rusticis rediret. Denique lemmata Commeliniana scriptoribus præposuimus, collata in Columella cum Lipsiensis codicis lemmatibus iis, quæ undecimo nostræ divisionis, sive, ut ille librarius numerat, duodecimo libro subjecta sunt, ut vel hoc solo specimine, quæ de varietate lemmatum diximus, confirmentur. Plura passim adnotavimus, hic non repetenda. Illud solum juvat adjecisse, Meursii iras & stomachum bonam partem in vulneribus Catoni per lemmata illatis occupari; Clariss. Pontederam per totum Catonem in eadem lemmata crisin sanam & salutarem posterioribus ad-

notationibus suis exercuisse: Cl. Morgagnum autem Ep. 1, 63 luculenter ostendisse, quam contra mentem auctoris Columellæ capita quæ vocantur sæpe divisa sint.

XXV. Jam ut pergamus commemorare, quid a nobis sit præstitum, varietatem lectionis tum in MSS. tum in editis, quarum deinde Catalogum dabimus, observatam, separatim sub unum conspectum posuimus, compendio ea in re & notis usi, quas post Catalogum explicatas dabimus, qua in re non modo fastidio lectorum consulimus, qui hæc non amant, quod nunc tanto facilius ea possunt prætermittere; & voluntati eorum, qui brevi via ingenia veterum & recentiorum librariorum discere cupiunt, & ad Criticam facultatem adspirare¹²: sed etiam spatii multum lucrati sumus. Quid? quod pluribus Meursii in Catonem notis plane supersedere potuimus. Usi sumus simili libertate nonnunquam in Clarissimi Pontederæ adnotationibus; non ut integras omitteremus, neque enim ille unquam solam varietatem proposuisse contentus fuit, sed ut jam positam a nobis varietatem non repeteremus. Ita interdum loca, ex auctoribus nostris plenius laudata a Viro doctissimo, non tota posuimus, sed indicavimus tantum librum, caput, segmentum, ubi legerentur. Cum enim ille ita scripserit suas adnotationes, ut legi per se intelligique possint, etiam si

12. Qui hac mente sunt, iis non legendam, sed ediscendam jam alias commendavimus auream BURMAN-

NI in Justinum 1722, 12. editum præfationem, quæ mirifice nos confirmavit.

quis libros nostros ad manus non haberet, concedendum hoc nobis fuit, ut non cogerentur emtores, in quibus sunt multi viri boni, sed non nimis beati, certe nummati modice, bis emere, aut sæpius in eodem libro expressa verba eadem, quæ facili nimis negotio possent evolvere. In Cl. SCHÖTTGENII adnotationibus usi sumus ea libertate, quam ipse nobis ultro per literas detulit, operamque studiose dedimus, ut pudoris utriusque nostrum ratio constaret; neque spero unquam futurum, ut vel ipse vel alius quisquam candorem in nobis honestativæ ullam partem desideret.

XXVI. Atque utinam æque facile alios cavere errores atque peccata potuissemus, quorum ea demum lege veniam nobis dari petimus, si consilio & volentes neminem hic hominem læsimus, errorem suum asperere exprobravimus nemini, laudem suam nemini invidimus, alienam ipsi invadere nunquam sumus conati. Tanto æquius nobiscum agent idonei harum rerum arbitri, quod per cursum hujus operis varie ita sumus jactati, ut non uno tenore, & per tranquillitatem quandam, hoc agere potuerimus, sed sæpe nimis vel mutare consilia, vel ad intermissa redire, coacti simus. Intercessit enim, ne alia commemorem, non dicenda, nisi cogamur, per hosce novem annos, quibus hoc sâxum volvimus, primo mors THOMÆ FRITSCHII, quæ incredibilem rebus nostris plagam intulit; deinde multo luctuosius ut reip. ita nobis fatum WILHELMI ERNESTI, Principis Vinariensis, quod nos bibliotheca una locupletissima ejus instrumenti, quo hic opus

erat, mox urbe ipsa excussit, & migrare per CXX millia passuum coegit Onoldum, urbem longe illam quidem mihi dulcissimam, vel quod patria est, & pueritiæ nostræ nidus, vel quod principes habet & procures in me indulgentissimos, vel quod humanissimis viris abundat & nobis amicis; sed ubi propter alia impedimenta nulla spes erat perficiendi. Hinc Lipsiam remigrare per CLX M. P. jussus, inveni denuo bibliothecas & commoditates reliquas; inveni CASPAREM FRITSCHIUM, qui fratrem mihi suum redderet, & cum sua liberalitate animum mihi adderet, ad telam strenue pertexendam, tum quod cultum operi eum destinaret præstaretque, quem in hoc genere nescio an viderit Germania. Sed morbum etiam inveni, qui per binos impetus plures mihi menses eriperet: labores inveni plures quam putabam &c.

M. PORCII CATONIS V I T A

EX PLUTARCHI GRÆCO

LATINE REDDITA.

M. CATONEM ferunt, Tusculo oriundum, habitasse & vitam egisse, priusquam stipendia faceret & rempublicam capesseret, in prædiis paternis in Sabinis. Cujus majores cum in totum ignobiles haberentur, ipsa Marcum patrem Cato, ut egregium virum & strenuum militem, celebrat. Catonem etiam proavum dona militaria sæpius refert obtinuisse: ac cum bellatores equos quinque amisisset in conflictibus, pretium ei ex ærario virtutis causa redditum. Quia vero solent Romani obscuro genere ortos, qui incipiunt actibus inclarescere suis, novos homines appellare, ut etiam appellabant Catonem, novum ille se ad magistratus & claritatem, sed factis majorum virtutibusque ferebat pervetustum esse. Dictus fuit ante tertio nomine non Cato, sed Priscus: post Catonis nomen traxit a sollertia. Romani enim experientem Catum vocitant. Facie fuit subrufus & cæsius, ut declarat maligne satis ille, qui hoc minutum epigramma fecit:

Rufum, mordacem, glaucum, ne quidem exanimatum

Porcium in infernum Persephone recipit.

Corporis constitutionem laboribus suis, sobrio victu & expeditionibus, in quibus a prima aetate adolevit, perquam paraverat habilem, ad roburque & sanitatem juxta comparatam. Orationem vero, sicut alterum corpus & organum, non honestum modo, verum etiam necessarium viro, qui non in obscuro sit, neque in otio videtur, continuo patrocinio eorum, qui operam suam requirebant, in finitimis vicis & oppidulis instruebat & aptabat. Ac primum acris habitus est causarum actor, deinde orator insignis. Hinc fuit utentibus eo morum gravitas & pondus magis conspicuum, quod latum campum & rempublicam requireret rerum dominam. Non modo enim a quaestu judiciario forensique praebeuit se integrum, sed nec gloriam videbatur ab illa palaestra, ut summum praemium, sectari. Ceterum quia inclarescere ex pugnis potius cum hoste ineundis atque armis adulescens etiamnum gestiebat, corpus habebat adversis cicatricibus oppletum. nam ait ipse, annos natum septemdecim prima se stipendia fecisse, quo tempore Hannibal secundis praeliis usus incendebat Italiam. In acie exhibebat se manu strenuum, loco stabilem & immotum, vultu ferocem. Verborum minis & asperitate vocis adversus hostes utebatur: recte sentiens & docens, plus sapenumero iis rebus, quam gladio, percelli hostes. Ferebat per expeditiones ipse in agmine arma. Servus eum sequebatur unus, qui cibaria ejus portabat: cui dicitur, prandium, vel cenam apponenti, nusquam succensuisse, aut objurgasse, immo expletis muneribus mi-

litaribus, eum ipse adjuvisse fere, atque una manum admovisse. Potabat in expeditionibus aquam: extra quam, si immenso æstu sitiret, tum potabat acetum, aut fatiscenribus viribus, postremo loco parum vini sumebat.

Erat agris ejus casa Manii Curii, qui ter triumphavit, vicina. Quo cum commearet assidue, prædii-que angustias & penatium spectaret humilitatem, subiit eum illius viri cogitatio, qui, cum inter Romanos esset maximus, & gentes subegisset maxime bellicosas, atque Pyrrhum Italia submovisset, hoc rusculum ipse foderet, & hanc habitaret casam post tres triumphos: ibi ad focum sedentem, atque ipsum rapas elixantem, cum reperissent legati Samnitium, magnum auri pondus ei obulerint: quos rejecerit, negans esse ei auro opus, cui talis sufficeret cæna; malle autem vincere se aurum habentes, quam ipsum habere. Hæc secum volvens abibat Cato, & domum suam ex altera parte contemplanus, & prædia, & servitia, & victum, intendit laborem, sumtusque immodicos circumcidit. Cum Fabius Maximus Tarentum reciperet, sub eo forte admodum adolescens militabat Cato. Hospitio usus Nearchi cujusdam Pythagorici, desideravit eam disciplinam intelligere. De iisdem cum differentem illum audivisset, quibus usus Plato est, (qui voluptatem maximam mali escam vocat: calamitatem animæ primam, corpus: liberationem & purgationem, illas cogitationes, quibus maxime a corporis affectibus avocat & abducit se ipsam) amplexus est multo acrius frugalitatem & continentiam. Alioquin literas Græcas sero traditur attigisse, atque admodum proventus ætate libros Græcos in

manus sumfisse : fuisseque aliquantulum ei a Thucydide, plus a Demosthene, collatum ad dicendum. Scripta ejus certe Græcorum præceptis & exemplis satis sunt aspersa, multaue ad verbum reddita facetiis & sententiis inclusit suis.

Erat Romæ ex nobilitate unus ex principibus, magnæque auctoritatis, qui & nascentem virtutem advertere mire poterat, & candidus in alenda & efferenda erat ad gloriam, Valerius Flaccus. Hic habebat prædia vicina Catoni. Cujus cum labores & rationes vivendi accepisset a servis, mirareturque, cum narrarent illi, mane eum forum adire, & præsto esse iis, qui opus haberent : regressum ad villam, tempore brumali vestitum exomide, æstate operari cum illis nudum, eadem mensa, eodem vesci pane, atque idem vinum bibere : simulque magnam ejus aliam humanitatem & moderationem, ad hæc facete dicta sententiasque referrent : jussit eum vocari ad cœnam. Hinc ex consuetudine animadvertens, ingenium ejus placidum & civile, plantæ modo culturam & locum illustrem requirere, invitavit eum & perpulit, ut Romæ se ad rempublicam accommodaret. Quo ubi commigravit, multos illico, qui eum observarent & diligerent, patrociniis comparavit. Promovente eum enixe ad honores Valerio, tribunatum primo loco adeptus est, inde functus quæstura. Hinc inclitus per se jam spectatusque, maximos honores cum ipso Valerio gessit : consul cum eo fuit, inde censor. Ex majoribus natu civibus ad Fabium Maximum accommodavit se : cujus, quamvis clarissimi viri & summæ auctoritatis, impensus tamen mores & vitam, ut præclarissima exempla, ob oculos posuit. Unde Afri-

canum majorem, qui, quamvis id temporis juvenis esset, adversus potentiam tamen insurgebat Fabii, qui æmulari videbatur cum eo, non dubitavit oppugnare. Sed & quæstor cum eo ad bellum in Africam missus, ubi usurpare cernit eum solitam profusionem, & pecuniam prodige effundere in milites, admonuit eum libere: nec tanti sumtus demonstravit se facere, sed quod, militibus ad voluptates & luxum affluentia ultra res necessarias traductis, patriam frugalitatem labefactaret. Cui cum respondisset Scipio, non indigere se quæstore nimium attento, qui ad bellum plenis veheretur velis, (factorum enim debere se, non pecuniæ, populo rationem reddere) discessit Cato ex Sicilia, & cum Fabio infinitæ pecuniæ dissipationem Scipionis, ejusque luxuriosas in palæstris & theatris commorationes apud Patres insectans, quasi non exercitum duceret, sed dies festos agitaret, effecit, ut mitterentur ad eum tribuni plebis, qui, si ita rem habere comperissent, retraherent eum Romam. At Scipio, cum in belli apparatu ostendisset victoriam inesse, notassentque illi, eum vivere per otium cum amicis hilariter, ac minime esse ob liberalitatem in seriis & gravibus rebus socordem, profectus est ad bellum.

At Cato magnam potentiam collegit facundia, multique eum Demosthenem togatum appellabant. Vita ejus tamen nobilitabatur, celebrabaturque magis. Quippe dicendi facultas communis jam palæstra juvenibus, quo enitebantur omnes, proposita erat. Qui vero labores prisco more subiret, frugalem cœnam, incoctum prandium, vestis simplicitatem, & plebejos penates amaret, quique magis duceret gloriosum, non indigere ma-

gnificis rebus, quam illas possidere, rarus erat: quod jam tum suam respublica integritatem non retineret ob magnitudinem, sed provinciarum & gentium imperio multarum tum multis misceretur moribus, variorumque vivendi institutorum susciperet exempla. Erat igitur merito in admiratione Cato, cum alios laboribus fatiscences & flaccescentes cernerent deliciis, illum vero ab utrisque invictum, non tantum in flore ætatis, & dum honores peteret, sed senem etiam & canum post consulatum & triumphum, sicut victorem athletam, institutum exercitationis tuentem, & ad exitum usque vitæ æqualiter in eo persistentem. Siquidem vestem nunquam induisse ait se, quæ pluris esset centum denariis: vinum in prætura & consulatu idem, quod & operas, bibisse; epulas ad cœnam ex foro triginta comparasse assibus: idque facere reipublicæ causa, quo corpus suum esset ad perferendam militiam robustum: stragulam vestem cum ex pictis Babylonicam hereditate accepisset, statim distraxisse: nullam villam suam tectorio inductam: mancipium nunquam plus mille quingentis denariis emisse, quod nec molles, nec formosos, verum operosos & valentes, ut equisones & bubulcos, quæreretur; quos, ubi consenuissent, venundandos putabat, neque alendos inutiles. Breviter nihil vilis esse pretii, quod superfluum foret: sed quo non indigeas, etiamsi vel assē veniit, se carum ducere. Comparare arva & pascua potius, quam irriguos & nitidos hortos.

Hæc nimia parsimonia ejus adscribunt aliqui: alii, quasi ad emendandos & reprimendos ceteros adstringeret semetipse arctius, comprobant; nisi hoc, quod, sicut jumentis, servis abusus, expelleret & venderet eos

*in senio, moribus ego attribuo nimis austeris, nec ul-
lum existimantibus extra quæstum homini esse cum ho-
mine consortium. Atqui benignitati videmus, quam ju-
stitiæ, latiore patere campum. Lege enim & justitia
uti erga solos homines valemus: beneficentiam & merita
porrigimus nonnunquam & ad bruta animantia; quip-
pe emanant, velut ex largo fonte, mansuetudine. Per-
tinent namque equorum labore confectorum alimenta,
& canum non incunabula modo, sed & senectutis cura,
ad mitem hominem. Populus Atheniensis, cum ædifi-
caret Hecatompedon, quasunque notavit mulas labo-
rum maxime tolerantes, dimisit liberas pascere vincu-
lis solutas. Atque unam ferunt liberatarum ultro ad
opera descendisse, unaque cum jumentis, quæ in arcem
trahebant plaustra, cucurrisse & præisse, tanquam ad-
hortantem ea & excitantem; cui publice scivit usque ad
mortem alimenta. Cimonis equarum, quibus Olympiis
ter palmam tulit, etiam exstant sepultura juxta illius
monumenta. Canes domesticos & familiares cum multi
alii, tum Xanthippus priscus suum, qui natans navem
suam Salamina usque fuerat comitatus, cum relinque-
ret urbem populus, in promontorio funeravit, quod Ca-
nis sepulcrum etiam hodie vocant. Neque enim animan-
tibus est, ut calceis & utensilibus, utendum, quo fessa
& ministeriis projiciamus attrita: sed si nihil aliud,
meditandæ certe humanitatis causa debemus in his nos
ante ad mansuetudinem & benignitatem assuefacere.
Ego ne bovem quidem operarium, ob senium, nedum
affectum ætate hominem, ex loco usitato & vita con-
suetæ, velut ex patria migrantem, pecuniola aliqua ve-
nundem, inutilem juxta ementibus ac vendentibus fr-*

turum. Cato vero gloriabundus ex his, etiam equum ait se, quo in expeditionibus consul usus fuerat, ne reipublicæ imputaret nautum, reliquisse in Hispania. Hæc animi magnitudini sordibusne assignanda sint, prout opinio tua fert, statuas licet.

Ob reliquam temperantiam certe vir inprimis memorabilis fuit; quod dux exercitus non amplius sibi & suis tritici ternis medimnis Atticis mense acciperet, hordei jumentis sesquimedimno minus. Provinciam sortitus Sardiniam, cum superiores prætores accipere publice tentoria, lectos, togas soliti essent, magnoque famulatio, caterva amicorum, sumtuque & paratu cenarum onerarent provinciales, ille disparitatem incredibilem fecit frugalitatis: nulla enim in re impensa publica indiguit. Oppida ipse sine vehiculo pedibus obibat, unus sequebatur accensus, qui ei vestem & cymbium ad libandum portabat. In his cum ita facilem & communem præberet se subditis, e diverso severitatem & gravitatem representabat; adeo inflexibilis in jure dicendo, atque in edictis publicis imperiosus atque rigidus, ut imperium Romanum nunquam illis vel formidabilius fuerit, vel jucundius.

Parem representat oratio ejus figuram. Lepida enim simul & gravis erat, jucunda & terrorem incutiens, faceta & austera, sententiosa & contentiosa. Qualem Plato Socratem dicit, foris rudem, dicacem & mordacem visum convenientibus; intus serii plenum fuisse, & rerum, quæ lacrimas excirent, & cor versarent auditorum. Quare nescio, quid moverit nonnullos, ut Catonis dictionem Lysæ orationi compararent potissimum. Verum hæc illi, ad quos potius pertinet orationum

Latinarum assequi genera, disceptent: nos, qui multo magis oratione, quam vultu, ut quorundam fert opinio, mores hominum contendimus perspicere, pauca dicta ejus colligemus.

Cum aliquando plebem Romanam, importune anonam & largitiones flagitantem, revocaturus esset, sumptu hujuscemodi exordium: Difficile est, Quirites, ad ventrem auribus carentem verba facere. Reprehendens luxuriam civitatis, Arduum est, inquit, eam salvam esse civitatem, ubi plurius piscis, quam bos, veneat. Similem esse ait populum Romanum ovibus. Ut enim illae seorsum singulae non parent, sed universae gregatim sequuntur ductores: ita vos quoque, inquit, quorum consilio nemo vestrum utatur privatim, ab his in coetum coacti ducimini. De mulierum potentia differens, Omnes, inquit, mortales mulieribus imperant, nos omnibus mortalibus, nobis mulieres. Ceterum hoc ex Themistoclis faciliis traductum est. Ille namque, cum magnopere dominaretur in se per matrem filius, Populus Atheniensis, mulier, inquit, Graecis imperat, ego populo Atheniensi, tu mihi, tibi filius: quare moderate utatur potestate, qua insipiens ille plus Graecis pollet. Populum Romanum ait Cato non purpure modo, sed studiis etiam, facere auctoritatem. Ut enim inspectores, inquit, hanc maxime tingunt, quam vident esse gratam: ita juvenis haec praeter ceteris discit & sectatur, quibus honores habentur a vobis. Hortabatur cives, si virtute & continentia magni evasisent, ne ad deterius deflecterent: sin intemperantia & vitiis, ut traderent se ad meliora: satis enim crevisse eos per illa. Eos, qui consulatum ambirent saepius, dicebat more illorum, qui

viam ignorent, semper cupere, ne errent, incedere cum lictoribus. Increpabat cives, quod crebro eosdem consules designarent. Videbimini, inquit, aut non magni consulatum, aut non multos consulatu ducere dignos. De quodam inimico suo, qui turpiter & fœde vivebat, Hujus, inquit, mater pro exsecratione, non voto, putat ipsum superstitem relinquere. Quendam, qui agros paternos ad mare sitos venundederat, monstrans, demirari simulabat tanquam pelago validiorem. Quæ enim illud ægre lambit, hic facile, inquit, devoravit. Cum regem Eumenem, qui Romam venerat, maximo honore excepisset senatus, principesque eum certatim amplecterentur, non dissimulavit Cato, se suspectum eum habere atque averfari. cui cum diceret quidam, Atqui bonus est & populi Romani cupidus; Sit sane, inquit: at hoc animal, rex, natura est carnivorum. Nemo vel ex laudatissimis regibus cum Epaminonda sit, vel Pericle, vel Themistocle, vel Manio Curio, vel Hamilcare, Barchino cognomine, conferendus. Sibi dicebat invidere æmulos, quod quotidie de nocte, & posthabitis rationibus suis privatis, vacaret reipublicæ. Malle ait benefactis suis non haberi honorem, quam peccantem se non puniri. Veniam dare ait se omnium noxis, præterquam suis.

Cum tres legatos populus Romanus in Bithyniam destinasset, quorum unus pedibus æger erat, alter capite ex terebratione & infectione cavato, tertius videbatur amens: irridens Cato, legationem ait mitti a populo Romano, quæ nec pedes, nec caput, nec cor haberet. De exsulibus Achajæ Polybii causa a Scipione interpellatus, ut magna disceptatio fuit in curia, his redi-

um iis in patriam concedentibus, illis denegantibus: exsurgens Cato, Quasi non sit, ait, quid agamus, defidemus hic totum diem, de senibus Græculis quærentes, hic a nostris, an in Achaja, a sandapilariis efferrantur. Decreto his Græcis reditu, paucis diebus interpositis, quarebat Polybius iterum senatum sibi dari, ut pristinos honores reciperent exsules, quos habuerant in Achaja, ac sententiam Catonis pertentabat. Qui aridens, Polybium, ait, sicut Ulysssem, iterum velle Cyclopi speluncam, quod pileum illic & cingulum per oblivionem reliquisset, subire. Sapientes, ferebat, majorem fructum ab insipientibus, quam insipientes capere a sapientibus: hos enim perperam facta illorum devitare, illos horum non imitari recte facta. Juvenes dicebat magis placere sibi, qui erubescerent, quam qui pallefcerent. Nolle militem se, qui inter eundem manus, in pugnando moveret pedes; qui sterteret alius, quam in prælio fremeret. Præpinguem quendam obtinens, Ubi tale corpus, inquit, utile sit reipublicæ, in quo, quod inter gulam & inguina interest spatii, omne occupat venter? Cum voluptarius quidam contrahere cum eo cuperet consuetudinem, abnuens negabat vivere se posse cum homine, qui palatum, quam cor, haberet acriore sensu præditum. Amantis dicebat animum in alieno vivere corpore. Trium se per totam vitam pœnituisse: Unum, quod mulieri arcanum credidisset; alterum, quod navigasset, quo ire poterat pedibus; tertium, quod unum diem per incuriam inanem effluere pateretur. Ad senem improbe agentem, Tu, inquit, bone vir, senectuti multis obnoxie probris noli turpitudinem adjungere vitii. Ad tribunum plebis, qui veneficii insa-

mia opertus perniciosam legem magna vi promulgabat; Haud scio, inquit, adolescens, utrum pejus sit, quod mifces, potare, an sancire, quod promulgas. Proscifusus convicio ab homine obscæna & improbæ vitæ, Iniqua, inquit, tecum mihi pugna est. Nam & male audis facile, & dicis promte: mihi tum dicere molestum est, tum audiendi sum insolens. Ac mos ejus in dictæriis ejusmodi erat.

Consul cum Valerio Flacco, amico suo & familiari, factus, provinciam est sortitus, quam Hispaniam citeriorem Romani vocant. Ubi cum gentes partim armis in ditionem redigeret, partim benevolentia conciliaret, ingruerunt magna manu barbari, eratque, ne turpiter opprimeretur, periculum: quare a Celtiberis, qui propinqui erant, adscivit auxilia. Quibus auxilii ferendi ducenta talenta mercedem postulantibus, cum alii omnes fædum dicerent esse, cum barbaris Romanos de opis ferendæ pacisci mercede, negavit quidquam incommodi esse Cato: quippe si viciissent, soluturos ab hostibus, non ab se; sin essent victi, non fore, nec a quibus exigere-tur, nec qui exigerent. Ea pugna fudit fugavitque hostes: reliqua quoque magnificum successum habuere. Oppidorum cis Bætis fluvium Polybius auctor est uno die mœnia Catonis imperio diruta fuisse. Multa illa erant & viris bellicosus abundantia. Ipse plures urbes ait Cato se cepisse, quam egisset in Hispania dies. Neque est hæc jaclantia, siquidem quadrigentas fuisse verum est. Militibus, præter compendium ex bello magnum, libram argenti in singulos divisit: addens, satius esse, multos Romanos cum argento, quam cum viro paucos, domum regredi. Ad se vero, præter esculenta & pocu-

lenta, negavit ex præda quidquam rediisse. Neque reprehendo, inquit, eos, qui hinc emolumentum captant; verum malo de virtute cum optimis, quam cum divitiis de pecunia, & cum avarissimis certare de quæstu. Neque se solum, sed & comites suos præstabat ab omni captura integros. Habebat eo in bello servos quinque: horum unus, nomine Paccus, tres pueros emit de manubiis. Quod ubi rescivit Cato, priusquam in conspectum ejus veniret, strangulavit se: pueros Cato sub hasta vendidit, pretiumque retulit ad quæstorem.

Dum adhuc agit in Hispania, Scipio Africanus superior, qui simultatem cum eo gerebat, cupiens tantas res gerenti obistere, & res Hispanicas suscipere, perfecit, ut successor in illa provincia Catonis crearetur. Igitur maximis itineribus profectus accepit provinciam a Catone. Qui, acceptis peditum quinque cohortibus & quingentis equitibus, qui deducerent se, subegit gentem Lacetanorum: a quibus receptos perfugas sexcentos securi percussit. Ob quæ indignantem Scipionem irridens, Ita demum, ait, magnam Romam fore, si clari & summi viri virtutis primas non concederent obscurioribus: plebejique, qualis ipse esset, cum illis, qui nobilitate & claritate emineant, contenderent de virtute. Ceterum cum senatus censuisset, ne acta Catonis rescinderentur, vel moverentur, Scipionis provincia de ipsius magis, quam de Catonis decerpens gloria, nulla re perperata in otio nequidquam præterit. Post triumphum Cato, non ut plerique, qui non virtutem spectant, sed gloriam, ubi ad culmen evaserint honorum, consulatum atque triumphos sint affecuti, jam deinceps, relicta republica, in voluptates demergunt se & otium, ita ipse

quoque virtutem remisit, vel laxavit; sed non secus, atque qui primum attingunt rempublicam, honoremque & gloriam sitiunt, quasi ab altero carcere incumbens, operam suam omni in re amicis civibusque obtulit, nec patrocinia, vel militiam detrectavit.

Ac Tiberium Sempronium proconsulem, in Thracia & ad Danubium res gerentem, legatus cum eo profectus, juvit; M. Acilium tribunus militum comitatus est ducem in Græciam adversus Antiochum Magnum, supra omnes secundum Hannibalem populo Romano terribilem. Siquidem Asiam, quibus finibus tenuit eam Seleucus Nicanor, a principio omnem receperat. Inde multis nationibus & bellicosis barbarorum subactis, animos sustulerat, bellum ut populo Romano inferret, quasi soli jam pari sibi adversario; sumto belli specioso titulo, asserendæ in libertatem Græciæ, quæ id non requirebat (quippe liberati nuper beneficio populi Romani a Philippo & Macedonibus, suis legibus vivebant) trajecit cum exercitu. Ac Græcia confestim fluctibus jactata & erecta fuit, cum eam corrupissent spe regia concionatores. Igitur Man. Acilius legatos misit ad civitates, & pleraque consilia res novas molientium T. Flamininus (ut in vita ejus exposuimus) sine motu tenuit sedavitque: Cato Corinthios, Patrenses & Ægienses repressit. Plurimum temporis commoratus est Athenis. Dicitur autem oratio quædam ejus exflare, quam Græce ad populum habuerit, in admiratione veterum virtutem Atheniensium habere se, urbemque pulchritudinis & amplitudinis causa libenter visisse. Hoc tamen verum non est, sed per interpretem est populum Atheniensem allocutus: non quin facultatem haberet

Græce loquendi, sed quod retinere vellet morem patrium, & derideret illos, Græca qui stuperent. Quocirca Postumium Albinum quidem, qui historias scripserat Græce, veniam petentem irrisit, dandam dicens, si illud opus Amphictyonom decreto subactum assumpfisset. Demiratos Athenienses ajunt ejus celeritatem, & cursum dictionis: quæ enim hic exprimebat strictim, longo tractu interpretem & multis verbis explicasse. Denique reliquisse eis opinionem, verba Græcis ex labiis, ex corde Romanis procedere.

Postquam autem saltum Thermopylarum obsepsit Artiochus copiis suis, locumque natura munitum vallo muroque firmavit, atque ibi consedit, bellum exclusisse ratus, a fronte perumpere prorsus desperabant Romani. Cato vero, revocata in mentem circuitione illa & ambitu Persarum, nocte cum parte copiarum profectus est ex castris. Dum in verticem tendunt, captivus itineris dux deflexit de via, in locisque errans inviis & abruptis, perculit ingenti consternatione & metu milites. Hoc periculum Cato cernens, confidere ceteris omnibus & opperiri jussis, comitem trahens Lucium quendam Manlium, hominem ad montes scandendos expeditum, nocte intempesta & obscura, magno labore & discrimine perrexit per oleastros & saxa vasta prospectum impedientia, & omnia incerta reddentia, quousque in callem inciderunt, qui deduceret, ut videbatur, ad hostium castra. Ibi signa in apicibus quibusdam posuerunt conspicuis, qui super Callidromon eminebant. Tum regressi sunt, agmenque ad signa illa agentes callem tenuerunt, eoque deduxerunt agmen. Ubi paululum processerunt, excipiens convallis quædam præcidit callem.

Hic iterum incerti, quid agerent, trepidabant: nesciî; neque advertentes, prope hostes se pervenisse. Jam lux appetebat, & unus visus sibi est strepitum exaudire, mox videre sub rupe castra & stationem Græcorum. Eo loco sustinuit Cato agmen, semotisque reliquis, Firmianos, quorum semper fideli & prompta opera fuerat usus, arcessivit. Quibus concurrentibus, & frequentibus eum circumfistentibus, ait: Unum desidero ex hostibus vivum capere, ut quæram, quæ hæc statio sit, & quam multi, quæ omnium descriptio, vel ordo, vel apparatus, quo nos expectant. Ad hoc celeri raptu & audacia mihi opus est, sicut inermes leones animosi timida petunt animalia. Vix ea dixerat Cato, cum Firmiani, sicut convenerant, confestim ruentes decurrerunt montibus ad stationes: in quas ex improvise irrumpentes, omnes turbaverunt dissipaveruntque, unum cum armis raptum Catoni obtulerunt. Ex eo didicit, reliquas copias cum rege saltum insidere; qui cacumina montium ibi servarent, delectos Ætolos sexcentos esse. Contemta Cato paucitate eorum simul & securitate, princeps gladium stringens, cum strepitû tubarum & clamore movit ex templo in eos. Qui ut ex rupibus invehentes contemplati sunt, fuga effusa castra majora petentes omnia compleverunt tumultu.

Interea consule, ex inferiore loco munimenta oppugnante, atque angustiis superatis, universis premente copiis, Antiochus lapide in os ictus est, excussisque dentibus, retro equum ingenti oppressus dolore conversit. Nulla pars exercitus ejus sustinuit Romanos: verum, quamvis invia & abscissa omnia viam & fugam præcluderent, profundis paludibus præruptisque saxis

cadentes & lapsos excipientibus: in ea per fauces effusi, ac sese mutuo impellentes, dum vulnera & ferrum hostile timent, semetipsi affligebant. Cato cum semper minime parvus laudum suarum, ut mihi quidem videtur, buccinator, apertam jactantiam, ut egregiorum factorum comitem, non refugit, tum has res gestas summo cum fastu extulit: atque illos, qui tum consectantem & cadentem se viderunt hostes, confessos fuisse asserit, non tantum populo Romano debere Catonem, quantum Catoni populum: ipsum quoque consulem Acilium, adhuc a victoria calentem, in complexu calentem Catonem diu tenuisse, & præ gaudio exclamasse, neque ipsum, neque populum cunctum, esse Catonis meritis gratiæ referendæ parem. Illico a pugna missus est, ut nuntiaret ipse Romam prælium. Brundisium secundo vento trajecit, inde una die Tarentum, quatuor aliis pergens Romam, quinto die venit, primusque victoriam nuntiavit. Ac civitatem quidem lætitiæ & festis complevit: populo vero tantum fecit animi, ut existimaret, universo terræ marisque imperio se posse potiri.

Hæ sunt ex rebus Catonis bello gestis fere clarissimæ. At actionum civilium videtur tunc accusationes, & improborum delationes partem non contemnendam existimasse. Nam tum multos ipse in judicium adduxit, tum persequentibus aliis subscripsit: ac plane semper submittebat accusatorem aliquem, ut Africano Petilium. At hunc nobilitate & animi celsitudine calumnias suas sub pedibus conculcantem, cum opprimere non posset, missum fecit: Lucium vero, fratrem ejus, coitione cum accusatoribus facta, litem ei magna pecunia æstimavit; quam cum solvere non posset, ac prope

esse effectus deventum, in carcerem ut conjiceretur, ægre; appellatis tribunis, missus est. Dicitur Cato, cum in adolescentem, qui defuncti patris inimicum involverat infamia, in foro post judicium ambulanti incidisset, dextra data dixisse, ita parentibus esse parentandum, non agnis, non hædis, sed inimicorum lacrimis damnationibusque. Atqui nec ipse illæsus in republica evasit, sed sicubi ansam inimicis præberet, non desistebant eum in judicium rapere, & periculum creare. Fertur paulo minus quinquagesies causam dixisse, unam, eamque postremam, annos natus sex & octoginta. in qua etiam memorandum illud pronuntiasse, Grave esse, eum, qui cum aliis vixisset hominibus, apud alios crimina depellere. Neque hic finem fecit contentionum: quippe quadriennio post Servilium Galbam annos natus nonaginta accusavit. Siquidem prope ad tertiam ætatem, sicut Nestor, vita & actionibus pervenit. Namque cum Africano majore, ut est supra dictum, magnis contentionibus in republica habitis, pertinuit ad Africanum minorem, qui fuit illius adoptione nepos, filius Paulli, qui Perseum & Macedonas debellavit.

Decem annis post consulatum petivit Cato censuram. Fastigium quoddam est hic magistratus honorum omnium, & quodammodo omnium in republica actionum consummatio: præfulgetque cum ingenti alia auctoritate, tum morum & vitæ judicio. Neque enim vel matrimonium, vel sobolis procreationem, vel quotidianum victum, vel convivium solutum & liberum indagine, quæ cujusque libido & institutum sit, arbitrabantur prætermittendum. Quod autem longe ex his acutius, quam ex publicis & civilibus actionibus, mores homi-

num perspicere putarent, custodem & moderatorem, correctoremque, ne quis ad voluptates deflecteret, aut excederet patria & vetera instituta, designabant unum ex nobilitate, alterum ex plebe. Censores hos appellabant. Potestas erat iis equum adimendi, senatu movendi eum, qui vitam agebat turpem & libidinosam. Hi etiam pretia sacrificiorum statuentes inspectabant, atque ex eo ordines & munera distinguebant: aliarumque rerum habet is magistratus arbitrium. Quare Catonis petitionem fere nobilissimi quique & principes senatus premebant. Æstuebant enim invidia patricii, quod probro affici putarent nobilitatem, hominibus novis ad summum honorem & potestatem aspirantibus: improbi vero, suarum libidinum sibi ipsi conscii & morum patriorum violatorum, austeritatem ejus inexorabilem in summa potestate & tristem verebantur futuram. Itaque coitione facta, seipsem ab se subornatos Catoni competitores in campum deduxere. Hi prensantes plebem, bonam spem tanquam placidam quærenti & remissam ostendebant censuram. Contra Cato nihilo lenius agebat, immo aperte pro rostris minitans malis, vociferansque, magna lustratione civitati opus esse, consulere multitudini, ne lenissimum, si sapiant, sed acerrimum deligant medicum. Eum se esse, & ex patriciis unum Valerium Flaccum: illo enim se solo collega sperare, luxu & molitia, velut hydra exsecta atque adusta, operæ pretium facturum: reliquos videre quosque molientes male censuram gerere, quod eos, qui gesturi eam sint recte, expavescant. Atqui tam celsus erat, & celsis dignus ducibus populus Romanus, ut non horreret terrores ejus & supercilium, sed mites illos & magnam lenitatem ostentantes repudiaret, de-

signaret autem cum Catone Flaccum, quasi non candidatum illum censuræ, sed censorem jam & præcipientem audiens.

Allegit igitur in senatum collegam & amicum Lucium Valerium Flaccum. Senatu movit inter alios complures Lucium Quintium, qui septem annis ante consul fuerat: & quod majoris momenti ei erat ad gloriam, Titi Quintii, qui Philippum debellaverat, fratrem. Causam, cur senatorio loco eum moverit, hanc habuit. Puerum Lucius formosum scortum perpetuo habebat in contubernio suo, atque in expeditionibus suis tantum tribuebat ei honoris, quantum nemo summorum amicorum, vel familiarium, qui circa eum erant. Cum jam provinciam obtineret proconsul, in convivio quodam puer juxta eum, ut solebat, accubans, inter ceteras blanditias, quibus per vinum facile ducebat eum, tantopere jactavit se amare eum, ut spectaculum domi, inquit, gladiatorum, quod nunquam spectavi ante, prætermiserim, ac currens perrexerim ad te, quamvis videre hominem avebam interfici. Lucius vicissim gratiam illi rependens, Nihil, inquit, te torqueat hoc, ego facile medebor. Inde unum ex damnatis rei capitalis attrahi in convivium, & lictorem cum securi præcepit arcessi. Tum iterum ex scorto quæsit, an videre istum vellet feriri securi: cum annuisset, imperavit præcidi homini caput: itaque plerique homines tradunt. Cicero quoque in dialogo de senectute sic narrantem inducit Catonem. Livius autem Gallum transfugam dicit illum fuisse, qui fuit interfectus: ac Lucium non per lictorem, sed sua ipsius manu, hominem occidisse, eaque esse in Catonis oratione scripta. Ejectum senatu a

Catone Lucium Titus frater iniquo animo ferens provocavit ad populum, postulavitque, ut causam proferret Cato notæ: quo eam referente, & exponente convivium illud, parabat insitias ire Lucius; verum cum Cato sponfione eum provocaret, detrectavit. Itaque merito judicavit populus notatum. Postea cum ludi fierent in theatro, præterito consularium cuneo, remote inde confedit. Ac motus hinc misericordia populus, coegit eum magno clamore transire: atque ita maculam ejus, quatenus fieri poterat, correxit lenivitque. Alium senatu movit Manilium, quem omnium opinio consulem designabat: quod uxorem interdū fuisset inspectante osculatus filia. Uxorem suam ait, nisi magno tonitru, nunquam complexum sibi tulisse; atque per jocum dicere solitum se, Jove tonante se beatum esse.

Jam quod Lucio, Africani fratri, equum ademerit, triumphali viro, conflavit sibi Cato invidiam: quod ea re videretur Scipioni Africano insultare. Plurimos autem potissimum offendit præciso luxu: quem aperte extorquere laboranti & infectæ multitudini non poterat. At per ambages id agens, præcepit, ut vestes, vehicula, ornamenta muliebria, utensilia, quorum singula pluris, quam quindecim millium æris essent, decuplo amplius æstimarentur, quam earum rerum pretium ferneret: voluitque, ut a majori censu majus tributum penderent, ternosque in millia æris asses assignavit, ut inferrent; quo iis adjectionibus pressi, cum viderent, adstrictos & frugales a paribus facultatibus minus tributum ferre, luxum deponerent. Igitur insensos habuit, qui id tributum tolerabant ob luxuriam: insensos alia ex parte, qui luxuriam ob tributum deponebant. Pro divitiarum

enim ereptione habet vulgus, si carum ostentatione prohibeantur: ostentari autem superfluis, non necessariis. Quod quidem philosophum Aristonem ajunt præcipue mirari, quod eos, supervacua qui possident, potius ducant beatos, quam illos, qui abundant necessariis & utilibus. Scopas Theſſalus, cum ab eo peteret amicus quispiam rem eam, quæ non admodum illi esset usui, diceretque, nihil se necessarium, vel utile, petere, Atqui his ego, inquit, beatus & dives sum inutilibus & supervacaneis. Ita divitiarum admiratio, nulli affectui consertanea naturali, ex vulgari & translatitia opinione introducitur.

Verum enimvero offensiones flocci faciens Cato, multo erat asperior. Aquam publicam canalibus in privata ædificia, aut hortos ductam ademitt. Evertit & demolitus est ea, quæ in publicum projecta ædificia erant, mercedem redempturarum contraxit, vectigalia summis pretiis locavit. Unde odium arcessivit sibi grande. At Titi Quintii factio, coitione contra eum facta in senatu, sacrorum & publicorum ædificiorum ut non e republica factas locationes induxit, concitavitque tribunorum ferocissimos, ut Catonem ad populum accusarent, multamque ei centum viginti millium æris dicerent. Multum etiam obstrepuit ei, cum basilicam faceret, quam pecunia publica sub curia foro adjunxit, & basilicam Porciam appellavit. At apparet, censuram ejus populum mirifice comprobasse. Siquidem cum poneret ei statuam in æde Salutis, non imperia inscripsit, nec triumphum Catonis, sed quod rempublicam Romanam, ad pravos mores declinantem ac vergentem, bona disciplina sanisque institutis & præceptis censor correxisset. Quamquam & ipse

ante deriserat eos, quos ea res delectabat, dicebatque, non intelligere eos, quod ob statuariorum & pictorum opera sibi placerent, cum imagines pulcherrimas suas in animis suis circumferrent cives. Ad eos, qui mirabantur, cum statuas multi homines obscuri haberent, eum non habere, Malo, inquit, quari, quare nulla mea statua exstet, quam quare exstet. Atque omnino volebat, ut ne laudari quidem permetteret se bonus civis, nisi hoc e republica fieret. Plurimus fuit tamen in se ipso prædicando. Quippe eos, qui in vita quid titubaverant, mox reprehendebantur, dicere ait solitos, immerito se culpari, qui Catones non essent: illos autem, qui facta quædam sua imitari studerent inepte, sinistros Catones appellari. Senatum periculosis temporibus ad se, sicut in naufragio ad gubernatorem, respicere, crebroque absente se res gravissimas protrahere. Quæ quidem ei aliorum testimonio comprobantur: etenim ingens fuit ejus in civitate vitæ & eloquentiæ & ætatis gratia auctoritas.

Fuit item bonus pater, suavis maritus, nec vulgaris in re augenda familiari. Neque id negotium tractabat, ut minutum & vile, obiter tantum & defunctorie: itaque etiam, quæcunque ex iis huic loco conveniunt, recensenda putavi. Uxorem nobiliorem, quam opulentiorem, duxit: existimans, æque utrasque esse elatas & superciliosas; verum turpitudinis rubore obsequentiores viris ad honesta fore generosas. Eum, qui liberos, vel conjugem, cæderet, sanctissimis rebus dicebat asferre manus. Majorem laudem esse boni mariti, quam magni senatoris. Neque vero Socratem veterem esse sibi ob quidquam aliud admirationi, quam quod cum muliere mo-

rosa stupidisque liberis perpetuo vixisset placide & comiter. Cum uxor peperisset, nullo tam urgenti, nisi publico, negotio impediabatur, quin ei infantem abluenti & fasciis involventi assisteret. Illa enim proprio lacte nutricabatur infantem: frequenter etiam servorum pueros admovebat mammæ, quo benevolos eos ex educationis consortio erga filium redderet. Ubi primum per ætatem intelligere cœpit, instituit eum ipse in literis; licet scitum servum literatorem haberet, Chilonem nomine, qui multos pueros erudiebat. Nolebat autem filium, ut ipse ait, a servo male audire, vel aure vellicari, si tardius disceret; nec vero esse tantulæ disciplinæ causa obstrictum servo: verum erat ipse ejus ludimagister, ipse legum doctor, ipse lanista. Neque jaculari modo & armis depugnare atque equitare docuit filium, sed pugilatum etiam, æstum & algorem tolerare, vortices & fluctus fluminis nando superare. Historias sua manu se grandibus literis dicit conscripsisse, ut filius disciplinam majorum & veterum instituta domo petere valeret. Turpiter loqui non minus filio præsentem, quam virginibus Vestalibus, cavisse. Nunquam cum eo in balneis fuisse: quem morem videntur Romani habuisse communem. Etenim soceri una lavare defugiebant cum generis, denudare se & retegere erubescerent: post tamen, cum a Græcis adaperire se didicissent, traduxerunt vicissim in Græciam, ut id illi & cum feminis facerent. Tam præclarum fingenti opus ad virtutem Catoni, & conformanti filium, cum responderet studium illius, etiam ob indolem obtemperaret mens, sed esset corpus ad tolerandos labores mollius, remisit rationem victus intentiorem & austeriorem. Ille tamen cum tali

corpore insignis bellæ vir fuit, prælioque adversus regem Perseum decertavit sub duce Paulo Æmilio præclare. Cum vero gladius ei ictu excussus & madore esset manu elapsus, adiit cum dolore certos familiares suos: quibus adjunctis, fecit de integro impressionem in hostes. Ac cum longo certamine magnaue vi locum vacuum fecisset, tandem invenit eum in immensis acervis armorum, & in cadaverum, tam sociorum, quam hostium, cumulis aggeratorum: quamobrem commendavit adolescentem Paullus imperator. Et ipsius Catonis exstat ad filium epistola, qua supra modum extollit contentionem ejus de gladio & curam. Post Paulli filiam, Tertiam, Scipionis sororem, duxit uxorem: nec minus jam sua, quam parentis, gratia adeo nobiles nuptias sibi adjunxit. Ita Catonis quidem erga filium sedulitas bonum effectum sortita est.

Servos multos comparabat de manubiis. Pueros potissimum emebat, & eos, qui adhuc, sicut catuli & puli, educari cum disciplina & institui valerent. Horum in alios penates ingrediebatur nemo, nisi ipse mitteres eos Cato, vel uxor. Rogatus, quid ageret Cato, nihil, nisi nescire se, respondebat. Servum aut facere aliquid domi necessarium compellebat, aut dormire. Multum gaudebat Cato cubantibus, mansuetiores duens vigilantibus, & ad quodvis ministerium aptiores somno refectos. Existimans autem, servos in gravissima facinora illabi veneris causa, certum nummum in ancillarum concubitus præfinivit, alii feminae ne se jungeret quisquam. Ac primum tenuis adhuc, & dum stipendia faceret, nulla in re, quæ ad victum pertinebat, morosus

erat, sed fœdissimum asserebat, cum servis ventris causa rixari. Post rebus lautioribus, si quando epulas amicis & collegis præberet, illico sub cœnam loro castigabat eos, qui quid ministrassent, aut parassent negligentius. Dissidium perpetuo inter servos & distractionem struebat; concordiam eorum suspectam habens & timens. Qui capitalem fraudem admisisse videbantur, de iis, si in iudicio servorum capitis damnati fuissent, supplicium sumebat. Intentior ad quæstum, agriculturam in oblectamento potius numerabat, quam in fructu. Emolumenta autem in rebus securis & certis collocans, lacus paravit, aquas calidas, loca fullonibus idonea, prædia, quæ pascua haberent, & silvas nasivas. Unde magnum compendium faciebat, quibus nec Iuppiter posset, ut ipse ait, nocere. Fœnore usus ex maxime improposito nautico, ad hunc modum: Volebat, ut illi, quibus fœnerabatur pecuniam, multos asciscerent socios. Cum quinquaginta essent & totidem navigia, unam partem habebat Quintione institore liberto: qui una cum illis, qui mutuo acceperant pecuniam, negotiabatur & navigabat. Itaque non de toto periculum subibat, sed de exigua portione grandi lucro. Dabat mutuo etiam servis. Hi pueros mercabantur: quos cum exercuissent & docuissent Catonis impensa, anno post distrahebant. Multos etiam retinebat Cato, quanto maximo pretio licitatus alius fuerat, acceptum referens. Huc filium adhortans, negat, viri, sed mulieris esse viduæ, aliquid de suis fortunis diminuere. Illud vero fervidius est Catonis, quod insignem virum & divinum ad gloriam ausus est appellare eum, qui in rationibus plus relinquat, quod adjecerit, quam quod acceperit.

Eo jam sene, legati Atheniensium Romam adven-
tarunt, Carneades Academicus, & Diogenes, Stoicus
philosophus, petitum, ut iudicio sublevaretur populus
Atheniensis, quo indicta causa condemnato, postulan-
tibus Oropiis & Sicyoniis iudicibus, lis aestimata quin-
gentis talentis fuerat. Hos illico studiosissimi quique
adolescentes adibant, frequentesque audiebant & cele-
brabant. Carneadis lepos præcipue, cujus magna vis,
& ea vi non inferius erat nomen, cum insignes & beni-
gnos auditores attraxisset, instar venti urbem sonitu com-
plevit; vulgatumque fuit, virum Græcum, ad miracu-
lum usque eximium, omnia delinientem & allicientem,
mirum insudisse juventuti ardorem, per quem reliqua-
rum voluptatum & oblectamentorum oblitus, quasi fu-
rore quodam accensi raperentur ad philosophiam. Cum
ea res ceteris placeret Romanis, atque adolescentiam li-
benter viderent literis Græcis imbui & excellentibus viris
uti, Cato a primo, ubi influxit in urbem Græcarum
disciplinarum admiratio, stomachabatur: veritus, ne
juventus eo converteret studium, atque eloquentiæ glo-
riam rebus gerendis & disciplinæ militari anteferet. Ut
vero in urbe nomen increvit horum philosophorum, ac
primas orationes eorum clarus vir, C. Aquilius, cum,
id officii ut præstaret, enixe postulasset ipse, in senatu
est interpretatus; censuit, omnes philosophos ab urbe
honestæ speciei ablegandos: atque cum venisset in sena-
tum, incusavit magistratus, quod legati, qui persua-
dere facile quidvis valerent, diu illic sine responso se-
derent. Quare primo quoque tempore aliquid esse censuit
de legatione statuendum & decernendum, quod hi ad
ludos literarios regressi, apud Græcorum filios differe-

rent, Romana autem pubes conferret se, ut ante, ad obtemperandum legibus & magistratibus.

Hoc ille, non quo offensus esset Carneadi, (ut nonnulli arbitrantur) egit, sed quod philosophiam in totum, humanitatemque omnem Græcam & literaturam ex ambitione haberet ludibrio. Quippe qui Socratem quoque loquacem dicat & seditiosum fuisse, atque enîsum quovis modo tyrannidem occupare, institutis everfis majorum, rapiendo cives & impellendo ad contrarias legibus opiniones. Isocratis scholam deridens, senescere apud eum ait audiores, tanquam apud inferos artibus usuros & causas dicturos. Filium a literis Græcis revocans, voce usus est, quam pro tanta ætate, ferociore, velut vaticinans & præfagiens, infectos disciplinis Græcis amissuros imperium Romanos. Ceterum hoc illius vanum apparuit malum omen ipso tempore, quo ad reum culmen urbs evasit, cum omni se Græciæ eruditioni & institutioni dedisset. Nec philosophis Græcis modo erat infestus, sed illos quoque, qui medicinam Romæ exercebant, habebat suspectos: atque audito scilicet Hippocratis responso, cum rex eum mercede offensa multorum talentorum acciret, nunquam daturum se operam hostibus Græcorum barbaris, commune hoc dicebat medicorum iussurandum omnium, monebatque filium, ut declinaret omnes. Sibi scriptum commentarium esse, cuius præceptis se familiam agrotantem curare, & victus rationem præscribere: neminem unquam cibo abstinere, alere oleribus & carne anatis, vel palumbi, vel leporis: levem enim hanc esse & agris convenientem, nisi quod illis, qui ea manducaverunt, multa creet insomnia: hæc se medicina & victu valetudinem suam tueri, suosque conservare firmos.

Ceterum in eo quidem haud videtur iram Deorum devitasse : nam uxorem & filium amisit. Ipse corporis salubri constitutione ac robusta firmiter compactus in longum duravit. Itaque feminis grandævus percrebro jungebatur, duxitque juvenem uxorem præter ætatem suam, ex causa hujusmodi : Defuncta uxore, filio despondit Paulli filiam, sororem Scipionis, ac cælebs cum puella, quæ commeabat ad eum occulte, consuetudinem habebat. Verum ea res angustiis in penatibus, ubi nurus erat, non manebat tecta. Ac cum mulierculam illam contemnit & audacius præter thalamum filii in cubiculum Catonis appareret irrumperè, adolescens verbum quidem nullum fecit, sed rubore perfusus, torve eam aspexit : quæ res non fuit clam sene. Ut ergo eos animadvertit offendi, nihil incusans, aut questus, sed progrediens pro more suo cum amicis ad forum, Salonium quendam, qui scriba ejus fuerat, præsentem & ipsum prosequentem alta voce appellat, rogatque, ecquid filiam elocasset. Quo negante, id se, nisi illo consulto, facturum : Atqui ego, inquit, commodum generum tibi inveniri : nisi hercle displiceat ætas. Nam cetera non est contemnendus, verum gravis annis. Quem cum eam curam ut susciperet, rogaret Salonius, & quem delegisset, ei daret filiam suam nuptui, quæ ipsius cliens esset, ejusque indigeret sollicitudine : nulla Cato interposita mora sibi ipsi aperit puellam petere. Hic primum haud immerito attonitus fuit eo sermone homo, remotum a nuptiis Catonem, remotum autem a domo se consulari & triumphali existimans affinitate : verum ubi serio agentem vidit, accepit conditionem libens. Ita descenderunt in forum, atque sponsalia extemplo fecere. Dum

hæ nuptiæ in manibus sunt, Catonis filius, adhibitis necessariis, requisivit de patre, quo suo peccato, vel offenso, novercam sibi superduceret. cui Cato exclamans, Bona verba, inquit, fili. Omnia facta tua grata mihi sunt, neque, quod querar, quidquam habeo: sed plures cupio mihi filios & cives patriæ relinquere tui similes. Hanc sententiam ferunt prius Pisistratum usurpasse, Atheniensium tyrannum, cum, adultis filiis, secundam uxorem duxisset Argolicam Timonassam: ex qua Jophonem & Thessalum fama est genitos fuisse. Ex iis nuptiis natus Catoni est filius, cui a matre agnomen Salonium reddidit. Major filius in prætura decessit: cuius crebream Cato in libris suis, ut egregii viri, facit mentionem. Moderate autem & sapienter dicitur eam calamitatem tulisse, nec ideo redditum in republica segniorem. Neque enim, ut Lucullus postmodum, & Metellus Pius, elanguit senio ad rempublicam gerendam, munus adhuc suum ducens reipublicæ administrationem; neque, ut ante Scipio Africanus, ob incurrentem in gloriam suam invidiam averfus a populo immutavit se, atque vitæ reliquæ finem in otio posuit: sed sicut Dionysio quidam suasse, ut pro pulcherrimis exsequiis tyrannidem haberet, pulcherrimam senectutis traductionem publica negotia ducens, remissionibus & oblectationibus per otium utebatur, libros componendo & rus colendo.

Ac varia quidem scripta historiasque commentatus est. Agriculturæ operam dedit, in juventute etiam, propter emolumentum. Nam duobus generibus dumtaxat questus ait se usum, agricultura & parsimonia. Tunc opera rustica præbebant ei oblectationem & contemplationem. Scripsit quoque de re rustica librum, in quo etiam

de placentis apparandis, & de condendis pomis scriptum: omni in re ut excelleret & singularis esset, elaborans. Cœna quoque erat ruri liberalior: invitabat enim assidue villis suis vicinos & finitimos, quibuscum ei familiaritas intercederet. Cum his vivebat hilariter, eratque jucunda consuetudo ejus & accepta, non æqualibus modo, sed juvenibus etiam. Nempe multarum rerum peritus erat, multisque rebus & sermonibus memoratus dignis interfuerat. Mensam inprimis putabat esse amicitiae conciliandæ aptam, ac frequens illic laudatio egrorum virorum introducebatur, frequens etiam malorum & improborum oblivio: nec vituperationi eorum, vel commendationi, permittebat in convivium suum Cato accessum.

Ex publicis actionibus ejus arbitrantur novissimam Carthaginis excidium fuisse, cui finem factum imposuit Africanus minor; consilio & sententia præcipue Cato. Bellum fuit ex hujusmodi conflatum causa. Cato Carthaginem & ad Massanissam, Numidiæ regem, qui bellum inter se gerebant, ad inspiciendas dissidii causas fuit missus. Fuerat hic a primo amicus populi Romani: illi, a Scipione bello victi, pacem a populo Romano acceperant, imperiique ademptione & gravi vectigali fuerant refrenati. Qui cum eam civitatem, non, pro populi Romani opinione, offendisset afflictam, vel infractam, verum magna juventutis sobole florentem, magna affluentem opulentia, omni genere armorum & apparatu bellico refertam, quæ res Pænis non mediocres spiritus darent; tempus existimabat esse, non ut res Numidiæ & Massanissæ componerent & disceptarent Romani, sed, nisi civitatem oppressissent, antiqui-

*tus inimicam & exacerbata, quæ supra, quam credi posset, invaluerat, paria pericula ipsos iterum incur-
suros. Igitur propere reversus docuit senatum, non tantum superiores clades & vulnera Carthaginiensibus virium, quantum imprudentiæ, detraxisse: ac prope esse, ut non infirmiores eos, sed expertiores ad bellum faciendum, reddiderint. Nunc vero etiam præludia belli Romani agitare bellum Numidicum: pacem & fœdus prætexere belli moræ, dum opportunitatem expectant.*

Ad hæc fertur Cato ficos Africanas, togam excutendo, in curia consulto effudisse: quorum cum admirarentur magnitudinem & speciem, dixisse eum, quæ has ferat tellus, tridui navigatione a Roma distare. Illud vero jam violentius, quod, quacunque de re diceret sententiam, semper hoc addiderit: Hoc censeo, & Carthaginem delendam. Contra P. Scipio, Nasica dictus, perpetuo pro sententia dicebat: Censeo, Carthaginem relinquendam. Multa enim, meo iudicio, cum populum procacitate videret admittentem, & ob secundum rerum cursum atque ferociam senatui minus dicto audientem, totamque rempublicam ob nimiam potentiam, quo nutu vergeret, secum vi trahentem, volebat hunc certe timorem pro freno moderatorem contumaciæ injectum multitudinis: minus censens pollere Carthaginienses, quam ut superare possent Romanos, & plus, quam ut contemnerentur. Id ipsum vero Catoni anceps visum, lascivienti populo, & crebrò ex licentia offendenti, urbem antiquitus quidem magnam, tum vero etiam, quod fracta esset ærumnis, sobriam imminere: quin potius metus externos imperii esse semel excindendos, ut ita opportunius intestinis malis medendis vacarent. Ita sus-

*citasse Cato dicitur tertium & supremum bellum Pun-
nicum. Affecto bello, excessit vita, vaticinatus de vi-
ro, qui finem impositurus bello esset. Hic tum quidem
juvenis erat, sed tribunus militum specimen in confi-
ctibus prudentiae & animi praebebat. Id Romam nun-
tium cum pervenisset ad aures Catonis, dixisse eum
perhibent: Huic modo cor soli est, reliqui velut um-
bra feruntur. Hanc praedictionem brevi Scipio re con-
firmavit. Progeniem Cato reliquit unum filium ex se-
cunda uxore, cui cognomen factum Salonio diximus:
unum etiam ex defuncto filio nepotem. Salonius in pra-
tura decessit: cujus filius Marcus consul fuit, avus Ca-
tonis philosophi, viri virtute & laude sua aetate cla-
rissimi.*

NOTITIA LITERARIA

D E

M. PORCIO CATONE

E X

Jo. Alb. Fabricii Bibliotheca Lat. a Jo. Aug. Ernesti
 auctius edita T. I, Lib. I, cap. II.

M. Catonis majoris ætas.

M. *PORCIUS Cato*, antea *Priscus* appellatus, etiam *Major* vulgo audit ob pronepotem Catonem minorem Uticensẽ. Ortus municipio Tusculo, non minus egregii Imperatoris Consulisque ac

1. Livius XXXIX, 4. Plin. VII, 27, & XXIX, 1 Hist. Cicero Bruto cap. 15 &c. Ne-
 pos & Plutarchus Catone
 Majore pag. 336 seq. E re-
 centioribus Joan. Glandor-
 pius in Onomastico Roma-
 no pag. 714 seq. ubi de gen-
 te Porcia e Gellii XIII, 19,
 & aliis scriptoribus: Andr.
 Schottus ad Victorem de
 viris illustribus c. 47. Caspar.
 Sagittarius de vita & scriptis
 Catonis, Ennii, Pacuvii &c.
 Altenburg. 1672, 8 (quo in

libro pag. 75 tabellam ge-
 nealogicam Catonum exhi-
 bet:) Martinus Hanckius
 (in Sagittarii libro p. 106
 per typographi errorem Han-
 ferus) Vir Cl. libro utroque
 de Romanarum rerum scri-
 ptoribus, ac Petrus Bælius
 dictionario Historico-Critico
 edit. secundæ in *Porcius*.
 Dissertatio scriptoris Galli
 (Mr. Roue) de duobus Ca-
 tonibus, Censore & Uticensi,
 de quo Hist. des ouvrages
 des Savans A. 1708, pag.

Censoris, (unde *Censorius* quoque passim dicitur) quam Icti, Oratoris, ² conditoris Historiarum ac Philosophi nomen promeruit. Cum bello Punico secundo ab anno usque septimo decimo ætatis non infeliciter pugnasset, deque Hispania triumphum, & multa in Rep. præclare egisset, haud dubitavit magno jam natu ³ Græcas literas in Sardinia ab Ennio addiscere, nec pauca latine scripsit, obiitque tertio bello Punico, quod ipse suaferat, ineunte, anno U. C. 604. L. Censorino & Manilio Coff. ante Christum natum 149, ætatis 85, si Ciceronis quidem ⁴ & Plinii calculum sequimur: nam Livius XXXIX, 40 eum testatur anno 86 adhuc causas egisse, & anno 90 Servium Galbam ad populi iudicium adduxisse; quod narrat etiam Plutarchus in vita p. 344 seq. Confer, si juvat, Valerium Max. VIII, 7, 1.

Liber de agricultura.

Jam tum Ciceronis ⁵ ætate nullum fere exstabat scriptum latinum, quod esset dignum lectione, scriptis Catonis antiquius. Cum vero plu-

102. Imaginem Catonis Censorii post Bellorum & alios exhibet Jacobi Gronovii Viri Cl. Thesaurus Antiquitatum Græc. Tomo III. Diversus a Catonibus, quos Glandorpius & Sagittarius recensent, fuit Cato Sinopenfis, cujus de Hieronymi Syracusani Tyrannide librum allegat Athenæus libro VI.

2. M. Catonem hunc, pro-

pter eloquentiam, cognomento *Demosthenem* appellatum esse testatur Diodorus Sic. pag. 382 excerpt. Peiresc.

3. Aurelius Victor c. 47. Cicero Catone Majore c. 4 & 2, & in Lucullo c. 2. Quinctilian. XII, 11.

4. Cicero Bruto c. 20. Plinius XXIX, 1.

5. Cicero Bruto c. 18.

rima, ut dixi, scripserit, unus hodie illius fupereft *de agricultura*, five *de rebus rusticis* ad filium *liber*, cujus meminit præter Varronem ac Columellam, Gelliumque, Plutarchus p. 351, συνέτακται γε βιβλίον γεωργικόν, ἐν ᾧ καὶ περὶ πλακούντων σκευασίας (cap. 76) καὶ τηρήσεως ὀπώρας (cap. 25 & 101) γέγραπεν, ἐν παντὶ φιλοτιμούμενος περιττὸς εἶναι καὶ ἰδιός. Plinius XIV, 4: *Catonum ille primus triumpho & censura supra cetera insignis, magis tamen etiamnum claritate literarum, præceptisque omnium rerum expetendarum datis generi Romano, inter prima vero agrum colendi, illius avi confessione optimus ac sine amulo agricola.* Servius ad 2 Georgic. *Hoc etiam Cato ait in libris ad filium de agricultura, &c.* Ab Catone ornata *literarum latinarum monumenta* scribit Valerius Maximus III, 4, 6; & apud Ciceronem de senectute c. 15 Cato ipse loquens, dixi, inquit, *in eo libro, quem de rebus rusticis scripsi; de qua (utilitate stercoreandi) doctus Hesiodus ne verbum quidem fecit, cum de cultura agri scriberet.* Plinius XVI, 39: *Cato hominum summus in omni usu, de materiis hæc adjicit.* Producit deinde verba ex libro de re rustica cap. 31. Inscriptiones capitum non esse ab ipso auctore, recte videtur annotasse Joannes Meursius, licet exstent in editione antiqua, quæ prodiit Regii a. 1482, fol. tum in altera ibid. a. 1499, fol. At in aliis quibusdam defunt, ut in Basileensi anno 1521, quam optimæ notæ esse, idem Meursius judicat, & in Colonienfi apud Jo. Gymnicum 1536, 8, & in Lugdunensi apud Seb. Gryphium 1536, 8. Vid. & Pontederæ not. ad c. 1.

DE M. PORCIO CATONE. XCIII

Oratio pro Lege Oppia apud Livium.

Oratio Catonis *pro lege Oppia* adversus L. Valerium Tribunum, cum Valerii responsione legitur apud Livium XXXIV, 2 sq. ingenio Livii apte ad rem & personam Catonis expressa.

Supposititia Catonis ab Annio edita. Disticha moralia alterius scriptoris. Valerii Catonis diræ.

Cetera, quæ, tanquam ex Originibus Catonis petita de *Antiquis Italia populis* fragmenta, una cum aliis scriptis nullius fidei vulgavit commentariisque illustravit *Joannes Annii* Viterbiensis, Romæ anno 1498, fol. frequenter & variis locis ab eo tempore recusa, tanquam spuria, quamquam laciniis quibusdam, quas e Catone Plinius & alii proferunt, adtextis, præsentis loco omitto. Ita *disticha moralia*, quæ sub *Dionysii Catonis* nomine circumferuntur, nemo ignorat ad Catonem, de quo loquimur in præsentis, neutiquam pertinere; non certe magis, quam *Valerii Catonis diras*, de quibus singulis dicetur loco suo.

Catonis majoris dictio.

- Ut ad Catonem Censorium noster redeat sermo, orationis ejus formam ita describit Cicero in Bruto c. 17: *Antiquior est hujus sermo, & quædam horridiora verba: ita enim tum loquebantur. Id muta, quod tum ille non potuit, & adde nuncios, & aptior sit oratio, ipsa verba compone & quasi coagmenta,*

XCIV NOTITIA LITERARIA

quod ne Græci quidem veteres fecerunt : jam nō minem antepones Catoni. Plutarchus in Catonis vita pag. 339 : εὐχαρὶς ἅμα καὶ δεινὸς, ἥδὺς καὶ καταπληκτικὸς, φιλοσκώμων καὶ αὐστηρὸς, ἀποφθεγματικὸς καὶ ἀγωνιστικὸς, *lepidus simul & gravis, jucundus & fulminans, facetus & austerus, sententiosus & acris*. Hoc exemplis deinceps quibusdam confirmat, & nonnulla ipſius acute dicta refert Plutarchus.

Scripta deperdita.

Scripta Catonis deperdita hæc apud Veteres commemorantur :

Originum five Historiarum ⁶ Annaliumve Pop. Romanī libri VII, quibus eum ultimam manum paucis ante mortem diebus vel mensibus imposuisse, e Cicerone constat. Certe senex demum illos scribere instituit, teste Nepote cap. 3, ubi singulorum librorum argumenta. Apud Livium quidem XXXIV, 5, L. Valerius tribunus Catoni vix duodequadrageſima annos nato Origines ipſius objicit. Sed videtur Livius eo in loco, ut sæpius alibi, tribuere ex ingenio suo orationem L. Valerio, quam ille aliter aliamque dixerat; ut multis jam eruditis

6. *Historias* vocat præter Nepotem Charisius lib. 2. Sed *Annales* Epitoma Livii lib. XLIX. *Origines* non factis plenus titulus viſus Feſto in *Orig.* Adi Voſſium lib. I, de Historicis latinis cap. V. Fragmenta e Catonis Orig-

num libris collegere Antonius Riccobonus ad calcem libri de Historia, & Aufonius Popma in fragmentis Catonis, de quibus ante dixi, & in fragmentis Historicorum, de quibus infra in Sallustio.

observatum, Vossio, Bælio, atque Henrico Norisio Cenotaph. Pisan. diss. 1, c. 1, p. 4. Laudes suas in hoc opere minime præterisse Catonem, docet Plutarchus in vita p. 344. Ipse Cato manu sua scriptum majoribus literis legendum filio suo proposuit, ut domestica exempla virtutis edisceret. Id. p. 348. Laudat hoc opus Cicero Bruto cap. XVII. Illustraverat olim *Statilius Maximus*, ut e Charisio colligitur. Fragmenta harum Originum e Grammaticis & aliis collecta reperiuntur inter Fragmenta Historicorum veterum, separatim & ad calcem Sallustii Cortiani &c. edita.

De re militari liber, laudatus post alios Joan. Sarrisenberienſi VI, 19 Polieratici. Vide de hoc Catonis scripto Stewechium ad Vegetii lib. 1, cap. 8, qui tamen fallitur, cum plures libros hujus argumenti a Catone scriptos putat, & Orationes confundit cum libris; etsi & hi & illæ Græcis sunt *λογος*, & Gellius quoque Orationem Catonis de falsis pugnis librum appellat X, 3, & librum contra Tiberium Sempronium Longum exsulem II, 14.

Libri quæstionum Epistolicarum, Gellius VII, 10. *Epistolæ*. Plinius, Festus, Priscianus &c.

De Oratore, ad filium. Diomedes lib. I. pag. 358. Quintilianus III, 1 : *Romanorum primus, quantum ego quidem sciam, condidit aliqua in hac materia M. Cato ille Censorius.*

Orationes variæ (centum & quinquaginta legisse se testatur Cicero in Bruto cap. XVII.) quas ab adolescentia, ut est apud Nepotem, confecit, laudatæ Ciceroni, Varroni, Livio, Plutarcho in Vi-

xcvi NOTITIA LITERARIA

ta Flamini p. 379, Gellio, Festo, Charisio, Nonio, Prisciano & aliis. Quasdam ex his provectione ætate scriptas habitasque, Originibus suis etiam incluserat, ut viri docti colligunt ex Epitoma libri XLIX Liviani, atque e Livio ipso XLV, 25, & Cicerone in Bruto. Quamplurimos accusavit, pro se ipse causam undequinquagies dixit. Ceterum Athenienses cum non Græce sed per interpretem allocutus esset, mirati sunt illi, quod interpretis breviloquentiam eius vix pluribus verbis assequi valuisset, ut refert Plutarchus p. 343 seq.

De liberis educandis. Macrobius III, 6.

Carmen de moribus, liber non versibus scriptus, sed prosa. Carmen enim antiquis dicebantur præcepta, leges, preces, diræ, & formulæ quævis solemnes, licet minime versibus scriptæ essent, ut demonstravi lib. I Bibliothecæ Græcæ cap. IX, sect. 14. Vide Gellium IX, 2, & Nonium in *eliganes*.

Commentarius, quo medetur filio, servis, familiaribus. Plinius XXIX, 1. Plutarchus in Vita p. 350.

Apophthegmata, a fene Catone collecta. Cicero I Offic. c. 29. Plutarch. p. 337.

De M. Catone filio, Prætor.

Filius Catonis nostri M. Cato, Prætor, ante patrem 7 denatus, scripserat *de Juris disciplina* libros, sive *Commentarios Juris Civilis*, quorum deci-

7. Livii Epitome lib. XLVIII: *M. Porcius Cato filii in Prætura mortui funus tenuissimo, ut voluit, nam pau-* *per erat, sumtu fecit.* De virtute ejus vide sis Justinum XXXIII, 2.

DE M. PORCIO CATONE. xcvii

mus quintus laudatur a Paulo Icto, in leg. 4. D. de Verbor. obligat. Meminit & Gellius XIII, 19. & Festus in *Mundus*. Confer, si placet, Jac. Oiseli notas ad laudatum Gellii locum. Hosce Commentarios inter Catonis Censorii scripta perperam retulere viri doctissimi, Popma & Riccobonus.

De Catone nepote.

M. Cato nepos, qui anno U. C. 638 Consul fuit, scripsit & ipse *Orationes*, quæ a veteribus allegantur, & cum *Orationibus* proavi subinde confunduntur. Cato nepos de actionibus ad populum, ne lex sua abrogetur, Priscian. III, p. 602.

De pronepote, Catonæ minore, Uticensi.

De *Cæsaris Anti-Catonibus*, qui oppositi erant laudibus Catonis, vulgo dicti ⁸ minoris, Uticensis, quem Censorii pronepotem ⁹ Cicero helluonem librorum appellat, ac singulari scripto laudibus in cœlum extulerat, dico infra in Cæsare, ubi etiam de Bruto, qui Cæsari, ac de Augusto, qui Bruto respondit. Scripserat & Catonem M. Fabius Gallus, quem mitti sibi postulat Cicero libro VII, Epistola 24 ad Gallum. Scipionis librum probris in Catonem refertum memorat Plutarchus in Catone minore p. 787. Nimis, ut solet, audacter eruditif-

8. Vitam ejus scripsit Plutarchus p. 759 sq.

9. Vide tabellam Catonum

Scriptu. R. R. Vol. I.

genealogicam in Christiani Falsteri amenitatibus philolog. pag. 291 partis III.

XCVIII NOT. LIT. DE M. PORC. CATONE.

simus Bentlejus ex Horatii lib. I Oda 12 tollit, repugnantibus omnibus libris, *an Catonis nobile lectum*, & pro eo reponit *anne Curti*. De eodem Catone nepote accipiendus Virgilius VIII Æneid. 670: *secretosque pios, his dantem jura Catonem*. Adi, si placeat, dissertationem insertam Diario Basnagii Bellovallii (*Histoire des ouvrages des Savans*) a. 1708. p. 102. Idem Uticensis Cato materiam præbuit Tragœdiis duabus insignibus, quas libenter spectavit Anglia, Galliaque. Anglicæ auctorem, Londini primum editæ, & deinde Hagæ 1713, 12 recusæ, atque ex Italica metaphrasi ab *Antonio Maria Salvini* Florent. 1725, 4, Germanice a *Jo. Christoph. Gottschedio* Lipsi. 1732, 8, & Germanica prosa ab ejus uxore, constat fuisse *Josephum Addisonium*, præstanti virum ingenio, qui extinctus a. 1719, 17 Jun. At Gallicam composuit Mr. Deschamps Paris. 1715, 12. de qua consulendæ ephemerides eruditum Paris. 1715. Septembr. pag. 273 seq. & Hagenses (*Journal littéraire*) Tom. VI, pag. 510. ubi mentio editionis, quæ Hagæ repetita est cum addita comparatione Catonis Gallici Anglicique. De Addisonii Anglici Catonis Italica Metaphrasi vide *Diarium Venetum, Giornale de' letterati d'Italia* Tom. XXII, p. 443 seq.

MARCI TERENTII VARRONIS

VITA

A

MARTINO HANKIO

CONSCRIPTA.

M. *TERENTIUS Varro, C. Licinio Geta, Q. Fabio Eburno, Consulibus, Olympiadis 166 anno 1, Urbis 637, mundi 3834, ante C. N. 114 natus est. Eusebius in Chronicis ad Olympiadis 166 annum 1, num. 1901: M. Terentius Varro philosophus & poeta nascitur.*

Ei patria fuit Roma. Augustinus lib. 4 de civitate Dei cap. 1: Quod (Varro, cum scenicos ludos in rebus divinis poneret) profecto non auctoritate sua fecit, sed quoniam eos, Romæ natus & educatus, in divinis rebus invenit.

Præceptores cum M. Tullio Cicerone communes habuit, Romæ quidem L. Ælium Stilonem, Athenis autem Antiochum Ascalonitam. Cicero in Bruto cap. 56: Cottæ (oratio) pro lege Varia quæ inscribitur, eam L. Ælius scripsit Cottæ rogatu. Fuit is omnino vir egregius, & eques Romanus cum primis honestus,

idemque eruditissimus & græcis literis, & latinis; antiquitatisque nostræ & in inventis rebus, & in actis, scriptorumque veterum literate peritus. Quam scientiam Varro noster acceptam ab illo, auctamque per sese, vir ingenio præstans omnique doctrina, pluribus & illustrioribus literis explicavit. Sed idem Ælius Stoicus esse voluit; orator autem nec studuit unquam, nec fuit. Scribebat tamen orationes, quas alii dicerent; ut Q. Metello F. ut Q. Cæpioni, ut Q. Pompejo Rufo: quamquam is etiam ipse scripsit eas, quibus pro se est usus, sed non sine Ælio. His enim scriptis etiam ipse interfui, cum essem apud Ælium adolescens, eumque audire perstudiosè solem. *Cap. 91*: Cum venissem Athenas, sex menses cum Antiocho, veteris Academiæ nobilissimo philosopho, fui, studiumque philosophiæ nunquam intermissum, a primaque adolescentia cultum, & semper auctum, hoc rursus summo auctore & doctore renovavi. *Lib. 1 Academicarum questionum, cap. 3, ad Varronem*: Aristum (*Brutus*) Athenis audivit aliquamdiu, cujus tu fratrem Antiochum. *Ibidem cap. 4*: Quid? ergo, inquam, Antiocho id magis licuerit, nostro familiari, remigrare in domum veterem e nova, quam nobis in novam e vetere? Certe enim recentissima quæque sunt correctæ & emendatæ maxime. Quamquam Antiochi magister Philo, magnus vir, ut tu existimas ipse, negaret in libris (quod coram etiam ex ipso audiebamus) duas Academias esse. *Paucis interpositis*: Mihi vero ille (*Varro*), Quid est enim, quod malim, quam ex Antiocho jam pridem audita re-

cordari? *Augustinus lib. 19 de civitate Dei, cap. 3:* Hæc sensisse atque docuisse Academicos veteres, Varro asserit, auctore Antiocho, magistro Ciceronis & suo, quem sane Cicero in pluribus fuisse Stoicum, quam veterem Academicum, vult videri.

Amicitiam cum eodem Cicerone, non juvenis modo, sed etiam vir, coluit. Indicia sunt, epistolæ complures, & quæstiones Academicæ, quas ad Varronem Cicero scripsit: de Latina lingua libri, quorum tres Ciceroni Varro dedicavit.

*Ceterum in amicis etiam Cn. Pompejum Magnum habuit, in cujus gratiam, cum primum consulatum, M. Crasso collega, suscepturus esset, commentarium isagogicum, anno Urbis 682, mundi 3879, ante C. N. 69, composuit. A. Gellius lib. 14, cap. 7: Cn. Pompejo consulatus primus cum M. Crasso designatus est. Eum magistratum Pompejus cum initurus foret, quoniam per militiæ tempora senatus habendi consulendique, rerum etiam expers urbanarum fuit, M. Varronem, familiarem suum, rogavit, uti commentarium faceret *σιταγωγιμὸν*. Sic enim Varro ipse appellat. Ex quo disceret, quid facere dicereque deberet, cum senatum confuleret.*

Triumvirum atque tribunum se fuisse, profitetur ipsemet in humanarum rerum lib. 21, quem locum A. Gellius lib. 13, cap. 12 citat: Ego triumvir vocatus a P. Porcio, tribuno plebis, non ivi auctoribus principibus, & vetus jus tenui. Item tribunus cum essem, vocari neminem jussi, neque vocatum a collega parere invitum.

In bello, quod Romani, Pompejo imperatore, con-

tra piratas, C. Calpurnio Pisone, M. Acilio Glabrio-
ne, consulibus, anno Urbis 686, mundi 3883, ante
C. N. 65, susceperunt, Græciæ classibus præfuit. Varro
Lib. I de re rustica, cap. 5: Sed quid ego (Scrofa)
illum (Hippocratem) voco ad testimonium? Non
hic. Varro noster, cum Corcyræ esset exercitus ac
classis, & omnes domus repletæ essent ægrotis ac
funeribus, immisso fenestris novis aquilone, & ob-
structis pestilentibus, januaque permutata, cetera-
que ejus generis diligentia, suos comites ac fami-
liam incolumes reduxit? In præfatione Libri II:
Qua de re pecuaria breviter ac summatim percur-
ram, ex sermonibus nostris collatis cum iis, qui
percuarias habuerunt in Epiro magnas, tum, cum
piratico bello inter Delum & Siciliam, Græciæ clas-
sibus præesset. Ubi codex, quem Ausonius Popma
edidit, pro Sicilia, Ciliciam nominat. Plinius lib. 3,
cap. 11: Inde (a Tarento) XXXII M. promontorium,
quod Acran Japygiam vocant, quo longissime in
maria excurrit Italia. Ab eo Basta oppidum & Hy-
druntum, decem ac novem M. pass. ac discrimen
Jonii & Adriatici maris, qua in Græciam brevif-
simus transitus, ex adverso Apolloniæ oppidi, lati-
tudine intercurrentis freti L M. non amplius. Hoc
intervallum pedestri continuare transitu pontibus
jactis, primum Pyrrhus, Epiri rex, cogitavit: post
eum M. Varro, cum classibus Pompeji piratico bel-
lo præesset. Utrumque aliæ impediere curæ. Flo-
rus lib. 3, cap. 6: Ille (Pompejus) dispersam toto
mari pestem, semel & in perpetuum volens extin-
guere, divino quodam apparatu aggressus est. Quip-

pe cum classibus suis, & socialibus Rhodiorum abundaret, pluribus legatis atque præfectis utraque Ponti & Oceani ora complexus est. Gellius Tusco mari impositus; Plotius Siculo. Gratiilius Ligusticum sinum, Pompejus Gallicum obsedit, Torquatus Balearicum, Tiberius Nero Gaditanum fretum, qua primum maris nostri limen aperitur: Lentulus Libycum, Marcellinus Ægyptium, Pompeji juvenes Adriaticum, Varro Terentius Ægæum & Ponticum, Pamphylium Metellus, Asiaticum Cæpio; ipsas Propontidis fauces Porcius Cato sic obditis navibus, quasi portam observavit. Sic per omnes æquoris portus, sinus, latebras, recessus, promontoria, freta, peninsulas, quidquid piratarum fuit, quadam indagine inclusum & oppressum est.

Videtur in eodem bello, Ciliciæ proprætor a Pompejo creatus, cum polleret hoc extraordinario imperio, P. Septimium, ad quem tres priores de Latina lingua libros scripsit, quæstorem habuisse. Nam lib. 4 de lingua Latina cap. 3: Ut Asia, inquit, sic cælum dicitur modis duobus. nam & Asia, quæ non Europa, in qua est Syria: & Asia dicitur prioris pars Asiæ, in qua est Jonia, & provincia nostra Cilicia. Lib. 6, cap. 7, ad Ciceronem: Instituti sex libris, quemadmodum rebus Latina nomina essent imposita ad usum nostrum, e quibus tres scripsi P. Septimio, qui mihi fuit quæstor: tres tibi, quorum hic est tertius.

Ex hoc bello rostratam, id est, navalem coronam, (qua donari solebat prælio maritimo, qui primus in hostium navem armatus vi transfiliverat, ut A. Gellius lib.

5, cap. 6 refert) tribuente Pompejo, reportavit. *Plin. lib. 7, cap. 31*: M. Varronis, in bibliotheca, quæ prima in orbe ab Afinio Pollione ex manubiis publicata Romæ est, unius viventis posita imago est: haud minore, ut equidem reor, gloria, principe oratore & cive, ex illa ingeniorum, quæ tunc fuit, multitudine, uni hanc coronam dante, quam cum eidem Magnus Pompejus piratico ex bello navalem dedit. *Lib. 16, cap. 4*: Cedunt (*militibus, virtutis insigne clarissimum, coronæ*) & rostratæ, quamvis in duobus maxime ad hoc ævi celebres: M. Varrone e piraticis bellis, dante Magno Pompejo; itemque M. Agrippa, tribuente Cæsare e Siculis, quæ & ipsa piratica fuere.

C. Claudio Marcello, L. Cornelio Lentulo Coss. anno Urbis 704, mundi 3901, ante C. N. 47, jam sexaginta septem annorum senex, cum Casar & Pompejus, belli civilis auctores, de principatu certarent, Pompeji proconsulis in Hispania legatus, L. Afranio & M. Petrejo collegis, erat. Ulteriore Hispaniam, cui præerat, cum adversus Casarem tueri non valeret, legionem suam Casari tradebat, a quo dimittebatur incolumis. *Suetonius in Casare cap. 34*: Validissimas Pompeji copias, quæ sub tribus legatis, M. Petrejo, & L. Afranio, & M. Varrone in Hispania erant, invasit. *Eutropius lib. 6, cap. 17*: Inde Hispanias (Casar) petiit. Ibi Pompeji exercitus validissimos & fortissimos, cum tribus ducibus, L. Afranio, M. Petrejo, M. Varrone superavit. *Plutarchus in Cæsaris vita, Hermannò Cruserio interprete*: Hinc in Hispaniam cum exercitu profectus est, prius sta-

tuens Afranium & Varronem, Pompeji legatos, submovere, illiusque legiones & provincias redigere in potestatem suam, inde in Pompejum, nullo relicto a tergo hoste, pergere. Et quamvis in crebra pericula, hinc corpore infidiis circumventus, hinc præsertim per famem exercitus sui incurrisset, non ante tamen insectari, laceßere, circumvallare destitit illos, quam castris eorum & copiis esset positus. *Florus lib. 4, cap. 2, 39*: Sic citerior Hispania recepta est, nec ulterior moram fecit. Quid enim una post quinque legiones? Itaque ultro cedente Varrone, Gades, fretum, Oceanus, omnia felicitatem Cæsaris sequebantur. *Multo clarius & exactius exponit hæc ipse Julius Cæsar lib. 1 de bello civili, cap. 38*: Adventu Vibullii Rufi, quem a Pompejo missum in Hispaniam demonstratum est, Afranius & Petrejus & Varro, legati Pompeji, quorum unus tribus legionibus Hispaniam citeriorem, alter a saltu Castulonensi ad Anam duabus legionibus, tertius ab Ana, Vettonum agrum Lusitaniamque pari numero legionum obtinebat, officia inter se partiuntur: ut Petrejus ex Lusitania per Vettones cum omnibus copiis ad Afranium proficiscatur; Varro cum iis, quas habebat, legionibus omnem ulteriorem Hispaniam tueatur. *Lib. 2, cap. 17 & 18*: M. Varro in ulteriore Hispania initio cognitis iis rebus, quæ sunt in Italia gestæ, diffidens Pompejanis rebus, amicissime de Cæsare loquebatur: præoccupatum sese legatione ab Cn. Pompejo, teneri obstrictum fide: necessitudinem quidem sibi nihilo minorem cum Cæsare intercedere; neque se igno-

rare, quod esset officium legati, qui fiduciarium operam obtineret, quæ vires suæ, quæ voluntas erga Cæsarem totius provinciæ. Hæc omnibus ferebat sermonibus; neque se in ullam partem movebat. Postea vero, cum Cæsarem ad Massiliam distineri cognovit, copias Petreji cum exercitu Afranii esse conjunctas, magna auxilia convenisse, magna esse in spe atque expectatione, & consentire omnem citeriorem provinciam, quæque postea acciderant, de angustiis ad Ilerdam rei frumentariæ accepit; atque hæc cum latius atque inflatus Afranius perscribebat: se quoque ad motum fortunæ movere cœpit. Delectum habuit tota provincia; legionibus completis duabus cohortes circiter xxx alarias addidit; frumenti magnum numerum coegit, quod Massiliensibus, item quod Afranio Petrejoque mitteret; naves longas x Gaditanis, ut facerent, imperavit; complures præterea Hispali faciendas curavit: pecuniam omnem omniaque ornamenta ex fano Herculis in oppidum Gades contulit. Eo vi cohortes, præsidii causa, ex provincia misit; Cajumque Gallonium, equitem Romanum, familiarem Domitii, qui eo procurandæ hereditatis causa venerat missus a Domitio, oppido Gadibus præfecit: arma omnia privata & publica in domum Gallonii contulit. Ipse habuit graves in Cæsarem conciones. Sæpe ex tribunali prædicavit, adversa Cæsarem proelia fecisse, magnum numerum ab eo militum ad Afranium perfugisse. Hæc se certis nuntiis, certis auctoribus comperisse. Quibus rebus perterritos cives Romanos ejus provinciæ sibi ad remp. admi-

nistrandam HS. CXC, & argenti pondo xx millia, tritici modios CXX millia polliceri cogit. Quas Cæsari esse amicas civitates arbitrabatur, iis graviora onera injungebat: qui verba atque orationem adversus remp. habuissent, eorum bona in publicum addicebat; præsidiaque eo deducebat, & judicia in privatos reddebat: provinciam omnem in sua & Pompeji verba jusjurandum adigebat. Cognitis iis rebus, quæ sunt gestæ in citeriore Hispania, parabat bellum. Ratio autem hæc erat belli, ut se cum duabus legionibus Gades conferret, naves frumentumque omne ibi contineret. Provinciam enim omnem Cæsaris rebus favere cognoverat. In insula, frumento navibusque comparatis, bellum duci, non difficile existimabat. *Ibidem cap. 19 & 20*: Duabus legionibus missis in ulteriorem Hispaniam cum Q. Cassio, tribuno plebis, ipse (*Cæsar*) cum equitibus DC magnis itineribus progreditur; edictumque præmittit, ad quam diem magistratus principesque omnium civitatum sibi esse præsto Cordubæ vellet. Quo edicto tota provincia pervulgato, nulla fuit civitas, quin ad id tempus partem senatus Cordubam mitteret; nullusve civis Romanus paulo notior, quin ad diem conveniret. Simul ipse Cordubæ conventus per se portas Varroni clausit, custodias vigiliæque in muro turribusque disposuit. Cohortes duas, quæ Colonicæ appellabantur, cum eo casu venissent, tuendi oppidi causa, apud se retinuit. Iisdem diebus Carmonenses, quæ est longe firmissima totius provinciæ civitas, deductis tribus in arcem oppidi cohortibus a Varrone præsi-

dio, per se cohortes eiecit, portasque præclufit. Hoc vero magis properare Varro, ut cum legionibus quam primum Gades contenderet: ne itinere aut transjectu intercluderetur. Tanta ac tam fecunda in Cæfarem voluntate provincia, progressio ei paulo longius literæ a Gadibus redduntur: simulatque cognitum sit de edicto Cæsaris, consensisse Gaditanos principes cum tribunis cohortium, quæ essent ita in præsidio, ut Gallonium ex oppido expellerent, urbem insulamque Cæsari fervarent. Hoc inito consilio, denuntiavisse Gallonio, ut sua sponte, dum sine periculo liceret, excederet Gadibus. Si id non fecisset, sibi consilium capturos. Hoc timore adductum Gallonium Gadibus excessisse. His cognitis rebus, altera ex duabus legionibus, quæ vernacula appellabatur, ex castris Varronis, adstante & inspectante ipso, signa sustulit, seseque Hispalim recepit, atque in foro & porticibus sine maleficio confedit. Quod factum adeo ejus conventus cives Romani comprobaverunt, ut domum ad se quisque hospitio cupidissime reciperet. Quibus rebus perterritus Varro, cum, itinere converso, sese Italiam venturum promississet, certior a suis factus est, præclusas esse portas. Tum vero, omni interclusus itinere, ad Cæfarem mittit, paratum se esse, legionem, cui jufferit, transdere. Ille ad eum Sex. Cæfarem mittit, atque huic transdi jubet. Transdita legione, Varro Cordubam ad Cæfarem venit: relatis ad eum publicis rationibus, cum fide, quod penes eum est pecuniæ, transdit, &, quod ubique habeat frumenti ac navium, ostendit. *Dio Cassius*

lib. 41, cum narraſſet, Pompejanis deditis, Cæſarem nulla re, contra deditionis leges, fuiſſe gravem, Guilielmo Xylandro interprete, ſubjungit: Hoc factum Cæſari haud parvum, cum ad gloriam, tum ad rem gerendam momentum attulit. Omnes enim Hiſpaniæ civitates, omneſque, qui in ea erant, milites, quorum, præter eos, qui in Bætica erant, magnum fecum M. Terentius Varro, Pompeji legatus, numerum habebat, ſibi adjunxit.

Poſt hæc, a bibliothecis comparandis atque digerendis Cæſari fuit. Suetonius in Cæſare cap. 44: Bibliothecas Græcas & Latinas, quas maximas poſſet, publicare, data M. Varroni cura comparandarum ac digerendarum. Iſidorus Hiſpalenſis lib. 6 originum cap. 5: Romæ primus librorum copiam advexit Æmilius Paullus, Perſe Macedonum rege deviſto, deinde Lucullus e Pontica præda. Poſt hos Cæſar dedit M. Varroni negotium, cauſa maxime bibliothecæ conſtruendæ. Primum autem Romæ bibliothecas publicavit.

C. Julio Cæſare III, M. Æmilio Lepido Coſſ. anno Urbis 707, mundi 3904, M. Terentius Varro M. Bruti proconſulis in Gallia quæſtor fuit. Cicero lib. 13 familiarium, epiſt. 10 ad M. Brutum: Cum ad te tuus quæſtor M. Varro proficiſceretur, commendatione eum egere non putabam. Satis enim commendatum tibi eum arbitrabar ab ipſo more majorum; qui, ut te non fugit, hanc quæſturæ conjunctionem liberorum neceſſitudini proximam voluit eſſe. Sed cum ſibi ita perſuaſiſſet ipſe, meas de ſe accurate ſcriptas literas maximum apud te pondus habituras, a

meque contenderet, ut quam diligentissime scriberem; malui facere, quod meus familiaris tanti sua interesse arbitraretur. Ut igitur debere me facere hoc intelligas; cum primum M. Terentius in forum venit, ad amicitiam se meam contulit. Deinde, ut se corroboravit, duæ causæ accesserunt, quæ meam in illum benevolentiam augerent: una, quod versabatur in hoc studio nostro, quo etiam nunc maxime delectamur, & cum ingenio, ut nosti, nec sine industria: deinde, quod mature se contulit in societates publicanorum, quod quidem nollem; maximis enim damnis affectus est. Sed tamen causa communis ordinis mihi commendatissimi fecit amicitiam firmiorem. Deinde versatus in utrisque subselliis optima & fide & fama, jam ante hanc commutationem reip. petitioni sese dedit, honoremque honestissimum existimavit fructum laboris sui. *Hæc de nostro Varrone capit in ejus vita Marcus Vertranius Maurus. Sed an Varro, quem Tullius Bruto commendat, noster, qui tum septuagenarius erat, fuerit, incertum videtur. nam illa quidem ætate, qua noster vixit, plures alii fuerunt Marci Terentii Varrones, de quibus in seqq.*

A Hirtio, C. Vibio Pansa, Coss. anno Urbis 710, mundi 3907, ante C. N. 41, Cæsar Octavianus Augustus, M. Lepidus, & M. Antonius, triumviri, tum alios multos, tum etiam Varronem nostrum, inprimis Antonio (forsan ob Ciceronis quoque familiaritatem) invisum, proscripserunt. Appianus lib. 4 de bellis civilibus, interprete Sigismundo Gelenio: Varro philosophus idem & historicus, miles simul & dux probatus, ideo fortasse, ut iniquior dominatui, proscri-

ptus est. Eum familiaribus certatim cupientibus recipere, vicit Calenus, & in villa, ad quam ex itinere Antonius divertere solebat, eum habuit: a nullo tamen vel ipsius Varronis, vel Caleni servo indicatus est. *Gellius lib. 3, cap. 10*: Ex quibus (*libris suis, Varro scribit*) aliquantum, cum proscriptus esset, direptis bibliothecis suis non comparuisse.

Ceterum inter proscriptos etiam fuit diversus a nostro M. Terentius Varro Lucullus (anno Urbis 680, mundi 3877, ante C. N. 71, consul) quem Antonius, hostium suorum, Bruti Cassique partes secutum interemit. Vellejus Paternulus lib. 2, cap. 71: Non aliud bellum cruentius cæde clarissimorum virorum fuit. Tum Catonis filius cecidit. Eadem Lucillum Hortensiumque, eminentissimorum civium filios, fortuna abstulit. nam Varro ad ludibrium moriturus Antonii, digna illo ac vera de exitu ejus magna cum libertate ominatus est. *Valerius Maximus lib. 4, cap. 7, exemplo Romano 4*: Recognosce, quousque T. Volumnii constantem erga amicum suum caritatem sine ulla reip. injuria evexeris: qui ortus equestri loco, cum M. Lucillum familiariter coluisset, eumque M. Antonius interemisset, in magna fugiendi licentia, exanimi amico adhæsit; hucusque in lacrimas & gemitus profusus, ut nimia pietate causam sibi mortis arcefferet.

Alius ab his duobus M. Terentius Varro, a triumviris minime proscriptus, eo tempore tribunus plebis, metuens, ne, quod Helvio Cinna, tribuno plebis, anno Urbis 709 acciderat, per nominis errorem trucidaretur, edito scripto significavit, se non esse Varronem pro-

scriptum. Dio Cassius lib. 47, Guilielmo Xylandro interprete: M. Terentius Varro, tribunus plebis tum temporis, eandem cum quodam proscripto appellationem gerens, uno excepto cognomento, cum alioquin nihil contra triumviros deliquisset, veritus, ne idem sibi, quod Cinnæ accideret, edito scripto eam rem declaravit; hocque eo nactus est facto, ut jocis risuque agitaretur.

Anno Urbis 717, mundi 3914, ante C. N. 34, ætatis 81, de re rustica libros, ex quibus primum ad Fundaniam uxorem, scripsit. Lib. 1, cap. 1: Otium si essem consecutus, Fundania, commodius tibi hæc scriberem, quæ nunc, ut potero, exponam, cogitans, esse properandum, quod, ut dicitur, si est homo bulla, eo magis senex. Annus enim octogesimus admonet me, ut sarcinas colligam, antequam proficiscar e vita. Quare, quoniam emisti fundum, quem bene colendo fructuosum conficere velis, meque ut id mihi habeam curæ, roges, experiar: & non solum ut ipse, quoad vivam, quid fieri oporteat, te moneam, sed etiam post mortem. Lib. 2, cap. 1: Quoniam de agricultura librum Fundaniæ uxori propter ejus fundum feci; tibi, Niger Turrani noster, qui vehementer delectaris pecore, propterea quod te emturientem in campos macros ad mercatum adducunt crebro pedes, quo facilius sumtibus multa poscentibus ministres. Quod eo facilius faciam, quod & ipse pecuarias habui grandes, in Apulia oviarias, & in Reatino equarias. Plinius lib. 18, cap. 3: Sapientes vero complures (de cultura agri præceperunt,) quos sequentes prætexuimus

in hoc volumine, non ingrate nominando M. Varro, qui octogesium primum vitæ annum agens, de ea re prodendum putavit.

Annum octogesium quartum agebat, cum quadringentos nonaginta libros scripserat. A. Gellius lib. 3, cap. 10: Ibi (in hebdomadam libris Varro) addit, se quoque jam duodecim annorum hebdomadam ingressum esse, & ad eum diem septuaginta hebdomades librorum conscripisse.

Octogesimo octavo ætatis anno scribendis adhuc libris intentus erat. Plinius lib. 29, cap. 4: Cunctarer in proferendo ex his remedio, nisi M. Varronem scirem octogesimo octavo vitæ anno prodidisse, aspidum ictus efficacissime curari, hausta a percussis ipsorum urina.

Eodem ætatis anno, Olympiadis 188 anno 1, Urbis 725, mundi 3922, ante C. N. 26, cum Augustus Cæsar sextum, M. Agrippa secundum consulatum gereret, vitam suam terminabat. Valerius Maximus lib. 8, cap. 7, exemplo Romano 3: Terentius Varro, humanæ vitæ exemplo ætatisque spatio nominandus, non annis, quibus seculi tempus æquavit, quam stilo vivacior fuit. In eodem enim lectulo & spiritus ejus, & egregiorum operum cursus extinctus est. Eusebius in chronicis, ad Olympiadis 188 annum 1, num. 1989: M. Terentius Varro philosophus prope nonagenarius moritur.

NOTITIA LITERARIA

D E

M. TERENTIO VARRONE

E X

Jo. Alb. Fabricii Bibliotheca Lat. a Jo. Aug. Ernesti
auctius edita T. I, Lib. I, cap. VII.

M. *TERENTIUS* ¹ *Varro*, Romæ natus est anno U. C. 638. Vir undecunque doctissimus, Ciceronis & aliorum virorum clarissimorum familiaris, qui, postquam tribunatu & aliis muneribus functus fuisset, & in bello civili Pompejanas partes strenue conatus esset tueri, ² mature tamen Cæsari victori se permisit, & ab eo in gratiam receptus, Bibliothecisque græcis & latinis comparandis ac dirigendis præfatus, in literato otio delituit, totumque se tradidit scribendis libris. Septuagenario major ab Antonio una cum Cicerone anno U. C. 710 proscriptus, evasit quidem, attamen direptis bibliothecis suis

1. Terentium Sabinorum lingua notare mollem, docet Varro apud Macr. II, 14 Saturn.

2. Vide Vertranium Mau-

rum & Aufonium Popmam in Varronis vita, ac præcipue Martinum Hankium libro 2 de Rom. Rerum Scriptoribus cap. 6.

gravem jacturam passus est, etiam scriptorum suorum, atque in his εισαγωγικοῦ, quem Cn. Pompejo scripserat, ut memorat Gellius XIV, 7. Reliquum vitæ tempus, nulla interpellante vi, totum peregit in literis, plurimamque composuit, ita ut ipse duodecimam annorum hebdomadam, hoc est, septuagesimum & octavum ætatis annum ingressus memoraret, se septuaginta hebdomadas librorum 3 hoc est libros 490 conscripisse. E tanto 4 numero admodum pauci, neque illi integri, tanquam tabulæ fractæ e naufragio ereptæ, ad nostram pervenerunt ætatem: cujus jacturæ causam cognoscimus (at fides sit penes auctorem) ex Naudæanis, ubi pag. 37 (Amstel. 1703, 12.) de fati librorum Varronianorum hoc relatum legimus: *Machiavel & Cardan ont dit, que Gregoire VII avoit fait brûler la plupart des bons livres des Anciens. Ce fut lui, qui fit brûler toutes les Œuvres de Varron, qui fuit Romanorum togatorum doctissimus, ne ex ejus libris plagii reus posset insinulari divus Augustinus, qui suos libros de civitate Dei totos ex Varrone descripserat. Aliqui negant factum, mais cela n'est pas aisé à croire; ce Pape en avoit bien fait & entrepris d'autres.* Et plures causæ, præcipue magnitudo & multitudo voluminum, esse potuerunt, cur maxima pars temporis iniquitate interierit. Præter fragmenta supersunt I. *de re rustica libri III*, quos natus octoginta annos composuit. In primo ipsam agriculturam explicat; in altero expō-

3. Gellius III, 10.
4. Ex clar. Harlesii Introductione in noticiam litera-

turæ Rom. inprimis scriptorum Latinorum, Part. II, p. 167. Noriberg. 1781.

CXVI NOT. LIT. DE M. TER. VARRONE.

nit de origine, dignitate & arte rei pecuariæ; in tertio pastiones complectitur villaticas. IL e libris XXIV *de lingua latina* exstant liber IV, V, & VI, in quibus origines ipsas verborum latinorum persequitur, ad M. T. Ciceronem; & liber VII, VIII, & IX, qui sunt de analogia, sed perinde, ut priores, hinc inde habent lacunas. Diem supremum obiit Varro prope nonagenarius, (anno enim octogesimo & octavo ætatis adhuc scripsisse traditur a Plinio XXIX, 4.) anno Urbis 727. ante Christum natum 27. De Varronis ætate confer Arnoldum Pontacum ad Chronicon Eusebii pag. 52.

NOTITIA LITERARIA
DE
L. C O L U M E L L A
EX

Jo. Alb. Fabricii Bibliotheca Lat. a Jo. Aug. Ernesti
auctius edita T. II, Lib. II, cap. VII.

Columellæ atas.

L. JUNIUS Moderatus Columella, Gaditanus, patrum laudans V, 5 M. Columellam, *illustribus disciplinis eruditum, ac diligentissimum agricolam Bati- cæ provinciæ*, ipse Plinio, Palladio, Isidoro Hispa- lensi XVII, 1, aliisque sæpius laudatus, sub Claudio Imperatore scripsit: diversus, ut videtur, a Mode- rato Gaditano, Pythagorico, ejusdem ætatis Græ- co scriptore fuit, Gaditanus & ipse; quod satis vi- detur innuere ipse V, 5, VII, 2, VIII, 16, X, v. 185, licet in dubio relinquit Nic. Antonius, qui de Columella videndus lib. 1 Bibl. veteris Hispa- næ cap. 5. Sane Pythagoricum illum quando ap- pellant sive Latini scriptores, sive Græci, *Moderatum* semper vocant, *Columellam* nunquam. Et dif- ficulter ab Oratore latino, tam prolixum opus phi- losophici argumenti, Græco stilo traditum, exspe-

CXVIII . NOTITIA LITERARIA

Æaveris. Meminit & III, 3, Senecæ ejusque vinearum, & sæpius Cornelii Celsi æqualis fui, ut cognosces ex indice scriptorum a scriptoribus rei rusticæ laudatorum. Columellam laudavit Theodorus Beza hoc Epigrammate, quod in ejus Juvenilibus legitur :

*Orphea mirata est Rhodope sua fata canentem,
Si modo Virgilii carmina pondus habent.
Tu vero, Juni, silvestria rura canendo
Post te ipsas urbes in tua rura trahis.
O Dii! quos olim nutrit Roma Quirites,
Cum tam facundum viderit agricolam.*

Scripta, quæ exstant.

De re rustica libros XII, ¹ ad Publium Silvinum scripsit, quorum decimus *de cultu hororum*, carmine

1. Ex ipso Columella constat, opus illud 12 libris ab auctore fuisse absolutum, etsi in Cassiodori divinis lectionibus cap. 28, Columellam *sedecim libris per diversas agriculturæ species, eloquentem ac facundum illabi disertis potius, quam imperitis accommodum*. Itaque alios libros tres Columellam ad hoc argumentum spectantes, & librum de arboribus una computavit Cassiodorus, vel numerum apud eum corruptum esse suspicemur. Obiter de Columellæ nomine notabis Donatum, qui ad Phormion. II, 2 scripsit, Co-

lumellas a veteribus dictos servos majores domus. *Columen, Columna. Unde apud veteres columellæ dicti servi majores domus. Lucilius. XXII: Servus neque infidus Domino, neque inutilis cuiquam. Lucili columella hic situs Metrophanes.*

Salmasio ad Solinum pag. 1220, alius sensus verborum Lucilii esse videtur, hic nempe: sub hac columella, sive *στῆλη*, situm esse Metrophanem Lucilii servum. Gatakerus tamen II, 20, cinni expositionem Donati probat. Confer quæ viri docti ad Martial. II, 40.

Epico, non infeliciter supplet Virgilii Georgica, *Sidereis vatis referens praecepta Maronis*. Reliqui profa oratione scripti sunt, expetente hoc Claudio Augustali adolescente, qui etiam hortorum cultum simili sermone expositum a Columella maluisset.

Libri de generibus furculorum, libro & capite secundo Columellae memorati, haud diversi esse videntur a libro tertio, quarto & quinto hujus ipsius de agricultura operis, ex quo etiam nonnulla ad veterinariam pertinentia ad verbum mutuatus est Vegetius in digestis artis mulomedicinae, Columellam nominetenus laudans in praef. his verbis: *Licet proxima aetate & Pelagonio non defuerit, & Columellae abundaverit dicendi facultas: verum alius eorum cum rusticae rei praecepta conscriberet, curas animalium levi admonitione perstrinxit, alius omisiss signis causisque morborum, quasi ad doctissimos scriberet, tam magnae rei fundamenta neglexit*. Conf. Hieron. Mercurialem IV, 18, Var. Lect.

Menagius pag. 54 ad Laertium laudat Codicem MS. Columellae Monasterii Corbejenfis, qui hodie in Bibliotheca S. Germani de Pratis asservatur: ejus lectiones in edit. secunda Rusticorum Gesnerianorum proferuntur. Alii tres MSS. exstant in Biblioth. Medicea, quartus Venetiis in Bibl. S. Marci, quintus Florentiae in Bibl. Augustinianorum S. Galli, quibus duobus postremis usus est Petrus Victorius. Codice MS. Lipsiensi e Biblioth. amplissimi Senatus usus est Joannes Conradus Schwarzius. Nonnulla Columellae loca illustrat Barthius Advers. 37, 7; & Richardus Bradley, Professor Botanices in

CXX NOT. LIT. DE L. COLUMELLA.

Academia Cantabrigienſi in opere eximio, A ſurvey of the ancient Husbandry and gardening, collected from Cato, Varro, Columella, Virgilius, Lond. 1725, 8. item Vir doctus in Obſ. Miſc. Dorrillianis Vol. VII, T. 2. item *Polenus* in Epistolis.

Scripta deperdita.

Cetera Columellæ ſcripta, uti quod adverſus Astrologos composuiſſe ſe ait lib. XI, c. 1, una cum alio opere, in quo agere conſtituerat de luſtrationum ceterorumque ſacrificiorum, quæ pro frugibus fiunt, more priſcis uſurpato, ad nos non pervenerunt. Neque certum eſt, an hoc alterum a Columella unquam editum fuerit. Vide lib. 2. cap. ult. in fine.

NOTITIA LITERARIA

D E

PALLADIO

E X

Jo. Alb. Fabricii Bibliotheca Lat. a Jo. Aug. Ernesti
auctius edita T. III, Lib. III, cap. IV.

PALLADIUS Rutilius Taurus (Volaterrano Scaurus) Æmilianus, ¹ vir illustris, & Græce doctus,

1. In Codd. ant. dicitur *Palladius Rurulus*; v. Barth. ad Rutilium I, 208. *Æmilianum* inter auctores probabiles rei Georgicæ laudat Cassiodorus cap. 28 divin. lection. Memoratur etiam Isidoro Hispalensi XVII, 1 Originum. Ceterum notior & hic scriptor nomine Palladii, ac diversus esse videtur a *Palladio rhetore*, qui frater a Symmacho dicitur, & cujus pompam atque facundiam celebrat idem, atque Sidonius Apollinaris V, Ep. 10. Fuit etiam *Palladius medicus*, Alexandrinus, Galeno junior, qui Græce scripsit in quosdam libros Hippocratis. Alius *Palladius sophista Methonæus*, Palladii fi-

lius, sub Constantino Imp. celebrer, teste Suida, qui scripta ejus commemorat. Alius *Palladius* vitæ Chrysostomi & Historiæ Lausiacæ scriptor, ad quem haud dubie referendus liber de Gentibus Indiæ & Brachmanibus, quem sub Palladii nomine vulgavit Eduardus Bissæus, & sine auctoris nomine ante Bissæum, quod hunc fugit, Joachimus Camerarius ὁ πᾶν, in libello Gnomico, de quo vid. lib. 2 Bibl. Græcæ c. 11. § 6. Omitto *Palladium*, cujus Epistola ad Epiphanium, Ancorato Epiphanii præmittitur. Fuit & *Palladius* quidam cursor Theodosii Junioris, cujus mentio apud Socratem VII,

patria, ut videtur, Romanus, etsi fundorum suorum in Sardinia, in territorio Neapolitano, mentionem facit lib. 4, p. 578 edit. Commelin. Scripsit post Apulejum, cujus testimonio semel utitur; non itaque sub Hadriano, ut perperam affirmat Lud. Vives libro tertio operis doctissimi de tradendis disciplinis. Scripsit, inquam, dictione simplici, nec ineleganti tamen, *de Re Rustica libros XIV*, quorum primus præcepta rei rusticæ varia complectitur, secundus usque ad tertium decimum singulis libris singulorum mensium operas rusticas explicat, initium faciens a Januario. Ultimus denique ad *Pasiphilum*,² quem virum doctissimum vocat, & cui

19 &c. Nostrium porro, de quo jam agimus, Palladium ab aliis *Paludium*, ab aliis *Rutilium Palladianum* dictum reperio. Plures Tauri nomine claros refert Colomesius pag. 240 Opusc. Apud Labbeum vero pag. 198 Bibliothecæ novæ Mss. vitiose, ni fallor, noster vocatur Palladius Rutilius Paulus Æmilius, Vol. I. Palladios alios ultra quinquaginta recensui lib. V Bibl. Græcæ cap. 32, Volum. IX, pag. 10 seq. ubi de Palladio Græco Histor. Lauf. scriptore. add. Profopogr. Cod. Theod.

2. Incertum, cuinam Pasiphilo libros suos inscribat Palladius. Pasiphili philosophi, qui a C. 371 sub Valente tortus, mentio ap. Am-

mian. XXIX, 1. Ad Pasiphilum est leg. 8 Cod. Theod. de Jurisdictione, Olybrio & Probino Coss. a C. 395, quem Vales. ad Amm. l. c. putat esse Palladii amicum. Epistola, quæ libro tertio decimo subjicitur, toti operi præmittenda videbatur Jo. Conrado Schwartz, qui novam Palladii editionem parabat. vide ejus Epistolam ad virum nobilissimum Gottfrid. Thomasium, insertam Actis Eruditorum Germanice editis Tom. 2, pag. 342 seq. Sic notum est, in antiquis Gellii editionibus Epistolam, quam toti operi Gellius præmiserat, ad calcem rejectam legi. Sed ei Gesnerus non paruit. recte.

superiores quoque inscripsit libros, agit de insitione, versibus hexametris & pentametris. Priores libri tredecim, ut ipsius auctoris verbis utar, sunt

Nec stricci numeris, nec Apollinis amne fluentes.

Prodiit hoc agricolare Palladii opus sæpius cum Aldi Manutii commentario de dierum generibus apud Palladium, & cum Catonis, Varronis & Columellæ scriptis ejusdem argumenti, castigatum & illustratum a Petro Victorio atque Hieronymo Commelino, Philippo Beroaldo, & pluribus aliis in editione Rusticorum Gesneriana. Vide quæ supra dicta sunt. Commeliniana Palladii editio cum Ms. collata exstat in Bibl. Leidenf. Est & Erfurti in Bibl. Collegii Amploniani Codex membranaceus, cujus collatio novæ Rusticorum editioni addita est.

NOTITIA LITERARIA

D E

VEGETIO RENATO

E X

Jo. Alb. Fabricii Bibliotheca Lat. a Jo. Aug. Ernesti
auctius edita T. III, Lib. III, cap. XIII.

EXSTANT sub *Vegetii* nomine, (non *Flavii*, sed *Publii Vegetii*) artis Veterinariæ¹ sive *Digestorum artis Mulomedicinæ* Libri IV, ipso titulo *Digestorum* indicante, esse hæc collectanea, sive ab ipso Vegetio, sive ab alio, qui Vegetianis alia adderet. Primum hi libri Basil. 1528, 4, editi sunt per Joh.² Fabrum Emmeum, typographum Juliacensem,

1. *Veterina* animalia dicuntur ad vecturam idonea, veluti *vetterina* vel *vehetrina*, equi, asini, muli, quos *generis veterini* nomine completur Plin. VIII, 42. Hist. & XI, 46, & *veterina* pectori opponit X, 73. Vide Festum, Noniumque. Lucretius V, 888:

*Ne forte ex homine & veterino semine equorum
Conferi credas Centauros posse. —*

2. In Merklini Lindenio renovato p. 1037, male vocari videas *Jo. Februm*: apud Vossium p. 79 de Philosophia perperam legitur *Jac. Fabri*. Idem ait, se accepisse,

cum præf. Hermannii Comitis Nuenarii, præpositi primariæ ædis Colonienfis, ad Ferdinandum Hungariæ & Bohemiæ Regem : quæ editio cum notis Mss. fuit in Bibl. Almeloveenii : item cum antiquissimo Corbejenfi & optimæ notæ codice, literis uncialibus exarato (licet lacunis hinc inde deformato) collata in Gudiana.

Prodiit deinde Vegetius e pluribus codicibus castigatus, curante *Sambuco*, Basil. 1574, 4. Ab illo tempore, quod quidem repererimus, editus hic liber non est, donec *Jo. Matthias Gesnerus* ad recensendum hoc opusculum induci se passus est, partim per insignem illum locum, qui e Columellæ libris de Re Rust. repetitus, in eo reperitur, partim per largam facultatem librorum scriptorum & excerptorum e libris scriptis, ei oblatorum, si eum librum addere Corpori Scriptorum de Re Rustica veller. Itaque fecit : ei subjecit varietatem lectionis e libris illis collectam, admixtis suis notulis. de Mss. v. præf. Gesneri ad Scrip. R. R. §. XI. Locum Columellæ illum insignem jam comparaverat cum libris Columellæ & opem mutuam sibi præstare utriusque libros jusserat *Morgagni* in Epist. 3.

Novam operis editionem molitus est *Casp. Bartholinus*, Thomæ filius, cum suis & *Jo. Rhodii* notis : ejusque jam primum folium speciminis loco

libros illos Londini apud virum doctum exstare Mstos alteraque parte auctiores. In Catalogo librorum Mss. If. Vossii inter Codices latinos

num. 115, video memorari Vegetium de re Veterinaria editis auctiorem & emendatiorem.

typis exscriptum est, una cum dedicatione ad Illustrem Virum Ant. Magliabechium. *Jo. Rhodius* in *Lexico Scriboniano* p. 369 promisit, se *Gargilii Martialis Veterinarii* nondum editi fragmentum cum *Publio Vegetio* emendatiore editurum: interea multa *Vegetii mulomedici* loca emendavit notis ad eundem *Scribonium*. *Vegetium de mulomedicina*, nec minus *Chironis Centauri*, *Abfyrti & Cl. Hemerotis de arte Veterinaria Libros X*, & *Oliverii Neapolitani Librum de equis*, Mf. servabat *Norimbergæ Gottfridus Thomasius*.

CHRISTIANI SCHØETTGENII

D E

GARGILIO MARTIALE

BREVIS DISSERTATIO.

Ætas Gargilii.

GARGILIUS Martialis quo tempore vixerit, docet Lampridius in Alexandro Severo c. 37, qui *ejus temporis scriptorem* vocat, Vopiscus autem in Probo c. 2, inter Suetonium Tranquillum & Julium Capitolinum collocat. Incidit igitur ætas ipsius in seculum III a nato Christo. Proinde nescio, quid in mentem venerit Servio, qui verba Virgilii explicans, ubi materiam de arboribus tangens his verbis utitur, Georg. 4, 147:

Verum hæc ipse equidem spatiis exclusus iniquis

Prætereo, atque aliis post commemoranda relinquo.

hæc addit: *Gargilium Martialem significat.* Quomodo enim Virgilius talem indigitare potest, qui tribus post seculis demum in lucem prodiit? Volebat forte scribere, illud, quod aliis poeta reliquit, Gargilium Martialem post tria secula demum executum esse. Horatius equidem Epist. 1, 7, Gargilium quendam venatorem ridet, qui feras pecunia coemptas mulo imposuerat, & per forum vexerat,

CXXVIII NOTITIA LITERARIA

ut eas ipse cepisse videretur. Sed illum non credo huc pertinere. Si enim aurei seculi scriptor esset Gargilius Martialis, Columella, diligens rei rusticæ scriptor, illum non præterisset, sed, quod de aliis fecit, in usum suum convertisset. Jam vero Gargilius noster a Palladio demum allegatur, & a nemine, qui Palladio est antiquior, adeoque seculum, quod ipsi adscripsimus, optime convenit. Quis autem fuerit, quæ patria, quas dignitates ornaverit, nemo veterum tradidit.

Scriptit 1. Historiam Augustam.

Ex operibus notior est, quæ tunc quidem elaboravit, injuria vero temporum nobis invidit. Primo loco scripta ejus historica tangenda sunt, quæ scilicet ad res gestas Imperatorum Romanorum illustrandas memoriæ prodidit. Testis est Lampridius, qui, cum frugalitatem Alexandri Severi memorat, omniaque ipsi ad modum & rationem præbita fuisse tradit, ad Gargilium Martialem provocat, illorum temporum scriptorem, qui hæc singularim persecutus sit. Clarius id probat locus Vopischi in Probo, qui illum non optimis, sed tamen veris scriptoribus adnumerat. Verba ejus hæc sunt: *Et mihi quidem id animi fuit, non ut Sallustios, Livios, Tacitos, Trogos, atque omnes disertissimos imitarer viros in vita principum & temporibus differendis, sed Marium Maximum, Suetonium Tranquillum, Fabium Marcellinum, Gargilium Martialem, Julium Capitolinum, Ælium Lampridium, ceterosque, qui hæc & talia non tam diserte, quam vere, memoriæ tradiderunt.*

II. De hortis.

Porro ipsum ad horticulturam animum applicuisse testes habemus tres. Servium jam audivimus. Palladius duodecies ad ipsum provocat, & loca facili negotio afferri possent, sed nihil ex iisdem amplius, quam quæ jam dixi, conspicitur. Tertius est Cassiodorus, qui c. 28 Divinarum Lectionum hoc ipsum elogio mactat: *Quod si hujus studii requirantur auctores, de hortis scripsit pulcherrime Gargilius Martialis, qui & nutrimenta olerum, & virtutes eorum diligenter exposuit, ut ex illius commentarii lectione, præstante Domino, unusquisque & saturari valeat, & sanari.* Neque de solis oleribus commentatus est Gargilius, sed de tota horticultura: nam ipsum de amygdalis, nucibus, citro, ficu, cerafo, & aliis hujusmodi fructibus agentem citat Palladius. Ceterum Caspar Barthius, Criticus non incelebris, Advers. 38, 4, librum de Arboribus, qui Columellæ adscribitur, Gargilio Martiali tribuit, ejusque rei causas in Commentario de dubiis Scriptoribus se differuisse tradit. Commentarii vero illi lucem publicam nondum adspexerunt. Quæcunque vero sint rationes Barthianæ, ego contra rationem habeo non contemnendam, quæ librum laudatum Columellæ vindicat. Testimonium scilicet Palladii, qui Columellam bis citat, quæ in libro de Arboribus inveniuntur. Prior locus exstat in Februario, tit. 10: *Ulmos Columella dicit seminario debere nutriri.* Hæc exstant libri jam dicti c. 16. Alter in Octobri, tit. 3: *Afferit autem Columella, explorari fecunditatem vitium uno anno* Script. R. R. Vol. I.

CXXX NOT. LIT. DE GARG. MARTIALE.

non posse, sed quatuor. Invenies hæc libro de arboribus c. 2.

III. De re Veterinaria.

Tandem de re Veterinaria sive Medicina animalium scripsisse hunc nostrum, ex antiquis nemo equidem memorat: fragmentum tamen, quod nunc edimus, illud satis superque testatur. Et credibile est, ipsum de universa re rustica sive œconomica scripsisse, quia duas has partes illius non postremas attigit. Petrus Victorius testatur in præfatione ad Catonem, Varronem & Columellam, in codicis manu exarati, quo ad hos scriptores restituendos usus est, inscriptione, Gargilii Martialis quoque nomen adfuisse, quamvis ipsum opus defuerit. Idem autem fragmentum, quod nunc damus, habuit etiam Jo. Rhodius, illiusque edendi spem fecerat in Lexico Scriboniano p. 367; implevisse autem non constat. Primus igitur illud typis publicis nunc edo, idque ex codice bibliothecæ Lugduno-Batavæ, ex quo in meos usus olim describi curavit vir celeberrimus Jacobus Perizonius. Scriptum autem est exemplum Lugdunense manu recentiore anno CIOIOXXXVII nono Octobris, ex exemplari monasterii Corbejenfis depromptum, quod tunc temporis Coloniae apud S. Pantaleonis depositum erat, prout sub finem adscriptum legitur. Librarium habuit non optimum: quare Medici & Critici eruditi manum exspectat, qui Vegetio & Hippiatricis græcis adhibitis loca depravata restituat.

I N D E X

E D I T I O N U M

REI RUSTICÆ SCRIPTORUM

AUCTIONE GESNERIANO ET IN
V ETATES DIGESTUS.

ÆTAS I N A T A L I S 1470 — 1513

a *Jenfoniana* principe, f. *Veneta* I a Georgio Merula curata, quæ fere regnat per hanc ætatem in *Venetis & Regionibus*. Sed lectionem correctiorem reddidit *Bononiensis* I Phil. Beroaldi, dein repetita. Easdem secuta est Parisina *Ascensii* 1513.

1470 Editio princeps. *Venetis*, fol. per Nic. Jensonum. Cato, Varro, Columella, Palladius. Tres priores recensuit Georgius Merula Alexandrinus; Palladium Franc. Collucia, Venetus.

1472 *Veneta* II. fol. M. Cato, M. T. Varro, L. Jun. Moderat. Columella, Palladius Rutilius Taurus Æmilianus de re rustica. *Venetis*, Nicolao Throno Duce Venetiarum inclyto, opera & impensa Nicolai Jenfon. — Repetitio ed. 1470. Est in bibliotheca publica Noribergensi, unde utendam accepit cl. Gesnerus. Extat etiam in bibliotheca Electorali Dresdensi, ex thesauris illustriff. Bunavii. Usus est etiam in sua editione Jul. Pontedera.

1482 *Regii* I, fol. opera & impensis Bartholomæi Bottoni, alias *Bruschii* Regienfis. Cato, Varro, Columella, Palladius. In ea legas hoc octastichon:

*Priscorum quicunque studet monumenta doceri,
Terrarum & cultus, arma Deosque simul,*

*Hos legat antiquos Varronem, cumque Catonis
Scripta, Columellam, Palladiumque legat.
Rura canunt, rurisque Deos: his vita magistris
Desuevit querna pellere glande famem.
Impressit Regii nuper volumina quorum
Optime Bottonus nomine Bartholomæus.*

Exstat, Fabricio teste, Hieron. Commelini manu passim annotata, in biblioth. publica Academiæ Francueranæ. Usus ejus lectionibus Roma sibi missis Jul. Pontedera: quas nonnunquam diversas esse ab aliis omnibus, apparet Cat. 5, 1.

1494

Bononiæ 1, f. Beroaldi, fol. *Opera Agricolationum: Columellæ: Varronis: Catonisque: nec non Palladii: cum excriptionibus. D. Philippi Beroaldi, & Commentariis quæ in aliis impressionibus non exstant.* — In adversa titulo pagina legitur præfatio Georgii Alexandrini, inscripta Petro Priolo, M. filio Veneto, (Enarrationibus priscarum vocum præmissa) tum sequitur brevior ep. Phil. Beroaldi: cujus finis hic est: *Hocce uno volumine connexos nuperrime impressit Benedictus Bibliopola Bononiensis castigatus limatusque, quam priores impressores fecerunt: Additis non paucis appendiculis: quod veluti illicium emptori sit: eumque faciat empturientem magis. Quidquid id est, lector candide quæso boni consilio.* — Inverso autem ordine, quem titulus habet, post enarrationes vocum, se excipiunt, Cato, Varro, Columella, Palladius. Sub finem Varronis & Columellæ nomen impressoris legitur: post Palladium vero amplius: *Opera agricolationum: Columellæ: Varronis: Catonisque: nec non Palladii: cum excriptionibus. D. Philippi Beroaldi: & commentariis quæ in aliis impressionibus non exstant. Impressa Bonon. Impensis Benedicti hectoris bononiensis. MCCCCLXXXIII. XIII. calen. octob. Joane Bentivoglio 11. reip. bono habenas feliciter moderante.* Sequitur registrum plagarum & carmen duplex ad Lectorem & impressorem. — Exstat in bibl. Archipalatina Mannhemii, & Lipsiæ in bibl. Paulina. Consentit cum Jenfoniana, sed est correctior; v. Goetzii Memorab. Bibl. Dresd. P. II, p. 73.

1496

Veneta III, fol. Cato, Varro, Columella, Palladius. Et hæc est repetitio Jenfonianæ. Habebat Fabricius.

- *Regii* II, fol. impensis Dionysii *Bertochi* Regiensis, imperante divo Hercule Eften. Cato, Varro, Columella, Palladius, ex Jenfoniana recusi. Est Lipsiæ in bibliotheca Paulina. Fuit quoque in bibliotheca Boissiana n. 2837.
- *ibid.* fol. apud Franc. *Mazalum*. Cato, Varro, Columella, Palladius. Memoratur Gefnero ex literis Fabricii. Sed dubitatur de ea, uti & de superiori Veneta; vid. ad ed. seq.
- *Bononia* II, fol. per Benedictum (*Hectorem*) Columella, Varro, Cato, Palladius. Ex Catalogo Hulsiano T. I, p. 108. n. 1848. — *Quatuor igitur*, inquit Gefnerus, *si istæ omnes veræ sunt, quod vehementer mirer, editiones eodem anno in Italia factæ. Crucem tribus apposui*, (sc. Venetæ, Regiensis Franc. Mazali, & huic Bononienfi) *sine injuria, spero, commemorantium. Potest fieri, ut fucum fecerint bibliopola*. Gefneri sententiæ subscribit cl. Lengnich in Beyträgen zur Kenntniss feltener und merkwürdiger Bücher T. II, p. 62 sq. sed is, quod ad Bononiensem hanc, anni confusionem suspicatur, ab eo ortam, qui Catalogum bibliothecæ Hulsianæ confecerit, eandemque esse cum superiori Bononienfi an. 1494.
- 1498 *Regii*, fol. Cato, Varro, Columella, Palladius. apud Dionys. *Bertochium*. Ita Gefnerus ex literis Fabricii. Sed Bunemannus, Marchandius, & post eos Maittarius, ex bibliotheca Menars. bibliopolam citant Franc. *Mazalum*. Unde forte ex anni confusione, orta sit editio Regiensis 1496 apud eundem bibliopolam. Memoratur & in Cat. Philippeo, cum literis capitalibus depictis. vid. Lengnich l. c. p. 63. Textum habet Jenfonianæ.
- 1499 *Regii* III, fol. impensis Francisci *Mazali*, imperante divo Hercule Eften. Cato, Varro, Columella, Palladius. Est in bibliotheca Dresdensi, & Academiæ Jenensis. Gefnerus eam tractavit, cui videbatur nihil differre nisi in sphalmatis a Bonon. 1494, adeoque & a Jenfoniana.
- 1504 *Bononia* III, fol. Cato, Varro, Columella, Palladius. ap. Maittar. T. II, p. 168. Ea usus est La. Martinus. Ad Jenfonianam expressa.
- 1513 *Parifina* I, fol. apud *Ascensium*. Cato, Varro, Co-

lumella, Palladius. Schoettgenius negat se in ea quidquam diverſi ab ante editis obſervaffe.

- f. l. & a. 4. Columellæ de cultura hortorum *Carmen*. Subſcriptio: *Et ſic eſt finis, per me Jacobum de Breda*. Unde patet eſſe Daventriæ editum. Literæ ſunt Gothicæ. Habet Freytagius Conſul Numburgenſis. Conſentit plane cum ed. Jenſoni 1472, Bononienſi 1494, & Regienſibus 1496 & 1499.

ÆTAS II ALDINA 1513 — 1536.

qua textus cum Cod. Jucundi Veronenſis collatus in Aldina I, prævit ceteris fere omnibus: *Juntinis*, quas curavit Nic. Angelius 1515 & 1521; Pariſinis, novæ *Aſcenſii* 1529, illiſque 1533 & 1536; Baſilienſibus Adami Petri 1521, & Jo. Hervagii 1535; & Lugdunenſi ſ. *Gryphianæ* I, 1535; Colonienſi Jo. Gymnici 1536. P. Vegetius de Mulo-Medic. primum editus eſt Baſil. 1528.

- 1513 *Veneta* IV, ſ. *Aldina* I, 8. in ædibus Aldi & Andreæ Soceri. Libri de re ruſtica, M. Catonis, M. Terentii Varronis, L. Junii Moderati Columellæ, Palladii. — In Columella quidem Librum de arboribus, antea Libris ad Silvinum inſertum, ad mentem Jucundi Veronenſis exemi Aldus, & in fine totius operis imprimendum curavit, & ordinis librorum novi rationem reddidit. Raram vero hanc editionem, de qua dubitabat Geſnerus, deſcribit Freytag Adpar. lit. P. II, p. 1336. Memoratur & in catalogo Huſſiano n. 4072.

- 1514 *ibid.* 8. apud eundem: Cato, Varro, Columella, Palladius. Hujus anni exempla non raro in bibliothecis reperiuntur.

— *Aldina*, fol. min. Operum Varronis, (in iſque de R. R.) cum Feſto & Nonio.

— *Aldina*, 4. M. Catonis de re ruſtica.

— *Aldina*, 4. Palladii de R. R.

- 1515 *Florentiæ*, ſ. *Juntina* I, N. Angelii, 8 mai. opera & impreſſa (*ſic ſcriptum*) Philippi Junta. Libri de re ruſtica (Cato, Varro, Columella, Palladius) a Nic. Angelo nuper maxima diligentia recogniti & typis excuſi, cum indice & expoſitione omnium dictio-

- num. Additis nuper commentariis Junii Pomp. *Fortunati* in librum de cultu hortorum, cum adnotationibus Phil. Beroaldi.
- 1520 *Parifina* II, 8. apud *Ascensum*. Memoratur Fabricio in Bibl. Lat. a Jo. Aug. Ernesti auctius edita T. I, p. 33.
- 1521 *Basileensis* I, 8. apud Adamum *Petri*. M. Terentii Varronis in omni literarum genere principis III de agricultura libri. M. Catonis *Latinarum literarum* (teste Plin.) parentis lib. I. de rebus rusticis. *Habes præterea Græcarum & præscarum dictionum enarrationem.* — In fine præfationis, cui subscripsit UL. HUG. nihil repetitu dignum est, præter ista: *His duobus Adamus noster periculum facturus est, quam non defuturi sitis, (Lectores) industria ejus, & ubi viderit, se operam & oleum non perdere, ex Græcis & Latinis alios rei rusticæ scriptores pari exarabit diligentia. Nec solum post Aldum hos auctores imprimere conatur, ut omnes & minoris emere possint, sed ut emendatiores quoque posthac habeantur. Valete in Christo, & vivat in his studiis, qui dulcissimos soles voluerit experiri.* Addit Gesnerus: » Numquid igitur spes jam tum erat edendorum γεωπονικῶν Græcorum? Num hic *Adamus Petri* cognatione aliqua contingit Henricum Petri? Ceterum hic est ille ipse liber Meursianus, quem tanto semper opere commendat: sed quem nos ab Aldino rarissime abireprehendimus.»
- *Florentia*, f. *Juntina* II, N. *Angelii*, 4, apud *Juntas*. Cato, Varro, Columella, Palladius. Habuit Pontedera. Nihil diversum habet a superiore Juntina, nisi adjuncta Codri scholia ad Palladium de insitione.
- 1528 f. l. 8. Cato, Varro, Columella, Palladius, ad exemplar Aldinum impressi, quod in fine dicitur. Gesnerus ea usus est. Nihil ab Aldinis diversum habet, nisi quod Codri ad Palladium de insitione scholia adjecta sunt e præcedente Juntina.
- *Basileæ*, 4. exc. Jo. Faber *Emmeus* Juliacensis. *Vegetii Renati artis veterinariæ, sive mulomedicinæ libri quatuor, jam primum typis in lucem editi. Opus sane in rebus medicis minime aspernandum.* — Hæc est editio Vegetii princeps, facta ad MS. quod fuit Hermani Comitis *Nuenarii*, præpositi primarii ædis Colo-

nienſis, qui & ei præfatus eſt ad Ferdinandum Hun-
garie & Bohemie regem. Fuit cum notis MSS. in
bibl. Almeloveenii, teſte Fabricio : item cum anti-
quiſſimo Corbejenſi & optimæ notæ codice, literis
uncialibus exarato (licet lacunis hinc inde defor-
mato) collata in Gudiana.

- 1529 *Parifina*, *Aſcenſii* III, fol. venundantur Jodoco Ba-
dio *Aſcenſo*. Cato, Varro, Columella, Palladius. In
hac ed. promittuntur in tituli pagina averſa etiam
ſcholia Codri in Palladium de inſitione, quæ in li-
bro ipſo non dantur. Sequitur alioquin fere ſectam
Aldi. Argumenta & quædam varietates notantur in
margine: paucæ annotationes pagina proxima a Ca-
tonis initiis: præfationem habet Jucundi Veronen-
ſis, & eam, quam libro de Arboribus præfixit Aldus.
- 1533 *Parifina* IV, fol. apud Galeotum a Prato, in aula
majore Regii Palatii, ad primam columnam: prelo
Antonii *Augerelli*, impenſis autem Joannis Parvi &
Galeoti a Prato. Cato, Varro, Columella, Palladius.
Fuit in bibliotheca Boſſiana n. 2838. Eſt & Lipſiæ
in Kæſiana, adſcripta Gœſiani codicis varietate manu
Jani Broukhufii. Videtur autem ex aſſe referre Aſcen-
ſianam 1529, deſcripta etiam vana illa ſcholorum
Codri promiſſione. Sed margines hic vacui ſunt.
- *Venetiiſ*, *Aldina* II, 4. f. 8 mai. apud *Aldum*. Cato,
Varro, Columella, Palladius. Repetitio Aldinæ
prioris.
- 1534 *ibid.* apud eundem. 8. Cato, Varro, Columella,
Palladius. Memoratur in Cat. Hulſian. n. 4079. ſed
Geſnerus non dubitat, quin ſit eadem, quam mo-
do laudavimus.
- 1535 *Baſilienſis* II, 8 mai. f. 4. apud Jo. *Hervagium*. Cato,
Varro, Columella, Palladius. Ad Aldinam expreſſa.
v. Maittar. Ann. typ. T. II, p. 824. & Freytag. Adpar.
liter. Vol. II, p. 1338.
- *Lugduni*, 8. apud Sebaſt. *Gryphium*. Ejus fuit exem-
plar apud Geſnerum, uno volumine Catonem, Var-
ronem, Palladium: complexum: nec de altero to-
mo, qui Columellam cum Georg. Alexandrini &
Beroaldi explicationibus & enarrationibus habere
ſolet in Gryphianis & Stephanianis, dubitabat. Non-
dum hic ſit mentio Victorii: neque quidquam præ-

- fationis hic est vel adnotationis. Lectio etiam aperte ad sectam ante Victorianam pertinet.
- 1536 *Coloniæ*, 8. apud Jo. *Gymnicum*. De re rustica M. Catonis L. I, M. Terentii Varronis Lib. III, Palladii L. XIV, L. Junii Moderati Columellæ Lib. XIII. Priscarum vocum in Libris de re rustica enarrationes per Ge. Alexandrinum. Philippi Beroaldi in Lib. XIII Columellæ annot.
- *Parifina* V, 4. apud Jo. Lodoicum Tiletanum, e regione collegii Remensis. Palladius. In fine scriptus annus c1515XXXIX. Repetitio textus Aldini. Præfationem non habet, ne Aldi quidem de horis Palladii epistolam: unde Gesnerus suspicabatur esse partem totius corporis, quod edidisset idem typographus. Certe paginæ & quam *signaturam* vocant typographi, ostendunt, suum sibi opus integrum hoc voluisse typographos.

Æ T A S I I I V I C T O R I A N A

1541 — 1585.

- Petri *Victorii*, qui scriptorum R. R. sospitator habetur, curas in conferendo cum antiquis Codd. & emendando Catone & Varrone maxime adhibitas, neque in Columella, qui emendationis opera haud æque eguisse videbatur, prorsus omissas, primum exhibet *Gryphiana* 1541, quæ & Palladium, a Victorio neglectum, habet. Castigationum suarum explicationes idem Victorius libello peculiari edidit, qui jungendus est Gryphianæ. Recudit hanc ed. *Stephanus* 1543. Sed & *Gryphiana* II *Victorii* apud ipsum Seb. Gryphium prodiit 1548 & sq. *Varronis* Opera, in iisque etiam de R. R. cum Victorii Castigg. edidit ter Henr. *Stephanus* 1569, 1573 & 1581.
- 1541 *Lugduni*, 8. apud *Gryphium*. 2 Voll. In primo sunt Cato & Varro, qui in titulo dicuntur *per Petrum Victorium ad veterum exemplarium fidem suæ integritati restituti*. In altero Columella & Palladius. Est in bibliotheca Dresdensi. Præfixa præfatio Victorii, data Florentiæ XII Kal. Quintil. c1515XLI, & in peculiari pagina *Loci aliquot Columellæ ad vetustorum exemplarium collationem emendati*. Respondent paginæ

& versus, qui hic laudantur, Columellæ etiam editioni Gryphianæ 1548. Hanc primam esse Victorii editionem, indicat dies epistolæ Victorii adscriptus: nisi eodem tempore in Italia edidit.

1542 *Lugduni*, 8. apud *Gryphium*. Petri *Victorii* Explicatio suarum in Catonem, Varronem, Columellam castigationum separatim edita.

1543 *Parifina* Rob. *Stephani*, 8. *Libri de re rustica*, M. Catonis *Lib. I*, M. Terentii Varronis *Lib. III per Petrum Victorium ad veterum exemplarium fidem suæ integritati restituti*. — *Parifis ex officina Roberti Stephani typographi Regii* M. D. XLIII. (sequitur epistola Petri Victorii Marcello Cervilo Cardinali inscripta XII Kalend. Quintiles M. D. XLI. Florentiæ) In fine: *Excudebat Rob. Stephanus typographus regius Parifis. an. MDXLIII. XVI. Kal. Augusti.*

— *ibid.* eod. Palladii *Rutilii Tauri Æmiliani Viri illustris, de Re Rustica* Libri XIV. ex offic. Rob. Steph. typ. reg.

— *ibid.* eod. L. Junii Moderati Columellæ *de re rustica Libri XII. Ejusdem de Arboribus liber separatus ab aliis. ex off. R. Steph. typ. reg.* — Post indicem in Colum. & locos aliquot Columellæ ad vetustiorum exemplarium fidem collatos, legitur in fine: *Excudebat Robert. Stephanus typographus regius. Parifis, an. MDXLIII. XI Kal. Septembris.*

— *ibid.* eod. P. Victorii explicatio in Catonem, Varronem & Columellam. Ge. Alexandrini expl. prisicarum vocum in libris de re rustica. Beroaldus in Columellam. Aldus in Palladium. (Est mera repetitio ed. Victorii Gryphianæ 1541 sq.)

— *Parifis*, 4. Columellæ hortus, cum interpretatione Julii Pomponii Fortunati, cui accefferunt annotationes Bapt. Pii, Phil. Beroaldi, & cuiusdam viri doctissimi. Parif. M. de Guierche. cf. Cat. bibl. Bunav. T. I, vol. 1, p. 334.

— *Francofurti*, 4. Columella, cum Nicolai Bartholomæi carmine de cultu hortorum, & Georgii Vercellani, Annibalis Crucei Mopfo & Carpo Hieron. Fracastorii.

f. a. *Argentorati*, 8. Columella, cum Cæna Baptistæ Fieræ

E D I T I O N U M. CXXXIX

de herbarum virtutibus. Exstat Lipsiæ in bibliotheca Paulina.

1548 & 1549 *Lugduni*, 8. apud Seb. *Gryphium*. Columella de re rustica & de arboribus, 1548.

—— *ibid.* ap. eundem. M. Catonis ac M. Terent. Varronis de re rustica libri, per Petrum *Victorium* ad veterum exemplarium fidem suæ integritati restituti, 1549.

—— *ibid.* 8. ap. eund. Palladius de Re Rustica, 1549.

—— *ibid.* Enarrationes vocum prisicarum in libris de R. R. per Ge. *Alexandrinum*. Phil. *Beroaldi* in Colum. Annot. *Aldus* de dierum generibus, umbris, horis ap. Palladium, 1549.

Huic editioni adjungendæ fuere P. *Victorii* explanationes suarum in Cat. Varr. Colum. castigationum ap. *Gryphium* 1542. jam separatim editæ. Sic certe una leguntur in Catal. Bibl. Schwarzianæ inter edd. *Gryph.*

1549 *Parisis*, 4. apud *Morellium*. Columella. Memoratur Maïttario.

1569 *Henr. Stephani* I, f. n. l. M. Terentii Varronis opera quæ supersunt. In libros de L. L. conjectanea Josephi *Scaligeri* recognita & appendice aucta. In libros de R. R. notæ ejusdem Jos. Scal. non antea editæ. His adjuncti fuerunt Adr. *Turnebi* comment. in lib. de L. L. cum emendationibus Ant. *Augustini*, item P. *Victorii* castigationes in lib. de R. R.

1573 *H. Stephani* II, Operum Varronis, 8.

1574 *Basileæ*, 4. per Petr. *Pernam*. Publii *Vegetii* mulomedicina, per Joannem *Sambucum*.

1576 *Basileæ*, 8. Cato & Varro: adjuncti methodo rusticæ Catonis atque Varronis præceptis aphoristicis per locos communes digestis a Theod. *Zuingero* typice delineatæ & illustratæ. Is vero Catonem dedit ex recensione Victoriana, ex Scaligeriana Varronem.

1577 *Noribergæ*, 4. Rei rusticæ opuscula nonnulla per Jo. J. F. *Camerarium*. — Ex catalogo bibl. Menken. T. I, p. 190. citatur cl. Theoph. Christoph. Harles Introduct. in Notit. literaturæ Romanæ P. II, p. 173.

1581 *H. Stephani* III. M. Ter. Varronis opera quæ supersunt. In lib. de ling. Lat. Conjectanea Josephi *Scaligeri*. In lib. de re rust. Notæ ejusdem. Alia in eundem scriptorem, trium aliorum, *Turn. Vid. August.* Editio tertia, recognita & aucta. Cum H. Stephani

appendice Varronis assertionum analogiae sermonis lat. & J. C. Scaligeri diss. de eadem. — Turnebi notæ sunt ex Adversariorum opere excerptæ.

- 1585 *Parisiis*, 8. Varro, cum reliquis libris & fragm. Ex Jo. Alb. Fabricii Bibl. Lat.

ÆTAS IV 1587 — 1735

quam *Commelinianam* vocare liceat, quod post Urfini notas ad Scriptt. rusticos 1587 editas & Auf. Popmæ Catonem Plantinianum Hier. Commelinus, cum Frid. Sylburgio, rei rusticæ auctores denuo cum vet. editionibus collatos, inprimis Palladium ex membranis emendatiorem, 1595 dederit cum Indd. tribus a Sylburgio confectis. Dolendum vero, quod Commelinus operi immortalis est, neque sic animadversiones promissæ prodire. Atque hæc collectio per CXL annos progeniem haud tulit; sed singulorum scriptorum, Catonis & Varronis Opera tantum suos curatores invenere, in quibus Cato Popmæ — Meursianus 1598 & 1620; itemque Varro Popmæanus, 1601, & Dordracenus Scaligeri 1619, quinque post annis recusos Amstelod. præstant. Ab eo tempore jacuere hæc studia usque ad an. 1735, quo ea reparare coepit Jo. Matth. Gesnerus.

- 1587 *Romæ*, 8. Fulvii *Urfini* notæ ad Catonem, Varro- nem, Columellam, Kalendarium Rusticum Farnesianum, & veteres Inscriptt. fratrum Arvalium.

- 1590 *Lugd. Bat.* 8. ex officina *Plantiniana*. Cato, cum fragmentis aliorum librorum. cum notis Aufonii *Popmæ*.

- 1595 *Heidelbergæ*, 8. ex Hieron. *Commelini* typographio. Rei rusticæ auctores latini veteres, M. Cato, M. Varro, L. Columella, Palladius. Priores tres e vetustissimis editionibus: quartus e veteribus membran- nis aliquammultis in locis emendatiore: cum tri- bus indicibus, capitum, auctorum & rerum ac ver- borum memorabilium. Criticorum & expositorum in eisdem atque Geoponicos græcos notationes se- orum dabuntur. — Frid. Sylburgius confecit indi- ces. Commelinus vero fatis interceptus nec Geopo- nicos edere potuit, nec animadversiones promissas.

- 1598 *Lugduni Bat.* 8. Cato, cum notis Jo. *Meursii*: qui centum amplius locis auctum, ex Basileensi maxime & Commeliniana editione, correctumque se dare profitetur. Sed *Meursii* hæc editio libri *Catonis* non nova est, sed eadem cum illa *Popmæ* 1590, nisi quod nova libro frons, novusque titulus præfixus, *Meursii*que præfatio & notæ acceperunt.
- 1601 *Lugd. Bat.* 8. ex officina Plantiniana, apud Christoph. *Raphelengium*. M. Ter. Varronis opera quæ exstant, nova editio. Edente & recensente Aufonio *Popma*, Frisio. Ejusdem Aufonii in eadem notæ & conjectanea. — Hæc editio est rara quidem, suasque habet virtutes; at nec accurata censetur nec egregia. Insuper quæ bona, præcipue in libr. de R. R. attulit *Popma*, ea furripuisse arguitur Ursino & Scaligero, & notæ *Popmæ* sunt a librariis mirifice corruptæ. Adjecit fragmenta Varronis e variis libris deperditis collecta, notisque illustrata; & in bibliotheca, quæ vocatur, Varroniana de scriptis differitur Varronis tam editis, quam vetustate temporisque iniquitate absuntis. cf. Gésneri præf. ad Scriptt. R. R. § 5, & Freytag in Adpar. lit. T. III, p. 50 sqq.
- 1602 *Genevæ*, 4. Varro de R. R. Ex Hauptmanni Not.
- 1619 *Dordraci*, 8. ex offic. Jo. *Brerewout*. M. Ter. Varronis opera omnia, quæ exstant. Cum notis Josephi *Scaligeri*, Adriani *Turnebi*, Petri *Victorii*, & Antonii *Augustini*. His accedunt Tabulæ naufragii, seu Fragmenta ejusdem auctiora & meliora, additis ad singula loca auctorum nominibus unde hæc petita sunt. — Convenit cum Stephanianis, teste Gesnero, nisi quod passim habet varias lectiones in margine.
- 1620 *Franequeræ*, 8. exc. Jo. *Lamrinck*. M. Porcii Catonis de re rustica liber. Fragmenta quæ supersunt. Aufonius *Popma* iterum recensuit, & notas addidit. Acceperunt Jo. *Meursii* ad librum de re rustica notæ. Aufonii *Popmæ* de instrumento fundi liber. Pro bibliopolio Commeliniano. Sumtibus Jo. Commelini viduæ. Repetitio ed. Plantin. 1598.
- 1623 *Amstelodami*, 8. apud Jo. *Janfonium*. M. Ter. Varronis opera &c. Repetitio Dordracenæ 1619.
- (* ad an. 1629 Calat. Bibl. Menarsianæ mendose refert Cat. Varr. Colum. Pall. Parisiis fol. editos, monen-

te Fabricio, cum ad an. 1529 referenda sit hæc illorum editio. Simile mendum esse videtur in Catal. Bibl. Hulfianæ, qui Scriptt. R. R. 1535 Basl. 4 edit. adscribit an. 1635.)

1655 *Lipsiæ*, 8. As veterum nonnullorum, ut & mediæ vergentisque ætatis scriptorum fere metricorum & medicorum, de re herbaria videlicet. 1. L. Jun. Moderati Columellæ cultus hort. 2. Palladii Rutilii Tauri Æmiliani de insitione: cum aliorum villaticis carm. 3. Walafridi Strabi Germani Hortulus: cum Auli Septimii Sereni Moreto. 4. Macri de viribus herbarum cum appendice. 5. Incerti scriptoris Græci de facultatibus plantarum quarundam Epos cum profa. 6. Theffali mysterium ad Hermen, de XII herbis per XII signa zodiaci & de VII aliis secundum VII planetas. 7. Alexandri Imp. de VII herbarum virtutibus quas percipiant ab influentia planetarum. 8. Jo. Mediolanensis schola Salernit. 9. Thefaurus pauperum methodici Barb. 10. Apuleji de nominibus & medicaminibus herbar. 11. Antonii Musæ de Bëtonica. 12. Vestii Valentis Antiochei de Planetar. naturis, & quibus præsent in regno minerali, vegetabili & animali. Qui junctim nunc ita compacti, ut invicem conferri, emaculari, illustrari & enarrari valeant, præmissa simul de auctoribus ipsis præfatione & subjuncto indice herbarum macti ab An. Rivino, Phil. & Med. D. ac P. P. Lipsiæ, ubi prostant, in Bibliopolio Ellingeriano. Æra Christi 1705. In fine auctor: *Cum auctores præmissi omnes & singuli ex antea editis recusi sint, itaque prout ibi jacebant, fere fuerant relictæ; neque navi ipsi, qui plerisque adhærebant, ubique sublatis, nec ipsa adeo sphalmata typographica, quorum correctionem B. Lectori commendamus, reliqua animadversionibus nostris reservantes.* Has vero animadversiones nunquam prodiisse credibile est. Certe nec volam nec vestigium earum uspiam reperit Gesnerus.

1730 *Hala Magdeburg.* 12. apud Jo. Ern. Frischium. M. Ter. Varronis libri tres de re rustica, wegen ihrer Vortreflichkeit, Nuzbarkeit und Seltenheit, von neuem mit Fleis übersehen, bedächtlich ausgebeßert, in Paragraphos abgetheilt, mit lateinischen

und teutschen Summarien wie auch teutschen Noten versehen &c. und mit einer Vorrede von des Auctoris Leben, von seinem und seiner Schriften Character, ingleichen mit einem doppelten Register begleitet.

- 1735 *Erfordia*, 8. Syntagma de rebus rusticis & œconomicis ex mandato Ernesti Augusti Ducis Saxo Vinariensis &c. e potioribus rei rusticæ æque ac aliis scriptoribus, perpetuum in usum Gymn. Vinariensis conscriptum, & cum Indice quadripartito editum a Wolfg. Adolpho *Schrænio* ill. Gymn. Vinar. Subcorrectore. — Chrestomathico huic operi succcessit statim jucundior ipsorum scriptorum reparatio.

Æ T A S V G E S N E R I A N A

1735 — 1787

- cujus princeps prodiit 1735; sed auctior curis J. Aug. Ernestii 1774, quæ duas filias peperit, alteram Mannhemensem, alteram hanc Bipontinam, credimus, ornatiorem.
- 1735 *Lipsia*, 4. 2 voll. sumtibus Casp. *Frisch*. Scriptores rei rusticæ veteres Latini, M. Porcius Cato, M. Ter. Varro, L. Jun. Moderatus Columella, Palladius Rutilius Taurus Æmilianus. Quibus nunc accedit Vegetius de mulomedicina, & Gargilii Martialis Fragmentum, cum editionibus prope omnibus & MSS. pluribus collati. Adjectæ notæ virorum clariss. integræ, tum editæ, tum non editæ, & Lexicon rei rusticæ. Curante Jo. Matth. *Gesnero*. — Præter virorum doctorum notas jam editas, hæc editio continet ineditas Schoëttgenii, & Pontederæ ad Gesnerum ab ipso missas; denique & ipsius Gesneri, qui & suis notis & Lexico egregio rei rusticæ & latinitatis rusticorum Scriptorum optime de Rusticis meritus est. Ad calcem sunt Auson. Popmæ liber de Instrumento Fundi, & Jo. Bapt. Morgagni Epistolæ ad Auctores rei rusticæ. Hæc editio reprehensiones experta est Jul. Pontederæ in Antiq. gr. & lat. enarrationibus & emendationibus, inprimis Epist. XLIII, quibus respondit Gesnerus in præfatione ad Lucia-

- num; item alius viri docti in Obs. Misc. Dorvillianis T. VII, p. 274 - 286. cui respondit in præf. ed. Plin. Epp.
- 1743 *Schleizæ*, 8. Catonis de re rustica liber, cura Jo. Christoph. Haynisch.
- 1773 & 1774 *Lipsiæ*, 4. *Gesneri* II, 2 voll. sumtibus eiusdem Caspari *Fritsch*. Titulus idem, qui legitur in superiori. — Hæc editio passim locupletata est beneficio cl. Jo. Aug. Ernesti, qui ei etiam præfatus est. Is præter alia, quamquam haud admodum multa, ornamenta addidit Columellæ variantes lectiones ex codice Parisiensi in monasterio S. Germani, & Palladio varr. lectr. ex exemplo antiquo manuscripto, quod exstat Erfurti in Collegii Amploniani bibliotheca, a J. F. Herelio missas; tum Pontederæ epistolas contractas, & J. A. de Segner descriptionem Ornithonis Varroniani; textum denique liberavit ab operarum vitiis, quæ in ed. priorem irreperant.
- 1781 *Mannheimii*, 12. V voll. cura & sumptibus societatis literatæ. Scriptores rei rusticæ veteres Latini, Cato, Varro, Columella, Palladius, quibus nunc accedit Vegetius de Mulomedicina, & Gargilii Martialis fragmentum, curante Jo. Matth. Gesnero.
-

VERSIONES.

VARRONIS.

GERMANICA.

- 1774 M. Terentius Varro von der Landwirthschaft, mit
Anmerkungen von Joh. Friedr. Meyer. Nürnberg, 8.
1781 Eadem repetita ibid. 8.

COLUMELLÆ.

ITALICA.

- 1554 Venetiis, 8. Petro Lauro Mutinensi interprete. Me-
moratur Fabricio.
1564 Eadem ibid. 8.

GALLICA.

- 1551 Les douze livres de Lucius Junius Moderatus Colu-
mella des choses rustiques, traduits par Claude Co-
tereau Chanoine de Paris. à Paris, imprimés par
Guil. Morel. 4. Exstat Halæ in bibliotheca publica,
teste Gesnero. Fabricius habet annum 1555.
1556 — revues & corrigés par Jean Thierry de Beauvais,
& imprimés à Paris chés Keruer. 4.

ANGLICA.

- 1745 Londini, 4 ab Anonymo versum Columellam cum
notis prodisse discimus ex comm. rerum in orbe
literario gestarum Lipsiensibus germ. edi solitis an.
1745, partic. LV.
Scriptu. R. R. Vol. I.

GERMANICÆ.

- 1538 Das Ackerwerk Lucii Columellæ und Palladii, ver-
teutscht durch Mich. Herren. Strasburg, fol. Fuit in
in bibl. Rivin. n. 1356. & inter libros in bibliothe-
ca Göttingensi in duplo exstantes, & 1784 diven-
ditos, n. 3305.
- 1612 Agricultur oder Acker-Bau der beiden hocherfahr-
nen Römer L. Columellæ & Palladii &c. frommen
Haufsvætern und Haufsmüttern zu sonderlicher
Nachrichtung &c. durch Theod. Majum. Magde-
burg, fol. — In præfatione reprehendit superiorem
ut obsoletam & obscuram. Fuit in bibl. Rivin. n.
1357. & inter libros ex bibl. Göttingensi 1784 di-
venditos, n. 3306.
- 1613 f. quam Fabricius laudat & Catal. Kæfianus, credo,
eadem est, itemque ea, cui typorum, ut suspicor,
culpa adscriptus est apud Fabricium an. 1621. Hæc
Gesnerus.
- 1769 L. J. M. Columella zwölf Bücher von der Land-
wirthschaft, ins deutsche übersezt, und mit Anmer-
kungen versehen von Michael Conrad Curtius, Pro-
fessor zu Marburg. Hamburg und Bremen, bey
Cramer. 8.

PALLADI.

ITALICÆ.

- 1528 *Venetis*, 4. Petri Marini.
- 1560 *ibid.* 4. Sanfovini.

Italica Palladii versio perantiqua, calamo exarata,
& ab homine Florentino scripta commemoratur a Morgag.
Epist. II, 12 & 13. Add. Julium Nigrum pag. 539 Historiæ
scriptorum Florentinorum.

GALLICA.

- 1553 *Paris*, 8. auctore Jo. Darcio. Memoratur Fabricio
ex Crucimani Bibl. Gall. p. 491, & Catalogo Bibl.
Bigotianæ p. 138. Sed Maittarius assignat an.

EDITIONUM. CXLVII

- 1554 — & officinæ Vascofani tribuit. Darcium dicit Au-
monier du Card. de Tournon.

GERMANICÆ.

In Columella commemoratæ.

VEGETII.

ITALICA.

- 1543 *Venetis*, 8. cum Hippiatricis Græcis, in eandem
linguam versis, & Laur. Rufii libro ejusdem ar-
gumenti.

GALLICÆ.

- Gallice vertit Carolus *Stephanus*, teste *Crucimano*
apud *Fabricium*.
1563 *Parisis*, 4. *Bernardus Podius* (du Poy Monclar)
Lucensis in *Bearnio*. Memoratur eidem *Fabricio* ex
Ant. Verderii Bibliotheca Gallica p. 117.

GERMANICÆ.

- 1565 *Francofurti*, 4. *Vegetii Thier - Arzneykunst*: —
Lipsiæ in *Bibliotheca Kæsiana*.
1665 *ibid.* *Arzneybuch de Thiere*. — In *Catalogo* ejus-
dem *Bibliothecæ*.

INDEX AUCTORUM

IN REI RUSTICÆ SCRIPTORIBUS

LAUDATORUM.

Quorum nomina literis majusculis excudenda curavimus, eos dedita opera argumentum rusticum tractasse indicare volumus.

A

- **ABSYRTUS** veterinarius, Veg. Præf. *ii.* 1, 38. ejus pulvis quadrigarius, Veg. 4, 13. anacollima, Veg. 4, 22, collyrium, Veg. 4, 27.
- Accius poeta, Col. 1. Præf.
- L. Ælius **STILO**, Varr. 3, 12.
- ÆSCHRION**, Varr. 1, 1.
- AGATHOCLES** Chius, Varr. 1, 1. Col. 1, 1.
- L. Albucius, Varr. 3, 2 & 6.
- M. Ambivius, Col. 12, 4.
- AMPHILOCHUS** Athenienſis, Varr. 1, 1. Col. 1, 1.
- Anaxagoras, Varr. 1, 40.
- ANAXIPOLIS** Thafius, Varr. 1, 1. Col. 1, 1.
- ANDROTION**, Varr. 1, 1. Col. 1, 1.
- ANTIGONUS** Cymæus, Varr. 1, 1: Col. 1, 1.
- APOLLODORUS** Lemnius, Varr. 1, 1.
- APOLLONIUS** Pergamenus, Varr. 1, 1. Col. 1, 1.
- APULEJUS**, Pall. 1, 35.
- ARCHELAUS**, Varr. 2, 3. *ii.* 3, 11 & 12. in epigrammate, Varr. 3, 16. Bugoniæ auctor, Varr. 2, 5.
- ARCHYTAS** Tarentinus, Varr. 1, 1. Col. 1, 1.
- ARISTÆUS** Theſſalus agricola, Col. 9, 2. ejus prudentia in molitione ſoli, Col. 1. Præf.

INDEX AUCTORUM. CXLIX

- ARISTANDROS Athenienfis, Varr. 1, 1. Col. 1, 1.
 ARISTOMACHUS apud Hyginum, Col. 9, 13.
 ARISTOMENES, Varr. 1, 1. Col. 1, 1.
 ARISTOPHANES Mallotes, Varr. 1, 1. *Plinius Milefium vocat, unde emendari Varronem vult Harduinus. Sed Mallotes vel Malotes placet Reinesio V. L. 2, 16, p. 163. qui fallitur in eo, cum etiam a Columella laudari Aristophanem dicit. Mallotes etiam est in Cod. Ryckiano. Schætzg.*
 ARISTOTELES Peripateticus, Varr. 1, 1. Col. 1, 1.
 Stagerites, Varr. 2, 1 & 5. vir callidissimus rerum naturæ, Col. 7, 3. Pall. 8, 4. Peripateticæ sectæ conditor in iis libris, quos de animalibus conscripsit, Col. 9, 3.
 ATHENAGORAS, Varr. 1, 1. Col. 1, 1.
 ATTALUS Philometor, Varr. 1, 1. Col. 1, 1.
 Atticus, Julius *ubi vid.*
 Attilius Hispanienfis, Varr. 2, 4.
 M. Attilius Regulus, Col. 1, 4.

B

- BACHIUS Milefius, Varr. 1, 1. Col. 1, 1.
 BIAS de septem unus, Col. 1, 1.
 BION Soleus, Varr. 1, 1.
 BOLUS Mendefius Ægyptiæ gentis auctor, Col. 7, 5.
 & 11, 3.

C

- Cæcilius, Hypobolimæo, Varr. 2, 11.
 Cælius orator, Col. 1. Præf.
 Cæsar Vopiscus, Varr. 1, 7.
 Cæsonianum præceptum, Col. 1, 4.
 CASSIUS DIONYSIUS Uticenfis Magonis libros de re rustica e Punico in Græcum sermonem convertit, Varr. 1, 1. Col. 1, 1. laudatur Varr. 1, 17 & 38. 2, 1. 3, 2. Col. 6, 37. *Hunc quidam pro Geoponicon auctore habuerunt, quos refellit Pe. Needham in prolog.*
 M. CATO Cenforius de agricultura Latine scripsit primus, Col. 1, 1. laudatur, Varr. 1, 7, 18, 22, 23, 24, 58, 60. *ii.* 2, 4. Col. 1, 2, 3, 4, 8. 2, 11, 17, 22. 3, 2, 3, 9. 4, 11. 12, 50. examinatur sententia Catonis Varr. 1, 18 & 19. add. 1, 2. in originum libro, Varr. 1, 2. 2, 3. Catonis dictum & oraculum, Col. 11, 1. responsum, Col. 6. Præf. Cato prisci mōris exemplum, Col. 11, 1.

Catulus orator, Col. 1. Præf.

Celfus Cornelius, *vid.* Cornelius.

CHÆREAS Athenienfis, Varr. 1, 1. Col. 1, 1.

CHÆRESTEUS Athenienfis, Varr. 1, 1. *idem videtur esse* CHRESTUS Col. 1, 1. *Harduino. vid.* Euphron.

Chiron, Col. 1. Præf. *it.* 10, 348.

CICERO Xenophontis Œconomicum Latinæ consuetudini tradidit, Col. 11, 1. *it.* 12, Præf. & c. 2. laudatur Col. 1. Præf. *it.* 3, 8. & 12, Præf.

CLEOBULUS, Col. 1, 1. *videtur idem, qui* Varr. 1, 1. Eubolus *vel* Eubulus *vocatur. Suadet hoc varietas lectionis utroque loco. (ap. Varr. Creobolus; ap. Col. Eubolus l. Embolus, l. Cleobulus) Suadet quod Eubulum ignorat Plinius, qui Cleobulum in γεογραφουμένοισις, h. e. in Indice libri IV laudat. Bolum Mendesium hic ex Eubulo format Reinesius V. L. 1, 25, p. 122; qui potuit sententiam suam probare J. A. Fabricio viro summo, magni operis 2, 13, p. 498. Sed videtur repugnare Reinesianæ conjecturæ primo patria Boli illius, quæ non incognita potuit esse Varroni, cum nota Columella fuerit. Hic autem noster, quisquis est, inter eos refertur, quorum ignota sunt patria. Deinde contradicit ordo elementarius, quem servat hic Varro, quamquam idem etiam Cleobulo repugnat, nisi dicamus, Græci ordinis ratione adhæsisse Κλεόβουλον Lyfimacho. Illud unum apparet, credo, idem nomen & apud Varro-
nem & apud Columellam fuisse.*

M. Columella, patruus nostri, laudatur Col. 2, 16. 5, 5. 7, 2. 12, 21, 40 & 43.

L. COLUMELLA, noster, Gaditanus fuit, Col. 8, 2. & 10, 185. de furculorum generibus, Col. 2, 11. adversus astrologos scripsit, Col. 11, 1. de lustrationibus & sacrificiis scribere in animo habuit, Col. 2, 22. habuit prædium Ceretanum, Col. 3, 3. Syriæ ac Ciliciæ regiones obiit, Col. 2, 10. abundavit illi dicendi facultas, Veg. Præf. *eo respicere putamus etiam* Pall. 1, 1. laudatur Pall. 1, 19 & 28. 2, 16. 3, 9, 10, 15, 16, 17, 18, 19, 24 & 26. 4, 8 & 9. 8, 4. 10, 1. 11, 3, 5 & 8. 12, 1.

CORNELIUS CELSUS, Col. 1, 1. laudatur Col. 1, 8. 2, 2, 9 & 12. 3, 1, 2 & 17. 4, 1, 8, 10 & 28. 5, 6. 6, 5, 12 & 14. 7, 2, 3, 4 & 5. 8, 13. 9, 2, 6, 7, 11 & 14. *vid. Quintiliani iudicium* 10, 1. & 12, 11.

CRATES, Varr. 1, 1. Col. 1, 1.

D

DADIS, Varr. 1, 1. Col. 1, 1.

DEMOCRITUS Abderites, Physicus, Varr. 1, 1. Col. 1, 1. citatur Col. 3, 12. 6, 28. 8, 8. 9, 14. 11, 3. Pall. 1, 35. in libro, quem Georgicon appellavit, Col. 11, 3. In libro *περί ἀντιπαθειῶν* s. *ἀντιπαθειῶν* potius, Col. 11, 3. Democriti sagacitas, Col. 1. Præf. sub Democriti nomine falso prodita Boli Mendefii commentaria, Col. 7, 5.

Demothenes, Col. 1. Præf.

Dicæarchus de vita Græciæ, Varr. 1, 2. it. 2, 1.

DION COLOPHONIUS, Varr. 1, 1. Col. 1, 1. *Hic perperam a Plinio 10, 70 vocatur Dino*, Clitarchi pater. nam in *Indice diserte vocatur Dion Colophonius*. vid. *Reines. V. L.* 2, 6, p. 161 sq. Schættg.

DIODORUS Prienæus, Varr. 1, 1. Col. 1, 1.

Dionysius Uticensis, vid. Cassius.

DIONYSIUS alius, Varr. 1, 1. Col. 1, 1.

DIOPHANES Nicensis, Varr. 1, 1. Col. 1, 1. in Bithynia Magonis libros XX a Dionysio versos ad sex redegit, Varr. 1, 1. sex epitomas vocat Columella l. c. Diophanes Bithynius, Varr. 1, 9.

E

Ennius, Varr. 1, 4. & 3, 1. in Euhemerî libris versis, Varr. 1, 48.

EPICARMUS, Col. 1, 1. Syracusanus pecudum medicinas diligentissime conscripsit, Col. 7, 3.

EPIGENES Rhodius, Varr. 1, 1. Col. 1, 1.

Eratosthenes orbem terræ ut diviserit, Varr. 1, 2.

EVAGON Thasius, Varr. 1, 1. Col. 1, 1.

Eubolus, an Eubulus, an Bolus denique? vid. Cleobulus.

Eudoxus, Col. 9, 14. ejus providentia, Col. 1. Præf.

De hoc singularem Jo. Andr. Schmidius dissertationem habuit Helmsladii 1715. Schættg.

Euemerus vel Euhemerus, Col. 9, 2. ejus libri ab Ennio versi, Varr. 1, 48.

EUPHITON, vel EUPHYTON, Varr. 1, 1. Col. 1, 1. Non habet hoc nomen *Bibliotheca Græca Fabriciana*.

EUPHORION, Varr. 1, 1. Col. 1, 1.

EUPHRANII duo, Atheniensis & Amphipolites, Varr. 1, 1.

EUPHRON Atheniensis, & Chrestus Euphronis, non ut

multi putant, Amphipolites, qui & ipse laudabilis habetur agricola, sed indigena foli Attici, Col. 1, 1. *Idem est, qui Plin. 14, 19 scribitur Euphronius; sed in indice hujus libri Euphron Athenæus, quod rectum puto. Schættg.*

Euthronius de apibus fabulam narravit, Col. 9, 2. Euphranium conjicitur in indice Fabriciano: certe Euthronium non habet κέρως illud Ἀμαλθείας, in quo sunt omnia.

G

GARGILIUS Martialis laudatur Pall. 4, 9. Reliqua vid. in Martialis.

GRÆCI citantur, Varr. 2, 1. Pall. 1, 6, 19, 30, 35. 2, 15. 3, 24, 29, 30, 31, 33. 4, 4, 11. 5, 2. 8, 5. 11, 9 & 24. 12, 1, 7, 10, 12, 17, 18, 20 & 21.

Græcinus, vid. Julius.

H

Hamilcar, Col. 12, 4.

HEGESIAS Maronites, Varr. 1, 1. Col. 1, 1.

Heraclitus Ephesius, Col. 8, 4.

HESIODUS Ascræus, Varr. 1, 1. Bœotius, Col. 1, 15: citatur Col. 11, 1. *versus illius tacito nomine laudatur* Col. 1, 3.

HIERO Siculus, Varr. 1, 1. Col. 1, 1.

Hipparchus, Col. 1, 1. 9, 14. 11, 2.

Hippocrates oppida in peste fervavit, Varr. 1, 4.

Homerus vocatur Mæonius ille Deus, Col. 1. Præf. Homericus Melanthius, Varr. 2, 3.

HYGINUS, JULIUS (Higinum & Higinium fere scribunt librarii) Col. 1, 1. laudatur, Col. 3, 11. 9, 2, 11, 13, 14. 11, 2. in libro, quem de apibus scripsit, Col. 9, 13.

I

Ischomachus Atheniensis (*persona Socratis potius f. Xenophontis, quam scriptor*) Col. 11, 1. & 12, 3.

JULIUS ATTICUS, Col. 1, 1. citatur Col. 3, 3, 11, 16, 17, 18. 4, 1, 2, 8, 10, 13, 28, 29, 30 & 33.

JULIUS GRÆCINUS citatur Col. 3, 2, 3 & 12. 4, 3 & 28. de vineis, Col. 1, 1. & 4. 3. vid. de eo Hist. liter. de la France T. 1, p. 163 sq.

Julius Hyginus, vid. h. v.

L

Lænius, *vid.* Strabo.

LICINIUS Mænas, *an* Menas, Col. 12, 4. *idemne* Varr. 2, 3? *si Sylburgium audimus, etiam* Varr. 2, 11, *ubi* Ticinius *al.* Menas *an* Menates. Mænas, Mænates, *etiam est* Varr. 2, 1 & 8.

Licinius Nerva, Varr. 2, 4.

Licinius Stolo, *vid.* h. v.

Lucilius. Luciliano charactere libelli, Varr. 3, 2.

LYSIMACHUS, Varr. 1, 1. Col. 1, 1.

M

Mænas *an* Menas, *vid.* Licinius.

MAGO Pœnus, rusticationis parens, Col. 1, 1. qui res disperfas comprehendit libris XXVIII, quos Cassius Dionysius Uticensis vertit libris XX — Hosce ipsos ad VI libros redegit Diophanes *cet.* Varr. 1, 1. *quæ partim repetit* Col. 1, 1. *Laudatur* Varr. 2, 1 & 5. 3, 2. Col. 1, 1. 3, 12 & 15. 4, 10. 5, 5. 6, 1, 26 & 37. 9, 14 & 15. 12, 4, 39 & 44. Arb. 17. Pall. 3, 10. & 6, 7. quo primordio usus sit, Col. 1, 1. *Cic. de Orat.* Num igitur, si cui fundus inspiciendus, aut si mandandum aliquid procuratori de agricultura, aut imperandum villico sit, Magonis Carthaginienfis sunt libri perdiscendi?

Mamillii, *an* Manilii, formula stipulandi capras, Varr. 2, 3. actiones, Varr. 2, 5 & 7.

Maro, *vid.* Virgilius.

MARTIALIS, GARGILIUS, Pall. 2, 15. 4, 9 & 10. 5, 3. 6, 6. 7, 5. 11, 12. 13, 4.

C. MATIUS, Col. 12, 4 & 44.

MENANDRI duo, Prienæus & Heracleotes, Varr. 1, 1. Col. 1, 1. *vid. Reines. V. L. 2, 1. p. 127.*

Menas, *vid.* Licinius.

MENECRATES Ephesus versu scripsit, Varr. 1, 1. *citur* Varr. 3, 16.

MENESTRATUS, Varr. 1, 1. Col. 1, 1.

Messala orator, Col. 1. Præf.

Meto, Astrologus, Col. 1. Præf. it. 9, 14. *Fuit hic Atheniensis, Astronomus inde maxime celebris, quod annum magnum XIX annorum spatio circumagi statuit, quem ἐννεακαιδεκάετηρος Græci vocant. Vide Scholiasten Aristoph. Avib.*

Script. R. R. Vol. I.

v. 1005. *Schol. Arati* p. 181. *Ald. Mantium de quaestis per epist.* 1, 6. *Jac. Nic. Loensem Misc. Epiph.* 8, 22. *Salmasium ad Solinum* c. 37, p. 518 sq. *Schættg.*

MNASEAS Milefius, Varr. 1, 1. Col. 1, 1. & 12, 4.

N

NICANDER, Col. 9, 2. *Cic. de Orat.* 1, 16. Constat, de rebus rusticis hominem ab agro remotissimum, Nicandrum Colophonium, poetica quadam facultate non rustica, scripsisse præclare.

NICESIUS Maronites, Varr. 1, 1.

O

Oraculum Cretensis redditum, Pall. 11, 14.

P

Pacuvius, Varr. 1, 2.

PAXAMUS, Col. 12, 4.

PELAGONIO non defuit dicendi facultas, Veg. Præf. *Laudatur*, Veg. 1, 17. ejus pulvis quadrigarius, Veg. 4, 13. causticum, Veg. 4, 14. collyrium, Veg. 4, 27.

M'. Percennius Nolanus monstravit ut cypressi serantur, Cat. 151.

PERSIS, Varr. 1, 1. Col. 1, 1.

Philometor, *vid.* Attalus.

Piso Italiam a vitulis dictam tradit, Varr. 2, 1.

Plato, divinus auctor, Col. 3, 20. ejus eloquentia, Col. 1. Præf.

Plautus, Varr. 2, 1. in Menæchmis, Varr. 2, 4.

PLEUTIPHANES, *an* PLEUSIPHANES, Varr. 1, 1. Col. 1, 1.

Pœni, gens acutissima, Col. 1, 1. Pœni ex Africa scriptores, Col. 1, 1. *in his* Mago, Hamilcar.

Poetæ primarii, Col. 1. Præf. veteres, Varr. 2, 1.

Pollio orator, Col. 1. Præf.

Pontifices, Col. 2, 22.

M. Porcius Cato, *ubi vid.*

Pythagoras Samius negat principium mundi, Varr. 2,

1. Pythagoræ sagacitas, Col. 1. Præf.

PYTHION Rhodius, Varr. 1, 1.

R

Rhinton, Varr. 3, 3. Col. 8, 16. *non ut auctor aliquis laudatur; sed vid. Lex. Rust. h. v.*

S

SASERNÆ (Hostiliæ gentis, quod ex numis apparet consularibus) pater & filius, Varr. 1, 2. Col. 1, 1. *laudantur*, Col. 1. Præf. it. 3, 17. Safernæ liber *citatur*, Varr. 1, 16, 18, 19. & 2, 9. Col. 1, 1 & 7. 2, 13 & 14. 3, 3 & 12. 4, 11.

Scrofa, *vid. Tremellius.*

Seneca, vir excellentis ingenii atque doctrinæ, Col. 3, 3.

Stilo, *vid. Ælius.*

STOLO Licinius, unde cognominatus, Varr. 1, 2. ejus lex, Varr. 1, 2. *laudatur* Col. 1. Præf. it. 4, 11.

M. Lænius Strabo, inventor ὀρνιθοτροφείων, Varr. 3, 5.

T

Tarchon vates, Col. 10, 346. Memoriam illius ex Strabone aliique repetit la Cerda ad Virg. 8, 506.

M. Terentius Varro, *vid. Varro.*

Terentius in Heautontimorumeno, Varr. 2, 11.

Thales Milesius dixit fuisse principium generandi animalium, quod negavit Pythagoras, Varr. 2, 1.

THEOPHILUS, Varr. 1, 1. Col. 1, 1.

THEOPHRASTUS Peripateticus, Varr. 1, 1. Col. 1, 1. *citatur* Varr. 1, 7, 37 & 40. φυτῶν ἱστορία & φυτικῶν αἰτίων complures libri, Varr. 1, 5.

Timæus histor. Varr. 2, 5.

Tremelliis unde Scrofæ cognomen, Varr. 2, 4.

Cn. TREMELLIUS Scrofa peritus agricola, Varr. 2, 1. Col. 1. Præf. exercitum duxit in Gallia transalpina, Varr. 1, 7. eloquentem agriculturam reddidit, Col. 1, 1. *citatur*, Col. 1, 1. 2, 1, 5, 10 & 14. 3, 3, 11 & 12. 5, 6.

Triptolemus, Col. 1. Præf.

V

M. TERENCEIUS VARRO agriculturam expolivit, Col. 1, 1. *add.* 8, 10. suos Corcyra a peste servavit, Varr. 1, 4

CLVI INDEX AUCTORUM.

& 7. Græciæ classibus præfuit, Varr. 2. Præf. habuit pecuarias magnas, *ibid.* & 2, 1. ejus uxor in Sabinis fundum habuit, ipse in Vesuvio, Varr. 1, 15. *citatur*, Col. 1. Præf. *it.* 3, 3 & 9. 5, 1. 6, 37. 8, 8 & 16. Varro rerum rusticarum libro primo, Col. 3, 3.

VIRGILIUS Maro carmine rem rusticam tractavit, Col. 1, 1. *compellatur*, Col. 1. Præf. *citatur*, Col. 1, 3 & 4. 2, 2, 8, 9, 10, 14 & 22. 3, 1, 2, 9, 10, 12, 15 & 21. 4, 11. 5, 4. 6, 27. 7, 1, 2, 3, 4, 5 & 6. 8, 17. 9, 2, 3, 4, 5, 7, 8, 9, 10, 14 & 15. 11, 1 & 3. Arb. 1. Pall. 3, 25. Veg. 1, 56. *sidereus vates*, Col. 10, 434. Mantuanus poeta divino ore testatur, Veg. 1. Præf. Bucolicis, Col. 3, 9. in Bucolico poemate, Col. 7, 10. ejus Georgica expleta, Col. 10. Præf. *it.* 10, 5.

Vopiscus, *vid.* Cæsar.

X

XENOPHON Socraticus, Varr. 1, 1. Col. 1, 1. ejus Œconomicus a Cicerone Latino sermoni traditus, Col. 11, 1. 12, Præf. *it.* 12, 2. *citatur*, Col. 11, 1. 12, Præf.

Z

Zeno Cittizæus ait fuisse principium generandi animalium, Varr. 2, 1.

M. PORCIUS CATO
DE
R E R U S T I C A.

Q140 2 1 10

ADDITIONAL

CAPITULA REI RUSTICÆ

EX RHEGIENSI EDITIONE

ANNI CIO CCCC LXXXII

M. P. CATONIS.

- I. Quomodo agrum emi pararique oporteat.
- II. Patrisfamilias officia.
- III. Quomodo agrum in adolescentia conferere oporteat.
- IV. Bubilia uti bene ædificata habeantur, & vicinia bona.
- V. Villici officia.
- VI. Quibus locis agrum conferi oporteat.
- VII. Quo in loco arbuta & virgæ ferantur.
- VIII. Ficos plurium generum quo loco ferere oporteat.
- IX. Uti salicta locis aquosis ferantur.
- X. Quot conservos, quot boves asinosque & ministros atque utensilia villicum habere oporteat.
- XI. Alia institutio, quot & quibus conservis atque operis instrui villicum oporteat.
- XII. Quot & quæ in torculari parari vasa oporteat.
- XIII. Quomodo torcularium & cellam oleariam parare oporteat.
- XIV. Villam ædificandam fabro quomodo locaveris.
- XV. Maceræ quomodo ædificentur.
- XVI. Calx quo pacto locetur.
- XVII. Materies qui tempore anni tempestitiva sit.
- XVIII. Torcularium quomodo ædifices.

Script. R. R. Vol. I.

A 2

INDEX CAPITUM

- XIX. Quot vasa vinaria, quibus stipitibus & qualiter facias.
XX. Trapeti columella quo sit concinnanda modo.
XXI. Cuppa trapeti quomodo fabrefiat.
XXII. Quomodo faber trapetum accommodet.
XXIII. Quæ ad vindemiam in tempore parari opus sit.
XXIV. Vinum Græcum & helveolum quo fiat modo.
XXV. Vinum coctum quo fiat modo.
XXVI. Quod vindemia facta; vasa reponantur.
XXVII. Sementim uti facias.
XXVIII. Oleas, vites, ficos, ceterasque arbores cum seres, quomodo seras.
XXIX. Stercus ad arbores colendas uti dividas.
XXX. Quomodo bubus & ovibus frondem des.
XXXI. Ad oleam cogendam quæ opus sint.
XXXII. Uti maturæ arbores putentur.
XXXIII. Vineæ quomodo curetur, & vetus uti renovetur.
XXXIV. De sementi faciunda & quo loco.
XXXV. Quis locis faba, siligo & hordeum feri debeat.
XXXVI. Quod stercus præstantius ad segetem.
XXXVII. Quæ mala in segete sint.
XXXVIII. De fornace calcaria.
XXXIX. Quid confici per tempestatem debeat.
XL. Quid veris tempore fiat.
XLI. Vitis insitio, pirorumque & malorum, quali modo fiat.
XLII. Ficorum & olearum insitio alio modo.
XLIII. Vites & oleæ quomodo infodiantur.
XLIV. Olivetum quo tempore putetur.
XLV. Quantam taleam oleaginam decidas.
XLVI. Seminarium quo fiat modo.
XLVII. Arundinetum & vitiarium uti feratur.
XLVIII. Semina cupressi, piri, nucis, & pini, ceterarumque arborum qualiter ferantur ac foveantur.
XLIX. Uti vinea vetus de loco transferatur.
L. Prata quo modo ferantur.
LI. Propagatio oleæ pomorumque.
LII. Quæ diligentius propagari voles.

- LIII. De foenificio.
- LIV. Bubus pabulum.
- LV. De lignis domini.
- LVI. Familiæ cibaria quanta dentur.
- LVII. Vinum familiæ quantum detur.
- LVIII. Pulmentarium familiæ quantum detur.
- LIX. Vestimenta familiæ.
- LX. Bubus cibaria.
- LXI. Quomodo ager colatur.
- LXII. Quot plostra habere oporteat.
- LXIII. Funem quam longum esse oporteat.
- LXIV. De olea legenda.
- LXV. Oleum viride quomodo fiat.
- LXVI. Custodis & capulatoris officia.
- LXVII. Custodis in torculari officia.
- LXVIII. Vasa olearia & vinaria extollere.
- LXIX. Dolia quomodo imbuantur.
- LXX. Bubus medicamentum.
- LXXI. Bos si ægrotare coeperit.
- LXXII. Boves ne pedes subterant.
- LXXIII. Quomodo bubus medicamentum detur.
- LXXIV. Panem depiticum uti facias.
- LXXV. Libum uti facias.
- LXXVI. Placentam uti facias.
- LXXVII. Spiram uti facias.
- LXXVIII. Scriblitam uti facias.
- LXXIX. Globulos uti facias.
- LXXX. Encitum uti facias.
- LXXXI. Herneum uti facias.
- LXXXII. Sphæricam uti facias.
- LXXXIII. Votum pro bubus.
- LXXXIV. Savillum uti facias.
- LXXXV. Pultem Punicam uti facias.
- LXXXVI. Graneam triticeam uti facias.
- LXXXVII. Amylum uti facias.
- LXXXVIII. Salem candidum uti facias.

6 INDEX CAPITUM

- LXXXIX. Gallinas & anferes uti farcias.
XC. Palumbum recentem uti farcias.
XCI. Aream uti facias.
XCII. Frumento ne noceat gurgulio.
XCIII. Olea si fructum non ferat.
XCIV. Fici uti grossos teneant.
XCV. Convolvulus in vinea ne fiat.
XCVI. Oves ne scabræ fiant.
XCVII. Amurcæ unguentum.
XCVIII. Vestimenta ne tineæ tangerent.
XCIX. Fici aridæ ut integræ sint.
C. Oleum in metretam ut indas.
CI. Virgas myrteas uti serves, item aliud genus.
CII. Si bovem aliamve quadrupedem serpens momorderit.
CIII. Boves uti valeant.
CIV. Vinum familiæ per hiemem.
CV. Si ager a mari longe aberit, uti vinum Græcum ibi facias.
CVI. Aquæ marinæ concinnatio.
CVII. Quomodo labra doliorum circumlinias, odorata ut sint, & ne quid vitii in vinum accedat.
CVIII. Vinum si voles experiri, duraturum sit, necne.
CIX. Vinum asperum uti lene fiat.
CX. Odorem deteriolem uti vino demas.
CXI. Si voles scire in vinum aqua addita sit, necne.
CXII. Vinum Coum si facere voles.
CXIII. Ut bene odoratum sit.
CXIV. Vinum si voles concinnare ad alvum.
CXV. Vinum ad alvum movendam.
CXVI. Lentim quomodo servari oporteat.
CXVII. Oleæ albæ quomodo condiantur.
CXVIII. Oleam albam secundum vindemiam qua utaris.
CXIX. Epithyrum album, nigrum, & varium.
CXX. Mustum si voles totum annum habere.
CXXI. Mustaceos uti facias.
CXXII. Vinum concinnare ad lotium.

- CXXIII. Vinum ad ischiacos.
CXXIV. Ut interdiu canes clausos habeas.
CXXV. Vinum myrteum uti facias.
CXXVI. Ad tormina, & si alvus non consistat, & si tinea
ac lumbrici molesti existant.
CXXVII. Ad dyspepsiam & stranguriam.
CXXVIII. Habitationem delutare.
CXXIX. Arca frumentaria uti fiat.
CXXX. Ligna amurca aspargantur.
CXXXI. Dapem pro bubus.
CXXXII. Dapem quomodo facias.
CXXXIII. Propagatio pomorum ceterarumque arborum.
CXXXIV. Antequam messem incipias, uti porcum præci-
daneum facias.
CXXXV. Tunica & centones, ferramenta & reliqua uten-
silia ubi emantur.
CXXXVI. Politionem quo pacto dari oporteat.
CXXXVII. Vineam redemptori partiario quomodo des.
CXXXVIII. Boves quomodo feriis conjungere liceat.
CXXXIX. Quemadmodum lucum collucare debeas.
CXL. Si fodere velis altero piaculo, quid facere debeas.
CXLI. Si agrum lustraveris, quid tunc facere debeas.
CXLII. Villici officia.
CXLIII. Villicæ officia.
CXLIV. Lex oleæ legendæ.
CXLV. Lex oleæ faciundæ.
CXLVI. Lex oleæ pendentis.
CXLVII. Lex vini pendentis.
CXLVIII. Lex vino in doliis.
CXLIX. Lex pabulo.
CL. Fructus ovium qua lege venierit.
CLI. Quo pacto cupresseta feri oporteat.
CLII. Quæ Memius, & M. Manlius de vino emtoribus ad-
metiendo monstraverint.
CLIII. De vino fæcato.
CLIV. Vinum emtoribus quomodo admetiatis.

8 INDEX CAPITUM M. P. CATONIS.

CLV. Per hiemem de agro aquam pellere.

CLVI. Medicamenta brassicæ.

CLVII. Quot brassicæ genera, & quæ natura.

CLVIII. Alvum deijcere quo modo oporteat.

CLIX. Ad intertriginem remedia.

CLX. Luxum ut excantes.

CLXI. Asparagus quomodo feratur.

CLXII. Salsura pernarum & offellæ Puteolanas.

2

M. PORCIUS CATO
DE
R E R U S T I C A.

EST interdum præstare mercaturis rem quærere, ni tam periculosum fiet; & item foenerari, si tam honestum fiet. Majores enim nostri sic habuerunt, & ita in legibus posuerunt, furem dupli condemnari, foeneratorem quadrupli. Quanto pejorem civem existimarint foeneratorem, quam furem, hinc licet existimari. Et virum bonum cum laudabant, ita laudabant, Bonum agricolam, bonumque colonum. Amplissime laudari existimabatur, qui ita laudabatur. Mercatorem autem strenuum studiosumque rei quærendæ existimo; verum, ut supra dixi, periculosum & calamitosum. At ex agricolis & viri fortissimi, & milites strenuissimi gignuntur, maximeque pius quæstus, stabilissimusque consequitur, minimeque invidiosus: minimeque male cogitantes sunt, qui in eo studio occupati sunt. Nunc, ut ad rem redeam, quod promisi institutum principium hoc erit.

I. Prædium cum parare cogitabis, sic in animo habeto, uti ne cupide emas, neve opera tua parcas visere, & ne satis babeas semel circumire. Quoties ibis, toties magis placebit, quod bonum erit. Vi-

cini quo pacto niteant, id animum advertito : in bona regione bene nitere oportebit : & uti eo cum introeas, circumspicias, uti inde exiri possit : uti bonum coelum habeat, ne calamitosum fiet. Solo bono, sua virtute valeat. Si poteris, sub radice montis fiet, in meridiem spectet, loco salubri, operariorum copia fiet, bonumque aquarium, oppidum validum prope fiet, aut mare, aut amnis, qua naves ambulant, aut via bona, celebrisque. Siet in iis agris, qui non sæpe dominos mutant : qui in his agris prædia vendiderint, quos pigeat vendidisse : uti bene ædificatum fiet. Caveto alienam disciplinam temere contempnas. De domino bono colono, bonoque ædificatore melius emetur. Ad villam cum venies, videto, vasa torcula & dolia multa ne fient. Ubi non erunt, scito pro ratione fructuum esse. Instrumenti ne magni fiet, loco bono fiet. Videto, quam minimi instrumenti, sumtuosusque ager ne fiet. Scito idem agrum quod hominem, quamvis quæstuosus fiet, si sumtuosus erit, relinqui non multum. Prædium quod primum fiet, si me rogabis, sic dicam. De omnibus agris, optimoque loco si emeris jugera agri centum, vinea est prima, si vino multo fiet; secundo loco hortus irriguus, tertio salicetum, quarto oletum, quinto pratum, sexto campus frumentarius, septimo silva cædua, octavo arbuſtum, nono glandaria silva.

II. Paterfamilias ubi ad villam venit, ubi larem familiarem salutavit, fundum eodem die, si potest, circumeat : si non eo die, at postridie. ubi cognovit, quomodo fundus cultus fiet, operaque quæ fa-

Quæ infectaque fient, postridie ejus diei vilicum vocet, roget, quid operis fiet factum, quid restet, satisne tempori opera fient confecta, possitne quæ reliqua fient conficere: & quid factum vini, frumenti, aliarumque rerum omnium. Ubi ea cognovit, rationem finire oportet operarum, dierum. Si ei opus non apparet, dicit vilicus sedulo se fecisse, servos non valuisse, tempestates malas fuisse, servos aufugisse, opus publicum effecisse. Ubi eas aliasque causas multas dixerit; ad rationem operum operarumque vilicum revoca. Cum tempestates pluviae fuerint, videto, quot dies, quæve opera per imbrem fieri potuerint, dolia lavari, picari, villam purgari, frumentum transferri, stercus foras efferri, sterquilinum fieri, semen purgari, funes veteres sarciri, novosque fieri: centones, cuculiones familiam oportuisse sibi sarcire. Per ferias potuisse fossas veteres tergeri, viam publicam muniri, vepres recidi, hortum fodiri, pratum purgari, virgas vinciri, spinas runcari, expinxi far, mundicias fieri. Cum servi ægrotarint, cibaria tanta dari non oportuisse. Ubi hæc cognita æquo animo fient, quæve reliqua opera fient, curare uti perficiantur: rationes putare argentariam, frumentariam, pabuli causa quæ parata sunt; rationem vinariam, oleariam, quid venierit, quid exactum fiet, quid reliquum fiet, quid fiet quod veneat; quæ satis accipiunda fient, satis accipiantur. Reliqua quæ fient, ut compareant. Si quid desit in annum, uti patetur. quæ supersint, uti veneant: quæ opus fient locato, locentur: quæ opera fieri velit, & quæ locare

velit, uti imperet, & ea scripta relinquat: pecus confideret. Auctionem uti faciat. Vendat oleum, si pretium habeat, vinum frumentumque, quod superfit. Vendat boves vetulos, armenta delicula, oves deliculas, lanam, pelles, plostrum vetus, feramenta vetera, servum senem, servum morbosum, & si quid aliud superfit, vendat. Patrem familias vendacem, non emacem esse oportet.

III. Prima adolescentia patrem familiæ agrum conferere studere oportet, ædificare diu cogitare oportet; conferere cogitare non oportet, sed facere oportet. ubi ætas accessit ad annos XXXVI, tum ædificare oportet, si agrum consitum habeas. Ita ædifices, ne villa fundum quærat, neve fundus villam. Patrem familiæ villam rusticam bene ædificatam habere expedit, cellam oleariam, vinariam, dolia multa, uti lubeat caritatem expectare, & rei, & virtuti, & gloriæ erit. Torcularia bona habere oportet, ut opus bene effici possit. Olea ubi lecta fiet, oleum fiat continuo, ne corrumpatur. Cogitato quotannis tempestates magnas venire, & oleam dejicere solere. Si cito sustuleris, & vasa parata erunt, damni nihil erit ex tempestate, & oleum viridius & melius fiet. Si in terra & tabulato olea nimium diu erit, putescet, oleum foetidum fiet. ex quavis olea oleum viridius & bonum fieri potest, si tempori facies. In jugera oleti CXX vasa bina esse oportet. Si oletum bonum, beneque frequens, cultumque erit, trapetos bonos, privos, impares esse oportet: si orbes contriti fient, ut commutare possis, funes loreos privos, vectes senos, fibulas duo-

denas , medipontos privos loreos , trochleas Græcanicas binas , quæ funibus sparteis ducantur. Orbiculis superioribus octonis , inferioribus senis citius duces. Si rotas voles facere , tardius ducentur , sed minore labore.

IV. Bubilia bona , bonas præsepis , faliscas clatratas. Clatros interesse oportet pede. Si ita feceris , pabulum boves non ejicient. Villam urbanam pro copia ædificato. In bono prædio si bene ædificaveris , beneque posiveris : ruri si recte habitaveris , libentius & sæpius venies , fundus melius erit , minus peccabitur , fructi plus capies. Frons occipitio prior est. Vicinis bonus esto. Familiam ne siveris peccare. Si te libenter vicinitas videbit , facilius tua vendes , operas facilius locabis , operarios facilius conduces. Si ædificabis , operis , jumentis , materia adjuvabunt. Si quid (bona salute) usus venerit , benigne defendent.

V. Hæc erunt vilici officia. Disciplina bona utatur. Feriæ ferventur. Alieno manum abstineat. Sua servet diligenter. Litibus familiæ supersedeat. Si quis quid deliquerit , pro noxa bono modo vindicet. Familiæ male ne sit , ne algeat , ne esuriant , opere bene exerceat , facilius malo & alieno prohibebit. Vilicus si nolet male facere , non faciet. Si passus erit , dominus impune ne sinat esse. Pro beneficio gratiam referat , ut aliis recte facere libeat. Vilicus ne sit ambulator , sobrius fiet semper , ad cœnam ne quo eat. Familiam exerceat : consideret , quæ dominus imperaverit , fiant. Ne plus censeat sapere se , quam dominum. Amicos domini , eos habeat sibi

amicos. Cui iussus fiet, auscultet. Rem divinam, nisi compitalibus in compito, aut in foco ne faciat. Injussu domini credat nemini. Quod dominus crediderit, exigat. Satui semen, cibaria, far, vinum, oleum mutuū dederit nemini. Duas aut tres familias habeat, unde utenda roget, & quibus det: præterea nemini. Rationem cum domino crebro putet. Operarium, mercenarium, politorem diutius eundem ne habeat die. Ne quid emisisse velit insciente domino, neu quid dominum celavisse velit. Parasitum ne quem habeat. Haruspice, augure, hariolum, Chaldæum ne quem consuluisse velit. Segetem ne defrudet: nam id infelix est. Opus rusticum omne curet, uti sciat facere, & id faciat sæpe, dum ne lassus fiat. Si fecerit, scibit in mente familiæ quid fiet, & illi animo æquiore facient. si hoc faciet, minus libebit ambulare, & valebit rectius, & dormibit libentius. Primus cubitu surgat, postremus cubitum eat. prius villam videat, clausa uti fiet, & uti suo quisque loco cubet, & uti jumenta pabulum habeant. Boves maxima diligentia curatos habeto. bubulcis obsequitor, partim quo libentius boves curent. Aratra vomeresque facito uti bonos habeas. Terram cariosam caveto ne ares, neve plostrum, neve pecus impellas. Si ita non caveris, quo impuleris, triennii fructum amittes. Pecori & bubus diligenter substernatur; ungulæ curentur. Scabiem pecori & jumentis caveto. id ex fame, & si impluit, fieri solet. Opera omnia mature conficias face. nam res rustica sic est, si unam rem sero feceris, omnia opera sero facies. Stramenta si

deerunt, frondem iligineam legito, eam subſternito ovibus bubuſque. Sterquilinium magnum ſtude ut habeas. Stercus ſedulo conſerva, cum exportabis ſpargito & comminuito. Per autūmnū evehito. Circum oleas autūmnitate ablaqueato, & ſtercus addito. Frondem populneam, ulmeam, querneam cædito, per tempus eam condito, non peraridam, pabulum ovibus. Item ſœnum cordum, ſicilimenta de prato, ea arida condito. Poſt imbrem autūmnī rapinam, pabulum, lupinumque ſerito.

VI. Agrum quibus locis conſeras, ſic obſervari oportet. Ubi ager craſſus, & lætus eſt ſine arboribus, eum agrum frumentarium eſſe oportet. Idem ager ſi nebulofus eſt, rapa, raphanos, milium, panicum id maxime ſeri oportet. In agro craſſo & caldo oleam conditivam, radium majorem, Salentinam, orchitem, poſeam, Sergianam colminianam, albicerem. Quam earum in his locis optimam dicent eſſe, eam maxime ſerito. Hoc genus oleæ in xxv aut in xxx pedes conſerito. Ager oleto conſerundo, qui in ventum Favonium ſpectabit, & ſoli oſtentus erit, alius bonus nullus erit. Qui ager frigidiſior & macrior erit, ibi oleam Licinianam ſeri oportet. Sin in loco craſſo aut caldo ſeveris, hoſtus nequam erit, & ſerundo arbor peribit, & muſcus ruber moleſtus erit. Circum coronas & circum vias ulmos ſerito, & partim populos, uti frondem ovibus & bubus habeas, & materia, ſi quæ opus ſit, parata erit. Sicubi in his locis ripæ, aut locus humectus erit, ibi cacumina populorum ſerito & arundinetum. Id hoc modo ſerito : bipaliō vortito,

ibi oculos arundinis pedes ternos alium ab alio ferito. Ibi corrudam ferito, unde asparagi fiant. (Nam convenit arundinetum cum corruda, eo quia foditur, & incenditur, & umbram per tempus habet.) Salicem Græcam circum arundinetum ferito, uti fiet qui vineam alliges. Vineam quo in agro conferi oportet, sic observato. Qui locus vino optimus dicetur esse, & ostentus soli, ibi Aminnæum minusculum, & geminum eugeneum, helveolum minusculum conferito. Qui locus crassus erit, aut nebulosior, ibi Aminnæum majus, aut Murgentinum, Apicium, Lucanum ferito. Ceteræ vites, miscellæ maxime, in quemvis agrum conveniunt.

VII. Fundum suburbanum arbustum maxime convenit habere, & ligna & virgæ venire possunt, & domino erit, qui utatur. In eodem fundo suum quidquid conferi oportet, arbusstoque vitem copulari. Aminnæum minusculum, & majusculum, & Apicium. Hæc in ollis, ollæ in vinaceis conduntur, eadem in sapa, in musto, in lora recte conduntur, quas suspendas duracinas, Aminnæas majores, vel ad fabrum ferrarium pro passis eæ recte servantur. Poma, mala struthea, cotonea scantiana, Quiriniana, item alia conditiva mala mustea & Punica. eo lotium suillum aut stercus ad radicem addere oportet, uti stabilia mala fiant. Pira volema, Aniciana & sementiva, (hæc conditiva in sapa bona erunt,) Tarentina, mustea, & cucurbitina. Item alia genera quamplurima ferito, aut inferito, oleas orchites, posias, eæ optimæ conduntur vel virides in muria, vel in lentisco contusæ.

Orchites ubi nigræ erunt & siccæ, sale confricato dies v. postea salem excutito, in solem ponito biduum, vel sine sale in defrutum condito. Sorba in sapa cum vis condere, vel siccare, arida facias, item pira eodem modo facias.

VIII. Ficos mariscas in loco cretoso & aperto ferito, Africanas, & Herculanas, Saguntinas, hibernas, Telanas atras pediculo longo, eas in loco crasso, aut stercoreato ferito. Pratum si irriguum habebis, foenum non deficiet. *si non erit, siccum, ne foenum defiet, summittito. Sub urbe hortum omne genus, coronamenta omne genus, bulbos megaricos, murtum conjugulum & album & nigrum, laurum Delphicam, & Cypricam, & silvaricam, nunces calvas, avellanas Prænestinas, & Græcas, hæc facito uti serantur. Fundum urbanum, & qui eum fundum solum habebit, ita paret, itaque conserat, uti quam sollertissimum habeat.

IX. Salicta locis aquosis, humectis, umbrosis, propter amnes ibi feri oportet. Et id videto, uti aut domum opus fient, aut ut venire possint. Prata irrigua, si aquam habebis, potissimum facito: si aquam non habebis, sicca quam plurima facito. Hoc est prædium, quod, ubi vis, expedit facere.

X. Olivetum agri CCXL. iugerum. vilicum, vilicam, operarios v. bubulcos III. subulcum I. asinarium I. opilionem I. Summa hominum XIII. boves trinos, asinos ornatos clitellarios, qui sterqus vestent, III. asinum unum, oves C. vasa olearia instructa iuga v. ahenum, quod capiat quadrantalia xxx. operculum aheni, uncus ferreos III. urceos

Scriptt. R. R. Vol. I.

B

18 M. PORCIUS CATO

aquarios III. infidibula II. ahenum, quod capiat quadrantalia V. aheni operculum, uncos III. labellum polulum, amphoras olearias II. urnam quinquagenariam unam, trullas III. situlum aquarium unum, pelvim unam, matellionem, trullium, scutrisum, matellam, nassiternam, candelabrum, sextarium, plostra majora III. aratra cum vomeribus VI. juga cum loris ornata III. ornamenta bubus VI. urpicem unum, crates stercorarias IV. sirpeas stercorarias III. femuncias III. instrata affinis III. ferramenta, ferreas VIII. farcula VIII. palas IV. rutra V. rastros quadridentes II. falces foenarias III. stramentarias VI. arborarias V. secures III. cuneos III. fistulam farrariam I. forpici II. rutabulum I. foculos II. dolia olearia C. labra XII. dolia, quo vinaceos condant, X. amurcaria X. vinaria X. frumentaria XX. labrum lupinarium unum, serias VI. labrum eluacrum unum, solium unum, labra aquaria II. opercula doliis, seriis prava plura, molas afinarias unas, & trusatiles unas, hispanienses unas, molilia III. abacum I. orbes ahenos II. mensas II. scamna magna III. scamnum in cubiculo unum, scabilla III. sellas IV. folia II. Lectum in cubiculo I. lectos loris subtentos IV. & lectos tres, pilam ligneam unam, fullonicam unam, telam jogalem unam, pilas duas, pilum fabarium unum, farrearium unum, seminarium unum, qui nucleos succernat unum, modium unum, semodium unum, culcitas VIII. instragula VIII. pulvinos XVI. operimenta X. mappas III. centones pueris VI. XI. Videat C. jugerum vilicum, vilicam, operarios X. bubulcum I. afinarium I. salictarium I. su-

bulcum I. Summa homines XVI. boves II. asinos plostrarios II. asinum molarium I. vasa torcula instructa III. dolia, ubi quinque vindemiæ esse possint, culleum DCCC. dolia, ubi vinaceos condant, XX. frumentaria XX. opercula doliorum, & tectoria priva. Urnas sparteas VI. amphoras sparteas IV. infidibula II. cola vitilia III. cola, qui florem demant, tria, urceos mustarios decem. plostra duo, aratra duo. jugum plostrarium I. jugum vinarium I. jugum asinarium I. orbem aheneum. I. molile I. aheneum, quod capit culleum unum. operculum aheni unum, uncus ferreus III. ahenum coculum, quod capiat culleum, urceos aquarios II. Amphoram nassiternam I. pelvim I. matellionem I. trullium I. situlum aquarium I. scutrisum, trullam, candelabrum, matellam, lectos IV. scamnum I. mensas II. abacum I. arcam vestiariam I. armarium promptuarium I. scamna longa VI. rotam aquariam I. modium præferatum I. semodium I. labrum eluacrum I. solium. labrum lupinarium I. serias X. Ornamenta bubus, ornamenta asinis instrata III. semuncias III. sportas facarias III. molas asinarias III. trusatiles unas. Feramenta, falces vineaticas VI. scirpiculas V. falces silvaticas V. arborarias III. secures V. & cuneos IV. vomeres ferreos X. palas VI. rutra quatuor, rastros quadridentes II. crates stercorarias IV. sirpeam stercorariam I. falcules vineaticas XL. falcules ruscarias X. Foculos II. forpices II. rutabulum, corbules Amerinas XX. quala sataria VII. alveos XL. palas ligneas XL. lintres II. culcitas IV. instragula IV. pulvinos VI. operimenta VI. mappas III. centones pueris VI.

XII. In torcularium quæ opus sunt vasis quinis. Prela temperata v. supervacanea III. fuculas v. supervacaneam I. funes loreos v. subductarios v. medipontos v. trochleas v. capistra v. affercula v. ubi prela sita sient v. serias III. vestes XL. fibulas XL. confibulas ligneas, qui arbores comprimant, si disthiascent, & cuneos VI. trapetos v. cupas minusculas x. alveos x. palas ligneas x. rutra ferrea v.

XIII. In torcularium in usu quod opus est. Urceum aheneum I. quod capiat quadrantalia quinque, uncus ferreus tres, orbem aheneum unum, molas unas, cribrum unum, incerniculum unum, securim unam, scamnum unum, seriam vinariam unam, clavam torcularii unam, lectum stratum, ubi duo custodes liberi cubent, & tertius servus una cum factoribus uti cubet. fiscinas novas veteres. epidromum, pulvinum, corium unum, lucernas craticulas duas, carnarium unum, scalas unas. In cellam oleariam hæc opus sunt. Dolia olearia, opercula, labra olearia XIV. conchas majores duas, & minores duas, trullas aheneas tres, amphoras olearias duas, urceum aquarium unum, urnam quinquagenariam unam, sextarium olearium unum, labellum unum, infundibula duo, spongias duas, urceos fictiles II. urnales II. trullas ligneas duas, claves cum clostris III. cellas duas, trutinam unam, centumpondium incertum unum, & pondera certa.

XIV. Villam ædificandam si locabis novam absolo, faber hæc faciat oportet. Parietes omnes (uti iussit) calce & cæmentis, pilas ex lapide angulari, tigna omnia, quæ opus sunt, limina, postes,

jugumenta, asseres, fulmentas, præsepis bubus hibernas, & æstivas Faliscas, equile, cellas familiæ, carnaria III. orbem, ahena II. haras X. focum, januam maximam, & alteram, quam volet dominus, fenestras, clatros in fenestras majores, & minores bipedales X. lumina VI. scamma III. fellas V. telas jogales duas, luminaria VI. paululam pilam, ubi triticum pinfant, unam, fullonicam unam, antepagmenta, vasa torcula duo. Hæ rei materiem, & quæ opus sunt, dominus præbebit, & ad opus dabit: fuccidet, dolabit. ferram I. lineam I. materiam dumtaxat secabit, facietque. Conductor lapidem, calcem, arenam, aquam, paleas, terram, unde lutum fiat. Si de coelo villa tacta fiet, de ea re verba uti fiant. Huic operi pretium ab domino bono, qui bene præbeat, quæ opus sunt, & numos fide bona solvat. In tegulas singulas II. in tectum: sic numerabitur tegula: integra quæ non erit, unde quarta pars aberit, duæ pro una, conliciaries quæ erunt, pro binis putabuntur: in aliis quot erunt, in singulas quaternæ numerabuntur. Villa, lapide calce fundamenta supra terram pede, ceteros parietes ex latere, jugumenta & antepagmenta, quæ opus erunt, indito. Cetera lex uti villa ex calce cæmentis; pretium in tegulas singulas N. s. loco salubri bono domino hæc, quæ supra pretia posita sunt. ex signo manupretium erit: pestilenti, ubi æstare fieri non potest, bono domino pars quarta pretii accedat.

XV. Macerias ex calce, cæmentis, silice, uti dominus omnia ad opus præbeat, altam P. V. facito;

& columen P. I. crassam P. I. s. longam P. XIV. & uti sublinat locari oportet. Parietes villæ si locet in pedes C. id est, P. X. quoquovorsum, libellis in pedes V. & perticam unam P. vic. N. X. Sesquipedalem parietem dominus fundamenta faciat, & ad opus præbeat calcis in P. singulos longitudinem opus est modium unum, arenæ modios duos.

XVI. Calcem partiario coquendam qui dant, ita dant. Perficit & coquit, & ex fornace calcem eximit calcarius, & ligna conficit ad fornacem. Dominus lapidem, ligna ad fornacem, quod opus fiet, præbet.

XVII. Robus, materies item pro ridica, ubi solstitium fuerit ad brumam semper tempeſtiva est. Cetera materies, quæ semen habet, cum semen maturum habet, tum tempeſtiva est. Quæ materies semen non habet, cum glubebit, tum tempeſtiva est. Ea, quæ semen viride & maturum habet, uti semen de cupresso, de pino, quidvis anni legere possis. Item quidvis anni matura est, & tempeſtiva, ibi dum sunt nuces bimæ, inde semen excidet, & anniculæ eæ ubi primum incipiunt hiaſcere, tum legi oportet, per sementim primum incipiunt maturæ esse. Postea usque adeo sunt plus menses VIII. Hornotinæ nuces virides sunt. Ulmus, cum folia cadunt, tum iterum tempeſtiva est.

XVIII. Torcularium si ædificare voles, quadrariis vasis, uti contra sient, ad hunc modum vasa componito: arbores crassas P. II. altas P. IX. cum cardinibus, foramina longa P. III. s. — exsculpta digitos VI. Ab solo foramen primum, P. I. s. inter arbores & arbores, & parietes P. II. in II. arbores P. I. — ar-

bore ad stipitem primum directos P. XVI. stipites crassi P. II. alti cum cardinibus P. X. fucula præter cardines P. IX. prelum longum P. XXV. inibi lingu-
lam P. II. S. pavementum binis vasis cum canalibus duobus P. XXXIV. trapetibus locum dextra, fini-
stra, pavementum P. XX. inter binos stipites vesti-
bus locum P. XXII. Alteris vasis ex adversum ab
stipite extremo ad parietem, qui pone arbores est,
P. XX. Summa torculario, vasis quadrariis latitudi-
ne P. LXVI. longitudine P. L. II. Inter parietes arbo-
res ubi statues, fundamenta bona facito, alta P. V.
inibi lapides filices totum forum longum P. V. la-
tam P. II. S. crassum P. I. S. Ibi foramen pedicinis
duobus facito. Ibi arbores pedicino in lapide statui-
to. Inter duas arbores, quod loci supererit, robore
expleto, eo plumbum infundito, superiorem par-
tem arborum digitos sex altam facito fiet, eo ca-
pitulum robustum indito, uti fiet stipites ubi stent.
Fundamenta P. V. facito. Ibi filicem longum P. II. S.
lätum P. II. S. crassum P. II. S. planum statuito, ibi
stipites statuito. Item alterum stipitem statuito: in-
super arbores stipitesque trabem planam imponito,
latam P. II. crassam P. I. longam P. XXXVII. Vel du-
plices indito, si solidas non habebis, sub eas trabes
inter canales, & parietes extremos, ubi trapeti
stent, trabeculam pedum XXIII. S. imponito sesqui-
pedalem, aut binas pro singulis eo supponito. In
iis trabeculis trabes, quæ insuper arbores stipites
stant, collocato. In iis tignis parietes exstruito, jun-
gitoque materiæ, uti oneris satis habeat. Aream ubi
facies, P. V. fundamenta alta facito, lata P. VI.

aream, & canalem rotundam facito latam. P. IV, S. — Ceterum pavementum totum fundamenta pedum duorum facito. Fundamenta primum fistucato, postea cæmentis minutis, & calce arenato semipedem unumquodque corium struito. Pavimenta ad hunc modum facito, ubi liberaveris, de glarea, & calce arenato primum corium facito; id pilis subigito, idem alterum corium facito. eo calcem cribro succretam indito alte digitos duo. ibi de testa arida pavementum struito. ubi structum erit, pavito, fricatoque, uti pavementum bonum fiet. Arbores, stipitesque robustas facito, aut pineas. Si trabes minores facere voles, canales extra columnam expolito. si ita feceris, trabes pedum XXII. longæ opus erunt. Orbem olearium latum pedibus IV. puniceis coagmentis facito, crassum digitos VI. facito, subscudes iligneas adindito. Eas ubi confixeris, clavis corneis occludit. In eum orbem tris catenas indito. Eas catenas cum orbibus clavis ferreis corrigito. Orbem ex ulmo, aut ex corylo facito. Si utrumque habebis, alternas indito.

XIX. In vasa vinaria stipites arboresque binis pedibus altiores facito, supra foramina arborum pedem quæque uti absient, unæ fibulæ locum facito. semipedem quoquoversum, in fuculam fena foramina indito. foramen, quod primum facies, semipedem ab cardine facito, cetera dividito quam rectissime. Porculum in media fucula facito. Inter arbores medium quod erit, id ad mediam collibrato, ubi porculum figere oportebit. uti in medio prelum recte situm fiet. Lingulam cum facies, de me-

dio prelo collibrato. ut inter arbores bene conveniat, digitum pollicem laxamenti facito. Vestes longissimos pedum XVIII. secundos pedum XVI. tertios pedum XV. remissarios pedum XII. alteros pedum X. tertios pedum VIII.

XX. *Trapetum* quomodo concinnare oporteat. Columellam ferream, quæ in miliario stat, eam rectam stare oportet in medio ad perpendicularum, cuneis salignis circumfigi oportet bene. eo plumbum effundere caveat, ni labet columella. Si movebitur, eximito; denuo eodem modo facito, ne se moveat. Modiolos in orbis, oleaginos ex orchite olea facito, & eos circumplumbato, caveto, ne laxi fient. Si autem labent, in cupam eos indito. tunicas solidas, & latas digitum pollicem facito. labeam bifariam faciat, & habeat quas figat clavis duplicibus, ne cadant.

XXI. Cupam facito P. X. tam crassam, quam modioli postulabunt, mediam inter orbis, quæ conveniat, tam crassam quam columella ferrea erit. Eam mediam pertundito, uti in columella indere possis. Eo fistulam ferream indito, quæ in columellam conveniat, & in cupam. Inter cupam dextra sinistra pertundito late digitos primoris IV. alte digitos primoris tres, sub cupa tabulam ferream lata cupa media erit, pertusam figito, quæ in columellam conveniat dextra sinistra. foramina ubi feceris, laminis circumplectito, replicato in inferiorem partem cupæ omnis quatuor laminas: dextra sinistra foramina utrinque secus laminas. Sublaminas polulas minutas supponito, eas inter sese configito, ne

foramina majora fiant, quo cupulæ minusculæ indentur. Cupam, qua fini in modiolos erit, utrinque secus imbricibus ferreis quatuor desues, ibi utrinque secus facito, qui figas. imbrices medias clavulis figito. Supra imbrices extrinsecus cupam pertundito, qua clavus eat, qui orbem cludat. Insuper foramen librarium ferreum digitos sex latum indito, pertusum utrumque secus qua clavus eat. Hæc omnia ejus rei causa fiunt, uti ne cupa in lapide conteratur. Armillas IV. facito, quas circum orbem indas, ne cupa & clavus conterantur. Intrinsecus cupam materia ulmea aut faginea facito. Ferrum factum, quod opus erit, uti idem faber figat. HS. LX. opus sunt, cum plumbum cupam emito HS. IV. cupam qui concinnet, & modiolos qui indat, & plumbet, operas fabri dumtaxat ††- VIII. Idem trapetum oportet accommodet. Summa sumti †† LXXII. præter adjuutores.

XXII. Trapetum hoc modo accommodare oportet. librator uti statuatur pariter. ab labris digitum minimum orbem abesse oportet. ab solo mortarii orbes cavere oportet, ne quid mortarium terant. Inter orbem, & miliarium unum digitum interesse oportet. si plus intererit, atque orbes nimium aberunt, funi circumligato miliarium arcte crebro, uti expleas quod nimium interest. Si orbes altiores erunt, atque nimium mortarium deorsum teret, orbiculos ligneos pertusos in miliarium, in columellam supponito, eo latitudinem temperato. Eodem modo altitudinem orbiculis ligneis, aut armillis ferreis temperato, usque dum recte temperabitur.

Trapetus emtus est in Sueffano ††- cccc. & olei p. l. composuræ †† LX. vectura boum, operas sex homines vi. cum bubulcis †† LXII. cupam ornatam †† LXXII. pro oleo ††- p. xxv. s. s. †† DCXXIX. Pompejis emtus ornatus †† CCCLXXXIV. vectura †† CCLXXX. Domi melius concinnatur, & accommodatur. Eo sumti opus est. †† LX. Summa, ††- DCCXXIV. Si orbes in veteres trapetos parabis medios crassos p. i. digitos III. altos p. i. foramen semipedem quoquo versum. eos cum advexeris, ex trapeto temperato. Ii emuntur ad Rufri macerias ††- CLXXX. temperantur †† xxx. tantidem Pompejis emitur.

XXIII. Face ad vindemiam, quæ opus sunt, uti parentur. vasa laventur: corbulæ farciantur: picentur dolia: quæ opus sunt, picentur. cum pluet, quala parentur, farciantur. far molatur. Bennæ emantur. oleæ caducæ falliantur. Uvas miscellas ad vinum præliganeum, quod operarii bibant, ubi tempus erit, legito. siccum puriter omnium dierum pariter in dolia dividito. Si opus erit, defrutum indito in mustum, de musto lixivo coctum, partem quadragesimam addito defruti, vel salis sesquilibram in culleum. Marmor si indes in culleum, libram indito. id indito in urnam, misceto cum musto. id indito in dolium. refinam si indes, in culleum musti p. III. bene comminuito, indito in fiscellam & facito uti in dolio musti pendeat. eam quaffato crebro, uti refina condeliquescat. Indideris defrutum, aut marmor, aut refinam, dies xx. permisceto crebro, tribulato quotidie. Tortivum mustum circumcida-

neum suo cuique dolio dividito, additoque pariter.

XXIV. Vinum Græcum hoc modo fieri oportet. Uvas Apicias percoctas bene legito. ubi delegeris, in ejus musti culleum aquæ marinæ veteris quadrantalibus II. vel salis puri modium. Eum in fiscella suspendito, finitoque cum musto distabescat. Si helveolum vinum facere voles, dimidium helveoli, dimidium apicii vini indito, defruti veteris partem tricesimam addito. Quidquid vini defrudabis, partem tricesimam defruti addito.

XXV. Cum vinum coctum erit, & cum legetur, facito uti servetur familiæ primum suisque, facitoque studeas bene percoctum siccumque legere, ne vinum nomen perdat. Vinaceos quotidie recentes succernito, lecto retibus subtento cribrum illius rei parato, eos conculcato in dolia picata, vel in lacum vinarium picatum. id bene operito, jubeto oblini, quod des bubus per hiemem. Indidem, si voles, lavito. paulatim erit lorea familiæ, quod bibat.

XXVI. Vindemia facta, vasa torcula, corbulae, fiscinas, funes, patibula, fibulas jubeto suo quidquid loco condi. Dolia cum vino bis in die face extergeantur. Privasque scopulas in dolia facito habeas illi rei, qui labra doliorum circumfrices. Ubi erit lectum dies triginta, si bene deacinata erunt dolia, oblinito. Si voles de face demere vinum, tum erit ei rei optimum tempus.

XXVII. Sementim facito, ocimum, viciam, foenum Græcum, fabam, ervum, pabulum bubus. Alteram, & tertiam pabuli rationem facito. Deinde alias fruges serito. Scrobis in vervaeto oleis, ulmis,

vitibus, ficis, simul cum semine ferito. Si erit locus siccus, tum oleas per sementim ferito, & quæ ante satæ erunt, teneras tum supputato, & arbores ablaqueato.

XXVIII. Oleas, ulmos, ficos, poma, vites, pinos, cupressos cum ferēs, bene cum radicibus eximito cum terra sua quam plurima, circumligatoque uti ferre possis. in alveo aut in corbula ferri iubeto. Caveto, cum ventus fiet aut imber, effodias, aut feras. nam id maxime cavendum est. In scrobe cum pones, summam terram subdito. postea operito terra radicibus fini, deinde calcato pedibus bene, deinde fistucis vestibisque calcato quam optime poteris. Id erit ei rei primum. Arbores crassiores digitis v. quæ erunt, eas præcisas ferito, oblinitoque fimo summas, & foliis alligato.

XXIX. Stercus dividito sic. Partem dimidiam in fegetem, ubi pabulum feras, invehito. Et si ibi olea erit, simul ablaqueato, stercusque addito. Postea pabulum ferito, partem quartam circum oleas ablaqueatas, qua maxime opus erit, addito, terraque stercus operito. Alteram quartam partem in pratum reservato, idque tum maxime opus erit, ubi Favonius flabit. Evehito luna silenti.

XXX. Bubus frondem ulmeam, populneam, querneam, ficulneam, usquedum habebis, dato. Ovis frondem viridem, usquedum habebis, præbeto. Ubi sementim factururus eris, ibi oves delectato, & frondem usque ad pabula matura. Pabulum aridum, quod condideris in hieme, quam maxime conservato, cogitatoque, hiems quam longa fiet.

XXXI. Ad oleam cogendam quæ opus erunt, parentur. Vimina matura, salix per tempus legatur, uti fiet unde corbulæ fiant, & veteres farciantur, fibulæ unde fiant. Aridæ iligneæ, ulmeæ, nuceæ, ficulneæ, face uti in stercus, aut in aquam conji-
ciantur. inde ubi opus erit, fibulās facito. Vestes iligneos, acrufolios, laureos, ulmeos facito, uti fient parati. Prelum de carpino atra potissimum facito. ulmeam, pineam, nuceam, hanc atque aliam materiem omnem cum effodies, luna decrefcente eximito, post meridiem, sine vento Austro. Tum erit tempestiva, cum semen suum maturum erit. Cave-
toque per rorem trahas, aut doles. Quæ materies semen non habebit, cum glubet, tempestiva erit. Vento Austro caveto, ne quam materiam, neve vinum tractes, nisi necessario.

XXXII. Vineas, arboreſque mature face incipias putare. Vites propages sulcos, sursum vorſum, quoad ejus facere poteris, vitis facito uti ducas. Arbō-
res hoc modo putentur, rami uti divaricentur, quos relinques, & uti recte cædantur, & ne nimium crebri relinquantur. Vites bene nodentur per omnes ramos. diligenter caveto, ne vitem præcipites, & ne nimium perstringas. Arbores facito uti bene mari-
tæ sint, vitesque uti satis multæ afferantur, & sicubi opus erit, de arbore dejiciantur, & in terram depri-
mantur, & biennio post præcidito veteres.

XXXIII. Vineam sic facito, uti curetur. Vitem bene enodatam deligato recte, flexuosa uti ne fiet, sursum vorſum semper ducito, quoad ejus poteris, vinarios, custodesque recte relinquito. Quam altis-

simam vineam facito, alligatoque recte, dum ne nimium constringas. Hôc modo eam curato. Capita vitium per sementim ablaqueato. Vineam putant circumfodito. arare incipito, ultro citroque fulcos perpetuos ducito. Vites teneras quamprimum propagato, sic occato veteres, quam minimum castrato; potius, si opus erit, dejicito, biennioque post præcidito. Vitem novellam refecari tum erit tempus, ubi valebit. Si vinea a vite calva erit, fulcos interponito, ibique viviradicem ferito, umbram ab fulcis removeto crebroque fodito. In vinea vetere ferito ocimum. Si macra erit, quod granum capiat ne ferito, & circum capita addito stercus, paleas, vinaceas, aliquid horum, quo rectius valeat. Ubi vinea frondere cœperit, pampinato. Vineas novas alligato crebro, ne caules perfringantur. Et quæ jam in perticam ibit, ejus pampinos teneros alligato leviter, corrigitoque, uti recte spectent. Ubi uva varia fieri cœperit, vites subligato, pampinato, uvasque expellito, circum capita sarito. Salictum suo tempore cædito, glubito, arctique alligato. Librum conservato, cum opus erit in vinea ex eo in aquam conjicito, alligato. Vimina, unde corbulæ fiant, conservato.

XXXIV. Redeo ad sementim. ubi quisque locus frigidissimus, aquosissimusque erit, ibi primum ferito. In calidissimis locis sementim postremum fieri oportet. terram cave cariosam tractes. Ager rubricosus & terra pulla, materina, rudecta, arenosa: item quæ aquosa non erit, ibi lupinum bonum fiet. In creta, & uligine, & rubrica, & agro, qui aquo-

sus erit, semen adereum potissimum serito, quæ loca sicca & non herbosa erunt, aperta ab umbra, ibi triticum serito.

XXXV. Fabam in locis validis non calamitosis serito. Viciam & fœnum Græcum quam minime herbosis locis serito. Siliginem, triticum in loco aperto, celso, ubi sol quam diutissime fiet, seri oportet. Lentim in rudecto & rubricofo loco, qui herbosus non fiet, serito. Hordeum, qui locus novus erit, aut qui restibilis fieri poterit, serito. Trimeftrem quo in loco sementim maturam facere non potueris, & qui locus restibilis crassitudine fieri poterit, seri oportet. Rapinam & coles rapicii unde fiant, & raphanum, in loco stercoreato bene, aut in loco crasso serito.

XXXVI. Quæ fegetem stercoreant. Stercus columbinum spargere oportet in pratum, vel in hortum, vel in fegetem. Caprinum, ovillum, bubulum, item ceterum sterces omne sedulo conservato. Amurcam spargas, vel irriges ad arbores, circum capita majora amphoras, ad minora urnas cum aquæ dimidio addito, ablaqueato prius non alte.

XXXVII. Si cariosam terram tractes, cicer quod vellitur, & quod falsum est, eo malum est. Hordeum, fœnum Græcum, ervum, hæc omnia fegetem exfugunt, & omnia quæ velluntur. Nucleos in fegetem ne indideris. Lupinum, faba, vicia, sterces unde facias. stramenta, lupinum, paleas, fabalia, acus, frondem iligneam, querneam. Ex fegete vellito ebulum, cicutam, & circum salicta herbam altam, ulvamque. eam substernito ovibus, bu-

busque, frondem putidam. Partem de nucleis succernito & in lacum conjicito, eo aquam addito, permisceto rutro bene. Inde lutum circum oleas ablaqueatas addito, nucleos combustos item addito. Vitis si macra erit, sarmenta sua concidito minute, & ibidem inarato, aut infodito. Per hiemem lucubratione hæc facito. Ridicas & palos, quos pridie in tecto posueras, siccos dolato, faculas facito, stercus egerito. Nisi intermestri, lunaque dimidiata, materiam ne tangas. Materiam, quam efodies aut præcides, abs terra, diebus septem proximis, quibus luna plena fuerit, optime eximetur. Omnino caveto, ne quam materiam doles, neu cædas, neu tangas, si potes, nisi siccam, neu gelidam, neu rorulentam. Frumenta face bis farias runcesque, avenamque destringas. De vinea & arboribus putatis sarmenta degere, & fiscinam facere, & vitis, & ligna in caminum ficulna, & codicillos domino in acervum componeto.

XXXVIII. Fornacem calcariam pedes latam x. facito, altam pedes xx. usque ad pedes iii. summam latam redigito. Si uno præfurnio coques, lacunam intus magnam facito, uti satis fiet, ubi cinerem concipiat, ne foras sit educendus. Fornacemque bene struito: facito fortax totam fornacem infimam complectatur. Si duobus præfurniis coques, lacuna nihil opus erit. Cum cinere eruto opus erit, altero præfurnio eruito, in altero ignis erit. Ignem caveto ne intermittas, quin semper fiet, neve noctu, neve ullo tempore intermittatur, caveto. Lapidem bonum, in fornacem, quam candidissimum, quam

minime varium indito. Cum fornacem facies, fauces præcipites deorsum facito. Ubi satis foderis, tum fornaci locum facito, uti quam altissima, & quam minime ventosa fiet. Si parum altam fornacem habebis, ubi facias lateres summam statuito, aut cæmentis cum luto summi extrinsecus oblinito. Cum ignem subdideris, si qua flamma exhibit, nisi per orbem summum, luto oblinito. Ventus ad præfurnium caveto ne accedat. Inibi Austrum caveto maxime. Hoc signi erit, ubi calx cocta erit, summos lapides coctos esse oportebit. item infimi lapides cocti cadent, & flamma minus fumosa exhibit. Si ligna & virgas non poteris vendere, neque lapidem habebis, unde calcem coquas, de lignis carbonem coquito, virgas & sarmenta, quæ tibi usioni supererunt, in segete comburito. Ubi eas combusseris, ibi papaver serito.

XXXIX. Ubi tempestates malæ erunt, cum opus fieri non poterit, stercus in sterquilinum egerito. Bubile, ovile, cortem, villam bene purgato. Dolia plumbo vincito, vel materie quænea, viti sicca alligato. Si bene sarferis, aut bene alligaveris, & in rimas medicamentum indideris, beneque picaveris, quodvis dolium vinarium facere poteris. Medicamentum in dolium hoc modo facito. Ceræ P. I. resinæ P. I. sulfuris P. „. Hæc omnia in calicem novum indito. eo addito gypsum contritum, uti crassitudo fiat quasi emplastrum, eo dolia sarcito. Ubi sarferis, qui colorem eundem facias, cretæ crudæ partes duas, calcis tertia commisceto: inde laterculos facito, coquito in fornacem, eum

conterito, idque inducito. Per imbrem in villam quærito quid fieri possit. Ne cessetur, munditias facito. Cogitato, si nihil fiet, nihilo minus sumtum futurum.

XL. Per ver hæc fieri oportet. Sulcos & scrobes fieri feminariis. Vitiariis locum verti. vites propagari. In locis crassis & humectis ulmos, ficos, poma, oleas feri oportet. Ficos, oleas, mala, pira, vites inferi oportet luna silenti post meridiem, sine vento Austro. Oleas, ficos, pira, mala hoc modo inferito. Quem ramum insiturus eris, præcido, inclinato aliquantum, ut aqua defluat. Cum præcides, caveto, ne librum convellas. Sumito tibi furculum durum, eum præacuito, salicem Græcam discindito. argillam, vel cretam coaddito, arenæ paululum, & finum bubulum. Hæc una bene condepsito, quam maxime uti lentum fiat. capito tibi scissam salicem, ea stirpem præcisum circumligato, ne liber frangatur. Ubi id feceris, furculum aridum præacutum inter librum & stirpem artito primores digitos duos. postea capito tibi furculum, quod genus inferere voles, eum primorem præacuito obliquum primores digitos duos. furculum aridum, quem artiveras, eximito, eo artito furculum, quem inferere voles. Librum ad librum vorsum facito, artito usque adeo, quo præacueris. Idem alterum furculum tertium, quartum facito. quot genera voles, tot indito. Salicem Græcam amplius circumligato, luto depsto stirpem oblinito, digitos crassos III. Insuper lingua bubula obregito, si pluatur, ne aqua in librum permanet. eam linguam insuper librum al-

ligato, ne cadat. Postea stramentis circumdato, alligatoque, ne gelus noceat.

XLI. Vitis insitio una est per ver, altera est cum uva floret, ea optima est. Pirorum ac malorum insitio per ver, & per solstitium dies quinquaginta, & per vindemiam. Oleæ & ficorum insitio est per ver. Vitem sic inferito. præcidito, quam inferes. eam mediam diffindito per medullam. eo furculos præacutos artito, quos inferes, medullam cum medulla composito. Altera insitio est. Si vitis vitem continget, utriusque vitem teneram præacuito, obliquo inter sese medullam cum medulla libro colligato. Tertia insitio est. Terebra vitem, quam inferes, pertundito, &o duos furculos vitigineos, quod genus esse voles, infectos obliquos artito ad medullam. facito iis medullam cum medulla conjungas, artitoque ea, qua terebraveris, alterum ex altera parte. Eos furculos facito sint longi pedes binos: eos in terram dimittito, replicatoque ad vitis caput, medias vitis vinclis in terram defigito, terraque operito. Hæc omnia luto depsto oblinito, alligato, integitoque ad eundem modum, tanquam oleas.

XLII. Ficos & oleas altero modo. Quod genus aut ficum, aut oleam esse voles, inde librum scalp pro eximito, alterum librum cum gemma de eo fico, quod genus esse voles, eximito; apponito in eum locum, unde exsecaveris in alterum genus, facitoque uti conveniat. Librum longum facito digitos III. s. latum digitos tres. ad eundem modum oblinito, integito, uti cetera.

XLIII. Sulcos, si locus aquosus erit, alveatos esse oportet latos summos pedes III. altos pedes IV. infimum latum pedem unum, & palmum. eos lapide confternito. si lapis non erit, perticis saligneis viridibus controversis collatis confternito: si pertica non erit, sarmentis colligatis. Postea scrobes facito altos P. III. s. latos pedes IV. & facito de scrobe aqua in fulcum defluat, ita oleas serito. Vitibus sulcos & propagines, ne minus pedibus II. s. quoquo-
versus facito. Si voles vinea cito crescat, & olea, quam severis, semel in mense sulcos, & circum capita oleagina, quot mensibus usque donec trimæ erunt, fodere oportet. Eodem modo ceteras arbores procurato.

XLIV. Olivetum diebus xv. ante æquinoctium vernum incipito putare. Ex eo die dies XLV. recte putabis. Id hoc modo putato. Qua locus recte ferax erit, quæ arida erunt. & si quid ventus interfreg-
erit, ea omnia eximito. qua locus ferax non erit, id plus concidito, aratoque. bene enodato, stirpesque leveis facito.

XLV. Taleas oleagineas, quas in scrobe saturus eris, tripedaneas decidito, diligenterque tractato, ne liber laboret, cum dolabis aut secabis. Quas in seminario saturus eris, pedalis facito, eas sic inse-
rito. Locus bipalio subactus fiet, [beneque terra tenera fiet] beneque glutus fiet. Cum taleam demittes, pede taleam opprimito. si parum descendet, malleolo aut mateola adigito, cavetoque, ne librum scindas cum adiges. Palo prius locum ne feceris, quo taleam demittas: si ita severis, uti fiet

talea, melius vivet. Taleæ ubi trimæ sunt, tum denique maturæ sunt, ubi liber sese vertet. Si in scrobibus aut in fulcis feres, ternas taleas ponito, easque divaricato. Supra terram, ne plus IV. digitos transversos emineant, vel oculos ferito.

XLVI. Seminarium ad hunc modum facito. Locum quam optimum & apertissimum & stercoreosissimum poteris, & quam simillimum genus terræ, ubi semina positurus eris, & uti ne nimis longe semina ex seminario ferantur, eum locum bipalio vortito, delapidato, circumque sæpito bene, & in ordine ferito, in sesquipedem quoquoversum taleam demittito, opprimitoque pede. Si parum deprimere poteris, malleo aut mateola adigito. Digitum supra terram facito semina emineant, fimoque bubulo summam taleam oblinito, signumque apud taleam apponito, crebroque sarito, si voles cito semina crescant. ad eundem modum alia semina ferito.

XLVII. Harundinem sic ferito. Ternos pedes oculos disponito. Vitiarium eodem modo facito feritoque. ubi vitis bima erit, refecato. ubi trima erit, eximito, si pecus pascetur. ubi vitem ferere voles, ter prius refecato, quam ad arborem ponas. ubi V. nodos veteres habebit, tum ad arborem ponito, quotannis porrinam inserito, quotannis habebis, quod eximas.

XLVIII. Pomarium seminarium ad eundem modum, atque oleagineum facito. Suum quidquid genus talearum ferito. Semen cupressi ubi feres, bipalio vortito, verè primo ferito. porcas pedes qui-

nos latas facito. eo sterus minutum addito, confarito, glebasque comminuito. Porcam planam facito, paulum concavam. tum semen serito crebrum, tanquam linum, eo terram cribro incernito, altam digitum transversum. Eam terram tabula aut pedibus complanato, furcas circum offigito. eo perticas intendito. eo sarmenta aut crates ficarias imposito, quæ frigus defendant & solem. uti subtus homo ambulare possit, facito. crebro runcato. simul herbæ inceperint nasci, eximito. nam si herbam durum velles, cupressos simul evelles. Ad eundem modum semen pisorum, malorum, serito, tegitoque. Nuces pineas ad eundem modum, nisi tanquam alium serito.

XLIX. Vineam veterem si in alium locum transferre voles, dumtaxat brachium crassam licebit. Primum deputato, binas gemmas ne amplius relinquito. Ex radicibus bene effodito, [usque radices persequitor] & caveto, ne radices faucies. ita uti fuerit, ponito in scrobe, aut in sulco, operitoque, & bene occulcato. Eodemque modo vineam statuito, alligato, flexatoque uti fuerit, crebroque fodito.

L. Prata primo vere stercoreato luna silenti. quæ irrigua non erunt, ubi Favonius flare coeperit. Cum prata defendes, depurgato, herbasque malas omnes radicibus effodito. Ubi vineam deputaveris, acervum lignorum virgarumque facito. Ficos interpretato, & in vinea ficos subradito alte, ne eas vitis scandat. Seminaria facito, & vetera refarcito. Hoc facito, antequam vineam fodere incipias. Ubi daps

profanata comestaque erit, verno arare incipito ; & loca primum arato, quæ siccissima erunt : & quæ crassissima & aquosissima erunt, ea postremum arato, dum ne prius obdurecant.

LI. Propagatio pomorum, aliarum arborum. Ab arbore abs terra pulli qui nascentur, eos in terram deprimito, extollitoque primorem partem, uti radicem capiat : inde biennio post effodito, seritoque. Ficum, oleam, malum Punicum, cotoneum, aliaque mala omnia, laurum, myrtum, nuces Prænestinas, platanum. Hæc omnia a capite propagari eximique, serique eodem modo oportet.

LII. Quæ diligentius propagari voles, in aulas, aut in qualos pertufos propagari oportet, & cum iis in scrobem deferri oportet. In arboribus, ubi radices capiant, calicem pertundito per fundum, aut qualum. ramum, quem radicem capere voles, trajcito. Eum qualum, aut calicem terra impleto, calcatoque bene, in arborem relinquito. Ubi ita fuerit, ramum sub qualo præcidito. Qualum incidito ex una parte perpetuum. si vero calix erit, conquassato. cum eo qualo, aut calice in scrobem ponito. Eodem modo vitem facito, eam anno post præcidito, seritoque cum qualo. Hoc modo, quod genus vis, propagabis.

LIII. Fœnum, ubi tempus erit, fecato, cavetoque, ne sero feces. Priusquam semen maturum fier, fecato, & quod optimum fœnum erit, seorsum condito. Per ver cum arabunt, antequam ocinum, des quod edunt.

LIV. Bubus pabulum hoc modo parari darique

oportet. Ubi sementim patraueris, glandem parari legique oportet, & in aquam conjici. Inde semodios singulis bubus in dies dari oportet, & si non laborabunt, pascantur, satius erit. aut modium vinaciorum, quos in dolium condideris. Interdiu pascito, noctu fœni pondo xxv. uni bovi dato. Si fœnum non erit, frondem iligineam & ederaceam dato. Paleas triticeas & ordeaceas, acus fabaginum, viciam, vel de lupino: item de ceteris frugibus omnia condito. Cum stramenta condēs, quæ herbosissima erunt, in tecto condito, & fale spargito. deinde ea pro fœno dato. Ubi verno dare cœperis, modium glandis aut vinaciorum dato, aut modium lupini macerati, & fœni pondo xv. Ubi ocinum tempestivum erit, dato primum. Manibus carpito, id renascetur. quod falcula secueris, non renascetur. Usque ocinum dato, donec arescat, ita temperato, postea viciam dato, postea panicum dato, secundum panicum frondem ulmeam dato. Si populneam habebis, admisceto, ut ulmea satis fiet. Ubi ulmeam non habebis, querneam & ficulneam dato. Nihil est quod magis expediat, quam boves bene curare. Boves, nisi per hiemem, cum non arabunt, pasci non oportet. nam viride cum edunt, semper id expectant. & fiscellas habere oportet, ne herbam sectentur, cum arabunt.

LV. Ligna domino in tabulato condito, codicillos oleagineos, radices in acervo sub dio metas facito.

LVI. Familiæ cibaria qui opus facient per hiemem, tritici modios iv. per æstatem modios iv. s.

vilico, vilicæ epistatæ, opilioni modios III. Compeditis per hiemem panis P. IV. Ubi vineam fodere coeperint, panis P. V. usque adeo dum ficus esse coeperint, deinde ad P. IV. redito.

LVII. Vinum familiæ. Ubi vindemia facta erit, loram bibant menses III. Mense quarto heminas in dies, id est, in mense congios II. S. Mense quinto, sexto, septimo, octavo, in dies sextarios, id est, in mense congios quinque. nono, decimo, undecimo, in dies heminas ternas: id est amphoram. Hoc amplius Saturnalibus & Compitalibus in singulos homines congios. Summa vini in homines singulos inter annum: cum compeditis uti quidquid operis facient pro portione addito: eos non est nimium in annos singulos vini quadrantalibus x. ebibere.

LVIII. Pulmentarium familiæ, oleæ caducæ quam plurimum condito. Postea oleas tempestivas, unde minimum olei fieri poterit, eas condito, parcito, uti quam diutissime durent. Ubi oleæ comessæ erunt, hancem & acetum dato. Oleum dato in menses unicuique sextarium I. Salis unicuique in anno modium satis est.

LIX. Vestimenta familiæ tunicam P. III. S. faga alternis annis. Quoties cuique tunicam aut sagum dabis, prius veterem accipito, unde centones fiant. Sculponeas bonas alternis annis dare oportet.

LX. Bubus cibaria annua in juga singula lupini modios CXX. aut glandis modios CCXL. foeni pondus, IXXXO ocini. fabæ modios XX. viciæ modios xxx. Præterea granatui videto uti satis viciæ seras. Pabulum cum seres, multas sationes facito.

LXI. Quid est agrum bene colere? Bene arare. Quid secundum? Arare. tertio, Stercorare. Qui oleum sæpissime & altissime miscebit, is tenuissimas radices exarabit. si male arabit, radices fursum adibunt, crassiores fient, & in radices vires oleæ abibunt. (Agrum frumentarium cum ares, bene & tempestive ares, sulco vario ne ares). Cetera cultura est multum ferere, & diligenter eximere semina, & per tempus radices plurimas cum terra ferre. ubi radices bene operueris, calcare bene, ne aqua noceat. Si quis quærat, quod tempus oleæ ferendæ fiet, agro sicco per sementim, agro læto per ver.

LXII. Quot juga boum, mulorum, asinorum habebis, totidem plostra esse oportet.

LXIII. Funem torculum esse oportet extentum P. LV. Funem loreum in plostrum P. LX. lora retinacula longa P. XXVI. subjugia in plostrum P. XVIII. funiculum P. XV. in aratrum subjugia lorum P. XVI. funiculum P. VIII.

LXIV. Olea ubi matura erit, quam primum cogi oportet, quam minimum in terra & in tabulato esse oportet. In terra & in tabulato putescit. Leguli volunt, uti olea caduca quamplurima sit, quo plus legatur. Factores, ut in tabulato diu sit, ut fracida sit, quo facilius efficiant. Nolito credere, oleum in tabulato posse crescere. Quam citissime conficies, tam maxime expediet, & totidem modiis collectæ plus olei efficient, & melius. Olea, quæ diu fuerit in terra, aut in tabulato, inde olei minus fiet & deterius. Oleum, si poteris, bis in die depleto. nam

oleum quam diutissime in amurca & in fracibus erit, tam deterrimum erit.

LXV. Oleum viride sic facito. Oleam quam primum ex terra tollito. Si inquinata erit, lavito, a foliis & stercore purgato. postridie, aut post diem tertium, quam lecta erit, facito. Oleam, ubi nigra erit, stringito. Quam acerbissima olea oleum facies, tam oleum optimum erit. Domino de matura olea oleum fieri maxime expediet. Si gelicidia erunt, cum oleam coges, triduum, aut quatrimum post oleum facito. Eam oleam, si voles, sale inspergito. Quam calidissimum torcularium & cellam habeto.

LXVI. Custodis & capulatoris officia. Seruet diligenter cellam & torcularium. Caveat quam minimum in torcularium & in cellam introeat. Quam mundissime purissimeque fiat, vase ahenico, neque nucleis ad oleum ne utatur. nam si utetur, oleum male sapiet. Cortinam plumbeam in lacum ponito, quo oleum fluat. Ubi factores vectibus prement, continuo capulator concha oleum, quam diligentissime poterit, tollat, nec cesset. Amurcam caveat ne tollat. Oleum in labrum primum indito. inde in alterum dolium indito. de iis labris fraces, amurcamque semper subtrahito. Cum oleum sustuleris de cortina, amurcam dehorito.

LXVII. Qui in torculario erunt, vasa pura habeant, curentque, uti olea bene perficiatur, beneque ficcetur. Ligna in torculario ne cædant. Oleum frequenter capiant. Factoribus det in singulos factus, olei sextarios, & in lucernam quod opus fiet. Fraces quotidie rejiciat. Amurcam commutet usque

adeo, donec in lacum, qui in cella est, postremum pervenerit. fiscinas spongia effingat. Quotidie oleo lacum commutet, donec in dolium pervenerit. In torculario & in cella caveat diligenter, ne quid olei furripiatur.

LXVIII. Ubi vindemia & oleitas facta erit, prela extollito, funes torculos, medipontos, subductarios in carnario, aut in prelo suspendito. Orbes, fibulas, vestes, scutulas, fiscinas, corbulae, quala, scalas, patibula omnia, quæ usus erit, in suo quodque loco reponito.

LXIX. Dolia olearia nova sic imbuo. Amurcam impleto dies VII. Facito, ut amurcam quotidie suppleas. Postea amurcam eximito & arfacito. ubi arebit, cummim pridie in aquam infundito. ea postridie diluito. Postea dolium calfacito. Minus quam si picare velis tepeat, satis est. Lenibus lignis facito caleseat. ubi temperate tepebit, tum cummim indito, postea linito. Si recte liveris, in dolium quinquagenarium cummim p. iv. satis erit.

LXX. Bubus medicamentum. Si morbum metues, fanis dato salis micas III, folia laurea III, porri fibræ III, ulpici spicas III, alii spicas III, turis grana III, herbæ sabinæ plantas III, rutæ folia III, vitis albæ caules III, fabulos albos III, carbones vivos III, vini s. III. Hæc omnia sublimiter legi, teri, darique oportet. Jejunos fiet qui dabit. Ter triduum de ea potione unicuique bovi dato. Ita dividito, cum ter unicuique dederis, omnem absumas. Bosque ipse, & qui dabit, facito, ut uterque sublimiter stent. Vase ligneo dato.

LXXI. Bos si ægrotare cœperit, dato continuo ei unum ovum gallinaceum crudum, integrum facito devoret. Postridie caput ulpici conterito, cum hemina vini, facitoque ebibat. Sublimiter terat & vaso ligneo det. Bosque ipse, & qui dabit, sublimiter stet. Jejunos jejunos bovi dato.

LXXII. Boves ne pedes subterant, priusquam in viam quoquam ages, pice liquida cornua infima unguito.

LXXIII. Ubi uvæ variæ cœperint fieri, bubus medicamentum dato quotannis, uti valeant. Pellēm anguinam ubi videris, tollito & condito, ne quæras cum opus fiet. Eam pellem, & far, & salem, & serpullum, hæc omnia una conterito, cum vino dato bubus bibant omnibus. Per æstatem boves aquam bonam & liquidam bibant semper curato. ut valeant, refert.

LXXIV. Panem depsticium sic facito. Manus, mortariumque bene lavato. Farinam in mortarium indito, aquæ paulatim addito, subigitoque pulchre. ubi bene subegeris, desingito, coquitoque sub testu.

LXXV. Libum hoc modo facito. Casei p. ii. bene disterat in mortario. ubi bene distriverit, farinæ filigineæ libram, aut si voles tenerius esse, selibram similaginis solum eodem indito, permiscetoque cum caseo bene. ovum i. addito, & una permisceto bene. Inde panem facito. Folia subdito. in foco caldo sub testu coquito leniter.

LXXVI. Placentam sic facito. Farinæ filigineæ L. ii. unde solum facias in trasta, farinæ L. iv. & alicæ primæ L. ii. alicam in aquam infundito. ubi be-

ne mollis erit, in mortarium purum indito, siccatroque bene. Deinde manibus depsito. ubi bene subactum erit, farinæ L. IV. paulatim addito. id utrumque tracta facito. In qualo, ubi arefcant, componito. ubi arebunt, componito puriter. Tum facies in singula tracta. ubi depsueris, panno oleo uncto tangito, & circumtergeto, unguitoque ubi tracta erunt. Focum, ubi coquas, calfacito bene, & testum. Postea farinæ L. II. conspergito, condepsitoque. Inde facito solum tenue casei ovilli P. XIV. ne acidum fier & bene recens, in aquam indito. ibi macerato, aquam ter mutato. Inde eximito, siccatoque bene paulatim manibus, siccum bene in mortarium imposito. Ubi omne caseum bene siccaveris, in mortarium purum manibus condepsito, comminuitoque quam maxime. Deinde cribrum farinarium purum fumito, caseumque per cribrum facito transeat in mortarium. Postea indito mellis boni P. IV. s. id una bene commisceto cum caseo. Postea in tabula pura, quæ pateat P. I. ibi balteum ponito, folia laurea uncta supponito, placentam fingito. Tracta singula in totum solum primum ponito, deinde de mortario tracta linito, tracta addito singulatim, item linito usque adeo, donec omne caseum cum melle adusus eris. In summum tracta singula indito, postea solum contrahito ornatoque focum. * de ve primo, temperatoque, tunc placentam imposito, testo caldo operito, pruna insuper, & circum operito. Videto, ut bene & otiose percoquas. aperito, dum inspicias, bis aut ter. ubi cocta erit, eximito, & melle unguito. hæc erit placenta semodialis.

LXXVII. Spiram sic facito. Quantum voles pro ratione, ita uti placenta fit, eadem omnia facito, nisi alio modo fingito in solo tracta. cum melle oblinito bene. Inde tanquam restim tractes facito, ita imposito in solo, simplicibus completo bene arte. Cetera omnia, quasi placentam facias, facito, coquitoque.

LXXVIII. Scriblitam sic facito. In balteo tractes caseo, ad eundem modum facito, uti placentam sine melle.

LXXIX. Globos sic facito. Caseum cum alica ad eundem modum misceto. inde quantos voles facere facito. in ahenum caldum unguen indito. Singulos aut binos coquito, versatoque crebro duabus rudibus; coctos eximito. eos melle unguito, papaver infriato, ita ponito.

LXXX. Encytum ad eundem modum facito, uti globos, nisi calicem pertusum cavum habeat. ita in unguen caldum fundito. honestum quasi spiram facito. idque duabus rudibus versato, præstatoque. item unguito, coloratoque, caldum ne nimium. id cum melle, aut cum mulso apponito.

LXXXI. Erneum tanquam placentam, eadem omnia indito, quæ in placentam. id permisceto in alveo. Indito in hirneam fictilem, eam demittito in aulam aheneam aquæ calidæ plenam. ita coquito ad ignem. Ubi coctum erit, hirneam confringito, ita ponito.

LXXXII. Spæritam sic facito, ita uti spiram, nisi sic fingito detractis caseo, melle, sphæras pugnium altas facito. Eas in solo componito, densas

eodem modo componito, atque spiram, itemque coquito.

LXXXIII. Votum pro bubus, ut valeant, sic facito. Marti Silvano in silva interdus, in capita singula boum votum facito farris adorei libras III. & lardi P. IV. S. & pulpæ P. IV. S. vini sextarios tres. Id in unum vas liceto conjicere, & vinum item in unum vas liceto conjicere. Eam rem divinam vel servus, vel liber licebit faciat. Ubi res divina facta erit, statim ibidem consumito. Mulier ad eam rem divinam ne adsit, neve videat quomodo fiat. Hoc votum in annos singulos, si voles, licebit vovere.

LXXXIV. Savillum hoc modo facito. Farinæ selibram, casei P. II. S. una commisceto quasi libum mellis P. — & ovum unum. Catinum fistile oleo unguito. Ubi omnia bene commiscueris, in catinum indito. Catinum texto operito. videto ut bene percoquas medium, ubi altissimum est. ubi coctum erit, catinum eximito, melle unguito, papaver infriato, sub textum subde paulisper, postea eximito. ita pone cum catillo, & lingulis.

LXXXV. Pulverem Punicam sic coquito. Libram alicæ in aquam indito, facito uti bene madeat. Id infundito in alveum purum, eo casei recentis P. III. mellis P. S. ovum unum, omnia una permisceto bene. Ita insipito in aulam novam.

LXXXVI. Graneam triticeam sic facito. Selibram tritici puri in mortarium purum indat, lavet bene, corticemque deterat bene, eluatque bene. Postea in aulam indat, & aquam puram, coquatque.

Ubi coctum erit, lacte addat paulatim usque adeo, donec cremor crassus erit factus.

LXXXVII. Amulum sic facito. Siliginem purgato bene, postea in alveum indat, eo addat aquam bis in die. Die decimo aquam exsiccat, exurgeto bene, in alveo puro misceto bene, facito tanquam fæx fiat. Id in linteum novum indito, exprimito cremorem in patinam novam, aut in mortarium. id omne ita facito, & refricato denuo. Eam patinam in sole ponito, arefcat. ubi arebit, in aulam novam indito, inde facito cum lacte coquat.

LXXXVIII. Salem candidum sic facito. Amphoram defracto collo puram impleto aquæ puræ, in sole ponito: ibi fiscellam cum sale populari suspendito, & quassato, suppletoque identidem. Id aliquoties in die quotidie facito, usque adeo donec sal defiverit tabescere biduum. Id signi erit, mænam aridam, vel ovum demittito: si natabit, ea muries erit, vel carnem, vel caseos, vel salsamenta quo condias. Eam muriam in labella, vel in patinas in sole ponito. Usque adeo in sole habeto, donec concreverit. inde flos salis fiet. Ubi nubilabitur, & noctu sub tecto ponito. Quotidie, cum sol erit, in sole ponito.

LXXXIX. Gallinas & anseres sic farcito. Gallinas teneras, quæ primum parient, concludat, poline, vel farina ordeacea conspersa turundas faciat. eas in aquam intinguat, in os indat. paulatim quotidie addat. ex gula consideret, quod satis fiet. Bis in die farciat, & meridiæ bibere dato, nec plus aqua sita fiet horam unam. Eodem modo anserem

alito, nisi, prius dato bibere, & bis in die, bis escam.

XC. Palumbum recentem ut prensus erit, ei fabam coctam tostam primum dato. ex ore in ejus os inflato item aquam. hoc dies VII. facito. Postea fabam fresam puram, & far purum facito, & fabæ tertia pars ut infervescat. Cum far insipiat, puriter facito, & coquito bene. id ubi excoxeris, depfito bene, oleo manum unguito. primum pusillum, postea magis depfes, oleo tangito depfitoque, dum poteris facere turundas, ex aqua dato, escam temperato.

XCI. Aream sic facito. Locum ubi facies confodito, postea amurca conspergito bene, finitoque combibat. Postea comminuito glebas bene. Deinde coæquato, & paviculis verberato. Postea denuo amurca conspergito, finitoque arefcat. Si ita feceris, neque formicæ nocebunt, neque herbæ nascentur.

XCII. Frumento ne noceat curculio, neu mures tangant, lutum de amurca facito, palearum paulum addito, finito macerescant bene, & subigito bene, eo granarium totum oblinito crasso luto, postea conspergito amurca omne quod lutaveris. Ubi aruerit, eo frumentum refrigeratum condito, curculio non nocebit.

XCIII. Olea si fructum non feret, ablaqueato. Postea stramenta circumponito. Postea amurcam cum aqua commisceto æquas partes. Deinde ad oleam circumfundito, ad arborem maximam urnam commixti sat est. Ad minores arbores pro ra-

tionem indito. Et idem hoc si facies ad arbores feraces, eæ quoque meliores fient. Ad eas stramenta ne addideris.

XCIV. Fici uti grossos teneant, facito omnia, quo modo oleæ, & hoc amplius. Cum ver appetet, terram adaggerato bene. Si ita feceris, & grossi non cadent, & fici scabræ non fient, & multo feraciores erunt.

XCV. Convolvulus in vinea ne fiet, amurcam condito, puram bene facito, in vas ahenum indito congiis II. postea igni leni coquito, rudicula agitato crebro, usque adeo, dum fiat tam crassum, quam mel. Postea sumito bituminis tertiarium, & sulfuris quartarium. Conterito in mortario seorsum utrumque. Postea infriato quam minutissime in amurcam caldam, & simul rudicula misceto, & denuo coquito sub dio. nam si in testeo coquas, cum bitumen & sulfur additum est, excandescet. Ubi erit tam crassum, quam viscum, finito frigescat. Hoc vitem circum caput, & sub brachia unguito, convolvulus non nascetur.

XCVI. Oves ne scabræ fiant, amurcam condito, puram bene facito, aquam, ubi lupinus deserverit, & facem de vino bono inter se omnia commisceto pariter. Postea cum detonderis, unguito totas, finito biduum aut triduum confudent. Deinde lavito in mari: si aquam marinam non habebis, facito aquam falam, ea lavito. Si hæc sic feceris, neque scabræ fient, & lanæ plus, & meliorem habebunt, & ricini non erunt molesti. Eodem in omnes quadrupedes utito, si scabræ erunt.

XCVII. Amurca decocta axem unguito, & lora, & calciamenta, & coria : omnia meliora facies.

XCVIII. Vestimenta ne tineæ tangant; amurcam decoquito ad dimidium; ea unguito fundum arcæ, & extrinsecus, & pedes, & angulos. Ubi ea adaruerit, vestimenta condito. Si ita feceris, tineæ non nocebunt. Et item ligneam supellectilem omnem si ungues, non putescet: & cum ea terferis, splendor fiet. Item ahenea omnia unguito, sed prius extergeto bene. Postea cum unxeris, cum uti voles, extergeto, splendidior erit, & ærugo non erit molesta.

XCIX. Fici aridæ si voles ut integræ sint, in vas fictile condito. id amurca decocta unguito.

C. Oleum si in metretam novam inditurus eris, amurca ita uti est cruda prius colluito, agitatoque diu, ut bene combibat. Id si feceris, metreta oleum non bibet, & oleum melius faciet, & ipsa metreta firmior erit.

CI. Virgas murteas si voles cum bacis servare, & idem aliud genus quod vis, & si ramulos ficulneos voles cum foliis, inter se alligato, fasciculos facito, eos in amurcam demittito, supra stet amurca facito. Sed ea, quæ demissurus eris, sumito paulo acerbiora. Vas, quo condideris, oblinito plane.

CII. Si bovem, aut aliam quamvis quadrupedem serpens momorderit, Melanthii cætabulum, quod medici vocant smyrneum, conterito in vini veteris hemina. Id per nares indito, & ad ipsum morfum sterminus suillum apponito. Et idem hoc (si usus venerit) homini facito.

CIII. Boves uti valeant, & curati bene fient, & qui fastidient cibum, uti magis cupide appetant, pabulum, quod dabis, amurca spargito; primo paululum, dum consuecant, postea magis, & dato rareriter bibere commixtam cum aqua æquabiliter quarto quinto quoque die. hoc sic facies, ita boves & corpore curatiores erunt, & morbus aberit.

CIV. Vinum familiæ per hiemem qui utatur. Musti quadrantalia x. in dolium indito, aceti acris quadrantalia II. Eodem infundito sapæ quadrantalia duo, aquæ dulcis quadrantalia L. Hæc rude misceto ter in die, dies v. continuos. Eo addito aquæ marinæ veteris sextarios LXIV. & operculum in dolium imponito, & oblinito dies x. Hoc vinum durabit tibi usque ad solstitium. Si quid superfuerit post solstitium, acetum acerrimum & pulcherrimum erit.

CV. Qui ager longe a mari aberit, ibi vinum Græcum sic facito. Musti quadrantalia xx. in aheneum aut plumbeum infundito, ignem subdito. ubi bullabit vinum, ignem subducito. ubi id vinum refrixerit, in dolium quadragenarium infundito, seorsum in vas aquæ dulcis quadrantal I. infundito. Salis $\overset{\circ}{M}$ I. finito muriam fieri. Ubi muria facta erit, eodem in dolium infundito. Schoenum & calamum in pila contundito, quod fiet sextarium unum eodem in dolium infundito, ut odoratum fiet. Post dies xxx. dolium oblinito. Ad ver diffundito in amphoras. Bienium in sole finito positum esse. deinde in tectum

conferto. Hoc vinum deterius non erit, quam Coum.

CVI. Aquæ marinæ quadrantal I. ex alto sumito, quo aqua dulcis non accedit, sesquilibrium salis frigito, eodem indito, & rude misceto usque adeo, donec ovum gallinaceum coctum natabit, definito miscere. Eodem vini veteris, vel aminnii, vel miscelli albi congios II. infundito, misceto probe. Postea in vas picatum confundito, & oblinito. Si quis plus voles aquæ marinæ concinnare, pro portione ea omnia facito.

CVII. Quo labra doliorum circumlinas, ut bene odorata fient, & ne quid vitii in vinum accedat. Sapæ congios VI. quam optime infundito in aeneum, aut in plumbeum; & iris aridæ contusæ heminam, & fertam Campanicam p. v. bene odoratam, una cum iri contundas quam minutissime, per cribrum cernas, & una cum sapa coquas sarmentis, & levi flamma. Commoveto, videto, ne aduras, usque coquito, dum dimidium excoquas. Ubi refrigerit, confundito in vas picatum bene odoratum, & oblinito, & utito in labra doliorum.

CVIII. Vinum si voles experiri, duraturum sit, necne, polentam grandem dimidium acetabuli in caliculum novum indito, & vini sextarium de eo vino, quod voles experiri, eodem infundito, & imponito in carbones, facito bis aut ter inferveat. Tum id percolato, polentam abjicito. Vinum ponito sub dio. Postridie mane gustato. Si id sapiet, quod in dolio est, scito duraturum. Si subacidum erit, non durabit.

CIX. Vinum asperum quod erit, lene & suave si voles facere, sic facito. De ervo farinam facito lib. IV. & vini cyathos IV. conspergito sapa. Postea facito laterculos. Sinito combibant noctem & diem. postea commisceto cum eo vino in dolio, & oblinito dies LX. Id vinum erit lene, & suave, & bono colore, & bene odoratum.

CX. Odorem deteriorem demere vino si voles, testam de tegula crassam puram calfacito in igni bene. Ubi calebit, eam picato, resticula alligato, testam demittito in dolium infimum leniter, finito biduum oblitum dolium: si demtus erit odor deterior, id optime; si non, sæpius facito, usque dum odorem malum demseris.

CXI. Si voles scire, in vinum aqua addita sit, necne, vasculum facito de materia ederacea. Vinum id, quod putabis aquam habere, eodem mittito. Si habebit aquam, vinum effluet, aqua manebit. nam non continet vinum vas ederaceum.

CXII. Vinum Coum si voles facere, aquam ex alto marinam sumito, mari tranquillo, cum ventus non erit, dies LXX. ante vindemiam, quo aqua dulcis non perveniet. Ubi hauseris de mari, in dolium fundito, nolito implere, quadrantibus v. minus sit, quam plenum. operculum imponito, relinquito qua interspiret. Ubi dies xxx præterierint, transfundito in alterum dolium puriter & leviter. relinquito in imo, quod defederit. Post dies xx in alterum dolium item transfundito; ita relinquito usque ad vindemiam. Unde vinum Coum facere voles, uvas relinquito in vinea, finito bene coquantur. & ubi

pluerit, & siccaverit, tum deligito, & ponito in sole biduum, aut triduum sub dio, si pluviae non erunt. si pluvia erit, in tecto in cratibus composito, & si qua acina corrupta erunt, depurgato. Tum sumito aquam marinam Q. S. S. E. in dolium quinquagenarium infundito aquae marinae Q. X. Tum acina de uvis miscellis decerpito, de scopio, in idem dolium usque dum impleveris, manu compressito, ut combibant aquam marinam. ubi impleveris dolium, operculo operito, relinquito qua interspiret. Ubi triduum praeterierit, eximito de dolio, calcato in torculario, & id vinum condito in dolia lauta, & pura, & sicca.

CXIII. Ut odoratum bene fiet, sic facito: sumito testam picatam: eo prunam lenem indito, suffito ferta, & schoeno, & palma, quam habent unguentarii, ponito in dolio, & operito, ne odor exeat, antequam vinum indas. Hoc facito pridie, quam vinum infundere voles, de lacu quam primum vinum in dolia indito, finito dies xv. operta antequam oblinas, relinquito qua interspiret vinum. postea oblinito. Post dies xl. diffundito in amphoras, & addito in singulas amphoras sapae sextarium unum. Amphoras nolito implere nimium, ansarum infimarum fini. & amphoras in sole ponito, ubi herba non fiet. & amphoras operito, ne aqua accedat, & ne plus quatrimum in sole siveris. Post quatrimum in culleum composito, & instipato.

CXIV. Vinum si voles concinnare, ut alvum bonam faciat, secundum vindemiam, ubi vites ablaqueantur, quantum putabis ei rei satis esse vini, tot

vites ablaqueato, & signato. earum radices circumsecato, & purgato. Veratri radices contundito in pila, eas radices dato circum vitem. & stercus vetus, & cinerem veterem, & duas partes terræ circumdato radices vitis. terram insuper injicito. Hoc vinum seorsum legito. Si voles servare in vetustatem, ad alvum movendam servato, nec commisceas cum cetero vino. De eo vino cyathum sumito, & misceto aqua, & bibito ante coenam. Sine periculo alvum movebit.

CXV. In vinum mustum veratri atrii manipulum conjicito in amphoram. ubi satis efferverit, de vino manipulum ejicito, id vinum servato ad alvum movendam. Vinum ad alvum movendam concinnare si voles: vites cum ablaqueabuntur, signato rubrica, ne admisceas cum cetero vino. Treis fasciculos veratri atrii circumponito circum radices, & terram insuper injicito. Per vindemiam de iis vitibus, quod delegeris, seorsum servato, cyathum in ceteram potionem indito, alvum movebit, & postridie perpurgabit sine periculo.

CXVI. Lentim quomodo servari oporteat. Lasepitiū aceto diluito, permisceto lentim aceto lasepitiato, & ponito in sole. Postea lentim oleo perfricato, finito areseat, ita integra servabitur recte.

CXVII. Oleæ albæ quemadmodum condiantur. Antequam nigræ fiant, contendantur, & in aquam dejiciantur, crebro aquam mutet. Deinde ubi satis macerata erunt, exprimat, & in acetum conjiciat, & oleum addat, salis selibram in modum olearum.

Foeniculum & lentiscum seorsum condant in acetum. Si una admiscere voles, cito utitor, in orculam calcato manibus siccis. cum uti voles, sumito.

CXVIII. Oleam albam, quam secundum vindemiam uti voles, sic condito. Musti tantundem addito, quantum aceti. Cetera item condito ita, uti supra scriptum est.

CXIX. Epityrum album, nigrum, variumque sic facito. Ex oleis albis, nigris variisque nucleos ejicito. Sic condito. Concidito ipsas: addito oleum, acetum, coriandrum, cuminum, foeniculum, rutam, mentam. in orculam condito, oleum supra fiet, ita utitor.

CXX. Mustum si voles totum annum habere, in amphoram mustum indito, & corticem oppicato, demittito in piscinam. post xxx. diem eximito. totum annum mustum erit.

CXXI. Mustaceos sic facito. Farinae siliagineae modium unum musto conspergito. Anisum, cuminum, adipis p. ii. casei libram, & de virga lauri deradito, eodem addito. Et ubi definxeris, lauri folia subtrus addito, cum coques.

CXXII. Vinum concinnare, si lotium difficilius transibit. Capreidam, vel juniperum contundito in pila, libram indito in duobus congiis vini veteris in vase aheneo, vel in plumbeo deferrefacito. ubi refrixerit, in lagenam indito. id mane jejunos cyathum sumito. proderit.

CXXIII. Vinum ad ischiacos sic facito. De junipero materiam semipedem crassam concidito minutim. Eam infervesfacito cum congio vini veteris.

ubi refrixerit, in lagoenam confundito, & postea id utito vini cyathum mane jejunos. proderit.

CXXIV. Canes interdium clausos esse oportet, ut noctu aciores & vigilantiores fiat.

CXXV. Vinum murteum sic facito. Murtam nigram arfacito in umbra. ubi jam passa erit, servato ad vindemiam, in urnam musti contundito murtæ femodium, id oblinito. Ubi defiverit fervere mustum, murtam eximito. Id est ad alvum crudam, & ad lateris dolorem, & ad coeliacum.

CXXVI. Ad tormina, & si alvus non consistet, & si tineæ, & lumbrici molesti erunt, xxx mala Punica acerba sumito, contundito, indito in urceum, & vini nigri austeri congios tres, vas oblinito. post dies xxx. aperito, & utito : jejunos heminam bibito.

CXXVII. Ad dyspepsiam & stranguriam [mederi]. Malum Punicum ubi florebit, colligito. Tris minas in amphoram infundito. Vini Q. I. veteris addito, & foeniculi radicem puram contusam minam. Oblinito amphoram, & post dies xxx aperito & utitor. Ubi voles cibum concoquere, & lotium facere, hinc bibito, quantum voles, sine periculo. Idem vinum tinias perpurgat, & lumbricos, si sic concinnes. Incoenatum jube esse, postridie turis drachmam I. conterito, & mel coctum drachmam unam, & vini sextarium organiti, dato jejuno, & puero pro ætate triobolum, & vini heminam. Supra pilam incendat, & faliat decies, & deambulet.

CXXVIII. Si habitationem delutare vis, terram quam maxime cretosam, vel rubricosam sumito,

eo amurcam infundito, paleas indito. finito quatri-
dum fracescat. ubi bene fracuerit, rutro concidi-
ro. ubi concideris, delutato. Ita neque aspergo
nocebit, neque mures cava facient, neque herba
nascetur, neque lutamenta scindent se.

CXXXIX. Aream ubi frumentum teratur, sic fa-
cito. Confodiatur minute terra, amurca bene con-
spargatur, ut combibat quam plurimum. commi-
nuito terram, & cylindro aut pavicula coæquato.
ubi coæquata erit, neque formicæ molestæ erunt,
& cum pluerit, lutum non erit.

CXXX. Codicillos oleaginos, & cetera ligna
amurca cruda perspergito, & in sole ponito, perbi-
bant bene. Ita neque fumosa erunt, & ardebunt bene.

CXXXI. Dapem pro bubus piro florente facito.
Postea verno arare incipito. Ea loca primum arato,
quæ rudeata arenosaque erunt. Postea uti quæque
gravissima atque aquosissima erunt, ita postremo
arato.

CXXXII. Dapem hoc modo fieri oportet. Jovi
dapali culignam vini quantum vis polluceto. Eo
die feriæ bubus & bubulcis, & qui dapem facient.
Cum pollucere oportebit, sic facies. Juppiter dapa-
lis, quod tibi fieri oportet, in domo familia mea
culignam vini dapi, ejus rei ergo maeste hac illace
dape pollucenda esto. Manus interluito. Postea vi-
num sumito. Juppiter dapalis, maeste istace dape
pollucenda esto. Maeste vino infessio esto. Vestæ,
si voles, dato. Daps Jovi assaria pecuina, urna vi-
ni Jovi caste. Profanato sine contagione. Postea
dape facta serito milium, panicum, alium, lentim.

CXXXIII. Propagatio pomorū, ceterarumque arborū. Arboribus ab terra pulli qui nati erunt, eos in terram deprimito, extollito, uti radicem capere possint. Inde, ubi tempus erit, effodito, feritoque recte. Ficum, oleam, malum Punicum, mala struthæa, cotonea, aliaque mala omnia, laurum Cypriam, Delphicam, prunum, myrtum conjugulum, & myrtum album & nigrum, nuces Avellanas, Prænestinas, platanum: hæc omnia genera a capitibus propagari eximique ad hunc modum oportebit. Quæ diligentius feri voles, in calicibus feri oportet. In arboribus radices uti capiant, calicem pertusum sumito tibi, aut quasillum, per eum ramulum transferito, eum quasillum terra impleto, calcatoque, in arborem relinquito. Ubi bimum erit, ramum tenerum infra præcidito, cum quasillo ferito. Eo modo quod vis genus arborum facere poteris, uti radices bene habeant. Item vitem in quasillum propagato, terraque bene operito, anno post præcidito, cum qualo ferito.

CXXXIV. Priusquam messim facies, porcā præcidaneam hoc modo fieri oportet. Cereri porca præcidanea, porco femina, priusquam hæc fruges condantur, far, triticum, ordeum, fabam, semen rapicium; ture, vino, Jano, Jovi, Junoni præfato. Priusquam porcū feminā immolabis, Jano struem commoveto sic: Jane pater, de hac strue commovenda bonas preces precor, uti sis volens propitius mihi, liberisque meis, domo familiæque meæ. Ferctum Jovi moveto & mastato sic: Juppiter te hoc fercto obmovendo bonas pre-

ces precor, uti fies volens propitius mihi liberisque meis, domo familiæque meæ maſtus hoc ferſto. Poſtea Jano vinum dato ſic: Jane pater, uti te ſtrue commovenda bonas preces bene precatus ſum, ejuſdem rei ergo maſte vino inferio eſto. Poſtea Jovi ſic: Juppiter maſte ferſto eſto. maſte vino inferio eſto. Poſtea porcam præcidaneam immolato. Ubi exta proſecta erunt, Jano ſtruem commovero, maſtatoque item, uti prius obmoveris. Jovi ferſtum obmoveto, maſtatoque item, uti prius feceras. Item Jano vinum dato, & Jovi vinum dato, ita uti prius datum ob ſtruem obmovendam, & ferſtum libandum. Poſtea Cereri exta & vinum dato.

CXXXV. Romæ tunicas, togas, ſaga, centones, ſculponeas: Calibus & Minturnis cuculliones, ſeramenta, falces, palas, ligones, ſecures, ornamenta, murices, catellas: Venafro, palas. Sueſſæ, & in Lucanis ploſtra, treblæ Albæ: Romæ dolia, labra: tegulæ ex Venafro. Aratra in terram validam Romanica bona erunt, in terram pullam Campanica, juga Romanica optima erunt. Vomis indutilis optimus erit. Trapeti Pompejis. Nolæ ad Rufri maceriam claves. Cloſtra Romæ. Hamæ, urnæ oleariæ, urcei aquarii, urnæ vinariæ, alia vaſa ahenea Capuæ. Nolæ fiſcinæ Campanicæ. [Hæ hamæ utiles ſunt.] Funis ſubduſtarius, ſpartum omne Capuæ. Fiſcinas Romanicas Sueſſæ, Caſino. Eæ optimæ erunt Romæ. Funem torculum ſi quis faciet Caſini L. Tunnius. Venafri C. Mennius L. F. eo indere oportet coria bona VIII. Noſtratia recentia quæ depſta ſient, quam minimum ſalis habeant, ea

depserere & unguere unguine prius oportet, tum ficcare : funem exordiri oportet longum pedes LXXII. toros III. habeat, lora in toros singulos IX. lata digitos II. Cum tortus erit longus pedes XLIX. In commissura abibunt pedes III. reliquum erit pedes XLVI. Ubi extentus erit, accedent P. v. longus erit P. LI. Funem torculum extantum longum esse oportet pedes LV, maximis vasis : minoribus pedes LI. Funem loreum in plostrum iustum pedes LX. semifunium pedes XLV. lora retinacula in plostrum ped. XXXVI. ad aratrum ped. XXVI. lora præductoria ped. XXVII. s. subjugia in lustrum lora ped. XIX. funiculum P. XV. in aratrum subjugia lora P. XII. funiculum ped. VIII. Trapetos latos maximos ped. IV. s. orbis altos ped. III. s. orbis medios ex lapidinis cum eximet crassos pedem, & palmum inter miliarium, & labrum ped. II. digitos II. labra crassa digitum. Secundarium trapetum latum ped. IV. & palmum inter miliarium, & labrum pes unus, digitus unus, labra crassa digitos v. orbis altos ped. III. & digitos v. crassos ped. I. & digitos III. Foramen in orbis semiped. quoquoersum facito. Tertium trapetum latum ped. IV. inter miliarium, & labrum ped. I. labrum dig. v. orbis altus ped. III. digitos III. crassos ped. I. digitos II. Trapetum ubi arvectum erit, ubi statues, ibi & commodato, concinnatoque.

CXXXVI. Politionem quo pacto dari oporteat. in agro Cassignate & Venafro, in loco bono parte octava corbi dividat, satis bono septima, tertio loco sexta, si granum modio dividet, parti quinta.

in Venafro ager optimus IX. parti corbi dividat. Si communiter pisunt, qua ex parte politor pars est, eam partem in pistrinum politor. Ordeum quinta modio, fabam quinta modio dividat.

CXXXVII. Vineam curandam partiario bene curet; fundum, arbusum, agrum frumentarium. Partiario foenum & pabulum, quod bubus satis fiet, qui illic sient. Cetera omnia pro indiviso.

CXXXVIII. Boves feriis conjungere licet. Hoc licet facere, arvehant ligna, fabalia, frumentum, quod non daturus erit. Mulis, equis, asinis feriæ nullæ, nisi si in familia sunt.

CXXXIX. Lucum conlucare Romano more sic oportet. Porco piaculo facito. Sic verba concipito: Si Deus, si Dea es, quojum illud sacrum est, uti tibi jus fiet porco piaculo facere, illiusce sacri coercendi ergo. Harumce rerum ergo, sive ego, sive quis jussu meo fecerit, uti id recte factum fiet. Ejus rei ergo te hoc porco piaculo immolando bonas preces precor, uti sis volens propitius mihi, domo familiæque meæ, liberisque meis. Harumce rerum ergo maeste hoc porco piaculo immolando esto.

CXL. Si fodere velis, altero piaculo, eodem modo facito, hoc amplius dicito, operis faciundi causa: cum opus, quotidie per partes facito. Si intermiseris, aut feriæ publicæ aut familiares intercesserint, altero piaculo facito.

CXLI. Agrum lustrare sic oportet. Impera suavitaurilia circumagi. Cum Divis volentibus, quodque bene eveniat, mando tibi Mani, uti illace suovitaurilia fundum, agrum, terramque meam, quota

ex parte sive circumagi, sive circumferenda cert-
 seas, uti cures lustrare. Janum, Jovemque vino præ-
 famino, sic dicito : Mars pater, te precor, quæso-
 que uti fies volens propitius mihi, domo familiæ-
 que nostræ, quojus rei ergo agrum, terram, fun-
 dumque meum suovitauralia circumagi jussi. uti tu
 morbos visos, invisosque, viduertatem, vastitudi-
 nemque, calamitates, intemperiasque, prohibe-
 das, averruncesque. utique tu fruges, fru-
 menta, vineta, virgultaque grandire, beneque eve-
 nire sinas. pastores, pecuaque salva servassis, dui-
 que bonam salutem valetudinemque mihi, domo,
 familiæque nostræ. Harumce rerum ergo fundi, ter-
 ræ agrique mei lustrandi, lustrique faciendi ergo,
 sicuti dixi, macte hisce suovitautilibus lactentibus
 immolandis esto. Mars pater, ejusdem rei ergo, ma-
 cte hisce suovitautilibus lactentibus esto. Item cul-
 tro facito struem, & fertum uti affiet. Inde obmo-
 veto. Ubi porcum immolabis, agnum, vitulumque,
 sic oportet. Ejusque rei ergo macte hisce suovitau-
 rilibus immolandis esto. Nominare vetat Martem,
 neque agnum, vitulumque. Si minus in omnes li-
 tabit, sic verba concipito : Mars pater, si quid tibi
 in illisce suovitautilibus lactentibus, neque satisfac-
 tum est, te hisce suovitautilibus piaculo. Si uno,
 duobusve dubitaverit, sic verba concipito : Mars
 pater, quod tibi illuc porco, neque satisfactum est,
 te hoc porco piaculo.

CXLII. Vilici officia quæ sunt, quæ dominus præ-
 cepit, ea omnia, quæ in fundo fieri oportet, quæ-
 que emi pararique oportet. quomodoque cibaria,

vestimenta familiæ dari oportet, eadem uti curet, faciatque moneo, dominoque dicto audiens sit. Hoc amplius, quomodo vilicam uti oportet, & quomodo eæ imperari oportet, uti adventu domini, quæ opus sunt, parentur, curenturque diligenter.

CXLIII. Vilicæ quæ sunt officia, curato faciat. Si eam tibi dederit dominus uxorem, ea esto contentus. Ea te metuat. Facito, ne nimium luxuriosa fiet. Vicinas aliasque mulieres quam minimum utatur. neve domum, neve ad sese recipiat. ad coenam ne quo eat, neve ambulatrix fiet. Rem divinam ni faciat, neve mandet, qui pro ea faciat, injussu domini aut dominæ. Scito dominum pro tota familia rem divinam facere. Munda fiet. Villam conversam mundamque habeat. Focum purum circumversum quotidie, priusquam cubitum eat, habeat. Kalendis, Idibus, Nonis, festus dies cum erit, coronam in focum indat. Per eosdemque dies Lari familiari pro copia supplicet. Cibum tibi & familiæ curet uti coctum habeat. Gallinas multas & ova uti habeat. Pira arida, sorba, ficos, uvas passas, sorba in sapa; & pira, & uvas in doliis, & mala struthea. Uvas in vinaceis, & in urceis, in terra obrutas. Et nuces Prænestinas recentes in urceo in terra obrutas habeat. Mala Scantiana in doliis, & alia, quæ condi solent, & silvarica. Hæc omnia quotannis diligenter uti condita habeat. Farinam bonam, & far subtile sciat facere.

CXLIV. Oleam legendam hoc modo locare oportet. Oleam cogito recte omnem arbitrato domini, aut quem custodem fecerit, aut cui olea venierit.

Oleam ne stringito, nève verberato injussu domini aut custodis. Si adversus ea quis fecerit, quod ipse eo die delegerit, pro eo nemo solvet, neque debetur. Oleam qui legerint, omnes juranto ad dominum, aut ad custodem, sese oleam non furripuisse, neque quemquam suo dolo malo, ea oleitate ex fundo L. Manlii. Qui eorum non ita juraverit, quod is legerit omne, pro eo argentum nemo dabit, neque debetur. oleam cogi recte, satis dato arbitrato L. Manlii. Scalæ ita uti datæ erunt, ita reddito, nisi quæ vetustate fractæ erunt. Si non erunt, reddet æquas, aut arbitrato deducetur. Si quid redemptoris opera domino damni datum erit, resolvito. Id viri boni arbitrato deducetur. Legulos, quot opus erunt, præbeto, & strictores. Si non præbuerit, quanti conductum erit, aut locatum erit, deducetur. tanto minus debetur. De fundo ligna & oleam ne deportato. Qui oleam legerit, qui deportarit, in singulas deportationes ss. N. II. deducuntur, neque id debetur. Omnem oleam puram metietur modio oleario. assiduos homines quinquaginta præbeto, duas partes strictorum præbeto. Ne quis concedat, quo olea legunda & faciunda carius locetur. extra quam si quem socium impræsentiarum dixerit. Si quis adversum ea fecerit, si dominus aut custos volent, jurent omnes socii. Si non ita juraverint, pro ea olea legunda & faciunda nemo dabit, neque debetur ei, qui non ita juraverit. Accessiones in $\frac{1}{M} \infty$.CC. accedit oleæ falsæ $\frac{1}{M}$ v. olei puri P. IX. in tota oleitate ss. v. acetii quadrāntalia v. Quod oleæ falsæ non accepe-

rint, dum oleam legent, in modios singulos ss. s. s. dabuntur.

CXLV. Oleam faciundam hac lege oportet locare. Facito recte arbitrato domini, aut custodis, qui id negotium curabit. Si sex jugis vasis opus erit, facito. Homines eos dato, qui placebunt aut custodi, aut quis eam oleam emerit. Trapeti facito. Si operarii conducti erunt, aut facienda locata erit, pro eo resolvito, aut deducetur. Oleum ne tangito utendi causa, neque furandi causa, nisi quod custos dederit, aut dominus. Si sumserit, in singulas sumptiones ss. N. XL. deducuntur, neque debebitur. Factores, qui oleum fecerint, omnes juranto aut ad dominum, aut ad custodem, sese de fundo L. Manlii, neque alium quemquam suo dolo malo, oleum, neque oleam surripuisse. Qui eorum non ita iuraverit, quæ ejus pars erit, omne deducetur, neque debebitur. Socium ne quem habeto, nisi quem dominus jusserit, aut custos. Si quid redemptoris opera domino damni datum erit, viri boni arbitrato deducetur. Si viride oleum opus fiet, facito accedere oleum, & sal suæ usioni, quod satis fiet, vasarium vict. II.

CXLVI. Oleam pendentem hac lege venire oportet. Olea pendens in fundo Venafro venibit. Qui oleam emerit, amplius, quam quanti emerit, omnis pecuniæ centesima accedet. Præconium præfens ss. L. & oleum, Romanici pondo 8 D. viridis P. CC. oleæ caducæ $\frac{O}{M}$ L. strictivæ $\frac{O}{M}$ X. modio oleario mensum dato. unguinis pondo X. Ponderibus modiisque domini dato * iri primæ cotulas duas. Dies ar-

gento ex Kalend. Nov. mensium x. oleæ legendæ faciundæ quæque locata est, & si emtor locarit, Idibus solvito. Recte hæc dari, fierique, satisque dari domino, aut cui jusserit, promittito, satisque dato arbitrato domini. Donicum solutum erit, aut ita satis datum erit, quæ in fundo illata erunt, pigneri sunt. Ne quid eorum de fundo deportato. Si quid deportaverit, domini esto. Vasa torcula, funes, scalas, trapetos, si quid & aliud datum erit, salva recte reddito, nisi quæ vetustate fracta erunt. Si non reddet, æquum solvito. Si emtor legulis & factoribus, qui illic opus fecerint, non solverit, cui dari oportebit, si dominus volet, solvat. Emtor domino debeto, & id satis dato, proque ea re ita, uti s. s. e. item pigneri sunt.

CXLVII. Hac lege vinum pendens venire oportet. Vinaceos illutos, & facem relinquo. Locus vinis ad Kalend. Octob. primas dabitur. si non ante ea exportaveris, dominus vino, quid volet, faciet. Cetera lex, quæ oleæ pendenti.

CXLVIII. Vinum in doliis hoc modo venire oportet. Vini in culleos singulos quadragenæ & singulæ urnæ dabuntur, quod neque aceat, neque muceat, id dabitur. In triduo proximo, viri boni arbitrato, degustato. Si non ita fecerit, vinum pro degustato erit. Quot dies per dominum mora fuerit, quo minus vinum degustet, totidem dies emptori procedent. Vinum accipito ante Kalend. Jan. primas. Si non ante acceperit, dominus vinum admetietur. Quod admensum erit, pro eo dominus resolvito. Si emtor postularit, dominus iusjurandum

dabit, verum fecisse. Locus vinis ad Kalend. Octobres primas dabitur. Si ante non deportaverit, dominus vino quid volet faciet. Cetera lex, quæ oleæ pendenti.

CXLIX. Qua lege pabulum hibernum venire oporteat. Qua vendas, finis dicito. Pabulum frui occipito ex Kalend. Septembribus. prato sicco decedat, ubi pirus florere cœperit: prato irriguo, ubi super inferque vicinus permittet, tum decedito, vel diem certam utrique facito. Cetero pabulo Kalend. Martiis cedito. Bubus domitis binis, canterio uni, cum emtor pascet, domino pascere recipitur. Oleis, asparagis, lignis, aqua, itinere, actu domini usioni recipitur. Si quid emtor, aut pastores, aut pecus emtoris domino damni dederit, boni viri arbitrato resolvat. Si quid dominus, aut familia, aut pecus emtori damni dederit, viri boni arbitrato resolvetur. donecum pecuniam satisfecerit, aut delegarit, pecus & familia, quæ illic erit, pigneris funito. Si quid de iis rebus controversiæ erit, Romæ iudicium fiat.

CL. Fructum ovium hac lege venire oportet. In singulas casei p. i. s. dimidium aridum, lacte feriis quod mulserit dimidium, & præterea lactis urnam i. Hisce legibus agnus diem & noctem qui vixerit, in fructum, & Kalend. Jun. emtor fructu decedat. Si interkalatum erit, Kalend. Majis. Agnos xxx, ne amplius promittat. Oves, quæ non pepererint, binæ pro singulis in fructu cedent. Die lanam & agnos vendat. Menses x. ab coactore releget. Porcos ferarios in oves denas singulos pascat. Conductor

II. menses pastorem præbeat. donec domino satisfecerit, aut solverit, pigneri esto.

CLI. Semen cupressi quando legi, feri, propagæque oporteat, & quo pacto cupresseta feri oporteat, Manius Percennius Nolanus ad hunc modum monstravit. Semen cupressi Tarentinæ per ver legi oportet; materiem, ubi hordeum flavescit. id ubi legeris, in soleposito, semen purgato. id aridum condito: uti aridum expositum fiet. per ver ferito in loco ubi terra tererrima erit, quam pullam vocant, ubi aqua propter fiet. eum locum stercore primum bene stercore caprino, aut ovillo. tum vortito bipalio, terram cum stercore bene permisceto, depurgato ab herba graminibusque. Bene terram comminuito. areas facito pedes latas quaternos: subcavas facito, uti aquam continere possint; inter eas sulcos facito, qua herbas de areis purgare possis. ubi areae factæ erunt, semen ferito crebrum, ita uti linum feri solet. eo cribro terram incernito, dimidiatum digitum terram altam succernito. id bene tabula, aut manibus, aut pedibus complanato. Si quando non pluet, uti terra siliat, aquam irrigato leniter in areas. Si non habebis unde irriges, gerito, inditoque leniter. Quotiescunque opus erit, facito uti aquam addas. Si herbae natae erunt, facito uti ab herbis purges. quam tenerrimis herbis, & quoties opus erit, purges per æstatem. Ita uti dicam est, fieri oportet, & ubi semen satum fiet, stramentis operiri oportet, ubi germen nascere coeperit, tum demi.

CLII. De scopis virgeis Q. A. M. Manlii monstra-

verunt. In diebus xxx, quibus vinum legeris, aliquoties facito scopas virgeas ulmeas aridas, in asserculo alligato, eabus latera doliis intrinsecus usque bene perfricato, ne fæx in lateribus adhærescat.

CLIII. Vinum fæcatum sic facito. Fiscinas olearias Campanicas duas illæ rei habeto. eas fæcis impleto, sub prelumque subdito, exprimitoque.

CLIV. Vinum emtoribus sine molestia quomodo admetiaris. Labrum culleare illæ rei facito. id habeat ad summum ansas iv. uti transferri possit. id inimum pertundito. Ea fistulam subdito, uti obturari recte possit. & ad summum, qua fini culleum capiet, pertundito. id in suggestu, inter dolia positum habeto, uti in culleum, de eo vinum salire possit. id impleto. postea obturato.

CLV. Per hiemem aquam de agro depelli oportet. In monte fossas inciles puras habere oportet. Prima autumnitate cum pulvis est, tum maxime ab aqua periculum est. Cum pluere incipiet, familiam cum ferreis, farculisque exire oportet, incilia aperire, aquam diducere in vias, & segetem curare oportet, uti fluat. In villa cum pluet, circumire oportet, sicubi perpluat, & signare carbone, cum desierit pluere, uti tegula mutetur. Per segetem in frumentis, aut in segete, aut in fossis, sicubi aqua constat, aut aliquid aquæ obstat, id emittere, patefieri, removerique oportet.

CLVI. [De brassica quod concoquit.] Brassica est, quæ omnibus oleribus antistat. Eam esto vel coctam, vel crudam. crudam si edes, in acetum intinguito, mirifice concoquit. alvum bonam facit,

lotiumque. ad omnes res salubre est. Si voles in convivio multum bibere, cœnareque libenter, ante cœnam esto crudam quantum voles ex aceto. & item, ubi cœnaveris, comesto aliqua v. folia, reddent te quasi nihil ederis, biberisque, bibesque quantum voles. Alvum si voles dejicere superiorem, sumito brassicæ quæ levissima erit, P. iv. inde facito manipulos æquales tres, colligatoque. postea ollam statuito cum aqua. ubi occipiet fervere paulisper, dimittito unum manipulum, fervere desistet. Postea ubi occipiet fervere, paulisper dimittito usque admodum dum quinquies quinque numeres. tum eximito. Item facito alterum manipulum, item tertium, postea conjcito & contundito. item eximito, in linteum exugeto sucum, quasi heminam, in pocillum fistile. eo indito salis micam quasi ervum, & cumini fricti tantum quod oleat. postea ponito pocillum in sereno noctu. Qui poturus erit, lavet calida, bibat aquam mulsam, cubet incoenatus. Postea mane bibat sucum, deambuletque horas iv. agat, negotii si quid habebit. Ubi libido veniet nausæ, eumque apprehender, decumbat, purgetque sese. tantum bilis, pituitæque ejiciet, uti ipse miretur, unde tantum fiet. Postea ubi deorsum versus ibit, heminam, aut paulo plus bibat. Si amplius ibit, sumito farinæ minutæ conchas duas, infriet in aquam, paulum bibat, consistet. Verum quibus tormenta molesta erunt, brassicam in aquam macerare oportet. ubi macerata erit, conjcito in aquam calidam, coquito usque donec ea commadebit bene. aquam defundito. postea salem addito, & cumini

paululum, & pollinem polentæ. eodem addito & oleum, postea fervefacito. infundito in catinum, uti frigeſcat. eo interito, quod volet, cibi postea edit. sed si poterit solam brassicam esse, edit. Et si sine febre erit, dato vini atri duri. Aquæ tum bibat quam minimum. Si febris erit, aquam. Id facito quotidie mane. Nolito multum dare, ne pertædeſcat, uti possit porro libenter esse. Ad eundem modum viro & mulieri, & puero dato. Nunc de illis, quibus ægre lotium it, quibusque substillum est. Sumito brassicam, conjicito in aquam ferventem, coquito paulisper, uti subcruda fiet. postea aquam defundito non omnem. eo addito oleum bene, & salem, & cumini paululum. infervefacito paulisper, postea inde jusculum frigidum forbere, & ipsam brassicam esse oportet. uti quam primum excoquat, quotidie id facito.

CLVII. Principium te cognoscere oportet, quæ genera brassicæ sint, & cujuscmodi naturam habeant omnia. Ad salutem temperat, commutatque sese semper cum calore, arido, simul humido, & dulci, & amaro, & acri. Sed quæ vocatur septem bona in commixturam, natura omnia hæc habet brassica. Nunc uti cognoscas naturam earum, prima est, levis quæ nominatur. ea est grandis, latis foliis, caule magno: validam habet naturam, & vim magnam habet. Altera est crispa, apiacon vocatur. hæc est natura & aspectu bona ad curationem. validior est, quam quæ supra scripta est. Item est tertia, quæ lenis vocatur, minutis caulibus, tenera, & acerrima omnium est istarum, tenui suco ve-

hementissima. Et primum scito, de omnibus brassicis nulla est illiusmodi medicamentosior. Ad omnia vulnera, tumores eam contritam imponito. Hæc omnia ulcera purgabit, sanaque faciet sine dolore. Eadem tumida concoquit, eadem erumpit. eadem vulnera putida, canceresque purgabit, sanosque faciet, quod medicamentum aliud facere non potest. Verum prius quam id imponas, aqua calida multa lavato. Postea bis in die contritam imponito. Ea omnem putorem adimet. cancer ater, is olet, & saniem spurcam mittit. albus purulentus est. sed fistulosus subtus suppurat sub carne. In ea vulnera huiusmodi teras brassicam, sanum faciet. optima est ad huiusmodi vulnus. Et luxatum si quod est, bis die aqua calida foveto, brassicam tritam opposito, cito sanum faciet. Si bis die apponitur, dolores auferet. & si quid contusum est, erumpet. si brassicam tritam apposueris, & sanum faciet: & si quid in mammis ulceris natum, & carcinoma, brassicam tritam opponito, sanum faciet. Et si ulcus acrimoniam ejus ferre non poterit, farinam hordeaceam misceto, ita opponito. Huiusmodi ulcera omnia hæc sana faciet: quod aliud medicamentum facere non potest, neque purgare. Et puero, & puellæ si ulcus erit huiusmodi, farinam hordeaceam addito. Et si voles eam confectam, lautam, siccam, sale, aceto sparsam esse, salubrius nihil erit. Quo libentius edas, aceto mulso spargito, mentam siccam, & rutam, coriandrum sectam, sale sparsam paulo libentius edes. Id bene faciet, & mali nihil finet in corpore consistere, & alvum bo-

nam faciet. Si quid antea mali intus erit, omnia sana faciet. De capite, & de oculis omnia deducet, & sanum faciet. Hanc mane esse oportet jejunum. Et si bilis atra est, & si lienes turgent, & si cor dolet, & si jecur, aut pulmones, aut præcordia, uno verbo omnia sana faciet, intro quæ dolitabunt. Eodem silphium inradito, bonum est. nam venæ omnes, ubi sufflatæ sunt ex cibo, non possunt perspirare in toto corpore. inde aliqui morbus nascitur. ubi ex multo cibo alius non it, proportionem brassica si uteris, (id ut te moneo) nihil istorum usu veniet morbis. Verum morbum articulare nulla res tantum purgat, quantum brassica cruda, si eam edes cum ruta & coriandro concisam. Sic & laserpitium ipsasum cum brassica ex aceto oxymelli & sale sparsa. Hac si uteris, omnes articulos poteris experiri. Nullus sumtus est: & si sumtus esset, tamen valetudinis causa experirer. Hanc oportet mane jejunum esse. Omnis, qui insomniosus est, hac eadem curatione sanum facies. Verum assam brassicam, & unctam caldam, salis paulum dato homini jejuno. quam plurimum ederit, tam citissime sanus fiet ex eo morbo. Tormina quibus molesta erunt, sic facito: brassicam macerato bene, postea in aulam conjicito, deservefacito bene. ubi cocta erit bene, aquam defundito. eo addito oleum bene, & salis paululum, & cuminum, & pollinem polentæ. Postea ferve bene facito. ubi feraverit, in catinum indito. dato edat, si poterit, sine pane; si non, panis parum ibidem madefaciat. Et si febrim non habebit, dato vinum atrum bibat. cito

sanus fiet. Et hoc, si quando usus venerit, qui debilis erit, hæc res sanum facere potest. brassicam edit ita, uti S. S. E. Et hoc amplius. Lotium conservato ejus, qui brassicam esitarit. id calfacito. eo hominem demittito, cito sanum faciet hac cura. expertum hoc est. Item pueros pusillos, si laves eo lotio, nunquam debiles fient. Et quibus oculi parum clari sunt, eo lotio inungito, plus videbunt. Si caput aut cervices dolent, eo lotio caldo lavito, desinent dolore. Et si mulier eo lotio locos fovabit, nunquam ii virosi fient. & fovere sic oportet: ubi in scutra fervereceris, sub sellam supposito pertusam. eo mulier assidat, operito, circum vestimenta eam dato. Brassica erratica maximam vim habet. eam arfacere & conterere oportet bene minutam. Si quidem purgare voles, pridie ne coenat, mane jejuno dato brassicam tritam, aquæ cyathos xv. Nulla res tam bene purgabit, neque elleborum, neque scamoneum, & sine periculo, & scito salubrem esse corpori. Quos diffidas sanos facere, facies. Qui hac purgatione purgandus erit, sic eum curato: sorbitione liquida hoc per dies vii. dato. ubi esse volet, carnem assam datq. si esse non volet, dato brassicam coctam & panem, & bibat vinum lene dilutum, lavet raro; utatur unctione. Qui sic purgatus erit, diutina valetudine utetur, neque ullus morbus veniet nisi sua culpa. Et si quis ulcus tetrum vel recens habebit, hanc brassicam erraticam aqua spargito, opponito, sanum facies. Et si fistula erit, turundam intro trudit. si turundam non recipiet, diluito, indito in vesicam, eo cala-

mtum alligato. ita premito, in fistulam introear. ea res sanum faciet cito. Et ad omnia ulcera vetera & nova contritam cum melle opposito, sanum faciet. Et si polypus in naso introierit, brassicam erraticam aridam tritam in malum conijcito, & ad nasum admoveto. ita subducito fufum animam quam plurimum poteris. in triduo polypus excidet. & ubi exciderit, tamen aliquot dies idem facito, ut radices polypi perfanas facias. Auribus si parum audies, terito cum vino brassicam, fucum exprimito, in aurem intro tepidum instillato. cito te intelliges plus audire. Deinde petigini parce brassicam opposito, sanam faciet, & ulcus non faciet.

CLVIII. Alvum deijcere hoc modo oportet. Si vis bene tibi deijcere, fume tibi ollam, addito eo aquæ fectarios VI. & eo addito unguam de perna. Si unguam non habebis, addito de perna frustum P. S. quam minime pingue. ubi jam coctum incipit esse, eo addito brassicæ coliculos II. betæ coliculos II. cum radice sua, feliculæ paulum, herbæ mercurialis non multum, mutulorum L. II. piscem capitonem, & scorpionem I. cochleas VI. & lentis pugillum. Hæc omnia decoquito usque ad fectarios tres juris. oleum ne addideris. indidem fume tibi fectarium unum tepidum. adde vini Coi cyathum unum. bibe, interquiesce. deinde iterum eodem modo, deinde tertium. purgabis te bene. Et si voles insuper vinum Coum mixtum bibere, licebit bibas. Ex iis tot rebus, quot scriptum est, unum, quod eorum vis, alvum deijcere potest. Verum ea re tot res sunt, uti bene deijcias, & suave est.

CLIX. Intertrigini remedium, in viam cum ibis, absinthii Pontici furculum sub anulo habeto.

CLX. Luxum si quod est, hac cantione sanum fiet. Harundinem prende tibi viridem P. IV, aut V. longam, Mediam diffinde, & duo homines teneant ad coxendices. Incipe cantare, IN ALIO. S. F. MORTAS VÆTA DARES DARDARES ASTATARIES DIS-SUNAPITER, usque dum coeant. Ferrum insuper iactato. ubi coierint, & altera alteram terigerit; id manu prende, & dextra sinistra præcide. Ad luxum, aut ad fracturam alliga, sanum fiet. & tamen quotidie cantato in alio, S. F. vel luxato. Vel hoc modo, HUAT HANAT HUAT ISTA PISTA SISTA, DOMIABO DAMNAUSTRA, & luxato. Vel hoc modo, HUAT HAUT HAUT ISTA SIS TAR SIS ARDAN-NABON DUNNAUSTRA.

CLXI. Asparagus quomodo feratur. Locum subigere oportet bene, qui habeat humorem, aut loco crasso: ubi erit subactus, areas facito, ut possis dextra sinistraque sarire, runcare, ne calcetur Cum areas deformabis, intervallum facito inter eas semipedem latum in omnes partes. deinde serito. Ad lineam palo grana bina aut terna demittito. & eodem palo cavum terra operito. Deinde supra areas sterqus spargito, bene serito. Secundum æquinoctium vernum, ubi erit natum, herbas crebro purgato, cavetoque, ne asparagus una cum herba velatur. Quo anno severis, substramentis per hiemem operito, ne peruratur. Deinde primo vere aperito, sarito, runcatoque. Post annum tertium, quam severis, incendio vere primo. Deinde ne ante sarue-

ris, quam asparagus natus erit, ne in sariendo radices lædas. Tertio, aut quarto anno asparagum vellito ab radice. nam si defringes, stirpes fient, & intermorientur. Usque licebit vellas, donicum in semen videris ire. Semen maturum fit ad auctumnum. Ita cum sumseris semen, incendito, & cum coeperit asparagus nasci, sarito, & stercoreato. Post annos VIII. aut IX. cum jam est vetus, digerito, & in quo loco positurus eris, terram bene subigito, & stercoreato. Deinde fossulas facito, qua radices asparagi demittas. Intervallum sit ne minus pedes singulos inter radices asparagi. vellito, sic circumfodito, ut facile evellere possis. Caveto, ne frangatur. Stercus ovillum quam plurimum fac ingeras: id est optimum ad eam rem. aliud sterCUS herbas creat.

CLXII. Pernas fallire sic oportet, in dolio, aut in seria. Cum pernas emeris, ungulas earum præcidito. Salis Romaniensis moliti in singulas semodius. In fundo dolii, aut seriæ salem sternito: deinde pernam ponito. cutis deorsum spectet. Sale obruito totam. Deinde alteram insuper ponito. eodem modo obruito. Caveto, ne caro carnem tangat. Ita omnes obruito. Ubi jam omnes composueris, sale insuper obrue, ne caro appareat. æqualem facito. Ubi jam dies v. in sale fuerint, eximito omnes cum suo sale. Quæ tum summæ fuerint, imas facito. eodemque modo obruito, & componito. Post diem omnino duodecimum pernas eximito, & salem omnem detergeto, & suspendito in vento biduum. Die tertio extergeto spongia be-

S2 M. PORC. CATO DE RE RUSTICA:

ne, perunguito oleo. Suspendito in fumo biduum:
Tertio die demito. Perunguito oleo & aceto com-
mixto. fuspendito in carnario. nec tineae, nec ver-
mes tangent.

M. TERENTII VARRONIS
DE
R E R U S T I C A.
LIBRI III.



34

C A P I T A R E I R U S T I C Æ M. T. V A R R O N I S.

L I B R I I.

- I. Græci & Latini qui de re rustica scripserunt.
- II. Quæ disjungenda sunt ab agricultura.
- III. Uti ars sit agricultura.
- IV. Quæ agriculturæ sint principia & fines.
- V. Quot partes habeat disciplinæ cultura.
- VI. De solo fundi quæ & quot sint videnda.
- VII. Quis sit ager optimus, quis ei proximus, & quis deinceps.
- VIII. Quod species vitis plurimæ sint.
- IX. Quod tribus modis terra dicatur bona, aut non bona, aut communis.
- X. Quot modis metiantur rura.
- XI. Quo sit villa statuenda modo, & quæ in villa.
- XII. Quo sit loco potissimum statuenda villa.
- XIII. Quod in villa primitus faciunda sint bublia & ovilia, & cellæ, vasaque vinaria, olearia, & alia.
- XIV. De sæptis, quæ tutandi fundi causa fieri debeant, & qualiter.
- XV. Ad quid inventæ sæpes.
- XVI. De eis, quæ extra fundum commoda fiant aut incommoda.
- XVII. Quibus rebus agri colantur.
- XVIII. De numero familiæ rusticalis, quot operis quisque ager coli possit, & de modo cuiusque.

36 INDEX CAPITUM

- XIX. Quot juga boum singulis jugeribus satis sint; quod instrumentum agreste semivocale nuncupetur.
- XX. De eligendis bubus, de modo probandi & edomandi novellos juvencos.
- XXI. De canibus: sine quibus utique villa parum tuta sit.
- XXII. Qualiter universus instrumentorum fundi apparatus instituitur.
- XXIII. Quæ & quo quidque loco maxime ferere oporteat.
- XXIV. Olea in quo agro serunda sit, qua parte, quo ordine.
- XXV. Vineæ quo agro serunda sit.
- XXVI. Quo in loco radicæ in vinea figi debeant, & ad quam partem.
- XXVII. Quot dividatur mensibus & temporibus annus, & in quibus quid feri oporteat, ac colligi de agro seminata.
- XXVIII. Quot dies habeat quælibet quarta pars anni, & in quibus cœli signis intrent.
- XXIX. Quid inter favonium & æquinoctium vernum fieri oporteat.
- XXX. Quæ inter æquinoctium vernum & Vergiliarum exortum fieri debeant.
- XXXI. Quæ inter Vergiliarum exortum ad solstitium fieri oporteat.
- XXXII. Quid inter solstitium & caniculam faciendum sit.
- XXXIII. Quinto intervallo inter caniculam & æquinoctium auctumni quæ fieri oporteat.
- XXXIV. Sexto intervallo ab æquinoctio auctumnali quid fieri oporteat usque ad brumam.
- XXXV. Septimo intervallo inter Vergiliarum occasum & brumam quæ fieri oporteat.
- XXXVI. Octavo intervallo inter brumam & favonium quæ fieri oporteat.
- XXXVII. De lunaribus diebus.
- XXXVIII. De stercore & sterquilinio.
- XXXIX. Quatuor esse genera seminum, & quæ quo tempore ac loco feri debeant.

- XL. Quæ sint genera feminum, quemadmodum propagari debeant, quibus & quo loco feri debeant.
- XLI. De temporibus transferendorum furculorum, & quæ post sationem observanda sint.
- XLII. De Melica seu Medica.
- XLIII. De cytiso.
- XLIV. Quot modii serantur fabæ, tritici, hordei, farris.
- XLV. Sata quoto quæque die de terra prodeant.
- XLVI. Ex quibus foliis cognosci possint anni tempora.
- XLVII. Quemadmodum sata tuenda sint.
- XLVIII. Quæ in spica sint vocabula, & causæ eorum.
- XLIX. De fructibus maturis capiendis, de scenificio & scitione pratorum.
- L. De messe, & causâ hujus vocabuli, quare messis appellata, quare paleæ ac stramenta.
- LI. Arcam qualem esse oporteat.
- LII. In semen quemadmodum spicas secerni oporteat, & de tritura.
- LIII. De stipula.
- LIV. De vindemia facienda.
- LV. De olea legenda.
- LVI. De sceno condendo.
- LVII. De tritico condendo.
- LVIII. De faba & leguminibus & uvis condendis.
- LIX. De pomis condendis.
- LX. De olea condenda.
- LXI. De amurca condenda.
- LXII. De promendis frugibus tuendi causa.
- LXIII. Quemadmodum frumentum sit promendum.
- LXIV. De amurca tuenda ac promenda.
- LXV. De vino promendo.
- LXVI. De olea promenda.
- LXVII. De nuce & palmula.
- LXVIII. De uvis, malis, & forbis pensilibus promendis.
- LXIX. De farre promendo vel ad cibaria, vel ad sationem, vel ad vendendum.

LIBRI II.

- I. De origine ac dignitate rei pecuariæ.
- II. De pecudibus, arietibus, & agnis.
- III. De capris, hircis, & hædis.
- IV. De sue.
- V. De bubus & vaccis.
- VI. De asinis.
- VII. De equis & equabus.
- VIII. De mulis & hinulis.
- IX. De canibus.
- X. De pastoribus.
- XI. De lacte, caseo, lana.

LIBRI III.

- I. De villaticis pastionibus.
 - II. De villa perfecta.
 - III. Quæ in villa circumve eam ali vel pasci possint.
 - IV. De avibus in genere.
 - V. De turdis.
 - VI. De pavonibus.
 - VII. De columbis.
 - VIII. De turturibus.
 - IX. De gallinis.
 - X. De anseribus.
 - XI. De anatibus.
 - XII. De leporibus.
 - XIII. De apris.
 - XIV. De cochleis.
 - XV. De gliribus.
 - XVI. De apibus.
 - XVII. De piscinis.
-

M. TERENTII VARRONIS
RERUM RUSTICARUM
DE AGRICULTURA

LIBER PRIMUS.

I. OTIUM si essem consecutus, Fundania, commodius tibi hæc scriberem, quæ nunc, ut potero, exponam, cogitans esse properandum, quod (ut dicitur) si est homo bulla, eo magis senex. annus enim octogesimus admonet me, ut sarcinas colligam, antequam proficiſcar e vita. Quare, quoniam emiſti fundum, quem bene colendo fruſtuosum conficere velis, meque ut id mihi habeam curare roges, experiar. & non ſolum, ut ipſe quoad vitam, quid fieri oporteat, ut te moneam, ſed etiam poſt mortem. Neque patiar Sibyllam non ſolum ceciniffe, quæ, dum viveret, prodeſſent hominibus, ſed etiam quæ cum periſſet ipſa, & id etiam ignotiſſimis quoque hominibus; ad cujus libros tot annis poſt publice ſolemus redire, cum deſideramus quid faciendum ſit nobis ex aliquo portento: me, ne dum vivo quidem, neceſſariis meis quod proſit facere. Quocirca ſcribam tibi tres libros indices, ad quos revertare, ſi qua in re quæres, quemadmo-

dum quidque te in colendō oporteat facere. Et quoniam (ut ajunt) Dei facientes adjuvant, prius invocabo eos; nec, ut Homerus & Ennius, Musas, sed XII Deos consentis: neque tamen eos urbanos, quorum imagines ad forum auratæ stant, sex mares, & feminæ totidem, sed illōs XII Deos, qui maxime agricolarum duces sunt. Primum, qui omnes fructus agriculturæ cœlo & terra continent, Jovem & Tellurem. itaque quod ii parentes magni dicuntur, Juppiter, pater appellatur, Tellus, terra mater. Secundo Solem & Lunam, quorum tempora observantur, cum quædam feruntur & conduntur. Tertio Cererem & Liberum, quod horum fructus maxime necessarij ad victum. Ab his enim cibus & potio venit e fundo. Quarto Robigum ac Floram, quibus propitiis, neque rubigo frumenta atque arbores corrumpit, neque non tempestive florent. Itaque publicæ Robigo feriæ robigalia; Floræ, ludi floralia instituti. Item adveneror Minervam & Venerem, quarum unius procuratio oliveti, alterius hortorum; quo nomine rustica vinalia instituta. Nec non etiam precor Lympham ac Bonum Eventum, quoniam sine aqua omnis arida ac misera agricultura, sine successu ac bono eventu, frustratio est, non cultura. Iis igitur Deis ad venerationem advocatis, ego referam sermones eos, quos de agricultura habuimus nuper, ex quibus, quid te facere oporteat, animadvertere poteris, in quæ quæ non inerunt & quæres, indicabo a quibus scriptoribus reperias & Græcis, & nostris. Qui Græce scripserunt dispersim, alius de alia re, sunt plus quinquaginta.

ginta. Hi sunt, quos tu habere in consilio poteris ; cum quid consulere voles, Hieron Siculus, & Attalus Philometor : de philosophis, Democritus physicus, Xenophon Socraticus, Aristoteles & Theophrastus peripateticus, Archyras Pythagoreus, item Amphilocheus Atheniensis, Anaxipolis Thasius, Apollodorus Lemnius, Aristophanes Mallotes, Antigonus Cymæus, Agathocles Chius, Apollonius Pergamenus, Aristandrus Atheniensis, Bacchius Milesius, Bion Soleus, Chæresteus & Chæreus Athenienses, Diodorus Priennæus, Dion Colophonius, Diophanes Nicensis, Epigenes Rhodius, Evagor Thasius, Euphranii duo, unus Atheniensis, alter Amphipolites, Hegesias Maronites, Menandri duo, unus Priennæus, alter Heracleotes, Nicefius Maronites, Pythion Rhodius. De reliquis, quorum quæ fuerit patria non accepi, sunt Androtion, Æschrion, Aristomenes, Athenagoras, Crates, Dadis, Dionysius, Euphiton, Euphorion, Eubolus, Lysimachus, Mnaseas, Menestratus, Pleuthiphanes, Persis, Theophilus. li, quos dixi, omnes soluta oratione scripserunt. Eisdem res etiam quidam versibus, ut Hesiodus Ascræus, Menecrates Ephesius. Hos nobilitate Mago Carthaginiensis præterit Pœnica lingua, quod res dispersas comprehendit libris XXVIII, quos Cassius Dionysius Uticensis vertit libris XX, ac Græca lingua Sextilio prætori misit : in quæ volumina de Græcis libris eorum, quos dixi, adjecit non pauca, & de Magonis demisit instar librorum VIII. Hosce ipsos utiliter ad VI libros redegit Diophanes in Bithynia, & misit Dejotaro

regi. Quo brevius de ea re conor tribus libris exponere, uno de agricultura, altero de re pecuaria, tercio de villaticis passionibus; hoc libro circumcisis rebus, quæ non arbitror pertinere ad agriculturam. Itaque prius ostendam, quæ secerni oporteat ab ea, tum de his rebus dicam, sequens naturales divisiones. Ea erunt ex radicibus trinis, & quæ ipse in meis fundis colendo animadverti, & quæ legi, & quæ a peritis audii.

II. Sementivis feriis in ædem Telluris veneram rogatus ab æditimo, ut dicere didicimus a patribus nostris: ut corrigimur a recentibus urbanis, ab ædituo. Offendi ibi C. Fundanium socerum meum, & C. Agrium equitem R. Socraticum, & P. Agrasium publicanum, spectantes in pariete pictam Italiam. Quid vos hic, *inquam*, num feriæ sementivæ otiosos huc adduxerunt, ut patres & avos solebant nostros? Nos vero (inquit AGRIVS) ut arbitror, eadem causa, quæ te, rogatio æditimi. Itaque si ita est, ut annuis, morere oportet nobiscum, dum ille revertatur. nam arcessitus ab ædile, cujus procuratio huius templi est, nondum rediit, & nos, ut exspectaremus se., reliquit qui rogaret. Vultis igitur interea vetus proverbium, quod est, ROMANUS sedendo vincit, usurpemus, dum ille venit? Sane, inquit AGRIVS, & simul cogitans, PORTAM itineri dici longissimam esse, ad subsellia sequentibus nobis procedit. Cum confedissemus, AGRASIUS, Vos, qui multas perambulaistis terras, ecquam cultiorem Italia vidistis, inquit? Ego vero, AGRIVS, nullam arbitror esse, quæ tam tota sit culta. Primum cum

orbis terræ divisus sit in duas partes ab Eratosthene, maxime secundum naturam ad meridiem versus, & ad septemtriones : & sine dubio quoniam salubrior pars septemtrionalis est, quam meridiana ; & quæ salubriora, illa fructuosiora : dicendum magis eam fuisse opportunam ad colendum, quam Asiam, ibique Italiam. primum quod est in Europa : secundo, quod hæc temperatior pars est, quam interior. nam intus pæne sempiternæ hiemes. neque mirum, quod sunt regiones inter circulum septemtrionalem, & inter cardinem cœli, ubi sol etiam sex mensibus continuis non videtur. itaque in oceano in ea parte ne navigari quidem posse dicunt propter mare congelatum. FUNDANIUS. Eam ibi tu quidquam nasci putas posse, aut coli natum ? Verum enim est illud Pacuvii, Sol si perpetuo sit, aut nox, flammeo vapore, aut frigore, terræ fructus omnes interire. Ego hic, ubi nox & dies modice redit, & abit, tamen æstivo die, si non diffinderem meo insititio somno meridie, vivere non possem. illic in semestri die, aut nocte, quemadmodum quidquam feri, aut alescere, aut meti possit ? Contra quid in Italia utensile non modo non nascitur, sed etiam non egregium sit ? quod far conferam Campano ? quod triticum Appulo ? quod vinum Falerno ? quod oleum Venafro ? Non arboribus consita Italia est, ut tota pomarium videatur ? An Phrygia magis vitibus cooperta, quam Homerus appellat ἀμπέλυσσαν, quam hæc ? aut Argos, quod idem poeta πολύπυρον. In qua terra jugerum unum denos & quinque denos culleos fert vini, quot quædam in Italia

regiones? An non M. Cato scribit in libro Originum sic? ager Gallicus Romanus vocatur, qui viritum cis Ariminum datus est ultra agrum Picentium. In eo agro aliquotfariam in singula jugera dena cullea vini fiunt. Nonne item in agro Faventino, a quo ibi trecenariæ appellantur vites, quod jugerum trecenas amphoras reddat? Simul aspicit me, Certe, inquit, L. Martius præfectus fabrûm tuus in fundo suo Faventiæ hanc multitudinem dicebat suas reddere vites. Duo in primis spectasse videntur Italici homines colendo, possentne fructus pro impensa ac labore redire, & utrum saluber locus esset, an non? quorum si alterutrum decollat, & nihilominus quis vult colere, mente est captus, atque ad agnatos & gentiles est deducendus. Nemo enim sanus debet velle impensam ac sumtum facere in culturam, si videt non posse refici: nec, si potest reficere fructus, si videt eos fore, ut pestilentia dispereant. Sed, opinor, qui hæc commodius ostendere possint, adsunt. nam C. Licinium Stolonem, & Cn. Tremellium Scrofam video venire, unum, cujus majores de modo agri legem tulerunt. nam Stolonis illa lex, quæ vetat plus D. jugera habere civem R. & qui propter diligentiam culturæ Stolonum confirmavit cognomen, quod nullus in ejus fundo reperiri poterat stolo, quod effodiebat circum arbores, e radicibus, quæ nascerentur e solo, quos stolones appellabant. Ejusdem gentis C. Licinius, tribunus pleb. cum esset, post reges exactos annis CCCLXV. primus populum ad leges accipiundas in septem jugera forensia, e co-

mitio eduxit. Alterum collegam tuum, xx vir qui fuit ad agros dividundos Campanos, video huc venire, Cn. Tremellium Scrofam, virum omnibus virtutibus politum, qui de agricultura Romanus peritissimus existimatur. An non jure, *inquam*? Fundi enim ejus propter culturam jucundiore spectaculo sunt multis, quam regie polita ædificia aliorum, cum hujus spectatum veniant villas, non ut apud Lucillum, ut videant pinacothecas, sed opothecas. Hujusce, *inquam*, pomaria summa sacra via, ubi poma veneunt, contra auream imaginem. Illi interea ad nos. Et STOLO, Num coena comesta, inquit, venimus? nam non L. videmus Fundilium, qui nos advocavit. Bono animo este, inquit AGRIVS, nam non modo ovum illud sublatum est, quod ludis circensibus novissimi curriculi finem facit quadrigis, sed ne illud quidem ovum vidimus, quod in ceriali pompa solet esse primum. Itaque dum id nobiscum una videatis, ac venit æditimus, docere nos, agricultura quam summam habeat, utilitatemne, an voluptatem, an utrumque. ad te enim rudem esse agriculturæ nunc, olim ad Stolonem fuisse dicunt. SCROFA, Prius, inquit, discernendum, utrum quæ serantur in agro, ea sola sint in cultura, an etiam quæ inducantur in rura, ut oves, & armenta. Video enim, qui de agricultura scripserunt, & Poenice, & Græce, & Latine, latius vagatos, quam oportuerit. Ego vero, inquit STOLO, eos non in omni re imitandos arbitror, & eo melius fecisse quosdam, qui minore pomerio finierunt, exclusis partibus, quæ non pertinent ad hanc rem.

Quare tota pastio, quæ conjungitur a plerisque cum agricultura, magis ad pastorem, quam ad agricolam pertinere videtur. Quocirca principes, qui utrique rei præponuntur, vocabulis quoque sunt diversi, quod unus vocatur vilicus, alter magister pecoris. Vilicus agri colendi causa constitutus, atque appellatus a villa, quod ab eo in eam convehuntur fructus, & evehuntur, cum veneunt. a quo rustici etiam nunc quoque viam, veam appellant, propter vecturas; & vellam non villam, quo vehunt; & unde vehunt. Item dicuntur, qui vecturis vivunt, vellaturam facere. Certe, inquit FUNDANIUS, aliud pastio, & aliud agricultura, sed affinis. & ut dexterâ tibia alia, quam sinistra, ita ut tamen sit quodam modo conjuncta, quod est altera ejusdem carminis modorum incentiva, altera succentiva. Et quidem licet adjicias, *inquam*, pastorum vitam esse incentivam, agricolarum succentivam, auctore doctissimo homine Dicæarcho, qui Græciæ vita qualis fuerit ab initio, nobis ostendit, ut superioribus temporibus fuisse doceat, cum homines pastoriciam vitam agerent, neque scirent etiam arare terram, aut ferere arbores, aut putare; ab his inferiore gradu ætatis susceptam agriculturam. Quocirca & succinit pastorali, quod est inferior, ut tibia sinistra a dextræ foraminibus. AGRIVS, Tu, inquit, tibicen non solum adimis domino pecus, sed etiam servis peculium, quibus domini dant, ut pascant, atque etiam leges colonicas tollis, in quibus scribimus, Colonus in agro furculario ne capra natum pascat: quas etiam astrologia in coe-

lum recepit, non longe ab Tauro. Cui FUNDANIUS, Vide, inquit, ne, Agri, istuc sit ab hoc, cum in legibus etiam scribatur, pecus quoddam. Quædam enim pecudes culturæ sunt inimicæ, ac veneno, ut istæ, quas dixisti, capræ. eæ enim omnia novella fata carpendo corrumpunt, non minimum vitæ atque oleas. Itaque propterea institutum diversa de causa, ut ex caprino genere ad alii Dei aram hostia adduceretur, ad alii non sacrificaretur, cum ab eodem odio alter videre nollet, alter etiam videre pereuntem vellet. Sic factum, ut Libero patri repertori vitis hirci immolarentur, proinde ut capite darent poenas; contra, ut Minervæ caprini generis nihil immolarent, propter oleam, quod eam, quam læserit, fieri dicunt sterilem: ejus enim salivam esse fructuis venenum. [LICINIUS,] hoc nomine etiam Athenis in arcem non inigi, præterquam semel ad necessarium sacrificium, ne arbor olea, quæ primum dicitur ibi nata, a capra tangi possit. Nec ullæ, *inquam*, pecudes agriculturæ sunt propriæ, nisi quæ agrum opere, quo cultior sit, adjuvare, ut eæ, quæ junctæ arare possunt. AGRIUS, si istuc ita est, inquit, quomodo pecus removeri potest ab agro, cum stercus, quod plurimum prodest, greges pecorum ministrent? Sic, inquit AGRIUS, venalium greges dicemus agriculturam esse, si propter istam rem habendum statuerimus. Sed error hinc, quod pecus in agro esse potest, & fructus non in agro ferre. quod non sequendum. Nam sic etiam res aliæ diversæ ab agro erunt assumendæ: ut si habeas plures in fundo textores, atque

institutos histonas, sic alios artifices. SCROFA, Distingamus igitur, inquit, passionem a cultura, & si quis quid vult aliud. Anne ego, *inquam*, sequar Saffernarum patris & filii libros? ac magis putem pertinere, figlinas quemadmodum exerceri oporteat, quam argenti fodinas, aut alia & alia metalla, quæ sine dubio in aliquo agro fiunt? Sed ut neque lapidicinæ, neque arenariæ ad agriculturam pertinent, sic figlinæ. Neque ideo non in quo agro idoneæ possunt esse, [non] exercendæ, atque ex eis capiundi fructus: ut etiam si ager secundum viam, & opportunus viatoribus locus, ædificandæ tabernæ diverforiæ, quæ tamen quamvis sint fructuosæ, nihilo magis sunt agriculturæ partes. Non enim si quis propter agrum, aut etiam in agro profectus domino agriculturæ acceptum referre debet, sed id modo, quod ex satione terra sit natum ad fruendum. Suscipit STOLO, Tu, inquit, invides tanto scriptori, & obstrigillandi causa figlinas reprehendis, cum præclara quædam, ne laudes, prætermittas, quæ ad agriculturam vehementer pertineant. Cum subrisisset SCROFA, quod non ignorabat libros, & despiciebat, & AGRASIUS se scire modo putaret, ac STOLONEM rogasset, ut diceret, coepit. Scribit cimices quemadmodum interfici oporteat his verbis. Cucumerem anguinum condito in aquam, eamque infundito quo voles, nulli accedent. vel fel bubulum cum aceto mixtum, unguito lectum. FUNDANIUS aspicit ad SCROFAM, Et tamen verum dicit, inquit, hic, ut hoc scripserit in agricultura. *Ille*, Tam hercle, quam hoc, si quem glabrum facere velis,

quod jubet, ranam luridam conjicere in aquam, usque quo ad tertiam partem decoxeris, eoque unguere corpus. Ego quod magis, *inquam*, pertineat ad Fundanii valetudinem, & in eo libro est, satius dicam: nam hujusce pedes solent dolere, & in fronte contrahere rugas. Dic sodes, inquit FUNDANIUS: nam malo de meis pedibus audire, quam quemadmodum pedes betaceos feri oporteat. STOLOS subridens, Dicam, inquit, eisdem, quibus ille verbis scripsit, vel Traquennam audiui. Cum homini pedes dolere cœpissent, qui tui meminisset, ei mederi posse. Ego tui memini, medere meis pedibus. TERRA PESTEM TENETO. SALUS HIC MANETO [*in meis pedibus*]. Hoc ter novies cantare jubet, terram tangere, despuere, jejunum cantare. Multa, *inquam*, item alia miracula apud Safernas invenies, quæ omnia sunt diversa ab agricultura, & ideo repudianda. Quasi vero, *inquam*, non apud ceteros quoque scriptores, talia reperiantur. An non in magni illius Catonis libro, qui de agricultura est editus, scripta sunt permulta similia? ut hæc, quemadmodum placentiam facere oporteat, quo pacto libum, qua ratione, pernas fallire. Illud non dicis, inquit AGRIVS, quod scribit, Si velis in convivio multum bibere, cœnareque libenter, ante esse oportet brassicam crudam ex aceto, & post aliqua folia v.

III. Igitur, inquit AGRASIUS, quæ dijungenda, essent a cultura cujusmodi sint, quoniam discretum, de iis rebus dicendum, quæ scientia sit, & quid in colendo nos docet, ars an sit, an quid aliud, & a

quibus carceribus decurrat ad metas. STOLO cum ap-
pexisset SCROFAM, Tu, inquit, & ætate, & hono-
re, & scientia quod præstas, dicere debes. Ille non
gravatus, Primum, inquit, non modo est ars, sed
etiam necessaria ac magna. eaque est scientia, quæ
docet, quæ sint in quoquo agro serunda ac fa-
ciunda, quæque terra maximos perpetuo reddat
fructus.

IV. Ejus principia sunt eadem, quæ mundi esse
Ennius scribit, aqua, terra, anima, & sol. Hæc
enim cognoscenda prius, quam jacias semina, quod
initium fructuum oritur. Hinc profecti agricolæ ad
duas metas dirigere debent, ad utilitatem & volu-
ptatem. Utilitas quærit fructum, voluptas delecta-
tionem. Priores partes agit, quod utile est, quam
quod delectat. Nec non ea, quæ faciunt [cultura]
honestiorem agrum, pleraque non solum fructuo-
siorem eundem faciunt, ut cum in ordinem sunt
consita arbuta atque oliveta, sed etiam vendibilio-
rem, atque adjiciunt ad fundi pretium. nemo enim
eadem utilitate non formosius quod est, emere ma-
vult pluris, quam si est fructuosus turpis. Utilissi-
mus autem is ager, qui salubrior est, quam alii,
quod ibi fructus certus. contra quod in pestilenti,
calamitas, quamvis in feraci agro, colonum ad fru-
ctus pervenire non patitur. Etenim ubi ratio cum
orco habetur, ibi non modo fructus est incertus,
sed etiam colentium vita. Quare ubi salubritas non
est, cultura non aliud est, atque alea domini vitæ,
ac rei familiaris. Nec hæc non diminuitur scientia.
ita enim salubritas, quæ ducitur e cœlo ac terra,

non est in nostra potestate, sed in naturæ: ut tamen multum sit in nobis, quod graviora quæ sunt, ea diligentia leviora facere possumus. Etenim si propter terram aut aquam, odoremve, quem aliquo loco eructat, pestilentior est fundus, aut propter cœli regionem ager calidior sit, aut ventus non bonus flet: hæc vitia emendari solent domini scientia ac sumtu; quod permagni interest, ubi sint positæ villæ, quantæ sint, quo spectent, porticibus, ostiis ac fenestris. An non ille Hippocrates medicus in magna pestilentia, non unum agrum, sed multa oppida, scientia servavit? Sed quid ego illum voco ad testimonium? Non hic Varro noster, cum Corcyræ esset exercitus ac classis, & omnes domus repletæ essent ægrotis ac funeribus, immisso fenestris novis aquilone, & obstructis pestilentibus, januaque permutata, ceteraque ejus generis diligentia, suos comites, ac familiam, incolumes reduxit?

V. Sed quoniam agriculturæ quod esset initium & finis dixi, relinquitur, quot partes ea disciplina habeat, ut sit videndum. Equidem innumerabiles mihi videntur, inquit AGRIVS, cum lego libros Theophrasti complures, qui inscribuntur *φυτῶν ἰστορίας*, & alteri *φυτικῶν αἰτίων*. STOLO, Isti, inquit, libri non tam idonei iis, qui agrum colere volunt, quam qui scholas philosophorum. neque eo dico, quod non habeant & utilia, & communia quædam. quapropter tu potius agriculturæ partes nobis expone. SCROFA, Agriculturæ, inquit, quatuor sunt partes summæ: e quæis prima cognitio fundi; solum, partesque ejus quales sint: secunda, quæ in

eo fundo opus sunt, ac debeant esse culturæ causa: tertia, quæ in eo prædio colendi causa sint faciunda: quarta, quo quidque tempore in eo fundo fieri conveniat. De his quatuor generibus singulæ minimum in binas dividuntur species. quod habet prima ea, quæ ad solum pertinent terræ, & quæ ad villas & stabula. secunda pars, quæ moveantur, atque in fundo debeant esse culturæ causa, est item bipartita: de hominibus, per quos colendum, & de reliquo instrumento. tertia pars, quæ de rebus, dividitur, quæ ad quamque rem sint præparanda, & ubi quæque faciunda. quarta pars de temporibus, quæ ad solis circumitum annuum sint referenda, & quæ ad lunæ menstruum cursum. De primis quatuor partibus prius dicam, deinde subtilius de octo secundis.

VI. Igitur primum de solo fundi videndum hæc quatuor: quæ sit forma, quo in genere terræ, quantum, quam per se tutus. Formæ cum duo genera sint, una, quam natura dat, altera, quam sationes imponunt: prior, quod alius ager bene natus, alius male; posterior, quod alius fundus bene confitus est, alius male: dicam prius de naturali. Igitur cum tria genera sint a specie simplicia agrorum, campestre, collinum, & montanum, est ex iis tribus quartum, ut in eo fundo, in quo hæc duo vel tria sunt, ut multis locis licet videri. E quibus tribus fastigiis simplicibus, sine dubio infimis alia cultura aptior, quam summis, quod hæc calidiora, quam summa: sic collinis, quod ea tepidiora, quam infima, aut summa. Hæc apparent magis ita esse in latioribus

regionibus, simplicia cum sunt. Itaque ubi lati campi, ibi magis æstus. Et eo in Apulia loca calidiora ac graviora. Et ubi montana, ut in Vesuvio, quod leviora, & ideo salubriora. Qui colunt deorsum, magis æstate laborant: qui sursum, magis hieme: verno tempore in campestribus maturius eadem illa feruntur, quam in superioribus: & celerius hic, quam illic coguntur. nec non sursum, quam deorsum tardius feruntur, ac metuntur. Quædam in montanis prolixiora nascuntur ac firmiora, propter frigus, ut abietes ac sappini. hic, quod tepidiora, populi ac salices: sursum fertiliora, ut arbutus ac quercus: deorsum, ut nuces Græcæ ac mariscæ fici. In collibus humilibus societas major cum campestri fructu, quam cum montano: in altis contra. Propter hæc tria fastigia formæ, discrimina quædam fiunt sationum, quod segetes meliores existimantur esse campestres, vineæ collinæ, silvæ montanæ: plerumque hiberna iis esse meliora, qui colunt campestria, quod tunc prata ibi herbofa, putatio arborum tolerabilior. Contra æstiva montanis locis commodiora, quod ibi tum & pabulum multum, quod in campis aret: ac cultura arborum aptior, quod tum illic frigidior aer. Campester locus is melior, qui totus æquabiliter in unam partem vergit, quam is, qui est ad libellam æquus, quod is, cum aquæ non habent delapsum, fieri solet uliginosus. eo magis si quis est inæquabilis, eo deterior, quod fit propter lacunas aquosus. Hæc atque huiusmodi tria fastigia agri ad colendum dispariliter habent momentum.

VII. STOLO, Quod ad hanc formam naturalem pertinet, de eo non incommode Cato videtur dicere, cum scribit, optimum agrum esse, qui sub radice montis situs sit, & spectet ad meridianam cœli partem. Subjicit SCROFA, De formæ cultura hoc dico, quæ specie fiant venustiora, sequi, ut majore quoque fructu sint: ut qui habent arbuta, si fata sunt in quincuncem, propter ordines atque intervalla modica. Itaque majores nostri ex arvo æque magno, sed male confito, & minus multum, & minus bonum faciebant vinum & frumentum, quod quæ suo quidque loco sunt posita, ea minus loci occupant, & minus officit aliud alii ab sole, ac luna, & vento. Hoc licet conjectura videre ex aliquot rebus, ut nuces integras, quas uno modio comprehendere possis, quod putamina suo loco quæque habet natura composita, cum easdem si frangeris, vix sesquimodio concipere possis. Præterea quæ arbores in ordinem satæ sunt, eas æquabiliter ex omnibus partibus sol ac luna coquunt. quo fit, ut uvæ & oleæ plures nascantur, & ut celerius coquantur, quas res duas sequuntur altera illa duo, ut plus reddant musti & olei, & pretii pluris. Sequitur secundum illud, quali terra solum sit fundi, a qua parte vel maxime bonis, aut non bonus appelletur. Refert enim, quæ res in eo feri nascique, & cujuscmodi possint. Non enim eadem omnia in eodem agro recte possunt, nam ut alius est ad vitem appositus, alius ad frumentum, sic de ceteris alius ad aliam rem. Itaque Cretæ ad Cortypiam dicitur platanus esse, quæ folia hieme non

amittat. itemque in Cypro, ut Theophrastus ait, una. item Sybari, qui nunc Thurii dicuntur, quæ simili esse natura, quæ est in oppidi conspectu. Item contra atque apud nos fieri ad Elephantinen, ut neque ficus, neque vites amittant folia. Propter eandem causam multa sunt bifera, ut vites apud mare Smyrnæ: malus bifera, ut in agro Consentino. Idem ostendit, quod in locis feris plura ferunt: in iis, quæ sunt culta, meliora. eadem de causa sunt, quæ non possunt vivere nisi in loco aquoso, aut etiam aqua. & id discriminatim; ut alia in lacubus, ut arundines in Reatino; alia in fluminibus, ut in Epeiro arbores alni; alia in mari, ut scribit Theophrastus, palmas & squillas. In Gallia transalpina intus ad Rhenum, cum exercitum ducerem, aliquot regiones accessi, ubi nec vitis, nec olea, nec poma nascerentur; ubi agros stercorearent candida fossicia creta: ubi salem nec fossicium, nec maritimum haberent, sed ex quibusdam lignis combustis, carbonibus falsis pro eo uterentur. STOLO, Cato quidem, inquit, gradatim præponens, alium alio agrum meliorem dicit esse in novem discriminibus, quod sit primus, ubi vineæ possint esse bono vino & multo; secundus, ubi hortus irriguus; tertius, ubi salicta; quartus, ubi oliveta; quintus, ubi pratium; sextus, ubi campus frumentarius; septimus, ubi cædua silva; octavus, ubi arbutum; nonus, ubi glandaria silva. SCROFA, Scio, inquit, scribere illum. sed de hoc non consentiunt omnes, quod alii dant primatum bonis pratis, ut ego quoque: a quo antiqui prata parata

appellarunt. Cæsar Vopiscus ædilicius, causam cum ageret apud Cenfores, campos Rosæ Italiæ dixit esse fumen, in quo relicta pertica postridie non appareret propter herbam.

VIII. Contra vineam sunt qui putent sumtu frustum devorare. Refert, *inquam*, quod genus vineæ sit, quod sunt multæ species ejus. aliæ enim humiles ac sine ridicis, ut in Hispania: aliæ sublimes, ut quæ appellantur jugatæ, ut pleræque in Italia. quarum nomina duo pedamenta, & juga. quibus stat rectis vinea, dicuntur pedamenta. quæ transversa junguntur, juga: ab eo quoque vineæ jugatæ. Jugorum genera fere quatuor, pertica, arundo, restes, vites. pertica, ut in Falerno; arundo, ut in Arpino; restes, ut in Brundisino; vites, ut in Mediolanensi. Jugationis species duæ, una directa, ut in agro Canusino: altera compluviata in longitudinem & latitudinem jugata, ut in Italia pleræque. Hæc ubi domo nascuntur, vinea non metuit summum; ubi multa ex propinqua villa, non valde. Primum genus quod dixi, maxime quærit saliceta. secundum, arundineta. tertium junceta, aut ejus generis rem aliquam. quartum arbuta, ubi traduces possint fieri vitium, ut Mediolanenses faciunt in arboribus, quas vocant opulos; Canusini in harundinatione in ficis. Pedamentum item fere quatuor generum. unum robustum, quod optimum solet afferri in vineam e quercu ac junipero, & vocatur ridicæ: alterum palus e pertica, melior e dura, quod diuturnior: quem cum infimum terra volvit, puter evertitur, & fit solum summum. tertium, quod

horum inopiæ subsidio misit arundinetum. inde enim aliquot colligatas libris dimittunt in tubulos fistiles, cum fundo pertuso, quos cuspides appellant, qua humor adventicius transire possit. quartum est pedamentum nativum ejus generis, ubi ex arboribus in arbores traductis vitibus vinea fit: quos traduces, quidam rumpos, appellant. Vineæ altitudinis modus, longitudo hominis. Intervalla pedamentorum, qua boves juncti arare possint. Ea minus sumtuosa vinea, quæ sine jugo ministrat acratophoro vinum. Hujus genera duo. unum, in quo terra cubilia præbet uvis, ut in Asia multis locis, quæ sæpe vulpibus & hominibus fit communis. nec non si parit humus mures, minor fit vindemia: nisi totas vineas oppleris muscipulis, quod in insula Pandataria faciunt. Alterum genus vineti, ubi ea modo removetur a terra vitis, quæ ostendit se asferre uvam. Sub eam, ubi nascitur uva, subjiciuntur circiter bipedales e furculis furcillæ, ne vindemia pereat, & vindemia facta denique discat pendere in palmam aut funiculo, aut vinctu, quod antiqui vocabant cestum. Ibi dominus simul ac vidit occipitium vindemiatoris, furcillas reducit hibernatum in tecta, ut sine sumtu earum opera altero anno uti possit. Hac consuetudine in Italia utuntur Reatini. Hæc ideo varietas maxime, quod terra cujusmodi sit, refert. ubi enim natura humida, ibi altius vitis tollenda, quod in partu & alimonio vinum non ut in calice quærit aquam, sed solem. itaque ideo, ut arbitror, primum e vinea in arbores ascendit vitis.

IX. Terra, *inquam*, cujusmodi sit, refert, & ad

quam rem bona, aut non bona sit. ea tribus modis dicitur, communi, proprio & mixto. Communi, ut cum dicimus orbem terræ, & terram Italiam, aut quam aliam. in ea enim & lapis, & arena, & cetera ejus generis sunt in nominando comprehensa. Altero modo dicitur terra proprio nomine, quæ nullo alio vocabulo, neque cognomine adjecto appellatur. Tertio modo dicitur terra, quæ est mixta, in qua feri potest quid & nasci; ut argillosa, aut lapidosa, sic aliæ; cum in hac species non minus sint multæ, quam in illa communi, propter admixtiones. in illa enim, cum sint dissimili vi ac potestate, partes permultæ, in quæ lapis, marmor, rudus, arena, sabulo, argilla, rubrica, pulvis, creta, glarea, carbunculus: [id est, quæ sole perferve ita fit, ut radices factorum comburat.] ab iis, quæ proprio nomine dicitur terra, cum est admixta ex his generibus aliqua re, tum dicitur aut cretosa, aut glarea, & sic ab aliis generum discriminibus mixta. & uti horum varietates, ita genera hæc, ut præterea subtiliora sint alia. nam minimum in singula facies terna, quod alia terra est valde lapidosa, alia mediocriter, alia prope pura. Sic de aliis generibus reliquis admixtæ terræ tres gradus ascendunt eodem. Præterea hæ ipsæ ternæ species ternas in se habent alias, quod partim sunt humidiores, partim aridiores, partim mediocres. Neque non hæc discrimina pertinent ad fructus vehementer. Itaque periti in loco humidioris far adorem potius ferunt, quam triticum; contra in aridioris hordeum potius, quam far, in mediocri utrumque. Præterea etiam

discrimina omnium horum generum subtiliora alia, ut in sabulosa terra, quod ibi refert, sabulo albus sit, an rubicundus: quod subalbus ad serendos surculos alienus, contra rubicundior appositus. Sic magna tria discrimina terræ, quod refert, utrum sit macra, an pinguis, an mediocris. quo ad culturam pinguis foecundior ad multa, macra contra. Itaque in iis, ut in Pupinia, neque arbores prolixas, neque vites feraces, neque stramenta videre crassa possis, neque ficum mariscam, & arbores plerasque, ac prata retorrída, & muscosa. Contra in agro pingui, ut in Hetruria, licet videre segetes fructuosas, ac restibiles, & arbores prolixas, & omnia sine musco. In mediocri autem terra, ut in Tiburti, quod propius accedit, ut non sit macra, quam ut sit jejuna, eo ad omnes res commodior, quam si inclinavit ad illud, quod deterius. STOLO, Non male, inquit, quæ sit idonea terra ad colendum, aut non, Diophanes Bithynius scribit, signa sumi posse aut ex ipsa, aut ex iis, quæ nascuntur ex ea. ex ipsa, si sit terra alba, si nigra, si levis, quæ cum fodiatur, facile frietur, naturaque non sit cineritia neve vehementer densa. ex iis autem, quæ enata sunt fera, si sunt prolixa, atque ea, quæ ex iis nasci debent, earum rerum feracia. Sed quod sequitur, tertium illud de modis dice.

X. Ille, Modos, quibus metirentur rura, alius alios constituit. nam in Hispania ulteriore metiuntur jugis, in Campania versibus, apud nos in agro Romano ac Latino jugeris. Jugum vocant, quod juncti boves uno die exarare possint. Versum dicunt centum pedes quoquo versum quadratum. Juge-

rum, quod quadratos duos actus habeat. Actus quadratus, qui & latus est pedes cxx, & longus totidem. is modus acnua Latine appellatur. Jugeri pars minima dicitur scripulum, id est, decem pedes in longitudinem & latitudinem quadratum. Ab hoc principio mensores nonnunquam dicunt in subscivum esse unciam agri, aut sextantem, aut quid aliud, cum ad jugerum pervenerunt: id habet scripula CCLXXXVIII, quantum as antiquus noster ante bellum Punicum pendebat. Bina jugera quod a Romulo primum divisa [dicebantur] viritim, quæ, [quod] heredem sequerentur, heredium appellarunt. Hæc postea [a] centum Centuria dicta. Centuria est quadrata in omnes quatuor partes, ut habeat latera longa pedum $\infty \infty$ D. Hæ porro quatuor centuriæ conjunctæ, ut sint in utramque partem binæ, appellantur in agris divisus viritim publice saltus.

XI. In modo fundi non animadverso lapsi sunt multi, quod alii villam minus magnam fecerunt, quam modus postulavit, alii majorem, cum utrumque sit contra rem familiarem ac fructum. majora enim tecta & ædificamus pluris, & tuemur sumtu majore. minora cum sunt quam postulat fundus, fructus solent disperire. [LICINIUS,] Dubium enim non est, quin cella vinaria major sit faciunda in eo agro, ubi vineta sint ampliora: ut horrea, si frumentarius ager est. Villam ædificandum potissimum, ut intra sæpta villæ habeat aquam: si non, quam proxime. primum, quæ ibi sit nata; secundum, quæ influat perennis. Si omnino aqua

non est viva, cisternæ faciundæ sub testis, & lacus sub dio, ex altero loco ut homines, ex altero ut pecus uti possit.

XII. Dandum operam, ut potissimum sub radicibus montis silvestris villam ponas, ubi pastiones sint laxæ, ita ut contra ventos, qui saluberrimi in agro flabunt. Quæ posita est ad exortus æquinoctiales, aptissima, quod æstate habet umbram, hieme solem. Sin cogare secundum flumen ædificare, curandum, ne adversum eum ponas. hieme enim fiet vehementer frigida, & æstate non salubris. Advertendum etiam si qua erunt loca palustria, & propter easdem causas, & quod arescunt, crescunt animalia quædam minuta, quæ non possunt oculi consequi, & per aera intus in corpus per os ac nares perveniunt, atque efficiunt difficiles morbos. FUNDANIUS, Quid potero, inquit, facere, si istiusmodi mi fundus hereditate obvenierit, quo minus pestilentia noceat? Istuc vel ego possum respondere, inquit AGRIVS. Vendas, quot assibus possis: aut si nequeas, relinquo. At SCROFA, Vitandum, inquit, ne in eas partes spectet villa, ex quibus ventus gravior afflare soleat; neve in convalli cava. & ut potius in sublimi loco ædifices. qui quod perflatur, si quod est quod adversarium inferatur, facilius discutitur. Præterea, quod ab sole toto die illustratur, salubrior est, quod & bestiolæ, si quæ prope nascuntur & inferuntur, aut efflantur, aut aritudine cito pereunt. Nimbi repentini, ac torrentes fluvii, periculosi illis, qui in humilibus ac cavis locis ædificia habent, & repentina prædonum

manus, quod improvisos facilius opprimere possunt. Ab hoc utroque superiora loca tutiora.

XIII. In villa faciunda stabula, ita ut bubilia sint ibi, hieme quæ possint esse caldiora. Fructus, ut est vinum & oleum, loco plano in cellis, item ut vasa vinaria, & olearia potius faciundum. Aridus, ut est faba & foenum in tabulatis. Familia ubi versetur, providendum, si fessi opere, aut frigore, aut calore, ubi commodissime possint se quiete recipere. Vilici proxime januam cellam esse oportet, eumque scire, qui introeat aut exeat noctu, quidve ferat: præsertim si ostiarius est nemo. Inprimis culinaria videnda, ut sit admota, quod ibi hieme antelucanis temporibus aliquot res conficiuntur, cibis paratur, ac capitur. Faciundum etiam plaustris, ac cetero instrumento omni, quibus coelum pluvium inimicum, in cohorte ut satis magna sint testa. hæc enim si intra clausum in consæpto, & sub dio, furem modo non metuunt, adversus tempestatem nocentem non resistunt. Cohortes in fundo magno duæ aptiores. una, ut interius compluvium habeat lacum, ubi aqua saliat, qui intra stylobatas cum venit, sit semipiscina. Boves enim ex arvo æstate reducti hic bibunt, hic perfunduntur. nec minus e pabulo dum redierunt anseres, fues, porci. In chor-te exteriori lacum esse oportet, ubi maceretur lupinum: item alia, quæ demissa in aquam ad usum aptiora sunt. Cohors exterior crebro operata stramentis ac palea, occulcata pedibus pecudum, sit ministra fundo, ex ea quod evehatur. Secundum villam duo habere oportet sterquilinia, aut unum bi-

fariam divisum. alteram enim partem ferri oportet e villa novam, alteram veterem tolli in agrum. quod enim infertur recens, minus bonum. id cum flacuit, melius. nec non sterquilinum melius illud, cujus latera & summum virgis ac fronde vindicatum ab sole. Non enim fucum, quem quærit terra, solem ante exsugere oportet. Itaque periti (qui possint) ut eo aqua influat, eo nomine faciunt. Sic enim maxime retinetur fucus, in eoque quidam fellas familiaricas ponunt. Ædificium facere oportet, sub quod tectum totam fundi subjicere possis messem, quod vocant quidam nubilarium. Id secundum aream faciendum, ubi triturus sis frumentum, magnitudine pro modo fundi ex una parti apertum, & id ab area, quo & in trituram proruere facile possis, & si nubilare cœperit, inde ut rursus celeriter rejicere. Fenestras habere oportet ex ea parti, unde commodissime perflari possit. **FUNDANIUS**, Fructuosior, inquit, est certe fundus propter ædificia, si potius ad antiquorum diligentiam, quam ad horum luxuriam dirigas ædificationem. Illi enim faciebant ad fructuum rationem, hi faciunt ad libidines indomitas. Itaque illorum villæ rusticæ erant majoris quam urbanæ, quæ nunc sunt pleræque contra. illic laudabatur villa, si habebat culinam rusticam bonam, præsepas laxas, cellam vinariam & oleariam ad modum agri aptam, & pavimento proclivi in lacum. quod sæpe, ubi conditum novum vinum, orcæ in Hispania fervore musti ruptæ, neque non & dolia in Italia. item cetera ut essent in villa hujuscemodi, quæ cultura quæreret,

providebant. Nunc contra villam urbanam quam maximam ac politissimam habeant, dant operam : ac cum Metelli ac Luculli villis, pessimo publico ædificatis, certant. quò hi laborant, ut spectent suæ æstivæ triclinaria ad frigus orientis, hiberna ad solem occidentem, potius quam, ut antiqui, in quam partem cella vinaria aut olearia fenestras haberet, cum fructus in ea vinarius quærat ad dolia aera frigidiores, ita olearia caldiorem. Item videre oportet, si est collis, (nisi quid impedit) ut ibi potissimum ponatur villa.

XIV. Nunc de sæptis, quæ tutandi causa fundi, aut partis fiant, dicam. Earum tutelarum genera **rv.** unum naturale, alterum agreste, tertium militare, quartum fabrilis. Horum unumquodque species habet plures. Primum naturale sæpimentum, quod obferi solet virgultis aut spinis, quod habet radices, ac [vivæ sæpis] prætereuntis lascivi non metuet facem ardentem. Secunda sæpes est ex agresti ligno, sed non vivit. Fit aut palis statutis crebris, e virgultis implicatis; aut latis perforatis, & per ea foramina trajectis longuriis fere binis aut ternis: aut ex arboribus truncis demissis in terram, deinceps constitutis. Tertium militare sæpimentum est fossa, & terreus agger. sed fossa ita idonea, si omnem aquam, quæ e coelo venit, recipere potest, aut fastigium habet, ut exeat e fundo, agger is bonus, qui intrinsecus junctus fossa, aut ita arduus, ut eum transcendere non sit facile. Hoc genus sæpes fieri secundum vias publicas solent, & secundum amnes. Ad viam salariam, in agro Crustumino, videre licet

locis aliquot conjunctos aggeres cum fossis, ne flumen agris noceat. Aggeres qui faciunt sine fossa, eos quidam vocant muros, ut in agro Reatino. Quartum fabrilis sarpimentum est novissimum, maceria. hujus fere species quatuor: quod fiunt e lapide, ut in agro Tusculano: quod e lateribus coctilibus, ut in agro Gallico: quod e lateribus crudis, ut in agro Sabino: quod ex terra, & lapillis compositis in formis, ut in Hispania, & agro Tarentino.

XV. Præterea sine sarpis fines prædii, sationis, notis arborum tutiores fiunt, ne familiæ rixentur cum vicinis, ac limites ex litibus judicem quærant. Serunt alii circum pinos, ut habet uxor in Sabinis. alii cupressos, ut ego habui in Vesuvio. alii ulmos, ut multi habent in Crustumino: quod ubi id pote, ut ibi, quod est campus, nulla potior ferenda, quod maxime fructuosa, quod & sustinet sarpem, ac colit aliquot corbularum uvarum, & frondem jucundissimam ministrat ovibus ac bubus, ac virgas præbet sarpibus, & foco, ac furno. SCROFA, igitur primum hæc, quæ dixi, quatuor videnda agricolæ: de fundi forma, terræ natura, de modo agri, de finibus tuendis.

XVI. Relinquitur altera pars, quæ est extra fundum. Cujus appendices vehementer pertinent ad culturam, propter affinitatem. Ejus species totidem: si vicina regio est infesta. si quo neque fructus nostros exportare expediat, neque inde quæ opus sunt, apportare. tertium, si viæ, aut fluvii, qua portentur, aut non sunt, aut idonei non sunt. quartum, si

quid ita est in confinibus fundis, ut nostris agris proſit aut noceat. E queis quatuor, quod eſt primum, refert, infeſta regio ſit, necne. multos enim agros egregios colere non expedit, propter latrocinia vicinorum, ut in Sardinia quosdam, qui ſunt prope Celiem, & in Hiſpania prope Luſitaniam. Quæ vicinitatis inveſtos habent idoneos, quæ ibi naſcuntur ubi vendant, & illinc inveſtos opportunos ad ea, quæ in fundo opus ſunt, quod propterea ſunt fruſtuofa. Multi enim habent in prædiis, quibus frumentum, aut vinum, aliudve quid deſit importandum. contra, non pauci, quibus aliquid ſit exportandum. Itaque ſub urbe colere hortos late expedit, ſic violaria, ac roſaria, item multa, quæ urbs recipit, cum eadem in longinquo prædio, ubi non ſit, quo deferri poſſit venale, non expedit colere. Item, ſi ea oppida aut vicinæ, aut etiam divitum copioſi agri ac villæ, unde non care emere poſſis, quæ opus ſunt in fundum, quibuſque, quæ ſuperſint, venire poſſint; ut quibuſdam pedamenta, aut perticæ, aut arundo; fruſtuofior ſit fundus, quam ſi longe ſint importanda, nonnunquam etiam, quam ſi colendo in tuo ea parare poſſis. Itaque in hoc genus coloni potius anniverſarios habent vicinos, quibus imperant medicos, fullones, fabros, quam in villa ſuos habeant: quorum nonnunquam unius artificis mors tollit fundi fruſtum. quam partem latifundii divites domeſticæ copię mandare ſolent. Si enim ab fundo longius abſunt oppida aut vici, fabros parent, quos habeant in villa: ſic ceteros neceſſarios artifices, ne de fundo familia ab

opere discedat, ac profectis diebus ambulet feriata potius, quam opere faciundo agrum fructuosiores reddat. Itaque ideo Sasernæ liber præcipit, ne quis de fundo exeat præter vilicum & promum, & unum, quem vilicus legat. si quis contra exierit, ne impune abeat. si abierit, ut in vilicum animadvertatur. Quod potius ita præcipiendum fuit, ne quis injussu vilici exierit, neque vilicus injussu domini longius, quam ut eodem die redierit, neque id crebrius, quam opus esset fundo. Tertio eundem fundum fructuosiores faciunt vecturæ, si viæ sunt, qua plaustra agi facile possint: aut flumina propinqua, qua navigari possit. quibus utrisque rebus evehi atque invehi, ad multa prædia scimus. Quarto refert etiam ad fructus, quemadmodum vicinus in confinio confitum agrum habeat. si enim ad limitem quercetum habet, non possis recte secundum eam silvam ferere oleam, quod usque eo est contrarium natura, ut arbores non solum minus ferant, sed etiam fugiant, ut introrsum in fundum se reclinent, ut vitis adfita ad olus facere solet. ut quercus, sic juglandes magnæ & crebræ finitimæ, fundi oram faciunt sterilem.

XVII. De Fundi iv partibus, quæ cum solo hærent, & alteris iv, quæ extra fundum sunt, & ad culturam pertinent, dixi. Nunc dicam agri quibus rebus colantur, quas res alii dividunt in duas partes, in homines, & adminicula hominum, sine quibus rebus colere non possunt. Alii in tres partes, instrumenti genus vocale, & semivocale, & mutum, vocale, in quo sunt servi. semivocale, in quo sunt

boves. mutum, in quo sunt plaustra. Omnes agricoluntur hominibus servis aut liberis, aut utrisque. Liberis, aut cum ipsi colunt, ut plerique pauperculi cum sua progenie : aut mercenariis, cum conducticiis liberorum operis res majores, ut vindemias, ac foenificia administrant : iique, quos obæratos nostri vocitarunt, & etiam nunc sunt in Asia atque Ægypto, & in Illyrico complures. De quibus universis hoc dico : Gravia loca utilius esse mercenariis colere, quam servis, & in salubribus quoque locis opera rustica majora, ut sunt in condendis fructibus vindemiæ, aut messis. De his, cujusmodi esse oporteat, Cassius scribit hæc : Operarios parandos esse, qui laborem ferre possint, ne minores annorum XXII, & ad agriculturam dociles. Eam conjecturam fieri posse ex aliarum rerum imperatis, & more incolarum e novitiis requisito, ad priorem dominum quid facerent. Mancipia esse oportere neque formidolosa, neque animosa. Qui præsent esse oportere, qui literis, aliqua sint humanitate imbuti, frugi, ætate majore, quam operarios, quos dixi. Facilius enim his, quam minoribus natu, sunt dicto audientes. Præterea potissimum eos præesse oportet, qui periti sint rerum rusticarum. non solum enim debere imperare, sed etiam facere, ut facientem imitentur, & ut animadvertant eum cum causa sibi præesse, quod scientia præstet & usu. neque illi concedendum, ita imperare, ut verberibus coherceat potius quam verbis, si modo idem efficere possis. Neque ejusdem nationis plures parandos esse. ex eo enim potissimum solere offensiones domesti-

cas fieri. Præfectos alacriores faciundum præmiis : dandaque opera , ut habeant peculium , & conjunctas conservas , e quibus habeant filios. eo enim fiunt firmiores , ac conjunctiores fundo. Itaque propter has cognationes Epiroticæ familiæ sunt illustriores ac cariores. Ad injiciendum voluptatem his præfecturæ , honore aliquo habendi sunt : & de operariis , qui præstabunt aliqui , communicandum quoque cum iis , quæ faciunda sunt opera. quod ita cum sit , minus se putant despici , atque aliquo numero haberi a domino. Studiores ad opus fieri liberalius tractando , aut cibariis , aut vestitu largiore , aut remissione operis , concessioneve , ut peculiare aliquid in fundo pascere liceat , aut hujusmodi rerum aliis , ut quibus quid gravius sit imperatum , aut animadversum , qui consolando eorum restituat voluntatem ac benevolentiam in dominum.

XVIII. De familia : Cato dirigit ad duas metas , ad certum modum agri , & genus sationis , scribens de olivetis & vinetis , ut duas formulas. unam , in qua præcipit , quomodo olivetum agri jugerum CCXL instruere oporteat. Dicit enim in eo modo hæc , mancipia XIII habenda , vilicum , vilicam , operarios V , bubulcos III , asinarium I , subulcum I , opilionem I. Alteram formulam scribit de vinearum jugeribus centum , ut dicat haberi oportere hæc , XV mancipia , vilicum , vilicam , operarios X , bubulcum , asinarium , subulcum. Sæferna scribit , satis esse ad jugera VIII hominem unum : ea debere eum condere diebus XLV , tametsi quaternis operis singula

jugera possit. sed relinquere se operas XIII, valetudini, tempestati, inertiae, indulgentiae. LICINIUS, Horum neuter satis dilucide modulos reliquit nobis. Quod Cato si voluit (ut debuit) uti proportionem, ad majorem fundum vel minorem adderemus, vel demeremus, extra familiam debuit dicere vilicum & vilicam. Neque enim si minus CCXL jugera oliveti colas, non possis minus uno vilico habere: nec si bis tanto ampliore fundum, aut eo plus colas, ideo duo vilici, aut tres habendi fuere. Operarii modo & bubulci pro portione demendi, vel addendi, ad minores, majoresve modos fundorum. hi quoque, si similis est ager. si est ita dissimilis, ut totus arari non possit, ut si sit confragosus atque arduus clivis, minus multi opus sunt boves, & bubulci. Mitto illud, quod modum, neque unum, nec modicum proposuit CCXL jugerum. Modicus enim centuria, & ea CC jugerum, e quo cum sexta pars sit ea XL, quae de CCXL demuntur, non video quemadmodum ex ejus praecepto demam sextam partem: & de XIII mancipiis nihilo magis si vilicum, & vilicam removero, quemadmodum ex XI sextam partem demam. Quod autem ait in C jugeribus vinearum opus esse XV mancipia, si quis habebit centuriam, quae sit dimidium vineti, dimidium oliveti, sequetur, ut duo vilicos & duas vilicas habeat: quod est deridiculum. Quare alia ratione modus mancipiorum generatim est animadvertendus, & magis in hoc Saferna probandus, qui ait, singula jugera quaternis operis uno operario ad conficiendum satis esse. Sed si hoc in Safernae fundo

in Gallia fatis fuit, non continuo idem in agro Ligustico montano. Itaque de familiæ magnitudine & reliquo instrumento commodissime scies, quantum pares, si tria animadverteris diligenter. In vicinitate prædia cujufmodi sint, & quanta, & quot quæque hominibus colantur; & quot additis operis aut demtis melius, aut deterius habeas cultum. Bivium enim nobis ad culturam dedit natura, experientiam, & imitationem. Antiquissimi agricolæ tentando pleraque constituerunt, liberi eorum magnam partem imitando. Nos utrumque facere debemus, & imitari alios, & aliter ut faciamus experientia tentare quædam; sequentes non aleam, sed rationem aliquam: ut si altius repastinaverimus, aut minus, quam alii, quod momentum ea res habeat. ut fecerunt ii, in fariendo iterum, & tertio, & qui inscriptiones ficulnas ex verno tempore in æstivum contulerunt.

XIX. De reliqua parte instrumenti, quod semi-vocale appellatur, Saferna ad jugera CC arvi, boum juga duo fatis esse scribit. Cato in olivetis CCXL jugerum, boves trinos. ita fit, ut Saferna dicat verum, ad centum jugera jugum opus esse, si Cato, ad octogena. Sed ego neutrum horum ad omnem agrum convenire puto, & utrumque ad aliquem. alia enim terra facilior aut difficilior est alia. Terram boves proscindere nisi magnis viribus non possunt, & sæpe fracta bura relinquunt vomeres in arvo. Quo sequendum nobis in singulis fundis, dum sumus novicii, triplici regula, superioris domini instituto, & vicinorum, & experientia quadam.

Quod addit asinos, qui sterlus vestent, treis, asinum molarium, in vinea iugerum c iugum boum, asinorum iugum, asinum molarium: in hoc genere semivocalium, adjiciendum de pecore, ea sola, quæ agri colendi causa erunt, ut solent esse pecuaria, pauca habenda, quo facilius mancipia, quæ solent se tueri, & assidua esse possint. In eo numero non modo qui prata habent, ut potius oves quam fues habeant, curant, sed etiam qui prata non habent, quia non solum pratorum causa habere debent, sed etiam propter sterlus.

XX. Igitur de omnibus quadrupedibus prima est probatio, qui idonei sint boves, qui arandi causa emuntur, quos rudis, neque minoris trimos, neque majoris quadrimos parandum. ut viribus magnis sint, ac pares, ne in opere firmior imbelliorem conficiat: amplis cornibus, & nigris potius quam aliter: ut sint lata fronte, naribus simis, lato pectore, crassis coxendicibus. Hos veteranos ex campestribus locis non emendum in dura ac montana: nec non, ita si incidit ut sit, vitandum. Novellos cum quis emerit juvencos, si eorum colla in furcas destitutas incluserit, ac dederit cibum, diebus paucis erunt mansueti, & ad domandum proni. Tum ita subigendum, ut minutatim assuefaciant, & ut tiro-nem cum veterano adjungant. imitando enim facilius domatur. & primum in æquo loco, & sine aratro, tum eo levi, & principio per arenam, aut molliorem terram. Quos ad vecturas, item instituendum, ut inania primum ducant plaustra, & si possit, per vicum aut oppidum. Creber crepitus, ac

varietas rerum consuetudine celerrima ad utilitatem adducit. Neque pertinaciter, quem feceris dexterum, in eo manendum. Quod si alternis sit sinister, sit laboranti in alterutra parte requies. Ubi terra levis, ut in Campania, ibi non bubus gravibus, sed vaccis aut asinis quod arant, eo facilius ad aratrum leve adduci possunt, ad molas, & ad ea, si quæ sunt, quæ in fundo convehuntur. In qua re alii asellis, alii vaccis ac mulis utuntur, exinde ut pabuli facultas est. nam facilius asellus, quam vacca alitur; sed fructuosior hæc. In eo agricolæ hoc spectandum, quo fastigio sit fundus. in confragoso enim ac difficili hæc valentiora parandum, & potius ea, quæ plus fructum reddere possint, cum idem operis faciant.

XXI. Canes potius cum dignitate, & acres paucos habendum, quam multos. quos consuefacias potius noctu vigilare, & interdiu clausos dormire. De indomitis quadrupedibus, ac pecore [faciendum.] Si prata sunt in fundo, neque pecus habet, danda opera, ut pabulo vendito, alienum pecus in suo fundo pascat ac stabulet.

XXII. De reliquo instrumento muto, in quo sunt corbulæ, & dolia, & alia, hæc præcipienda. Quæ nasci in fundo, ac fieri a domesticis poterunt, eorum ne quid ematur, ut fere sunt, quæ ex viminibus & materia rustica fiunt, ut corbes, fiscinæ, tribula, mallei, rastelli. Sic quæ fiunt de cannabi, lino, junco, palma, scirpo, ut funes, restes, tegetes. Quæ e fundo sumi non poterunt, ea si emantur potius ad utilitatem, quam ob speciem, sum-

tu fructum non extenuabunt. eo magis, si indēta erunt potissimum, ubi ea & bona, & proxime, & vilissimo emi poterunt. Cujus instrumenti varia discrimina ac multitudo agri magnitudine finitur, quod plura opus sunt, si fines distant late. Itaque, STOLO inquit, proposita magnitudine fundi, de eo genere Cato scribit. Oliveti jugera CCXL qui coleret, eum instruere ita oportere, ut faceret vasa olearia juga v, quæ membratim enumerat. ut ex ære ahenea, urceos, nassiternam, item alia. sic e ligno & ferro, ut plostra majora tria, aratra cum vomeribus sex, crates stercorarias quatuor, item alia. sic de ferramentis quæ sint, & quot opus ad multitudinem, ut ferreas octo, farcula totidem, dimidio minus palas, item alia. Item alteram formulam instrumenti fundi vinarii fecit, in qua scribit, Si sit centum jugerum, habere oportere vasa torcularia instructa trina, dolia cum operculis culleorum octingentorum, acinaria xx, frumentaria xx. item ejusmodi alia. quæ minus multa quidem alii, sed tantum numerum culleorum scripsisse puto, ne cogeretur quotannis vendere vinum. Vetera enim quam nova, & eadem alio tempore, quam alio pluris. Item sic de ferramentorum varietate scribit permulta, & genere & multitudine qua sint, ut falces, palas, rastros. Sic alia, quorum nonnulla genera species habent plures, ut falces. nam dicuntur ab eodem scriptore vineaticæ opus esse sex, sirpiculæ v, silvaticæ v, arborariæ III, & rustariæ x. Hic hæc. At SCROFA, Instrumentum & supellectilem rusticam omnem oportet habere scri-

ptam in urbe & rure dominum. vilicum contra ea ruri omnia certo suo quæque loco ad villam [debent esse] posita. Quæ non possunt esse sub clavi, quam maxime facere, ut sint in conspectu, oportet. eo magis ea, quæ in rariore sunt usu, ut quibus in vindemia utuntur, ut corbulæ, & sic alia. quæ enim res quotidie videntur, minus metuunt furem.

XXIII. Suscipit AGRASIUS, Et quoniam habemus illa duo prima, ex divisione quadripartita, de fundo, & de instrumento, quo coli solet; de tertia parte exspecto. SCROFA, Quoniam fructum, inquit, arbitror esse fundi eum, qui ex eo satus nascitur utilis ad aliquam rem: duo considerata, quæ, & quo quidque loco maxime expediat serere. Alia enim loca apposita sunt ad fœnum, alia ad frumentum, alia ad vinum, alia ad oleum. Sic ad pabulum quæ pertinent, in quo est ocimum, farrago, vicia, Medica, cytisum, lupinum. Neque in pingui terra omnia seruntur recte, neque in macra nihil. Rectius enim in tenuiore terra ea, quæ non multo indigent fuco, ut cytisum & legumina, præter ciccer: hoc enim quoque legumen, ut cetera, quæ velluntur e terra, non subsecantur: quæ, quod ita leguntur, legumina dicta. in pingui rectius, quæ cibi sunt majoris, ut holus, triticum, filigo, linum. Quædam etiam serenda non tam propter præsentem fructum, quam in annum prospicientem, quod ibi subsecta atque relictæ terram faciunt meliorem. Itaque lupinum cum necdum siliculam cepit, & nonnunquam fabalia, si ad siliquas non ita

pervenit, ut fabam legere expediat, si ager macrior est, pro stercore inarare solent. Nec minus ea discriminanda in conferendo, quæ sunt fructuosa, propter voluptatem, ut quæ pomaria ac floralia appellantur. Item illa, quæ ad hominum victum ac sensum, delectationemque non pertinent, neque ab agri utilitate sunt diiuncta. Idoneus locus eligendus, ubi facias salictum & arundinetum, sic alia, quæ humidum locum quærunt. Contra, ubi fegetes frumentarias, ibi fabam potissimum seras. Item alia, quæ arida loca sequuntur: sicut umbrosis locis alia seras, ut corruda, quod ita petit asparagus: & apricis, ut ibi seras violam, & hortos facias, quod ea sole nutricantur. Sic alia & alio loco serunda, ut habeas vimina, unde viendo quid facias, ut sirpeas, vallos, crates. Alio loco ut seras ac colas silvam cæduam, alio ubi aucupare. Sic ubi cannabim, linum, juncum, spartum, unde nestas bubus paleas, lineas, restes, funes. Quædam loca eadem alia ad ferendum idonea. nam & in recentibus pomariis desitis seminibus, in ordinemque arbusculis positis primis annis ante quam radices longius procedere possint, alii conferunt hortos, alii quid aliud. neque cum convaluerunt arbores, idem faciunt, ne violent radices. STOLO ad hæc: Quod ad hæc pertinet, Cato non male quod scribit de sationibus, ager crassus & lætus, si sit sine arboribus, eum agrum frumentarium fieri oportere. idem ager si nebulosus sit, rapa, raphanos, milium, panicum.

XXIV. In agro crasso & calido oleam condita-

neam, radium majorem Sallentinam, orchitem, poseam, Sergianam, colminiam, albicerem: quam earum in his locis optimam dicent esse, eam maxime ferere. Agrum oliveto conferundo, nisi qui in ventum favonium spectet, & foli ostentus sit, alium bonum nullum esse. Qui ager frigidior & macrior sit, ibi oleam Licinianam feri oportere. Si in loco crasso, aut calido posueris, hostum nequam fieri, & ferendo arborem perire, & muscum rubrum molestum esse. Hostum vocant, quod ex uno facto olei reficitur. Factum dicunt, quod uno tempore conficiunt. quem alii CLX ajunt esse modiorum, alii ita minus magnum, ut ad CXX descendat & exinde, ut vasa olearia quot, & quanta habeant, quibus conficiunt illud. Quod Cato ait, circum fundum ulmos & populos, unde frons ovibus & bubus sit, & materies, feri oportere. sed hoc neque in omnibus fundis opus est, neque in quibus est opus, propter frondem maxime, sine detrimento ponuntur ab septemtrionali plaga, quod non efficiunt foli. Ille adjicit ab eodem scriptore, Si locus humectus sit, ibi cacumina populorum serunda & arundinetum. id prius bipalio verti, ibi oculos arundinis pedes ternos alium ab alio feri, ibi quoque corrudam, unde asparagi fiant; aptam esse utrique eandem fere culturam. salicem Græcam circum arundinetum feri oportere, uti sit, qui vitis alligari possit.

XXV. Vineæ quo in agro serunda sit, sic observandum. Qui locus optimus vino sit, & ostentus foli, Aminæum minusculum & geminum euge-

neum, helveolum minusculum feri oportere. qui locus crassior sit, aut nebulosus, ibi Aminæum majus, aut Murgentinum, Apicium, Lucanum feri. ceteras vites, & de his miscellas maxime, in omne genus agri convenire.

XXVI. In omni vinea diligenter observant, ut ridica vitis ab septemtrione versus tegatur. & si cupressos vivas pro ridicis inferunt, alternos ordines imponunt: neque eas crescere altius, quam ridicas patiuntur, neque propter eas adserunt vites, quod inter se hæc inimica. AGRIUS Fundanio, Vereor, inquit, ne ante æditimus veniat huc, quam hic ad quartum actum. vindemiam enim exspecto. Bono animo es, inquit SCROFA: ac fiscinam expedi & urnam.

XXVII. Et quoniam tempora duorum generum sunt, unum annale, quod sol circuitu suo finit; alterum menstruum, quod luna circumiens comprehendit: prius dicam de sole. Ejus cursus annalis primum fere circiter ternis mensibus ad fructus est divisus in IV partes, & idem subtilius sesquimensibus in VIII. In quatuor, quod dividitur in ver, & æstatem, & autumnum, & hiemem. Vere sationes quædam fiunt, terram rudem proscindere oportet, quæ sunt ex ea enata, priusquam ex iis quid seminis cadat, ut sint extradicata; & simul glæbis ab sole percalefactis aptiores facere ad accipiendum imbrem, & ad opus faciliores, relaxatas. neque eam minus bis arandum, ter melius. Æstate fieri messes oportere. Autumno siccis tempestatibus vindemias, ac silvas excoli commodissime: tunc præcidi arbo-

res oportere secundum terram. Radices autem prioribus imbris ut effodiantur, ne quid ex his nasci possit. Hieme putari arbores dumtaxat his temporibus, cum gelu cortices & imbris careant, & glacie.

XXVIII. Dies primus est veris in Aquario, æstatis in Tauro, autumni in Leone, hiemis in Scorpione. Cum uniuscujusque horum quatuor signorum dies tertius & vicesimus, quatuor temporum sit primus; efficitur, ut ver dies habeat XCI, æstas XCIV, autumnus XCI, hiems XXCIX. Quæ redacta ad dies civiles nostros, qui nunc sunt primi verni temporis ex a. d. VII Id. Feb. æstivi ex a. d. IV Idib. Maji. autumnales ex a. d. VII Idib. Sext. hiberni ex a. d. IV Id. Novemb. Subtilius discretis temporibus observanda quædam sunt, ea quæ in partes VIII dividuntur. Primum a favonio ad æquinoctium vernum dies XL. hinc ad Vergiliarum exortum dies XLIV. ab hoc ad solstitium dies XLVIII inde ad Caniculæ signum dies XXIX. dein ad æquinoctium autumnale dies LXVII. exin ad Vergiliarum occasum dies XXXII. ab hoc ad brumam dies LVII. inde ad favonium dies XLV.

XXIX. In primo intervallo, inter favonium & æquinoctium vernum, hæc fieri oportet. Seminaria omne genus ut ferantur, putari inprimis, circumvites ablaqueari, radices, quæ in summa terra sunt, præcidi, prata purgari, salicta feri, segetes fariri. Seges dicitur, quod aratum satum est: arvum, quod aratum, nec dum satum est. Novalis, ubi satum fuit ante, quam secunda aratione renovetur. Rursum

terram cum primum arant, proscindere appellant; cum iterum, offringere dicunt; quod prima aratione glæbæ grandes solent excitari, [cum iteratur, offringere vocant.] tertio cum arant jacto femine, [boves] lirare dicuntur: id est, cum tabellis additis ad vomerem simul, & satum frumentum operiunt in porcis, & sulcant fossas, quo pluvia aqua delabatur. nonnulli postea, qui segetes non tam latas habent, (ut in Apulia) id genus prædiū per saritores occare solent, si quæ in porcis relictae grandiores sunt glæbæ. Qua aratrum vomere lacunam striam facit, sulcus vocatur. Quod est inter duos fulcos, elata terra, dicitur porca, quod ea seges frumentum porricit. Sic quoque exta Deis cum dabant, porricere dicebant.

XXX. Secundo intervallo inter vernal æquinoctium & Vergiliarum exortum hæc fieri. Segetes runcari, [herbam e segetibus expurgari,] boves terram proscindere, falicem cædi, prata defendi. quæ superiore tempore fieri oportuerit, & non sunt absoluta, antequam gemmas agant ac florescere incipiant, fieri. quod si, quæ folia amittere solent, ante frondere inceperint, statim ad ferendum idoneæ non sunt. Oleam feri, interputarique oportet.

XXXI. Tertio intervallo, inter Vergiliarum exortum & solstitium, hæc fieri debent. Vineas novas fodere, aut arare, & postea occare, id est, comminuere, ne sit glæba. quod ita occidunt, occare dicunt. Vites pampinari, sed a sciente. nam id, quam putare majus, neque in arbusco, sed in vinea fieri.

Pampinare est ex farmento coles; qui nati sunt, de iis, qui plurimum valent, primum ac secundum; nonnunquam etiam tertium, relinquere, reliquos decerpere, ne relictis colibus farmentum nequeat ministrare fucum. Ideo in vitiario primitus cum exit vitis, tota refecari solet, ut firmiore farmento e terra exeat, atque in pariendis colibus vires habeat majores. Ejuncidum enim farmentum propter infirmitatem sterile, neque ex se potest ejicere vitem: quam vocant minorem flagellum, majorem etiam, unde uvæ nascuntur, palmam. prior litera una mutata declinata a venti flatu, similiter flabellum ac flagellum. posterior, quo ea vitis immittitur ad uvas pariendas, dicta primo videtur a pariendo parilema: exin mutatis literis, ut in multis, dici cœpta palma. Ex altera parte caprea dicta, quod parit capreolum. is est coliculus viteus intortus, ut cincinnus. is enim vites ut teneat, serpit ad locum capiundum. ex quo a capiendo capreolus dictus. Omne pabulum, primum ocimum, farraginem, viciam, novissime fœnum secari. ocinum dictum a Græco verbo *ὀκτός*, quod valet cito. Similiter quo ocimum in horto. Hoc amplius dictum ocinum, quod citat alvum bubus, & ideo iis datur, ut purgentur. id ex fabuli segete viride sectum antequam genat filiquas. Contra ex segete, ubi fata admixta ordeum & vicia, & legumina pabuli causa viridia, quod [far] ferro cæsa, farrago dicta, aut nisi quod primum in farracia segete feri cœptum. Ea equi, & jumenta cetera verno tempore purgantur, ac saginantur. Vicia dicta a vinciendo, quod item capreo-

los habet, ut vitis, quibus cum fursum vorsum serpit ad scapum lupini, aliumve quem, ut hæreat, id solet vincire. Si prata irrigua habebis, simulac fœnum sustuleris, irrigare. In poma, quæ insita erunt; siccitatibus aquam addi quotidie. a quo, quod indigent potu, poma dicta esse possunt.

XXXII. Quarto intervallo inter solstitium & caniculam plerique messem faciunt, quod frumentum dicant quindecim diebus esse in vaginis, quindecim florere, quindecim exarescere, cum sit maturum. Arationes absolvi, quæ eo fructuosiores fiunt, quo calidiore terra aratur. Cum proscideris, offringi oportet, id est, iterare, ut frangantur glæbæ. prima enim aratione grandes glæbæ ex terra scinduntur. Serendum viciam, lentem, cicerculam, ervilam, ceteraque, quæ alii legumina, alii (ut Gallicani quidam) legaria appellant, utraque dicta a legendo, quod ea non secantur, sed vellendo leguntur. Vineas veteres iterum occare, novellas etiam tertio, si sunt etiam tum glæbæ.

XXXIII. Quinto intervallo inter caniculam & æquinoctium autumnale oportet stramenta desecari, & acervos construere, aratro offringi, frondem cædi, prata irrigua iterum secari.

XXXIV. Sexto intervallo ab æquinoctio autumnali incipere [scribunt] oportere serere, usque ad diem XCI. post brumam, nisi quæ necessaria causa coegerit, non serere: quod tantum intersit, ut ante brumam sata, septimo die; quæ a brumâ sata, XI die vix existant. neque ante æquinoctium incipi oportere putant, quod, si mi-

nus idoneæ tempestates sint consecutæ, putescere semina soleant. Fabam optime feri in Vergiliarum occasu. Uvas autem legere, & vindemiant facere inter æquinoctium autumnale & Vergiliarum occasum. Dein vites putare incipere, & propagare, & ferere poma. Hæc aliquot regionibus, ubi maturius frigora sunt asperiora, melius verno tempore.

XXXV. Septimo intervallo inter Vergiliarum occasum & brumam hæc fieri oportere, [dicunt.] Serere lilium, & crocum, quod jam egit radicem; rosam. ea conciditur radicitus in virgulas palmares, & obruitur. hæc eadem postea transfertur facta viradix. Violaria in fundo facere non est utile, ideo quod necesse est terra adruenda, pulvinos fieri, quos irrigationes & pluvix tempestates abluunt, & agrum faciunt macriorem. Ab favonio usque ad arcturi exortum recte serpullum e seminario transferri: quod dictum ab eo, quod serpit. Fossas novas fodere, veteres tergere, vineas arbutumque putare, dum in xv diebus ante & post brumam, ut pleraque ne facias: nec non tum aliquid recte seritur, ut ulmi.

XXXVI. Octavo intervallo inter brumam & favonium hæc fieri oportet. de segetibus, si qua est aqua, deduci: sin siccitates sunt, & terra teneritudinem habet, sarire. vineas, arbutaque putare. Cum in agris opus fieri non potest, quæ sub testis possunt, tunc conficienda antelucano tempore hiberno. Quæ dixi, scripta & posita habere in villa oportet, maxime ut vilicus norit.

XXXVII. Dies lunares quoque observandi, qui quodammodo bipartiti. Quod nova luna crescit ad plenam, & inde rursus ad novam lunam decrescit, quod veniat ad intermenstruum, e quo die dicitur luna esse extrema, & prima; a quo eum diem Athenis appellant *ἑνὴν καὶ νέαν, τριακάδα* alii. quædam faciunda in agris potius crescente luna, quam senescente: quædam contra, quæ metas, ut frumenta, & cæduam silvam. Ego ista etiam, inquit AGRASIUS, non solum in ovibus tondendis, sed in meo capillo a patre acceptum servo, ni decresciente luna tondens calvus fiam. AGRIVS, Quemadmodum, inquit, luna quadripartita? & quid ea divisio ad agros pollet? TREMELLIUS, Nunquam rure audisti, inquit, octavo Janam [lunam] & crescentem, & contra senescentem; & quæ crescente luna fieri oporteret, [&] tamen quædam melius fieri post octavo Janam [lunam,] quam ante? & si quæ senescente fieri conveniret, melius, quanto minus haberet ignis id astrum? Dixi de quadripartita forma culturæ agri. STOLO, Est altera, inquit, temporum divisio conjuncta quodammodo cum sole & luna, quæ in sex partita, quod omnis fere fructus quinto denique gradu pervenit ad perfectum, ac videt in villa dolium, ac modium, unde sexto prodit ad usum. Primo præparandum, secundo serendum, tertio nutricandum, quarto legendum, quinto condendum, sexto promendum. Ad alia in præparando, faciendi scrobes, aut repastinandum, aut sulcandum, ut si arbustum aut pomarium facere velis. ad alia arandum, aut fodiendum, ut si segetes

instituas. ad quædam bipalio vertenda terra, plus aut minus, aliæ enim radices angustius diffundunt, ut cupressi, aliæ latius, ut platani, usque eo, ut Theophrastus scribat, Athenis in Lyceo, cum etiam tunc platanus novella esset, radices trium & triginta cubitorum egisse. Quædam si bubus & aratro proscideris, & iterandum ante, quam semen jaces. Item præparatio si quæ sit in pratis, id est, ut defendantur a pastione, quod fere observant a piro floreute: si irrigua sunt, ut tempestive irrigentur.

XXXVIII. Quæ loca in agro stercorenda videntur, & qui, & quo genere potissimum facias: nam discrimina ejus aliquot. Stercus optimum scribit esse Cassius volucrum, præter palustrium ac nannium. De hisce præstare columbinum, quod sit calidissimum, ac fermentare possit terram. Id ut semen aspergi oportere in agro, non ut de pecore acervatim poni. Ego arbitror præstare ex aviariis turdorum ac merularum, quod non solum ad agrum utile, sed etiam ad cibum ita bubus ac suibus, ut fiant pingues. Itaque qui aviaria conducunt, si caveat dominus, stercus ut in fundo maneat, minoris conducunt, quam ii, quibus id accedit. Cassius secundum columbinum scribit esse hominis. Tertio caprinum, & ovillum, & afininum. Minime bonum equinum, sed in fegetes. in prata enim vel optimum, ut ceterarum veterinarum, quæ ordeo pascuntur, quod multam facit herbam. Sterquilinum secundum villam facere oportet, ut quam paucissimis operis egeratur. In eo si in medio robusta aliqua materia sit depacta, negant serpentem nasci.

XXXIX. Sationis autem gradus secundus hanc habet naturam, ad quod tempus cujusque seminis apta sit ad ferendum. Nam refert in agro, ad quam partem coeli quisque locus spectet, sic ad quod quæque tempus res facillime crescat. Nonne videmus alia florere verno tempore, alia æstivo: neque eadem autumnali, quæ hiberno? Itaque alia feruntur, atque inferuntur, & metuntur ante, aut post, quam alia; & cum pleraque vere melius, quam autumno inferantur, circiter solstitium inferi ficos, nec non brumalibus diebus cerasos. Quare cum semina fere quatuor sint generum, * quæ transferuntur e terra in terram, viviradices; quæ ex arboribus demta dimittitur in humum; quæ inferuntur ex arboribus in arbores; de singulis rebus videndum, quæ quoque tempore locoque facias.

XL. Primum semen, quod est principium genendi, id duplex: unum, quod latet nostrum sensum; alterum, quod apertum. latet, si sunt semina in aere, ut ait physicus Anaxagoras; & si aqua, quæ influit in agrum, inferre solet, ut scribit Theophrastus. Illud, quod apparet ad agricolas, id videndum diligenter. quædam enim ad genendum [propterea] usque adeo parva, ut sint obscura, ut cupressi. non enim galbuli, qui nascuntur, id est tanquam pilæ parvæ corticiæ id semen; sed in iis intus, Primi-genia semina dedit natura, reliqua invenit experientia coloni. Num prima, quæ sine colono, priusquam fata, nata; secunda, quæ ex iis collecta, neque priusquam fata, nata. Prima semina videre oportet, ne vetustate sint exsucta, aut ne sint ad-

mixta, aut ne propter similitudinem sint adulterina. Semen vetus tantum valet in quibusdam rebus, ut naturam commutet. nam ex semine brassicæ veteri sato, nasci ajunt rapa, & contra ex raporum brassicam. Secunda semina videre oportet, ne unde tollas, nimium cito, aut tarde tollas. * Tempus enim idoneum, quod scribit Theophrastus, vere & autumnus, & caniculæ exortu: neque omnibus locis ac generibus idem. In sicco & macro loco, & argilloso, vernum tempus idoneum, quo minus habet humoris. In terra bona ac pingui, autumnus, quod vere multus humor, quam saturationem quidam meriuntur fere diebus xxx. Tertium genus seminis, quod ex arbore per surculos defertur in terram, sic in humum demittitur, ut in quibusdam tamen sit videndum, ut eo tempore sit deplantatum, quo oportet. id enim fit antequam gemmare aut florere quid incipit: & quæ de arbore transferas, ut ea deplantes potius, quam defringas: quod plantæ solum stabilius, quo latius, ut radices facilius mittat. ea celeriter, antequam fucus exarescat, in terram demittunt. Demum in oleagineis seminibus [arbores] videndum, ut sit de tenero ramo ex utraque parte æquabiliter præcisum, quas alii clavolas, alii taleas appellant, ac faciunt circiter pedales. Quartum genus seminis, quod transit ex arbore in aliam. Videndum, qua ex arbore in quam transferatur, & quo tempore, & quemadmodum obligetur. non enim pirum recipit quercus; neque enim si malus pirum. Hoc sequuntur multi, qui aruspices audiunt multum, a quibus proditum, in singulis arboribus

quot genera insita sint, uno ictu tot fulmina fieri illud, quod fulmen concepit. si in pirum silvaticam infereris pirum quamvis bonam, non fore tam jucundum, quam si in eam, quæ silvestris non sit. In quamcunque arborem inferas, si ejusdem generis est dumtaxat, ut sit utraque malus, ita inferere oportet referentem ad fructum, meliori genere ut sit furculus, quam est, quo veniat, arbor. Est altera species ex arbore in arborem inferendi nuper animadversa in arboribus propinquis. Ex arbore, e qua quis vult habere furculum, in eam, quam inferere vult, ramulum traducit, & in ejus ramo præciso, ac diffisso implicat eum locum, qui contingit. ex utraque parte, quod intro est, falce extenuatur, ita ut ex una parte, quod coelum visurum est, corticem cum cortice exæquatum habeat. Ejus ramuli, quem infereret, cacumen ut directum sit ad coelum, curat. Postero anno cum comprehendit, unde propagatum est, [ab altera arbore] præcidit.

XLI. Quo tempore quæque transferas, hæc in primis videnda, quod quæ prius verno tempore inferebantur, nunc etiam solstitiali, ut ficus, quod densa materia non est, & ideo sequitur caldorem. A quo fit, ut in locis frigidis ficeta fieri non possint. Aqua recenti insito inimica. tenellum enim cito facit putre. Itaque quod inseritur caniculæ signo, commodissime existimatur inferi. quæ autem natura minus sunt mollia, vas aliquod supra alligant, unde stillet lente aqua, ne prius exarescat furculus, quam coalescat. cujus furculi corticem integrum servandum, & eum sic exacuendum, ut non denudes me-

dullam. ne extrinsecus imbres noceant, aut nimius calor, argilla oblinendum, ac libro obligandum. Itaque vitem, triduo antequam inferant, desecant, ut qui in ea nimius est humor, diffuat ante, quam inferatur. at in qua inferunt, in ea paulo infra, quam insitum est, incidunt : unde humor adventicius effluere possit. contra in fico, & malo Punica, & si qua etiam horum natura aridiora, continuo. In aliis translationibus videndum, ut quod transferat in cacumen, habeat gemmam, ut in ficis. De his [primis] quatuor generibus feminum, quædam quod tardiora, furculis potius utendum, ut in ficetis faciunt. Fici enim semen naturale intus in ea fico, quam edimus. quæ sunt minuta grana, e quibus parvis, quod enasci coliculi vix queunt. Omnia enim minuta & arida ad crescendum tarda; ea quæ laxiora, & foecundiora; ut femina, quam mas. ex proportione in virgultis item. itaque ficus, malus Punica, & vitis, propter femineam mollitiam ad crescendum prona. contra palma, & cupressus, & olea, in crescendo tarda. in hoc enim humidiora, quam aridiora. quare ex terra potius in seminariis furculos de ficeto, quam grana de fico expedit obruere: præter si aliter nequeas: ut si quando quis trans mare semina mittere, aut inde petere vult. tum enim resticulas per ficos, quas edimus, maturas perferunt, & eas, cum inaruerunt, complicant, ac quo volunt mittunt, ubi obrutæ in seminario pariant. Sic genera ficorum, Chiæ, ac Chalcidicæ, & Lydiæ, & Africanæ: item cetera transmarina in Italiam perlata. Simili de causâ oleæ semen cum sit

nucleus, quod ex eo tardius enascebatur colis, quam e taleis, ideo potius in feminariis taleas, quas dixi, serimus.

XLII. De Medica imprimis observes, ne in terram nimium aridam, aut variam, sed temperatam, semen demittas. in jugerum unum, si est natura temperata terra, seribunt opus esse Medicæ sesquimodum. id feritur ita, ut semen jactatur, quemadmodum scilicet cum pabulum & frumentum feritur.

XLIII. Cytisum feritur in terra bene subacta tanquam semen brassicæ: inde differtur, & in sesquipedem ponitur. aut etiam de cytiso duriore virgulæ deplantantur, & ita pangitur in serendo.

XLIV. Seruntur fabæ modii iv in jugero, tritici v, ordei vi, farris x. sed nonnullis locis paulo amplius, aut minus. si enim locus crassus, plus: si macer, minus. quare observabis, quantum in ea regione consuetudo erit ferendi: ut tantum facias, quantum valet regio, ac genus terræ. ut ex eodem semine aliubi, cum decimo redeat, aliubi cum quintodecimo, ut in Hetruria, & locis aliquot in Italia. in Sybaritano dicunt etiam cum centesimo redire solitum. in Syria ad Garada, & in Africa ad Byzacium item ex modio nasci centum. Illud quoque multum interest in rudi terra, an in ea seras, quæ quotannis obsita sit, quæ vocatur restibilis: an in vervacto, quæ interdum requierit. Cui AGRIVS, In Olynthia quotannis restibilia esse dicunt, sed ita ut tertio quoque anno uberiores ferant fructus. LICHNIUS, Agrum alternis annis relinqui oportet, aut paulo levioribus sationibus serere, id est, quæ mi-

nus fugunt terram. Dicitur, inquit AGRIVS, de tertio gradu, De nutritionibus, atque alimoniis eorum. LICINIUS, Quæ nata sunt, inquit, in fundo alescunt, adulta concipiunt, prægnantia cum sunt, matura pariunt poma, aut spicam : sic alia. simile ei, a quo profectum, redit semen. Itaque si florem, acerbumve pirum, aliudve quid decerpseris, in eodem loco, eodem anno, nihil renascitur, quod prægnationis idem bis habere non potest. ut enim mulieres habent ad partum dies certos, sic arbores ac fruges.

XLV. Primum plerumque e terra exit ordeum diebus VII, nec multo post triticum. legumina fere quatruiduo, aut quinque diebus, præterquam faba. ea enim serius aliquanto prodit seges. Ostendit idem milium, & sesama, & cetera similiter æquis fere diebus, præterquam si quid regio, aut tempestas vitii attulit, quo minus ita fiat. Quæ in seminario nata, si loca erunt frigidiora, quæ molli natura sunt, per brumalia tempora tegere oportet fronde, aut stramentis : si erunt imbres secuti, videndum, necubi aqua consistat. venenum enim gelum radicibus tenellis sub terra, & supra virgultis, quæ nec eodem tempore æque crescunt. nam radices auctumno, aut hieme magis sub terra, quam supra adulescunt, quod testæ terræ tepore propagantur, supra terram aere frigidior ringuntur. idque ita esse docent silvestria, ad quæ sator non accessit. nam prius radices, quam ea, quæ ex iis solent nasci, crescunt. neque radices longius procedunt, nisi quo tempore venit sol. his duplex causa, quod & radi-

cum materiam aliam, quam aliam longius projicit natura : & quod alia terra alia facilius viam dat.

XLVI. Propter ejusmodi res admiranda discrimina sunt naturalia ; quod ex quibusdam foliis propter eorum versuram, quod sit anni tempus, dici possit, ut olea, & populus alba, & salix. Horum enim folia, cum converterunt se, solstitium dicitur fuisse. nec minus admirandum, quod sit in floribus, quos vocant heliotropia, ab eo quod ad solis ortum mane spectant, & ejus iter ita sequuntur ad occasum, ut ad eum semper spectent.

XLVII. In seminario quæ furculis confita, & eorum molliora erunt natura cacumina, ut olea ac ficus, ea summa integenda binis tabellis dextra & sinistra deligatis, herbæque elidendæ, & dum teneræ sunt vellendæ. prius enim aridæ factæ rixantur, ac celerius rumpuntur, quam sequuntur. Contra herba in pratis ad spem foenificiæ nata, non modo non evellenda in nutricatu, sed etiam non calcanda, quo pecus a prato ablegandum, & omne jumentum, ac etiam homines. solum enim hominis exitium herbæ, & semitæ fundamentum.

XLVIII. In segetibus autem frumentum, quod culmus extulit. Spica ea, quæ mutilata non est, in ordeo & tritico tria habet continentia, granum, glumam, aristam : & etiam primitus spica cum oritur, vaginam. granum dictum, quod est intimum solidum. gluma, qui est folliculus ejus. arista, quæ ut acus tenuis longa eminet e gluma. proinde ut grani theca sit gluma, & apex arista. Arista & granum omnibus fere notum : gluma paucis. Itaque id

apud Ennium solum scriptum scio esse in Euhemeri libris versis. videtur vocabulum etymon habere a glubendo, quod eo folliculo deglubitur granum. itaque eodem vocabulo appellant fici ejus, quam edimus, folliculum. Arista dicta, quod arefcit prima. granum a gerendo. id enim feritur, uti spica gerat frumentum, non ut glumam aut aristam gerat: ut vitis feritur, non ut pampinum ferat, sed uvam. Spica autem, quam rustici, ut acceperunt antiquitus, vocant specam, a spe videtur nominata. eam enim quod sperant fore, ferunt. Spica mutica dicitur, quæ non habet aristam: eæ enim quasi cornua sunt spicarum, quæ primitus cum oriuntur, neque plane apparent, qua sub latent herba, ea vocatur vagina, uti qua latet conditum gladium. Illud autem summa in spica jam matura, quod est minus quam granum, vocatur frit. quod in infima spica, ad culmum stramenti summum, item minus quam granum est, appellatur urruncum.

XLIX. Cum conticuisset, nec interrogaretur de nutritu, credens nihil desiderari, Dicam, inquit, de fructibus maturis capiendis. Et ille, primum de pratis summissis, herba cum crescere desuit, & æstu arefcit, subsecari falcibus debet, & quoad perare scat, furcillis versari. cum peraruit, de his manipulos fieri, ac vehi ad villam. tum de pratis stipulam rassellis eradi, atque addere foenicicæ cumulum. Quo facto ficilienda prata, id est, falcibus consectanda, quæ foenifeces præterierunt, ac quasi herba tuberosum reliquerunt campum. A qua sectione arbitror dictum ficilire pratum.

L. Messis proprio nomine dicitur in iis, quae metimur, maxime in frumento, & ab eo esse vocabulo declinata. Frumenti tria genera sunt messionis, unum, ut in Umbria, ubi falce secundum terram succidunt stramentum; & manipulum, ut quemque subsecuerunt, ponunt in terra. ubi eos fecerunt multos, iterum eos percensent, ac de singulis secant inter spicas & stramentum: spicas conjiciunt in corbem, atque in aream mittunt. stramenta relinquunt in segete, unde tollantur in acervum. Altero modo metunt, ut in Piceno, ubi ligneum habent incurvum batillum, in quo sit extremo ferrula ferrea. hæc cum comprehendit fascem spicarum, defecat, & stramenta stantia in segete relinquit, ut postea subsecantur. Tertio modo metitur, ut sub urbe Roma, & locis plerisque, ut stramentum medium subsecant, quod manu sinistra summumprehendunt: a quo medio messem dictam puto. infra manum stramentum, quod terræ hæret, postea subsecatur. Contra, quod cum spica stramentum hæret, corbibus in aream deferitur. ubi discedit in aperto loco paleam: a quo potest nominata esse palea. Alii stramentum a stando, ut stamen, dictum putant. Alii ab stratu, quod id substernatur pecori. Cum est matura seges, metendum, cum in ea iugerum fere una opera propemodum in facili agro satis esse dicatur: messis spicas corbibus in aream deferre debent.

LI. Aream esse oportet in agro, sublimiori loco, quam perflare possit ventus. hanc esse modicam pro magnitudine segetis, potissimum rotundam, & mediam paulo extumidam, (ut, si pluerit, non consistat

aqua, & quam brevissimo itinere extra aream defluere possit. omne porro brevissimum in rotundo e medio ad extremum.) solida terra pavitam, maxime si est argilla, ne æstu pæminosa in rimis ejus grana oblitescant, & recipiant aquam, & ostia aperiant muribus ac formicis. Itaque amurcæ solent perfundere. ea enim herbarum [est inimica,] & formicarum, & talparum venenum. Quidam aream ut habeant solidam, muniunt lapide, aut etiam faciunt pavementum. nonnulli etiam tegunt areas, ut in Bagiennis, quod ibi sæpe id temporis anni oriuntur nimbi. ubi ea resecta, & loca calida, prope aream faciendum umbracula, quo succedant homines in æstu tempore meridiano.

LII. Quæ seges grandissima atque optima fuerit, seorsum in aream secerni oportet spicas, ut semen optimum habeat. E spicis in aream excuti grana. quod fit apud alios jumentis junctis, ac tribulo. id fit e tabula lapidibus, aut ferro asperata, quo imposito auriga, aut pondere grandi trahitur jumentis junctis, ut discutiat e spica grana: aut ex assibus dentatis cum orbiculis, quod vocant plostellum poenicum. In eo quis sedeat, atque agitet, quæ trahant, jumenta, ut in Hispania citeriore, & aliis locis faciunt. Apud alios exteritur grege jumentorum inacto, & ibi agitato perticis, quod ungulis e spica exteruntur grana. iis tritis, oportet e terra subjactari vallis, aut ventilabris, cum ventus spirat lenis: ita fit, ut, quod levissimum est in eo, atque appellatur acus, evannatur foras extra aream, ac frumentum, quod est ponderosum, purum veniat ad corbem.

Scriptt. R. R. Vol. I.

K

LIII. Messe facta, spicilegium venire oportet, aut domi legere stipulam : aut si sunt spicæ raræ, & operæ caræ, compasci. Summa enim spectanda, ne in ea re sumtus fructum superet.

LIV. In vinetis uva cum erit matura, vindemiam ita fieri oportet, ut videas, a quo genere uvarum, & a quo loco vineti incipias legere. nam & præcox, & miscella, quam vocant nigram, multo ante coquitur; quo prior legenda : & quæ pars arbuti ac vineæ magis aprica, prius debet descendere de vite. In vindemiam diligentius uva non solum legitur ad bibendum, sed eligitur ad edendum. Itaque lectius deferitur in forum vinarium, unde in dolium inane veniat : electa in secretam corbulam, unde in ollulas addatur, & in dolia plena vinaceorum contrudatur. alia, quæ in piscinam in amphoram picatam descendat. alia, quæ in aream, ut in carnarium ascendat. Quæ calcatæ uvæ erunt, earum scopi cum folliculis subjiciendi sub prelum, ut, si quid reliqui habeant musti, exprimatur in eundem lacum. Cum desit sub prelo fluere, quidam circumcidunt extrema, & rursus premunt : & rursus cum expressum, circumcisitum appellant, ac seorsum, quod expressum est, servant, quod resipit ferrum. expressi acinorum folliculi in dolia conjiciuntur, eoque aqua additur : ea vocatur lora, quod lota acina, ac pro vino operariis datur hieme.

LV. De oliveto. oleam quam manu tangere possis e terra, ac scalis, legere oportet potius quam quatere, quod ea, quæ vapulavit, macescit, nec dat tantum olei. quæ manu stricta, melior ea, quæ di-

gitis nudis legitur, quam illa quæ cum digitalibus. durities enim eorum non solum stringit bacam, sed etiam ramos glubit, ac relinquit ad gelicidium re-rectos. Qui manu tangi non poterunt, ita quati debent, ut arundine potius, quam pertica feriantur. gravior enim plaga medicum quærit. Qui quatiet, ne adversam cædat. sæpe enim ita percussa olea secum defert de ramulo plantam. quo facto, fructum amittunt posteri anni. ut hæc non mihi causa, quod oliveta dicant alternis annis non ferre fructus, aut non æque magnos. Olea ut uva per idem bivium redit in villam, alia ad cibum eligitur, alia ut eliquescat, ac non solum corpus intus unguat, sed etiam extrinsecus : itaque dominum & balneas, & gymnasium sequitur. Hæc, de qua fit oleum, congeri solet acervatim per dies singulos in tabulata, uti ibi mediocriter fracescat, ac primus quisque acervus demittatur per serias, ac vasa olearia ad trapeza, in quæ eam terent molæ oleariæ duro & aspero lapide. Olea lecta si nimium diu fuit in acervis, calore fracescit, & oleum foetidum fit. Itaque si nequeas mature conficere, in acervis jactando ventilare oportet. Ex olea fructus duplex: oleum, quod omnibus notum, & amurca, cujus utilitatem quod ignorant plerique, licet videre e torculis oleariis fluere in agros, ac non solum denigrare terram, sed multitudine facere sterilem: cum is humor modicus, cum ad multas res, tum ad agriculturam pertineat vehementer, quod circum arborum radices infundi solet, maxime ad oleam, & ubicunque in agro herba nocet.

LVI. AGRIVS, Jamdudum, inquit, in villa sedens exspecto cum clavi te, STOLO, dum fructus in villam referas. Ille, Em quin adsum. venio, inquit, ad limen, fores aperi. Primum fœnificiæ conduntur melius sub tecto, quam in acervis, quod ita fit jucundius pabulum. ex eo intelligitur, quod pecus utroque posito libentius est.

LVII. At triticum condi oportet in granaria sublimia, quæ perflectur vento ab exortu, ac septemtrionum regione, ad quæ nulla aura humida ex propinquis locis adspiret. parietes & solum opere teatro marmorato loricandi: si minus, ex argilla mixto acere e frumento, & amurca, quod murem & vermem non patitur esse, & grana facit solidiora, ac firmiora. quidam ipsum triticum conspergunt, cum addant in circiter mille modium quadrantal amurcæ. Item alius aliud adfriat, aut aspergit, ut Chalcidicam aut Caricam cretam, aut absinthium. item hujus generis alia. Quidam granaria habent sub terris, speluncas, quas vocant *σσιποδες*, ut in Cappadocia, ac Thracia. alii, ut in Hispania citeriore, puteos, ut in agro Carthaginiensi, & Oscanis. Horum solum paleis substernunt: & curant, ne humor, aut aer tangere possit, nisi cum promitur ad usum. quo enim spiritus non pervenit, ibi non oritur curculio. Sic conditum triticum manet vel annos quinquaginta: milium vero plus annos centum. Supra terram granaria in agro quidam sublimia faciunt, ut in Hispania citeriore, & in Apulia. Quidam quæ non solum a lateribus per fenestras, sed etiam subtus a solo ventus regere possit.

LVIII. Faba, legumina in oleariis vasis oblita cinere per diu incolumia servantur. Cato ait, uvam Aminneam minusculam, & majorem, & Apiciam in ollis commodissime condi. eadem in sapa, & musto recte. quas suspendas opportunissimas esse duracinas, & Aminneas, & Scantianas.

LIX. De pomis: conditiva mala struthea, cotonea, Scantiana, Quiriniana, orbiculata, & quæ antea mustea vocabant, nunc melimela appellant, hæc omnia in loco arido, & frigido supra paleas posita servari recte putant. Et ideo oporothecas qui faciunt, ad aquilonem ut fenestras habeant, atque ut eæ perflentur, curant. neque tamen sine foriculis: ne, cum humorem amiserint pertinaci vento, vieta fiant. Ideoque in iis, camaras marmorato, & parietes, pavimentaue [laudabiliter] faciunt, quo frigidius sit: in quo etiam quidam triclinium sternere solent cœnandi causa. Etenim in quibus luxuria concesserit, ut in pinacotheca faciant, quod spectaculum datur ab arte, cur non quod natura datum utantur in venustate disposita pomorum? præsertim quidem, cum id non sit faciendum, quod quidam fecerunt, ut Romæ coemta poma rus intulerint in oporothecen instruendam convivii causa. In oporotheca mala manere putant satis commode: alii in tabulis, ut in opere marmorato, alii substrata palea, vel etiam floccis: mala Punica demissis suis furculis in dolio arenæ: mala cotonea, struthea in pensilibus junctis: contra in sapa condita manere pira Aniciana, & fementiva. sorba quidam dissecta, & in sole macerata, ut pira; & sorba per

se ubicunque sint posita in arido facile durare. Servare rapa confecta in sinape, nuces juglandes in arena, Punica mala & in arena jam decerpta, ac matura, ut dixi, & etiam immatura cum hærent in sua virga, si demiseris in ollam sine fundo, eamque si conjeceris in terram, & obteris circum ramum, si extrinsecus spiritus afflet, ea non modo integra eximi, sed etiam majora, quam in arbore unquam pependerit.

LX. De olivitate: oleas esui optime condi scribit Cato, orchites, & pauseas aridas, vel virides in muria, vel lentisco contusas. Orchites nigras, sale si sint confricatæ dies quinque, & tum sale excusso, biduum si in sole positæ fuerint, manere idoneas solere: easdem sine sale in defrutum condire.

LXI. Recte amuream periti agricolæ tam in doiliis condunt, quam oleum, aut vinum. Ejus conditio, cum expressa effluxit, quod statim de ea decoquantur duæ partes, & refrigeratum conditur in vasa. Sunt item aliæ conditiones, ut ea, in qua adjicitur mustum.

LXII. Quod nemo fructus condit, nisi ut promat, de eo quoque vel sexto gradu animadvertenda pauca. Promunt condita aut propterea, quod sint tuenda, aut quod utenda, aut quod vendenda. Ea quæ dissimilia sunt inter se, aliud alio tempore tuendum, & utendum.

LXIII. Tuendi causa promendum id frumentum, quod curculiones exesse incipiunt. id enim cum promptum est, in sole ponere oportet aquæ catinos,

quod eo conveniunt, ut ipsi se necent, curculiones. Sub terra qui habent frumentum in iis, quos vocant *σείποδες*, quod cum periculo introitur recenti apertione, ita ut quibusdam sit interclusa anima, aliquanto post promere, quam aperueris, oportet. Far, quod in spicis condideris per messem, & ad usus cibatus expedire velis, promendum hieme, ut in pistrino pisetur, ac torreatur.

LXIV. Amurca cum ex olea expressa, qui est humor aquatilis, ac retrimentum conditum in vas fictile, id quidam sic solent tueri diebus xv, eo, quod est levissimum ac summum, deflatum ut trajiciant in alia vasa, & hoc idem intervallis, duodecies sex mensibus proximis, item faciant. Cum id novissime, potissimum trajiciant, cum senescit luna. tunc decoquunt in ahenis levi igni duas partes quoad regerunt, tum denique ad usum recte promitur.

LXV. Quod mustum conditur in dolium, ut habeamus vinum, non promendum dum fervet, neque etiam cum processit ita, ut sit vinum factum. Si vetus bibere velis. quod non fit ante, quam accesserit annus, tum, cum fuerit anniculum, prodit. Si vero est ex eo genere uvæ, quod mature coalescat, ante vindemiam consumi, aut venire oportet. Genera sunt vini, in quo Falerna, quæ quanto plures annos condita habuerunt, tanto, cum promta, sunt fructuosiora.

LXVI. Oleas albas, quas condideris novas, si celeriter promas, nisi condideris, propter amaritudinem illas respuit palatum. Item nigras, nisi

prius eas sale maceraris, ut libenter in os recipiantur.

LXVII. Nucem juglandem, & palmulam, & ficum Sabinam quanto citius promas, jucundius utare, quod vetustate ficus fit pallidior, palmula cariosior, nux aridior.

LXVIII. Pensilia, ut uvæ, mala, & sorba, ipsa ostendunt, quando ad usum oporteat promi: quod colore mutato & contractu acinorum, si non demeris ad edendum, ad abjiciendum descensurum se minitantur. Sorbum maturum mite conditum citius promi oportet: acerbum enim suspensum lentius est. quod prius domi maturitatem assequi vult, quam nequit in arbore, quam mitescat.

LXIX. Messum far promendum hieme in pistri-
no ad torrendum, quod ad cibatum expeditum esse
velis. Quod ad sationem, tum promendum, cum
segetes maturæ sunt ad accipiendum. Item quæ per-
tinent ad sationem, suo quoque tempore promen-
da. Quæ vendenda, videndum, quæ quoque tem-
pore oporteat promi. alia enim, quæ manere non
possunt, antequam se commutent, ut celeriter pro-
mas, ac vendas: alia, quæ servari possunt, ut tum
vendas, cum caritas est. sæpe enim diutius servata
non modo usuram adjiciunt; sed etiam fructum du-
plicant, si tempore promas. Cum hæc diceret STO-
LO, venit libertus æditumi ad nos flens, & rogat,
ut ignoscamus quod simus retenti, & ut ei in fu-
nus postridie prodeamus. Omnes confurgimus, ac
simul exclamamus, Quid? in funus? quod funus?
quid est factum? Ille flens narrat, ab nescio quo

percussum cultello concidisse, quem qui esset, animadvertere in turba non potuisse, sed tantummodo exaudisse vocem, perperam fecisse. Ipse, cum patronum domum sustulisset, & pueros dimisisset, ut medicum requirerent, ac mature adducerent; quod potius illud administrasset, quam ad nos venisset, æquum esse sibi ignosci. Nec si eum servare non potuisset, quin non multo post animam efflaret, tamen putare se fecisse recte. Non moleste ferentes descendimus de æde, & de casu humano magis querentes, quam admirantes id Romæ factum, discimus omnes.

M. TERENTII VARRONIS
RERUM RUSTICARUM
DE RE PECUARIA
LIBER SECUNDUS.

VIRI magni nostri majores non sine causa præponebant rusticos Romanos urbanis. ut ruri enim, qui in villa vivunt ignaviores, quam qui in agro versantur in aliquo opere faciundo: sic qui in oppido sedèrent, quam qui rura colerent, desidiosiores putabant. Itaque annum ita diviserunt, ut nonis modo diebus urbanas res usurparent, reliquis VII ut rura colerent. Quod dum servaverunt institutum, utrumque sunt consecuti, ut & cultura agros fœcundissimos haberent, & ipsi valetudine firmiores essent: ac ne Græcorum urbana desiderarent gymnasia, quæ nunc vix satis singula sunt: nec putant, se habere villam, si non multis vocabulis retineant Græcis, cum vocent particulatim loca, προκοιτῶνα, παλαίστραν, ἀποδυτήριον, περίστυλον, ὀρνιθῶνα, περιστερεῶνα, ὀπωροθήκην. Igitur quod nunc intra murum fere patres familiæ correpserunt relictis falce & aratro, & manus movere maluerunt in theatro ac circo, quam in segetibus ac vinetis, frumentum lo-

camus, qui nobis advehat, qui saturi fiamus ex Africa, & Sardinia: & navibus vindemiam condimus ex insula Coa & Chia. Itaque in qua terra culturam agri docuerunt pastores progeniem suam, qui condiderunt urbem, ibi contra progenies eorum, propter avaritiam, contra leges, ex segetibus fecit præta, ignorantes non idem esse agriculturam, & pastionem. alius enim opilio, & arator: nec si possit in agro pasci, armentarius non aliud ac bubulcus. Armentum enim id, quod in agro natum non creat, sed tollit dentibus. contra, bos domitus causa fit, ut commodius nascatur frumentum in segete, & pabulum in novali. Alia, *inquam*, ratio ac sciencia coloni, alia pastoris. coloni, ut ea, quæ in agricultura nascantur e terra, fructum faciant. contra pastoris, ut ea, quæ nata ex pecore. quarum quoniam societas inter se magna, propterea quod pabulum in fundo compascere, quam vendere plerumque magis expedit domino fundi; & sterco ratio ad fructus terrestres aptissima, & maxime ad id pecus appositum: qui habet prædium, habere utramque debet disciplinam, & agriculturæ, & pecoris pascendi, & etiam villaticæ pastionis. Ex ea enim quoque fructus tolli possunt non mediocres, ex ornithonibus, ac leporariis, & piscinis. E quibus quoniam de agricultura librum Fundaniæ uxori propter ejus fundum feci: tibi, Niger Turrani noster, qui vehementer delectaris pecore, propterea quod te emturientem in campos Macros ad mercatum adducunt crebro pedes, quo facilius sumtibus multa poscentibus ministres, quod eo facilius faciam,

quod & ipse pecuarias habui grandes, in Apulia oviarias, & in Reatino equarias: [Qua] de re pecuaria breviter ac summatim percurram, & sermonibus nostris collatis cum iis, qui pecuarias habuerunt in Epeiro magnas, tum cum piratico bello inter Delum & Siciliam Græciæ classibus præessem, incipiam hinc.

I. Cum Menates discessisset, COSSINIUS mihi, Nos te non dimittemus, inquit, antequam tria illa explicaris, quæ coeperas nuper dicere, cum fumus interpellati. Quæ tria, inquit MURRIUS? An ea, quæ mihi heri dixisti de pastoricia re? Ista, *inquit ille*, quæ coeperat hic differere, quæ esset origo, quæ dignitas, quæ ars; cum Petam fessum visere venissemus, ni medici adventus nos interrupisset. Ego vero, *inquam*, dicam dumtaxat, quod est *ιστορικόν*, de duabus rebus primis, quæ accepi, de origine & dignitate. de tertia parte, ubi est de arte, Scrofa suscipiet: ut semigræcis pastoribus dicam Græce, ——— ὅσπερ μου πολλὸν ἀμείνων. Nam is magister C. Lucilii Hipri generi tui, cujus nobiles pecuariæ in Brutiis habentur. Sed hæc ita a nobis accipietis, inquit SCROFA, ut vos, quis estis Epirotici, pecuarii athletæ, remuneremini nos, ac quæ scitis, proferatis in medium. Nemo enim omnia potest scire. Cum accepissem conditionem, ut meæ partes essent primæ, (non quo non ego pecuarias in Italia habeam, sed non omnes, qui habent citharam, sunt citharoedi.) Igitur, *inquam*, & homines & pecua cum semper fuisse sit necesse natura, (sive enim aliquod fuit principium generandi animalium,

it putavit Thales Milesius, & Zéno Cittieus : five
 contra principium horum exstitit nullum, ut cre-
 didit Pythagoras Samius, & Aristoteles Stagerites)
 necesse est humanæ vitæ a summa memoria grada-
 tim descendisse ad hanc ætatem, ut scribit Dicæar-
 chus : & summum gradum fuisse naturalem, cum
 viverent homines ex iis rebus, quæ inviolata ultro
 ferret terra : ex hac vita in secundam descendisse pa-
 storiciam, e feris atque agrestibus, ut ex arboribus
 ac virgultis decerpando glandem, arbutum, mora,
 pomaque colligerent ad usum ; sic ex animalibus,
 cum propter eandem utilitatem, quæ possent, sil-
 vestria deprehenderent, ac concluderent, & man-
 fuescerent. In quæ primum non sine causa putant
 oves assumtas, & propter utilitatem, & propter pla-
 ciditatem. maxime enim hæ natura quietæ ; & aptis-
 simæ ad vitam hominum. ad cibum enim lacte &
 caseum adhibitum, ad corpus vestitum & pelles
 attulerunt. Tertio denique gradu a vita pastorali ad
 agriculturam descenderunt. in qua ex duobus gra-
 dibus superioribus retinuerunt multa. & quo de-
 scenderant, ibi processerunt longe, dum ad nos per-
 veniret. Etiam nunc in locis multis genera pecudum
 ferarum sunt aliquot, ut in Phrygia ex ovibus, ubi
 greges videntur complures ; ut in Samothrace ca-
 prarum, quas Latine rotas appellant. sunt enim in
 Italia, circum Fiscellum & Tetricam montes, mul-
 tæ. De suis nemini ignotum, nisi qui apros non
 putat suos vocari. Boves perferi etiam nunc sunt
 multi in Dardania, & Media, & Thracia. Agni feri
 in Phrygia, & Lycaonia. Equi feri in Hispaniæ ci-

terioris regionibus aliquot. Origo, quam dixi: dignitas, quam dicam. De antiquis illustrissimus quisque pastor erat, ut ostendit Græca & Latina lingua, & veteres poetæ, qui alios vocant *πολύαρνας*, alios *πολυμήλους*, alios *πολυβούτας*, qui ipsas pecudes propter caritatem aureas habuisse pelles tradiderunt, ut Argis Atreus, quam sibi Thyestem subduxe queritur: ut in Colchide Æeta, ad cuius arietis pellem profecti regio genere dicuntur Argonautæ: ut in Libya ad Hesperidas, unde aurea mala, id est, secundum antiquam consuetudinem, capras & oves, [quas] Hercules ex Africa in Græciam exportavit. Ea enim sua voce Græci appellarunt *μῆλα*. Nec multo secus nostri ab eadem voce, sed ab alia litera. vox earum non me, sed bee sonare videtur. oves beelare vocem efferentes: a quo beelare dicunt, extrita litera, ut in multis. Quod si apud antiquos non magnæ dignitatis pecus esset, in coelo describendo astrologi non appellassent eorum vocabulis signa, quæ non modo non dubitarunt ponere, sed etiam ab his principibus XII signa multi numerant: ut ab ariete & tauro, cum ea præponerent Apollini & Herculi. ii enim Dii ea sequuntur, sed appellantur Gemini. Nec satis putarunt de XII signis sextam partem obtinere pecudum nomina, nisi adiecissent, ut quartam tenerent, capricornum. Præterea a pecuariis addiderunt capram, hædos, canes. An non etiam item in mari terraque ab his regionum notæ? [a pecore] in mari, quod nominaverunt a capris Ægeum pelagus: ad Syriam montem Taurum: in Sabinis Canterium montem:

Bosphorum unum Thracium, alterum Cimmerium. Nohne in terris multa, ut oppidum in Græcia *ἡ-
πιον ἄργος*? Denique Italia a vitulis, ut scribit Piso. Romanorum vero populum a pastoribus esse ortum, quis non dicit? quis Faustulum nescit pastorem fuisse nutricium, qui Romulum & Remum educavit? non ipsos quoque fuisse pastores obtinebit, quod parilibus potissimum condidere urbem? non idem, quod multa etiam nunc ex vetere instituto bubus & ovibus dicitur? & quod æs antiquissimum, quod est flatum, pecore est notatum? Et quod urbs cum condita est, tauro, & vacca, qui essent muri & portæ definitum? Et quod populus Rom. cum lustratur, suovitautilibus circumaguntur verres, aries, taurus? Et quod nomina multa habemus ab utroque pecore: a majore, & a minore? A minore, Porcius, Ovinus, Caprilus: sic a majore Equitius, Taurus cognomina assignificari, quod dicuntur ut Annii Capræ, Statilii Tauri, Pomponii Vituli: sic a pecudibus alii multi. Reliquum est de scientia pastoralis, de qua est dicendum. quod, Scrofa noster, cui hæc ætas defert rerum rusticarum omnium palmam, quo melius potes, dice. Cum convertissent in eum ora omnes; SCROFA, Igitur, inquit, est scientia pecoris parandi, ac pascendi, ut fructus quam possint maximi capiantur ex ea, a quibus ipsa pecunia nominata est. nam omnis pecuniæ pecus fundamentum. Ea partes habet novem discretas, ter ternas: ut sit una de minoribus pecudibus: cujus genera tria, ovis, capra, sus. altera de pecore majore, in quo sunt item ad tres species

natura discreti, boves, asini, equi. tertia pars est in pecuaria, quæ non paratur, ut ex iis capiatur fructus, sed propter eam, aut ex ea sint, muli, canes, pastores. Harum unaquæque in se generales partes habet novenas, quarum in pecore parando necessariae quatuor; alteræ in pascendo totidem; præterea communis una. Ita fiunt omnes partes minimum octoginta & una, & quidem necessariae, nec parvæ. Primum ut bonum pares pecus, unum scire oportet, qua ætate quamque pecudem parare, habereque expediat. Itaque in bubulo pecore minoris emitis anniculam & supra decem annorum, quod a bima, aut trima fructum ferre incipit, neque longius post decimum annum procedit. Nam prima ætas omnis pecoris, & extrema, sterilis. E quatuor altera pars est cognitio formæ uniuscujusque pecudis, qualis sit. Magni enim interest, cuiusmodi quæque sit, ad fructum. Ita potius bovem emunt cornibus nigrantibus, quam albis: capram amplam, quam parvam: fues procero corpore, capitibus ut sint parvis. Tertia pars est, quo sint seminio quærendum. Hoc nomine enim asini Arcadici in Græcia nobilitati, in Italia Reatini, usque eo, ut mea memoria asinus venierit sextertiis millibus LX; & unæ quadrigæ Romæ constiterint quadringentis millibus. Quarta pars est [de jure in parando:] quemadmodum quamque pecudem emi oporteat civili jure. Quod enim alterius fuit, id ut fiat meum, necesse est aliquid intercedere. Neque in omnibus satis est stipulatio, aut solutio numorum ad mutationem domini. In emtione alias stipulan-

dum statim, esse e valetudinario, alias e sano pecore, alias e neutro. Alteræ partes quatuor sunt, cum jam emeris, observandæ, de pastione, de foetura, de nutrîcatu, de sanitate. Pascendi primus locus qui est, ejus ratio triplex. In qua regione quamque potissimum pascas, & quando, & queis? ut capras in montosis potius locis & fruticibus, quam in herbidis campis; equas contra. neque eadem loca, æstiva & hiberna, idonea omnibus ad pascendum. Itaque greges ovium longe abiguntur ex Apulia in Samnium æstivatum, atque ad publicanum profectur, ne, si inscriptum pecus paverint, lege censoria committant. Muli e Rosea campestri ætate exiuntur in Gurgures altos montes. Qui potissimum quæque pecudum pascatur, habenda ratio. nec solum, quod fœno sit satura equa, aut bos, cum sues hoc vitent, & quærant glandem: sed quod ordeum & faba interdum sit quibusdam objiciendum, & dandum bubus lupinum, & lactariis Medica, & cytisum. præterea quod ante admissuram diebus xxx arietibus ac tauris datur plus cibi, ut vires habeant: feminis bubus demitur, quod macerantes melius concipere dicuntur. Secunda pars est de foetura. Nunc appello foeturam a conceptu ad partum: hi enim prægnationis primi & extremi fines. quare primum videndum de admissione, quo quæque tempore, ut ineant, facere oporteat. nam, ut suillo pecori a favonio ad æquinoctium vernali putant aptum, sic ovillo ab arcturi occasu, usque ad aquilæ occasum. Præterea habenda ratio, quanto antequam incipiat admissura fieri, mares a feminis se-

cretos habeant: quod fere in omnibus binis mensibus ante faciunt & armentarii, & opiliones. Altera pars est in foetura, quæ sint observanda, quod alia alio tempore parere solet. equa enim ventrem fert XII menses, vacca decem, ovis & capra quinos, sus quatuor. In foetura res incredibilis est in Hispania, sed est vera, quod in Lusitania ad oceanum in ea regione, ubi est oppidum Olyssippo, monte Tagro, quædam e vento concipiunt certo tempore equæ, ut hic gallinæ quoque solent, quarum ova *ὀρνέμια* appellant. Sed ex his equis qui nati pulli, non plus triennium vivunt. Quæ nata sunt matura, & chorda, ut pure & molliter stent, videndum, & ne obterantur. Dicuntur agni chordi, qui post tempus nascuntur, ac remanserunt in volvis intimis. vocant *χορίον*, a quo chordi appellati. Tertia res est, de nutritu quid observari oporteat, in quo, quot diebus matris fugant mammam, & id quo tempore, & ubi: & si parum habet lactis mater, ut subjiciat sub alterius mammam, qui appellantur subrumi, id est sub mamma. antiquo enim vocabulo mamma rumis, ut opinor. Fere ad quatuor menses a mamma non dijunguntur agni, hoedi tres, porci duo. e queis, quoniam puri sunt ad sacrificium, ut immolentur, olim appellati sacres, quos appellat Plautus, cum ait, Quanti sunt porci sacres? sic boves altiles, ad sacrificia publica faginati, dicuntur opimi. Quarta pars est de sanitate: res multiplex, ac necessaria; quod morbosum pecus, & vitiosum, & quando non valet, sæpe magna gregem afficit calamitate. Cujus scientiæ ge-

nera duò : unum ut in hominem , ad quem adhibendi medici ; alterum , quo ipse etiam pastor diligens mederi possit. Ejus partes sunt tres. nam animadvertendum , quæ cujusque morbi sint causæ , quæque signa earum causarum sint , & quæ quemque morbum ratio curandi sequi debeat. Fere morborum causæ erunt , quod laborant propter æstus , aut propter frigora , nec non etiam propter nimium laborem , aut contra , propter nullam exercitationem , aut si , cum exercueris , statim sine intervallo cibum aut potionem dederis. Signa autem sunt , ut eorûm , qui sive ex æstu , sive e labore febrem habent , adæptum os , humido spiritu crebro , & corpore calido. Curatio autem , cum hic est morbus , hæc. perfunditur aqua , & perungitur oleo & vino tepéfacto , & item cibo sustinetur , & injicitur aliquid , ne frigus cædat , sitienti aqua tepida datur. Si hoc genus rebus non proficitur , dimittitur sanguis , maxime e capite. Item ad alios morbos aliæ causæ ; etiam alia signa in omni pecore , quæ scripta habere oportet magistrum pecoris. Relinquitur novum , quod dixi , de numero , utriusque partis commune. Nam & qui parat pecus , necesse est constituat numerum , quot greges , & quanto sit pasturus , ne aut saltus defint , aut supersint , & ideo fructus dispereant. Præterea scire oportet , in grege quot feminas habeat , quæ parere possunt , quot arietes , quot utriusque generis soboles , quot rejiculæ sint alienandæ. In alimoniis , si sunt plures nati , ut quidam faciunt , sequendum , ut quosdam subducas , quæ res facere solet , ut reliqui melius crescant. Vi-

de, inquit ATTICUS, ne te fallat, & novenæ istæ partes non exeant extra pecoris minoris ac majoris nomen. Quo pacto enim erunt in mulis & pastribus novenæ partes, ubi nec admissuræ, nec foeturæ observantur? In canibus enim video posse dici. Sed do etiam in hominibus posse novenarium retineri numerum, quod in hibernis habent in villis mulieres, quidam etiam in æstivis, & id pertinere putant, quo facilius ad greges pastores retineant, & puerperio familiam faciant majorem, & rem pecuariam fructuosiore. Si, *inquam*, numerus non est, ut sit ad amissum, ut non est, cum dicimus mille naves iisse ad Trojam, centumvirale esse iudicium Romæ: deme (si vis) duas res de mulis, admissuram & parturam. VACCIUS, Parturam, inquit? proinde ut non aliquoties dicatur Romæ peperisse mulam. Cui *ego* ut succinerem, subjicio, Magonem & Dionysium scribere, mulam, & equam, cum conceperint, duodecimo mense parere. Quare non, si hic in Italia cum peperit mula sit portentum, assentiri omnes terras. Neque enim hirundines & ciconiæ, quæ in Italia pariunt, in omnibus terris pariunt. Non scitis palmulas, caryotas in Syria parere in Judæa, in Italia non posse? Sed SCROFA, Si exigere mavis sine mularum foetura & nutritu numerum octoginta & unum, est qui expleas duplicem istam lacunam: quod extraordinariæ fructuum species duæ accedunt magnæ. quarum una est tonsura, quod oves ac capras detondent, aut vellunt: altera, quæ latius patet, est de lacte, & caseo, quam scriptores Græci separatim τυροποιία

appellaverunt, ac scripserunt de ea re permulta.

II. Sed quoniam nos nostrum pensum absolvimus, ac limitata est pecuaria quæstio: nunc rursus vos reddite nobis, o Epeirotæ, de unaquaque re, ut videamus, quid pastores a Pergamide, Maledove potis sint. ATTICUS, qui tunc T. Pomponius, nunc Q. Cæcilius cognomine eodem, Ego opinor, inquit, incipiam primus, quoniam in me videre coniecisse oculos: & dicam de primigenia pecuaria. E feris enim pecudibus primum dicis oves comprehensas ab hominibus, ac mansuefactas. has primum oportet bonas emere. Quæ ita ab ætate, si neque vetulæ sunt, neque meræ agnæ: quod alteræ jam nondum, alteræ jam non possunt dare fructum. sed ea melior ætas, quam sequitur spes, quam ea, quam mors. De forma, ovem esse oportet corpore amplo, quæ lana multa sit & molli, villis altis & densis toto corpore, maxime circum cervicem & collum, ventrem quoque ut habeat pilosum. itaque quæ id non haberent, majores nostri apicas appellabant, ac rejiciebant. esse oportet cruribus humilibus, caudis observare, ut sint in Italia prolixis, in Syria brevibus. In primis videndum, ut boni seminis pecus habeas. id fere ex duabus rebus potest animadverti, ex forma, & progenie. Ex forma, si arietes sint fronte lana vestiti bene, tortis cornibus pronis ad rostrum, ravis oculis, lana opertis auribus, amplis pectore & scapulis, & clunibus latis, caudâ lata & longa. animadvertendum quoque, linguane nigra aut varia sit, quod fere qui ea habent, nigros aut varios procreant agnos.

Ex progenie autem animadvertitur, si agnos procreant formosos. In emtionibus jure utimur eo, quod lex præscripsit. in ea enim alii plura, alii pauciora excipiunt. Quidam enim pretio facto in singulas oves, ut agni chordi duo pro una ove annumerentur, & si cui vetustate dentes absunt, item binæ pro singulis ut procedant. de reliquo antiqua fere formula utuntur. cum emtor dixit, Tanti sunt mi emtæ? & ille respondit, Sunt, & expromisit numos: emtor stipulatur prisca formula sic, Illasce oves, qua de re agitur, sanas recte esse, uti pecus ovillum, quod recte sanum est, extra luscā, surdam, minam, id est, ventre glabro, neque de pecore morbofo esse, habereque recte licere, hæc sic recte fieri spondesne? Cum id factum est, tamen grex dominum non mutavit, nisi si est adnumeratum. Nec non emtor pote ex emto vendito illum damnare, si non tradet, quamvis non solverit numos: ut ille emtorem simili judicio, si non reddit pretium. De alteris quatuor rebus deinceps dicam, de pactione, foetura, nutricatu, fanitate. Primum providendum, ut totum annum recte pascantur intus & foris. stabula idoneo loco ut sint: ne ventosa: quæ spectent magis ad orientem, quam ad meridianum tempus. ubi stent, solum oportet esse eruderatum & proclivum, ut everri facile possit, ac fieri purum. non enim solum ea uligo lanam corrumpit ovium, sed etiam ungulas, ac scabras fieri cogit. Cum aliquot dies steterunt, subjicere oportet virgulta alia, quo mollius requiescant, purioresque sint. libentius enim ita pascuntur. Fa-

ciendum quoque sæpta secreta ab aliis, quo incientes secludere possis, item quo corpore ægro. hæc magis ad villaticos greges animadvertenda. Contra illæ, in saltibus quæ pascuntur, & a tectis absunt longe, portant secum crates, aut retia, quibus cohortes in solitudine faciant, ceteraque utensilia. longe enim & late in diversis locis pasci solent, ut multa millia absint sæpe hibernæ pastiones ab æstivis. Ego vero scio, *inquam*. nam mihi greges in Apulia hibernabant, qui in Reatinis montibus æstivabant. Cum inter hæc bina loca, ut jugum continet sirpiculos, sic calles publicæ distantes pastiones; easque ibi, ubi pascuntur in eadem regione, tamen temporibus distinguunt, ut æstate quod cum prima luce exeunt pastum, propterea quod tunc herba roscida meridianam, quæ est aridior, jucunditate præstat: sole exorto puto propellunt, ut redintegrantes rursus ad pastum alacriores faciant. Circiter meridianos æstus, dum deservescant, sub umbriferas rupes, & arbores patulas subjiunt, quoad refrigerato aere vespertino, rursus pascant ad solis occasum. ita pascere pecus oportet, ut adverso sole agat. caput enim maxime ovis molle est. Ab occasu parvo intervallo interposito ad bibendum appellunt, & rursus pascunt, quoad contenebravit. iterum enim tum jucunditas in herba redintegravit. Hæc ab Vergiliarum exortu ad æquinoctium autumnale maxime observant. Quibus in locis messes sunt factæ, inigere est utile duplici de causa, quod & caduca spica saturantur, & obtritistramentis, & stercoratione faciunt in annum sege-

tes meliores. Reliquæ pactiones hiberno ac verno tempore hoc mutant, quod pruina jam exhalata, propellunt in pabulum, & pascunt diem totum, ac meridiano tempore semel agere potum satis habent. Quod ad pactiones attinet, hæc fere sunt: quod ad foeturam, quæ dicam. Arietes, quibus sis usurus ad foeturam, bimestri tempore ante secernendum, & largius pabulo explendum. Cum redierunt ad stabula e pastu, ordeum si est datum, firmiores fiunt ad laborem sustinendum. Tempus optimum ad admittendum, ab arcturi occasu ad aquilæ occasum, quod quæ postea concipiunt, fiunt vegrandes, atque imbecillæ. Ovis prægnans est diebus CL. itaque fit partus exitu autumnali, cum aer est modice temperatus, & primitus oritur herba imbribus primoribus evocata. Quamdiu admissura sit, eadem aqua uti oportet, quod commutatio & lanam facit variam, & corrumpit uterum. Cum omnes conceperunt, rursus arietes secernendi: ita factis prægnantibus quod sunt molesti, [obsunt]. Neque pati oportet minores, quam bimas saliri, quod neque natum ex his idoneum est, neque non ipsæ fiunt etiam deteriores: & non meliores, quam trimæ admissæ. deterrent ab saliendo fiscellis e junco, aliave qua re, quod alligant ad naturam. Commodius fervantur, si secretas pascunt. In nutritu cum parere coeperunt, inigunt in stabula ea, quæ habent ad eam rem seclusa, ibique nata recentia ad ignem prope ponunt, quoad convaluerunt, biduum aut triduum retinent; dum agnoscant matrem agni, & pabulo se saturent. deinde dum matres cum grege

pastum prodeunt, retinent agnos, ad quos cum reductæ ad vesperum, aluntur lacte, & rursus discernuntur, ne noctu a matribus conculcentur. Hoc item faciunt mane ante quàm matres in pabulum exeant, ut agni satulli fiant lacte. Circiter decem dies cum præterierunt, palos offigunt, & ad eos alligant libro, aut qua alia re levi distantes, ne toto die cursantes inter se teneri, delibent aliquid membrorum. Si ad matris mammam non accedet, admove oportet, & labra agni unguere butyro aut adipe suilla, & olfacere labra lacte. Diebus post paucis objicere his viciam molitam, aut herbam teneram, antequam exeunt pastum, & cum revertuntur. Et sic nutricantur, quoad facti sunt quadrimestres. interea matres eorum his temporibus non mulgent quidam, qui ut melius, omnino perpetuo, quod & lanæ plus ferunt, & agnos plures. Cum depulsi sunt agni a matribus, diligentia adhibenda est, ne desiderio senescant. itaque deliniendum in nutricatu pabuli bonitate: & a frigore & æstu ne quid laborent, curandum. Cum oblivione jam lactis non desiderant matrem, tum denique compellendum in gregem ovium. Castrare oportet agnum non minorem quinque mensium, neque antequam calores aut frigora se fregerunt. Quos arietes submittere volunt, potissimum eligunt ex matribus, quæ geminos parere solent. Pleraque similiter faciendum in ovibus pellitis, quæ propter lanæ bonitatem, ut sunt Tarentinæ & Atticæ, pellibus integuntur, ne lana inquinetur, quo minus vel infici recte possit, vel lavari, ac parari. Harum præsepia

ac stabula ut sint pura, maiorem adhibeant diligentiam, quam hirtis. itaque faciunt lapide strata, ut urina necubi in stabulo consistat. His quæcunque jubentur, vescuntur, ut folia ficulnea, & palea, & vinaceæ. furfures objiciuntur modice, ne parum, aut nimium saturentur. utrumque enim ad corpus alendum inimicum. at maxime amicum cytisum & Medica. nam & pingues facit facillime, & genitlac. De sanitate sunt multa, sed ea (ut dixi) in libro scripta magister pecoris habet: & quæ opus ad mendum, portat secum. Relinquitur de numero, quem faciunt alii maiorem, alii minorem. nulli enim hujus moduli naturales. illud fere omnes in Epeiro facimus, ne minus habeamus in centenas oves hirtas singulos homines: in pellitas binos.

III. Cui COSSINIUS, Quoniam fatis balasti, inquit, o Faustule noster, accipe a me cum Homérico Melanthio chorda de capellis, & quemadmodum oporteat breviter dicere, discere. Qui caprinum gregem constituere vult; in eligendo animadvertat oportet, primum ætatem, ut eam paret, quæ jam ferre possit fructum, & de iis eam potius, quæ diutius: novella enim, quam vetus, utilior. De forma videndum, ut sint firmæ, magnæ, corpus lene ut habeant, crebro pilo, nisi si glabræ sunt. duo enim genera earum. sub rostra duas ut mammulas penfiles habeant: quod eæ foecundiores sunt. ubere sint grandiore, ut & lac multum, & pingue habeant pro portione. Hircus molliori & potissimum pilo albo, ac cervice & collō breve, gurgulione longiore. Melior fit grex, si non est ex collectis com-

paratus, sed ex consuetis una. De seminio dico eadem, quæ Atticus in ovibus. hoc aliter, ovium semen tardius esse, quo hæ sint placidiores; contra caprile mobilius esse, de quarum velocitate in Originum libro Cato scribit hæc: In Sauracti, Fiscello capræ feræ sunt, quæ saliant e saxo pedes plus sexagenos. Oves enim, quas pascimus, ortæ sunt ab ovibus feris: sic capræ, quas alimus, a capris feris sunt ortæ, a queis propter Italiam Caprasia insula est nominata. De capris quod meliore semine eæ, quæ bis pariant, ex his potissimum mares solent submitti ad admitturas. quidam etiam dant operam, ut ex insula Media capras habeant, quod ibi maximi ac pulcherrimi existimantur fieri hoedi. De emtione aliter dico atque fit, quod capras sanas sanus nemo promittit. nunquam enim sine febris sunt. Itaque stipulantur paucis exceptis verbis: ac Mamilius scriptum reliquit sic, Illas capras hodie recte esse, & bibere posse, habereque recte licere, hæc spondesne? De quibus admirandum illud, quod etiam Archelaus scribit, non ut reliqua animalia naribus, sed auribus spiritum ducere solere, pastores curiosiores aliquot dicunt. De alteris quatuor, quod est de pastu hoc dico. stabulatur pecus melius ad hiernos exortus si spectat, quod est alsiosum. Id ut pleraque lapide, aut testa substerni oportet, caprile quo minus sit uliginosum ac lutulentum. Foris cum est pernoctandum, item in eandem partem cœli quæ spectent, sæpta oportet substerni virgultis, ne obliantur. nec multo aliter tuendum hoc pecus in pastu, atque ovillum, quod tamen habet sua propria

quædam, quod potius silvestribus saltibus delectantur, quam pratis. Studiose enim de agrestibus frutibus pascuntur, atque in locis cultis, virgulta carpunt: itaque a carpendo capræ nominatæ. ob hoc in lege locationis fundi excipi solet, ne colonus capra natum in fundo pascat. Harum enim dentes inimici sationis, quas etiam astrologi ita receperunt in coelum, ut extra limbum XII signorum excluderint. [Sunt duo hœdi, & capra non longe a tauro.] Quod ad fœturam pertinet, desistente autumno exigunt a grege in campos, hircos in caprilia, item ut in arietibus dictum. Quæ concepit, post quartum mensem reddit tempore verno. In nutritu hœdi, trimestres cum sint facti, tum submittuntur, & in grege incipiunt esse. Quid dicam de earum sanitate, quæ nunquam sunt sanæ? nisi tamen illud unum, quædam scripta habere magistros pecoris; quibus remediis utantur ad morbos quosdam earum, ac vulneratum corpus, quod usu venit iis sæpe, quod inter se cornibus pugnant, atque in spinosis locis pascuntur. Relinquitur de numero, qui in gregibus est minor caprino, quam in ovillo, quod capræ lascivæ, & quæ dispergant se contra oves, quæ se congregent, ac condensent in locum unum. Itaque in agro Gallico greges plures potius faciunt, quam magnos, quod in magnis cito existat pestilentia, quæ ad perniciem eum perducatur. Satis magnum gregem putant esse circiter quinquagenas. quibus assentiri putant id, quod usu venit Gaberio equiti R. Is enim, cum in suburbano mille iugerum haberet, & a caprario quodam, qui addu-

xit capellas ad urbem x, sibi in dies singulos denarios singulos dare, audisset, coegit mille caprarum, sperans se capturum de prædio in dies singulos denarium mille. Tantum enim fefellerit, ut brevi omnes amiserit morbo. Contra in Sallentinis & in Casinati ad centenas pascunt. De maribus & feminis idem fere discrimen, ut alii ad denas capras singulos parent hircos, ut ego: alii etiam ad xv, ut Menas: nonnulli etiam, ut Murrus, ad viginti.

IV. Sed quis e portu post Italico prodit, ac de fuillo pecore expedit? tamen Scrofa potissimum de ea re dicere oportere, cognomen ejus significat. Cui TREMELLIUS, Ignorare, inquit, videre, cur appeller Scrofa. Itaque ut etiam hi propter te sciant, cognosce meam gentem fuillum cognomen non habere, nec me esse ab Eumæo ortum. Avus meus primum appellatus est Scrofa, qui quæstor cum esset Licinio Nervæ prætori in Macedonia provincia relictus, qui præesset exercitui, dum prætor rediret, hostes, arbitrati occasionem se habere victoriæ, impressionem facere coeperunt in castra. Avus, cum cohortaretur milites, ut caperent arma, atque exirent contra, dixit, celeriter se illos (ut Scrofa porcos) disjecturum. id quod fecit. nam eo prælio hostes ita fudit ac fugavit, ut eo Nerva prætor Imperator sit appellatus; avus cognomen invenit, ut diceretur Scrofa. Itaque proavus ac superiores de Tremelliis nemo appellatus Scrofa; nec minus septimus sum deinceps prætorius in gente nostra. Nec tamen defugio, quin dicam, quæ scio de fuillo pecore. Agri enim culturæ ab initio fui stu-

diosus : nec de pecore suillo mihi & vobis , magnis pecuariis , ea res non est communis . Quis enim fundum colit nostrum , quin sues habeat , & qui non audierit patres nostros dicere , ignavum & sumtuosum esse , qui succidiam in carnario suspenderit potius ab laniario , quam ex domestico fundo ? Ergo qui suum gregem vult habere idoneum , eligere oportet primum bona ætate , secundo bona forma . Ea est , cum amplitudine membrorum , præterquam pedibus , capite , unicoloris potius quam varias . Cum hæc eadem ut habeant verres videndum , tum utique sint cervicibus amplis . Boni feminis sues animadvertuntur a facie , & progenie , & regione coeli . A facie , si formosi sint verres , & scrofa . a progenie , si porcos multos pariunt . a regione , si potius ex his locis , ubi nascuntur , amplas quam exilis pararis . Emi solent sic : Illasce sues sanas esse , habereque recte licere , noxisque præstare , neque de pecore morbofo esse , spondefne ? Quidam adjiciunt , perfunctas esse a febris , & a foria . In pastu locus huic pecori aptus uliginosus , quod delectatur non solum aqua , sed etiam luto . itaque ob eam rem ajunt lupos cum sint nacti sues , trahere usque ad aquam , quod dentes fervorem carnis ferre nequeant . Hoc pecus alitur maxime glande , deinde faba , & ordeo , & cetero frumento . quæ res non modo pinguitudinem efficiunt , sed etiam carnis jucundum saporem . Pastum exigunt æstate mane , & antequam æstus incipiat , subigunt in umbrosum locum , maxime ubi aqua sit . post meridiem rursus lenito fervore pascunt . hiberno tempore non prius

exigunt pastum, quam pruina evanuit, ac colliquefacta est glacies. Ad foeturam verres duobus mensibus ante secernendi. Optimum ad admissuram tempus a favonio ad æquinoctium vernum: ita enim contingit, ut æstate pariat. quatuor enim menses est prægnans. & tunc parit, cum pabulo abundat terra. Neque minores admittendæ, quam anniculæ. melius xx menses expectare, ut bimæ pariant. Cum cœperunt, id facere dicuntur usque ad septimum annum recte. Admissuras cum faciunt, prodigunt in lutosos limites ac lustra, ut volutentur in luto, quæ est illorum requies, ut lavatio hominis. Cum omnes conceperunt, rursus segregant verres. Verris octo mensium incipit salire: permanet, ut id recte facere possit, ad primum. deinde ita retro, quoad perveniat ad lanium. Hic enim conciliator suillæ carnis datus populo. Sus Græce dicitur *ὕς*, olim thyfus dictus, ab illo verbo, quod dicunt *θύειν*, quod est immolare. Ab suillo enim genere pecoris immolandi initium primum sumtum videtur, cujus vestigia, quod initiis Cereris porci immolantur, & quod initiis pacis fœdus cum feritur, porcus occiditur, & quod nuptiarum initio antiqui reges ac sublimes viri in Hetruria, in conjunctione nuptiali, nova nupta & novus maritus primum porcum immolant. Prisci quoque Latini, & etiam Græci in Italia idem fecitasse videntur. Nam & nostræ mulieres, maxime nutrices, naturam, qua feminæ sunt, in virginibus appellant porcum, & Græcæ *χοῖρον*, significantes esse dignum insigni nuptiarum. Suillum pecus donatum ab natura dicunt ad epulandum. Ita-

que iis animam datam esse proinde ac salem, quæ servaret carnem. E quæis fuccidias Galli optimas & maximas facere consueverunt. Optimarum signum, quod etiam nunc quotannis e Gallia apportantur Romam pernæ tomacinæ, & taniacæ, & petasiones. De magnitudine Gallicarum fuccidiarum Cato scribit his verbis : In Italia in scrobes terna atque quaterna millia aulia fuccidia. Vere sus usque adeo pinguitudine crescere solet, ut se ipsa stans sustinere non possit, neque progredi usquam. Itaque eas si quis quo trahere vult, in plostrum imponit. In Hispania ulteriore, in Lusitania sus cum esset occisus, Attilius Hispaniensis, minime mendax & multarum rerum peritus in doctrina, dicebat L. Volumnio Senatori missam esse offulam cum duabus costis, quæ penderet III & XX pondo : ejusque suis a cute ad os pedem & III digitos fuisse. Cui *ego*, Non minus res admiranda, cum mi esset dicta, in Arcadia scio me esse spectatum suum, quæ præ pinguitudine carnis non modo surgere non posset, sed etiam ut in ejus corpore forex exesa carne nidum fecisset, & peperisset mures. Hoc etiam in vineta factum accepi. Sus ad foeturam quæ sit foecunda, animadvertunt fere ex primo partu, quod non multum in reliquis mutat. In nutritu quam porculationem appellabant, binis mensibus porcos finiunt cum matribus. sed eos, cum jam pasci possunt, secernunt. Porci, qui nati hieme, fiunt exiles propter frigora, & quod matres aspernantur, propter exiguitatem lactis, & quod dentibus fauciantur propterea mammarum. scrofa in sua quæque hara suos alat oportet

porcos, quo alienos aspernantur : & ideo si conturbati sunt in foetura, fit deterius. Natura divisus earum annus bifariam, quod bis parit in anno. quaternis mensibus fert ventrem, binis nutrit. Haram facere oportet circiter trium pedum altam, & latam amplius paulo, ea altitudine abs terra, ne, dum exsilire velit prægnans, abortet. Altitudinis modus sit, ut subulcus facile circumspicere possit ne qui porcellus a matre opprimatur, & ut facile purgare possit cubile. In haris ostium esse oportet, & limen inferius [altum] palmipedale, ne porci ex hara, cum mater prodit, transilire possint. Quotiescunque haras subulcus purgat, toties arenam injicere oportet, aut quid aliud, quod exsugat humorem, [in singulas injicere debet:] & cum pepererit, largiore cibatu sustentare, quo facilius lac suppeditare possit. in quibus ordeï circiter binas libras aqua madefactas dare solent, & hoc quoque conduplicant, ut sit mane & vesperi, si alia, quæ objiciant, non habuerint. Cum porci depulsi sunt a mamma, a quibusdam delici appellantur, neque jam lactentes dicuntur. qui a partu decimo die habentur puri, ab eo appellantur ab antiquis sacres, quod tum ad sacrificium idonei dicuntur primum. Itaque apud Plautum in Menæchmis, cum insanum quem putat, ut pietur in oppido Epidamno, interrogat, Quanti hic porci sunt sacres? Si fundus ministrat, dari solent vinacea, ac scopi ex uvis. Amisso nomine lactentis, dicuntur nefrendes, ab eo, quod nondum fabam frendere possunt, id est, frangere. Porcus Græcum est nomen antiquum, sed

obscuratum, quod nunc eum vocant χοῖρον. In eorum foetu scrofæ bis die ut bibant, curant, lactis causa. Parere tot oportet porcos, quot mammas habeat. si minus pariat, fructuariam idoneam non esse. si plures pariat, esse portentum. In quo illud antiquissimum fuisse scribitur, quod sus Æneæ Lavinii xxx porcos pepererit albos. Itaque quod portenderit, factum xxx annis, ut Lavinientes condiderint oppidum Albam. Hujus suis, ac porcorum etiam nunc vestigia apparent Lavinii: quod & simulacra eorum ahenea etiam nunc in publico posita, & corpus matris ab sacerdotibus, quod in falsura fuerit, demonstratur. Nutricare octonos porcos parvulos primo possunt: incremento facto, a peritis dimidia pars removeri solet, quod mater neque potest sufferre lac, neque congenerati alendo roborari. A partu decem diebus proximis non producant ex haris matrem, præterquam potum. præteritis decem diebus finunt exire pastum in propinquum locum villæ, ut crebro reditu [lacte] alere possit porcos. Cum creverunt, cupiunt sequi matrem pastum: domique fecernunt a matribus, ac seorsum pascunt, ut desiderium ferre possint parentis, quod decem diebus assequuntur. Subulcus debet consuefacere, omnia ut faciant ad bucinam. Primo cum incluserunt, cum bucinatum est, aperiant, ut exire possint in eum locum, ubi ordeum fusum in longitudine. Sic enim minus disperit, quam si in acervos positum, & plures facilius accedunt, ideo ad XII convenire dicuntur, ut silvestri loco dispersi, ne dispereant. Castrantur verres

commodissime anniculi, utique ne minores, quam semestres: quo facto nomen mutant, atque e verribus dicuntur majales. De sanitate suum unum modo exempli causa dicam. Porcis latentibus si scrofa lac non potest suppeditare, triticum frictum dari oportet, (crudum enim solvit alvum) vel ordeum objici ex aqua, quoad fiant trimestres. De numero, in centum: sues decem verres satis esse putant, quidam etiam hinc demunt. Greges majores inæquabiles habent. sed ego modicum puto centenarium. aliquot majores faciunt, ita ut ter quinquagenos habeant. porcorum gregem alii duplicant, alii etiam majorem faciunt. minor grex, quam major, minus sumtuosus, quod comites subulcus pauciores quaerit. Itaque gregis numerum pastor ab sua utilitate constituit, non ut quot verres habeat: id enim a natura sumendum. Hæc hic.

V. At Q. LUCIENUS senator, homo quamvis humanus, ac jocosus, introiens, familiaris omnium nostrum, *συνηπειράται*, inquit, *χαίρετε*, & Varro-
nem nostrum, inquit, *ποιμένα λαών*. Scrofam enim mane salutavi. Cum alius eum salutasset, alius conviciatus esset, qui tam sero venisset ad constitutum, Videbo jam vos, inquit, balatrones, & huc afferam meum corium & flagra. Tu vero, Murri, veni mi advocatus, dum asses solvo Palilibus, si postea a me repetant, ut testimonium perhibere possis. ATTICUS Murrio, Narra isti, inquit, eadem, qui sermones sint habiti, & quid reliqui sit, ut ad partes paratus veniat: nos interea secundum actum de majoribus attexamus. In quo quidem, inquit VACCIVS,

meæ partes, quoniam boves ibi. Quare dicam, de bubulo pecore, quam acceperim scientiam: ut si quis quid ignorat, discat; si quis scit, nunc, ubi labar, observet. Vide, quid agas, *inquam*, Vacci. Nam bos in pecuaria, maxima debet esse auctoritate: præsertim in Italia, quæ a bubus nomen habere sit existimata. Græcia enim antiqua (ut scribit Timæus) tauros vocabant *ἰταλούς*, a quorum multitudine, & pulchritudine, & foetu vitulorum, Italiam dixerunt. Alii scripserunt, quod e Sicilia Hercules persecutus sit eo nobilem taurum, qui diceretur Italus. Hic socius hominum in rustico opere, & Cereris minister. Ab hoc antiqui manus ita abstinere voluerunt, ut capite sanxerint, si quis occidisset. qua in re testis Attice, testis Peloponnesos. Nam ab hoc pecore Athenis Buzuges nobilitatus, Argis *ὀνόγυρος*. Novi, *inquit ille*, majestatem boum, & ab his dici pleraque magna, ut *βούσσυκον*, *βούπαιδα*, *βούλιμον*, *βούπιν*. uvam quoque bumammam. præterea scio hunc esse, in quem potissimum Juppiter se convertit, cum exportavit per mare e Phoenice amans Europam; hunc esse, qui filios Neptuni e Menalippa servavit, ne in stabulo infantes grex boum obtereret. denique ex hoc putrefacto nasci dulcissimas apes, mellis matres, a quo eas Græci *βουγόνες* appellant, & hinc Plautium locutum esse Latine, cum Hirrium prætorem renuntiatum Romanam in senatum scriptum habere. Sed bono animo es, non minus satisfaciam tibi, quam qui Bugoniam scripsit. Primum in bubulo genere ætatis gradus dicuntur quatuor. Prima vitulorum, secunda ju-

vencorum, tertia bouum novellorum; quarta vetulorum. Discernuntur in prima vitulus & vitula; in secunda juvencus & juvenca; in tertia & quarta, taurus & vacca. Quæ sterilis est vacca, taura appellata; quæ prægnans, horda. ab eo in fastis dies hor-dicalia nominantur, quod tunc hordæ boves immo-lantur. Qui gregem armentorum emere vult, observare debet primum, ut sint hæ pecudes ætate potius ad fructus ferendos integræ, quam jam expartæ; ut sint bene compositæ, ut integris membris, oblongæ, amplæ, nigrantibus cornibus, latis frontibus, oculis magnis & nigris, pilosis auribus, compressis malis, subfimisve, gibberi spina leviter remissa, apertis naribus, labris subnigris, cervicibus crassis ac longis, a collo palearibus demissis, corpore amplo, bene costatos, latis humeris, bonis clunibus, caudam profusam usque ad calces ut habeant, inferiorem partem frequentibus pilis subcrispam, cruribus potius minoribus, rectis genibus, eminulis, distantibus inter se, pedibus non latis, neque ingredientibus qui displodantur, nec cujus ungulæ divaricent, & cujus ungues sint leves & pares, corium tactu non asperum ac durum, colore potissimum nigro, dein rubeo, tertio helvo, quarto albo: mol-lissimus enim hic, ut durissimus primus. De mediis duobus prior quam posterior melior; utrique pluris, quam nigri & albi. Neque non præterea, ut mares feminis boni sint, quorum & forma est spectanda, & qui ex his orti sunt, ut respondeant ad parentum speciem: & præterea, quibus regionibus nati sunt, refert. boni enim generis in Italia plerique Gallici.

ter, si aliter feceris, se recipiunt. qui autem postea castrantur, duri & inutiles fiunt. Item ut in reliquis gregibus pecuariis, delectus quotannis habendus, & rejiculæ rejiciundæ, quod locum occupant earum, quæ ferre possunt fructus. Si quæ amisit vitulum, ei supponere oportet eos, quibus non satis præbent matres. Semestribus vitulis objiciunt fures triticeos, & farinam ordeaceam, & teneram herbam : & ut bibant mane & vesperi, curant. De sanitate sunt complura, quæ exscripta de Magonis libris, armentarium meum crebro ut aliquid legat, curo. Numerus de tauris & vaccis sic habendus, ut in sexaginta, unus sit anniculus, alter bimus. Quidam habent aut minorem, aut majorem numerum [gregum]. Nam apud eum duo tauri in septuaginta matribus sunt. Numerum gregum alius facit alium : quidam centenarium modicum putant esse, ut ego. Atticus centumviginti habet, ut Lucienus. Hæc ille.

VI. At MURRIUS, qui, dum loquitur Vaccius, cum Lucio rediisset, Ego, inquit, de asinis potissimum dicam, quod sum Reatinus, ubi optimi & maximi fiunt, e quo seminio ego hic procreavi pullos, & ipsis Arcadibus vendidi aliquoties. Igitur asinorum gregem qui facere vult bonum, primum videndum, ut mares feminasque bona ætate sumat, utique ut quam diutissime fructum ferre possint : firmos, omnibus partibus honestos, corpore amplo, seminio bono : ex his locis, unde optimi exeunt, quod faciunt Peloponnesii, cum potissimum eos ex Arcadia emant ; in Italia ex agro Reatino. Non enim si murænæ optimæ flutæ sunt in

Sicilia, & ellops ad Rhodon, continuo hi pisces in omni mari similes nascuntur. Horum genera duo: unum ferum, quos vocant onagros, in Phrygia & Lycaonia sunt greges multi. alterum mansuetum, ut sunt in Italia omnes. Ad seminationem onagrus idoneus, quod e fero fit mansuetus facile, & e mansuetus ferus nunquam. Quod similes parentum genuntur, eligendi & mas & femina, cum dignitate ut sint. In mercando item ut ceteræ pecudes emtionibus & traditionibus dominum mutant, & de sanitate ac noxa solet caveri. Commode pascuntur farre & furfuribus ordeaceis. Admittuntur ante solstitium, ut eodem tempore alterius anni pariant: duodecimo enim mense conceptum semen reddunt. Prægnantes opere levant. venter enim labore nationem reddit deteriorem. Marem non dijungunt ab opere, quod remissione laboris fit deterior. In pastu eadem fere observant, quæ in equis. Secundum partum pullos anno non remonent a matre. proximo anno noctibus patiuntur esse cum his, & leniter capistris, aliave qua re habent vinctos. tertio anno domare incipiunt ad eas res, ad quas quisque eos vult habere in usu. Relinquitur de numero, quorum greges non sane fiunt, nisi ii, quæ onera portent. Ideo quod plerique deducuntur ad molas, aut ad agriculturam, ubi quid vehendum est; aut etiam ad arandum, ubi levis est terra, ut in Campania. Greges fiunt fere mercatorum, ut eorum, qui e Brundisino, aut Apulia asellis dosuariis comportant ad mare oleum, aut vinum, itemque frumentum, aut quid aliud.

VII. Lucienus, Ego quoque adveniēns aperiam carceres, inquit, & equos emittere incipiam, nec solum mares, quos admissarios habeo, ut Atticus, singulos in feminas denas, e quibus feminas Q. Modius Equiculus vir fortissimus etiam patre militari iuxta ac mares habere solebat. Horum equorum & equarum greges qui habere voluerint, ut habent aliqui in Peloponneso, & in Apulia, primum spectare oportet ætatem, quam præcipiunt. Videndum, ne sint minores trimæ, majores decem annorum. Ætas cognoscitur equorum, & fere omnium, qui ungulas indivisas habent, & etiam cornutarum, quod equus triginta mensium primum dentes medios dicitur amittere, duo superiores, totidem inferiores. incipientes quartum agere annum itidem ejiciunt, & totidem proximos eorum, quos amiserunt, & incipiunt nasci, quos vocant columellares. Quinto anno incipienti item eodem modo amittere binos, quos caninos habent: tum renascentes eis, sexto anno impleri: septimo omnes habere solent renatos & completos. His majores qui sunt, intelligi negant posse, præterquam cum dentes sint facti brocchi, & supercilia cana, & sub ea lacunæ, ex observatu dicunt eum equum habere annos sedecim. Forma esse oportet magnitudine modica, quod nec vastos, nec minutos decet esse. equas clunibus ac ventribus latis. equos, ad admissuram quos velis habere, legere oportet amplo corpore, formosos, nulla parte corporis inter se non congruenti. Qualis futurus sit equus, e pullo conjectari potest, si caput habet non magnum, nec membris confusis:

fi est oculis nigris, naribus non angustis, auribus applicatis, non angusta juba, crebra, fusca, subcrispa, subtenuibus fetis, implicata in dexteriores partem cervicis, pectus latum & plenum, humeris latis, ventre modico, lumbis deorsum versum pressis, scapulis latis, spina maxime duplici; sin minus, non exstanti, coda ampla subcrispa, cruribus rectis & æqualibus, genibus rotundis, ne magnis, nec introrsus spectantibus, ungulis duris: toto corpore ut habeat venas, quæ animadverti possint, quod quî hujuscemodi sit, & cum est æger, ad medendum est appositus: corpore multo. De stirpe magni interest qua sint, quod genera sunt multa. itaque ad hoc nobiles a regionibus dicuntur, in Græcia Thesfalici equi, a terra Apuli, ab Rosea Roseani. Equi boni futuri signa sunt, si cum gregalibus in pabulo contendit in currendo, aliave qua re, quo potior sit: si, cum flumen travehundum est, gregi inprimis prægreditur, ac non respectat alios. Emtio equina similis fere ac boum, & asinorum, quod eisdem rebus in emtione dominum mutant, ut in Mamilii actionibus sunt perscripta. Equinum pecus pascendum in pratis potissimum herba; in stabulis ac præsepibus, arido fœno. Cum pepererunt, ordeo adjecto bis die danda aqua. Horum fœturæ initium admisionis facere oportet ab æquinoctio verno ad solstitium, ut partus idoneo tempore fiat. duodecimo enim mense, die decimo, ajunt nasci. quæ post tempus nascuntur, fere vitiosa, atque inutilia existunt. Admittere oportet, cum tempus anni venerit, bis in die, mane & vespere perorigam. is ita appel-

latur, quique admittit. eo enim adiutante equæ al-
 ligatæ celerius admittuntur, neque equi frustra cu-
 piditate impulsî semen ejiciunt. Quoad fatis sit ad-
 mitti, ipsæ significant, quod se defendunt. Si fasti-
 dium salendi est, scillæ medium conterunt cum
 aqua ad mellis crassitudinem: tum ea re naturam
 equæ, cum menses ferunt, tangunt; contra, ab lo-
 cis equæ nares equi tangunt. Tametsi incredibile,
 quod usu venit, memoriæ mandandum. cum equus
 matrem ut saliret adduci non posset, & eum capite
 obvoluto peroriga adduxisset, & coegisset matrem
 inire, cum descendentem demisset ab oculis, ille im-
 petum fecit in eum, ac mordicus interfecit. Cum
 conceperunt equæ, videndum, ne aut laborent plu-
 sculum, aut ne frigidis locis sint, quod alior ma-
 xime prægnantibus obest. Itaque in stabulis ab hu-
 more prohibere oportet humum, clausa habere
 ostia, ac fenestras, & inter singulas a præsepibus
 interdicere longurios, qui eas discernant, ne inter
 se pugnare possint. Prægnantem neque implere ci-
 bo, neque esurire oportet. Alternis qui admittunt,
 diuturniores equos, & meliores pullos fieri dicunt,
 itaque ut restibiles segetes essent exsuctiores, sic
 quotannis quæ prægnantes fiant. In decem diebus se-
 cundum partum cum matribus in pabulum prodi-
 gendum. Ne ungulas comburat stercus, cavendum.
 Quinquemestribus pullis factis, cum redacti sunt in
 stabulum, objiciendum farinam ordeaceam moli-
 tam cum furfuribus, & si quid aliud terra natum
 libenter edent. Anniculis jam factis dandum ordeum
 & furfures, usque quoad erunt lactentes. neque

prius biennio confecto a lacte removendum. eosque, cum stent cum matribus, interdum tractandum, ne, cum sint diiuncti, exterreantur. eademque causa ibi frenos suspendendum, ut equuli consuecant & videre eorum faciem, & e motu audire crepitus. Cum jam ad manus accedere consuerint, interdum imponere iis puerum, bis aut ter primum in ventrem, postea jam sedentem. hæc facere cum sit trimus. tum enim maxime crescere, ac lacertosum fieri. Sunt qui dicant, post annum & sex menses equulum domari posse, sed melius post trimum, a quo tempore farrago dari solet. hæc enim purgatio maxime necessaria equino pecori. quod diebus decem facere oportet, nec pati alium ullum cibum gustare. Ab undecimo die usque ad quartum decimum dandum ordeum, quotidie adjiciendo minutatim. quod quarto die feceris, in eo decem diebus proximis manendum, ab eo tempore mediocriter exercendum: &, cum sudarit, perunguendum oleo. Si frigus erit, in equili faciendus ignis. Equi quod alii sunt ad rem militarem idonei, alii ad vecturam, alii ad admissuram, alii ad cursuram, non item sunt spectandi atque habendi. Itaque peritus belli alios eligit, atque alit, ac docet: aliter quadrigarius, ac defultor. neque idem, qui vectarios facere vult, ad ephippium, aut ad prædam: quod ut [ad rem militarem, quod] ibi ad castra habere volunt acres, sic contra in viis habere malunt placidos. propter quod discrimen maxime institutum, ut castrentur equi. demtis enim testiculis fiunt quietiores, & ideo quod semine carent, ii canterii appellati, ut in sui-

bus majales; gallis gallinaceis, capi. De medicina, vel plurima sunt in equis & signa morborum, & genera curationum, quæ pastorem scripta habere oportet. Itaque ob hoc in Græcia potissimum medici pecorum *ἰππίατροι* appellati.

VIII. Cum hæc loqueremur, venit a Menate libertus, qui dicat liba absoluta esse, & rem divinam paratam: si vellent, venirent illuc, & ipsi pro se sacrificarentur. Ego vero, *inquam*, vos ire non patiar ante, quam mihi reddideritis tertium actum, de mulis, de canibus, de pastoribus. Brevis oratio de istis, inquit MURRIUS. nam muli & hinni bigeneri, atque insiticii, non suo genere ab radicibus. ex equa enim & asino fit mulus. contra ex equo & asina hinnus. Uterque eorum ad usum utilis, partu fructus neuter. Pullum asininum a partu recentem subjiciunt equæ, cujus lacte ampliores fiunt, quod id lacte, quam asininum, ac alia omnia dicunt esse melius. Præterea educant eum paleis, fœno, ordeo. Matri suppositiciæ quoque inserviunt, quo equa ad ministerium lactis cibum pullo præbere possit. Hic ita eductus a trimo, potest admitti. neque enim aspernatur, propter consuetudinem equinam. Hunc minorem si admiseris, & ipse citius fenescit, & quæ ex eo concipiuntur fiunt deteriora. Qui non habent eum asinum, quem supposuerunt equæ, & asinum admissarium habere volunt, de asinis quem amplissimum formosissimumque possunt, eligunt. quique seminio natus sit bono, Arcadico, ut antiqui dicebant, ut nos experti sumus, Reatino: ubi trecenis ac quadrigenis millibus ad-

missarii aliquot venierunt. quos emimus item ut equos, stipulamurque in emendo, ac facimus in accipiendo idem, quod dictum est in equis. Hos pascimus præcipue fœno atque ordeo, & id ante admissuram largius facimus, ut cibo suffundamus vires ad fœturam. Eodem tempore, quo equos adducentes, iidemque ut ineant equas per origas curamus. Cum peperit equa mulum, aut mulam, nutricantes educamus. Hi, si in palustribus locis, atque uliginosis nati, habent ungulas molles. iidem si exacti sunt æstivo tempore in montes, quod fit in agro Reatino, durissimis ungulis fiunt. In grege mulorum parando, spectanda ætas, & forma. alterum, ut vecturis sufferre labores possint; alterum, ut oculos aspectu delectare queant. hisce enim binis conjunctis omnia vehicula in viis ducuntur. Hæc me Reatino auctore præbaret, mihi *inquit*, nisi tu ipse domi equarum greges haberes, ac mulorum greges vendidisses. Hinnus, qui appellatur, est ex equo & asina, minor quam mulus corpore, plerumque rubicundior, auribus ut equinis, jubam & caudam similem asini. Item in ventre est (ut equus) menses duodecim. Hosce item ut equulos & educant, & alunt, & ætatem eorum ex dentibus cognoscunt.

IX. Relinquitur, inquit ATTICUS, de quadrupedibus, quod ad canes attinet, maxime ad nos, qui pecus pascimus lanare. Canis enim ita custos pecoris, ut ejus, quod eo comite indiget ad se defendendum. in quo genere sunt maxime oves, deinde capræ. has enim lupo captare solet, cui opponi-

mus canes defensores. In suillo pecore tamen sunt, quæ se vindicent, sues, verres, majales, scrofae. prope enim hæc apris, qui in silvis sæpe dentibus canes occiderunt. Quid dicam de pecore majore? cum sciam mulorum gregem, cum pasceretur, eo-que venisset lupo, ultro mulos circumfluxisse, & ungulis cædendo eum occidisse? & tauros solere diversos assistere clunibus continuatos, & cornibus facile propulsare lupos? Quare de canibus, quoniam genera duo, unum venaticum, & pertinet ad feras bestias, ac silvestres; alterum, quod custodiæ causa paratur, & pertinet ad pastorem: dicam de eo ad formam artis expositam in novem partes. Primum ætate idonea parandi, quod catuli & vetuli neque sibi, neque ovibus sunt præsidio, & feris bestiis nonnunquam prædæ. Facie debent esse formosi, magnitudine ampla, oculis nigrantibus aut ravis, naribus congruentibus, labris subnigris aut rubicundis, neque resimis superioribus, nec pendulis subtus, mento suppresso, & ex eo enatis duobus dentibus dextra & sinistra, paulo eminulis, superioribus directis potius, quam brocchis: acutos, quos habeant, labro tectos: capitibus & auriculis magnis, ac flaccis: crassis cervicibus, ac collo: internodiis articulorum longis: cruribus rectis, & potius varis, quam vatiis: pedibus magnis & altis, qui ingredienti ei displodantur: digitis discretis: unguibus duris ac curvis: solo nec ut corneo, nec nimium duro, sed ut fermentato ac molli: ac feminibus summis corpore suppresso: spina neque eminula, neque curva: cauda crassa: latratu gravi:

hiatu magno : colore potissimum albo, quod in tenebris specie leonina. Præterea feminas volunt esse mammosas æqualibus papillis. Item videndum, ut boni feminii sint. Itaque a regionibus appellantur Lacones, Epirotici, Sallentini. Videndum, ne a venatoribus, aut laniis canes emas. alteri, quod ad pecus sequendum inertes. alteri, si viderint leporem, aut cervum, quod eum potius, quam oves sequentur. Quare aut a pastoribus emta melior, quæ oves sequi consuevit : aut sine ulla consuetudine quæ fuerit. canis enim facilius quid assuescit, eaque consuetudo firmior, quæ sit ad pastores, quam quæ ad pecudes. P. Aufidius Pontianus Amiterninus, cum greges ovium emisset in Umbria ultima, quibus gregibus sine pastoribus canes accessissent ; pastores ut deducerent in Metapontinos saltus, & Heracleæ emporium : inde cum domum redissent, qui ad locum deduxerant, e desiderio hominum diebus paucis postea canes sua sponte, cum dierum multorum via interesset, sibi ex agris cibaria præbuerunt, atque in Umbriam ad pastores redierunt. neque eorum quisquam fecerat, quod in agricultura Saserna præcepit, Qui vellet se a cane sectari, uti ranam objiciat coctam. Magni interest, ex semine esse canes eodem, quod cognati maxime inter se sunt præsidio. Sequitur quartum de emtione : fit alterius, cum a priore domino secundo traditum est. De sanitate & noxa stipulationes fiunt eadem, quæ in pecore, nisi quod hic utiliter exceptum est. Alii pretium faciunt in singula capita canum. alii ut catuli sequantur matrem. alii ut bini catuli unius canis

numerum obtineant, ut solent bini agni ovis. plerique ut accedant canes, qui consuerunt esse una. Cibatus canis propior hominis, quam ovis. pascitur enim e culina & ossibus, non herbis aut frondibus. Diligenter ut habeant cibaria providendum. fames enim hos ad quærendum cibum ducet, si non præbebitur, & a pecore abducat. Nisi si (ut quidam putant) etiam illuc pervenerint, proverbium ut tollant antiquum: vel etiam ut *μῦθος* aperiant de Actæone, atque in dominum afferant dentes. Nec non ita panem ordeaceum dandum, ut non potius eum in lacte des intritum, quod eo consueti cibo uti, a pecore non cito desciscunt. Morticinæ ovis non patiuntur vesci carne, ne ducti sapore minus se abstineant. Dant etiam jus ex ossibus, & ea ipsa ossa contusa. dentes enim facit firmiores, & os magis patulum: propterea quod vehementius diducuntur malæ, acrioresque fiunt propter medullarum saporem. Cibum capere consuecunt interdiu, ubi pascuntur: vesperi, ubi stabulantur. De foetura, principium admittendi faciunt veris principio: tunc enim dicuntur catulire, id est, ostendere velle se maritari. Quæ cum admissæ, pariunt circiter solstitio. prægnantes enim solent esse ternos menses. In foetura dandum potius ordeaceos quam triticeos panes. magis enim eo aluntur, & lactis præbent majorem facultatem. In nutritu secundum partum si plures sunt, statim eligere oportet, quos habere velis, reliquos abjicere. quam paucissimos reliqueris, tam optimi in alendo fiunt, propter copiam lactis. Substernitur eis acus, aut quid item aliud, quod

molliore cubili facilius educantur. catuli diebus xx videre incipiunt. Duobus mensibus primis a partu non dijunguntur a matre, sed minutatim desuescunt. Educunt eos plures in unum locum, & irritant ad pugnandum, quo fiant acriores, neque defatigari patiuntur, quo fiant segniores. Consue quoque faciunt, ut alligari possint, primum levibus vinclis: quæ si abrodere conantur, ne id consuecant facere, verberibus eos deterrire solent. Pluviis diebus cubilia substernenda fronde aut pabulo, duabus de causis, ut ne oblinantur, aut perfrigescant. Quidam eos castrant, quod eo minus putant relinquere gregem. quidam non faciunt, quod eos credunt minus acres fieri. Quidam nucibus Græcis in aqua tritis perungunt aures, & inter digitos: quod muscæ, & ricini, & pulices soleant (si hoc unguine non sis usus) ea exulcerare. Ne vulnerentur a bestiis, imponuntur his collaria, quæ vocantur mælium, id est, cingulum circum collum ex corio firmo cum clavulis capitatis, quæ intra capita insuitur pellis mollis, ne noceat collo duritia ferri. Quod si lupus, aliufve quis his vulneratus est, reliquas quoque canes facit, quæ id non habent, ut sint in tuto. Numerus canum pro pecoris multitudine solet parari. fere modicum esse putant, ut singuli sequantur singulos opiliones: de quo numero alius alium modum constituit. Quod si sunt regiones, ubi bestię sint multæ, debent esse plures. quod accidit iis, qui per calles silvestres longinquos solent comitari in æstiva & hiberna. Villatico vero gregi in fundum satis esse duo, & id marem, & feminam. Ita enim sunt

aduiiores, quod cum altero idem fit acrior, & si alter indefinenter æger est, ne sine cane grex sit. Cum circumspiceret Atticus, ne quid præterisset, Hoc silentium, *inquam*, vocat alium ad partes.

X. Reliquum enim in hoc actu, quot & quod genus sint habendi pastores. COSSINIUS, ad majores pecudes ætate superiores, ad minores etiam pueros, & utroque horum firmiores, qui in callibus versentur, quam eos, qui in fundo quotidie ad villam redeant. Itaque in saltibus licet videre juventutem, & eam fere armatam, cum in fundis non modo pueri, sed etiam puellæ pascant. Qui pascunt, eos cogere oportet, in pastione diem totum esse, pascere communiter. contra, pernoctare ad suum quemque gregem. esse omnes sub uno magistro pecoris: eum esse majorem natu potius, quam alios, & peritiorem quam reliquos: quod iis, qui ætate & scientia præstant, animo æquiore reliqui parent. Ita tamen oportet ætate præstare, ut ne propter senectutem minus sustinere possit labores. neque enim senes, neque pueri callium difficultatem, ac montium arduitatem, atque asperitatem facile ferunt: quod patiendum illis, qui greges sequuntur, præfertim armenticios, ac caprinos, quibus rupes ac silvæ ad pabulandum cordi. Formæ hominum legendæ, ut sint firmæ, ac veloces, mobiles, expeditis membris: qui non solum pecus sequi possint, sed etiam a bestiis ac prædonibus defendere: qui onera extollere in jumenta possint, qui excurrere, qui jaculari. Non omnis apta natio ad pecuariam, quod neque Basculus, neque Turdulus idonei: Galli

appositissimi, maxime ad jumenta. In emtionibus dominum legitimum sex fere res perficiunt : si hereditatem justam adiit : si, ut debuit, mancipio ab eo accepit, a quo jure civili potuit : aut si in jure cessit, cui potuit cedere, & id ubi oportuit : aut si usu cepit : aut si e præda sub corona emit : tumve cum in bonis sectioneve cujus publice venit. In horum emtione solet accedere peculium ; aut si excipiet, stipulatio intercedere, sanum eum esse, furtis noxiisque solutum : aut si mancipio non datur, dupla promitti : aut si ita pacti, simpla. Cibus eorum debet esse interdiu separatim uniuscujusque gregis. vespertinus in coena, qui sunt sub uno magistro, communis. Magistrum providere oportet, ut omnia sequantur instrumenta, quæ pecori & pastoribus opus sunt, maxime ad victum hominum, & ad medicinam pecudum : ad quam rem habent jumenta dossuaria domini, alii equas, alii pro his quid aliud, quod onus dorso ferre possit. Quod ad foeturam humanam pertinet pastorum, qui in fundo perpetuo manent, facile est, quod habeant conservam in villa. nec hac venus pastoralis longius quid quærit. Qui autem sunt in saltibus, & silvestribus locis pascunt, & non villa, sed casis repentinis imbres vitant : his mulieres adjungere, quæ sequantur greges ; ac cibaria pastoribus expediant, eosque assiduiiores faciant, utile arbitrati multi. Sed eas mulieres esse oportet firmas, non turpes, quæ in opere, ut in multis regionibus, non cedant viris, ut in Illyrico passim videre licet, quod vel pascere pecus, vel ad focum afferre ligna, ac cibum coquere, vel ad casas instru-

mentum servare possunt. De nutritu hoc dico; easdem fere & nutrices, & matres. TREMELLIUS, simul aspicit ad me, & Ut te audii dicere, inquit, cum in Liburniam venisses, te vidisse matres familias eorum afferre ligna, & simul pueros, quos alerent, alias singulos, alias binos, quæ ostenderent foetas nostras, quæ in conopeis jacent dies aliquot, esse * levuncidas, ac contemnendas, Cui ego, Certe inquam: nam in Illyrico hoc amplius, prægnantem sæpe, cum venit pariendi tempus, non longe ab opere discedere, ibique enixam puerum referre, quem non peperisse, sed invenisse putes. nec non etiam hoc, quas virgines ibi appellant, nonnunquam annorum xx, quibus mos eorum non denegavit, ante nuptias ut succumberent quibus vellent, & incommitatis ut vagari liceret, & filios habere. Quæ ad valetudinem pertinent hominum, ad pecoris, ut sine medico curari possint, magistrum scripta habere oportet. Is enim sine literis idoneus non est, quod rationes dominicas pecuarias conficere nequidquam recte potest. De numero pastorum alii angustius, alii laxius constituere solent. Ego in octogenas hirtas oves singulos pastores constitui, Atticus in centenas. In gregibus ovium, sed magnis, quos milliarios faciunt quidam, facilius de summa hominum detrahere possunt, quam de minoribus, ut sunt & Attici, & mei. Septingenarii enim mei: tu, opinor, octingenarios habuisti. nec tamen non ut nos arietum decimam partem. Ad equarum gregem quinquagenarium bini homines. utique uterque horum ut secum habeat equas domitas singu-

las in iis regionibus, in quibus stabulari solent equas abigere, ut in Apulia & in Lucanis accidit sæpe.

XI. Quoniam promissa absolvimus, *inquit*, *eamus*. Siquidem, *inquam*, adjeceritis de extraordinario pecudum fructu, ut prædictum est de lacte in eo, & tonsura lanæ. Est omnium rerum, quas cibi causa capimus, liquentium maxime alibile, & id ovillum, inde caprinum. Quod autem maxime perpurget, est equinum, tum asininum, dein bubulum, tum caprinum. Sed horum sunt discrimina quædam, & a passionibus, & a pecudum natura, & a multu. A passionibus, quod fit ab ordeo, & stipula, & omnino arido & firmo cibo pecude pasta, id alibile. ad perpurgandum id, quod ab viridi pascuo, & eo magis fluxe ex herba, quæ ipsa sumta perpurigare corpora nostra solet. A pecudum natura, quod lac melius est a valentibus, & ab iis, quæ nondum veteres sunt, quam si est contra. A mulgendo atque ortu optimum est id, quod neque emunctum longe abest a mulso, neque a partu continuo est sumtum. Ex hoc lacte casei qui fiunt, maximi cibi sunt bubuli, & qui difficillime transeant sumti: secundo ovilli: minimi cibi, & qui facillime dejiciantur, caprini. Est etiam discrimen, utrum casei molles ac recentes sint, an aridi & veteres. Cum molles sunt, magis alibiles, in corpore non resides: veteres & aridi contra. Caseum facere incipiunt a Vergiliis vernis exortis ad æstivas Vergilias. mulgent vere ad caseum faciendum mane, aliis temporibus, meridianis horis, tamen propter loca & pabulum disparile non usque quaque idem fit, in lactis duos con-

gios addunt coagulum magnitudine oleæ, ut coeat. quod melius leporinum & hoëdinum, quam agninum. alii pro coagulo addunt de fici ramo lac, & acetum. aspergunt item aliis aliquot rebus, quod Græci appellant alii ἑπὶ, alii δάκρυον. Non negarim, *inquam*, ideo apud divæ Rumæ sacellum a pastoribus satam ficum. ibi enim solent sacrificari lacte pro vino, & pro lactentibus. mammæ enim rumis, sive rumæ, ut ante dicebant, a rumi; & inde dicuntur subrumi agni: lactentes, a lacte. Quin aspergi solent sales: melior fossilis, quam marinus. De tonsura ovium, primum animadverto antequam incipiam facere, num scabiem aut ulcera habeant, ut, si opus est, ante curentur, quam tondeantur. Tonsuræ tempus inter æquinoctium vernum & solstitium, cum sudare inceperunt oves. a quo sudore recens lana tonsa fucida appellata est. Tonsas recentes eodem die perungunt vino & oleo: non nemo admixta cera alba, & adipe suillo. & si ea tecta solet esse, quam habuit pellem injectam, eam intrinsecus eadem re perinungunt, & tegunt rursus. Si qua in tonsura plagam accepit, eum locum oblinunt pice liquida. Oves hirtas tondent circiter ordeaceam messem: in aliis locis ante fœnificia. Quidam has in anno bis tondent, ut in Hispania citeriore, ac semestres faciunt tonsuras. duplicem impendunt operam, quod sic plus putant fieri lanæ. quo nomine quidam bis secant prata. Diligentiores tegiculis subjectis oves tondere solent, ne qui flocci intereant. Dies ad eam rem sumuntur sereni, & iis id faciunt fere a quarta ad decimam horam: quo-

niam sole calidiore tonsa ex sudore ejus lana fit mollior, & ponderosior, & colore meliore. quam demtam ac conglobatam alii vellera, alii velumina appellant. ex quorum vocabulo animadverti licet, prius lanæ vulsuram quam tonsuram inventam. Qui etiam nunc vellunt, ante triduo habent jejunas, quod languidæ minus radices lanæ retinent. Omnino tonsores in Italia primum venisse ex Sicilia dicuntur post R. C. A. CCCCLIV; ut scriptum in publico Ardeæ in literis exstat, eosque adduxisse P. Ticinium Menam. Olim tonsores non fuisse, adsignificant antiquorum statuae, quod pleræque habent capillum & barbam magnam. Suscipit COSSINIUS, Ut fructum ovis e lana ad vestimentum, sic capra pilos ministrat ad usum nauticum; & ad bellica tormenta, & fabrilia vasa. Neque non quædam nationes harum pellibus sunt vestitæ, ut in Getulia & in Sardinia. cujus usum apud antiquos quoque Græcos fuisse apparet, quod in tragœdiis senes ab hac pelle vocantur *δισδεπίας*, & in comœdiis; qui in rustico opere morantur, ut apud Cæcilium in Hypobolimæo habet adolescens, apud Terentium in Heautontimorumeno senex. Tondentur, quod magnis villis sunt, in magna parte Phrygiæ; unde Cilicia, & cetera ejus generis ferri solent. Sed quod primum ea tonsura in Cilicia sit instituta, nomen id Cilicas adjecisse dicunt. Illi hoc. neque ab hoc, quod mutaret Cossinius. & simul Vituli libertus in urbem veniens ex hortis divertitur ad nos, Et ego ad te missus, inquit, ibam domum

rogatum, ne diem festum faceres breviorē, & mature venires. Itaque discedimus ego & Scrofa in hortos ad Virulum. Niger in Turrani nostri. illi partim domum, partim ad Lenatem.

M. TERENTII VARRONIS RERUM RUSTICARUM

D E

VILLATICIS PASTIONIBUS

LIBER TERTIUS.

I. **C**UM duæ vitæ traditæ sint hominum, rustica, & urbana, Q. Pinii, dubium non est, quin hæ non solum locum discretæ sint, sed etiam tempore diversam originem habeant. antiquior enim multo rustica: quod fuit tempus, cum rura colerent homines, neque urbem haberent. Etenim vetustissimum oppidum cum sit traditum Græcum, Boeotiæ Thebæ, quod rex Ogyges ædificarit; in agro Romano Roma, quam Romulus rex: (nam in hoc nunc denique est, ut dici possit, non cum Ennius scripsit, *Septingenti sunt paulo plus aut minus anni, Augusto augurio postquam inclita condita Roma est.*) Thebæ, quæ ante cataclysmum Ogygi conditæ dicuntur, eæ tamen circiter duo millia annorum & centum sunt. quod tempus si referas ad illud principium, quo agri colli sunt coepti, atque in casis & tuguriis habitabant, nec murus, nec porta quid esset, sciebant: immani numero annorum urbanos.

agricolæ præstant. nec mirum, quod divina natura dedit agros, ars humana ædificavit urbes : cum artes omnes dicantur in Græcia intra mille annorum repertæ, agri nunquam non fuerint in terris, qui coli possint. Neque solum antiquior cultura agri, sed etiam melior. Itaque non sine causa majores nostri ex urbe in agris redigebant suos cives, quod & in pace a rusticis Romanis alebantur, & in bello ab his tuebantur. Nec sine causa Terram eandem appellabant matrem, & Cererem, & qui eam colerent, piam & utilem agere vitam credebant, atque eos solos reliquos esse ex stirpe Saturni regis. Cui consentaneum est, quod Initia vocantur potissimum ea, quæ Cereri fiunt sacra. Nec minus oppidi quoque nomen Thebæ indicant antiquiorem esse agrum, quod ab agri genere, non a conditore nomen ei est impositum. Nam lingua prisca & in Græcia Æoleis Bœotii sine afflatu vocant collis Tebas : & in Sabinis, quo e Græcia venerunt Pelasgi, etiam nunc ita dicunt. cujus vestigium in agro Sabinô via Salaria non longe a Reate milliarius clivus appellatur Thebæ. Cum agriculturam primo propter paupertatem maxime indiscretam haberent, quod a pastoribus qui erant orti, in eodem agro & serebant, & pascebant : qui postea creverunt, peculia diviserunt, ac factum, ut dicerentur alii agricolæ, alii pastores. Quæ ipsa pars duplex est, tamen si ab nullo satis discreta, quod altera est villatica pastio, altera agrestis. Hæc nota & nobilis, quod & pecuaria appellatur, & multum homines locupletat, & ob eam rem aut conductos, aut emptos

habent saltus. Altera villatica, quod humilis videtur, a quibusdam adjecta ad agriculturam cum esset pastio, neque explicata tota separatim, quod sciam, ab ullo. Itaque cum putarem esse rerum rusticarum, quæ constituta sunt fructus causa, tria genera, unum de agricultura, alterum de re pecuaria, tertium de villaticis pastionibus: tres libros institui, e quibus duo scripsi; primum ad Fundaniam uxorem de agricultura, secundum de pecuaria ad Turranium Nigrum. qui reliquus est tertius de villaticis fructibus, in hoc ad te mitto, quod visus sum debere pro nostra vicinitate & amore scribere potissimum ad te. Cum enim villam haberes, opere tectorio & intestino, ac pavementis nobilibus lithostrotis spectandam, parum putasses esse, ni tuis quoque literis exornati parietes essent. Ego quoque, quo ornatior ea esse posset fructu, quam factu, quoad facere possem, hæc ad te misi, recordatus de ea re sermones, quos de villa perfecta habuissimus. de quibus exponendis initium capiam hinc.

II. Comitibus ædificiis, cum sole caldo ego & Q. Axius senator tribulis suffragium tulissemus, & candidato, cui studebamus, vellemus esse præsto, cum domum rediret: AXIUS, Mihi dum dirimentur, inquit, suffragia, vis potius villæ publicæ utamur umbra, quam privati candidati tabella dimidiata ædificemus nobis? Opinor, *inquam*, non solum, quod dicitur, Malum consilium consultori est pessimum: sed etiam bonum consilium, qui consulit, & qui consulitur, bonum habendum. itaque imus,

venimus in villam. Ibi Appium Claudium augurem sedentem invenimus in subselliis, ut consuli, si quid usus poposcisset, esse præsto. Sedebat ad sinistram ei Cornelius Merula, consulari familia ortus, & Fircellius Pavo Reatinus. ad dextram Minutius Pica, & M. Petronius Passer. Ad quem cum accessimus, AXIUS APPIO subridens, Recipis nos, inquit, in tuum ornithona, ubi sedes inter aves? *Ille*, Ego vero, inquit, te præsertim, cujus aves hospitales etiam nunc ruſtor, quas mihi apposuisti paucis ante diebus in villa Reatina ad lacum Velini, eunti de controversiis Interamnatium & Reatinorum. Sed non hæc, inquit, villa, quamquam ædificarunt majores nostri, frugalior æ melior est, quam tua illa perpolita in Reatino. Nuncubi hic vides citrum, aut aurum? num minium, aut Armenium? num quod emblema aut lithostrotum? quæ illic omnia contra. Et cum hæc sit communis universi populi, illa solius tua. hæc quo succedant e campo cives, & reliqui omnes, illa quò equæ & asini: præterea cum ad rempublicam administrandam hæc sit utilis, ubi cohortes ad delectum consuli adductæ confidunt, ubi arma ostendant, ubi censores censu admittant populum. Tua, *inquit*, hæc in campo Martio extremo utilis, & non deliciis sumtuosior, quam omnes omnium Reatinæ? cum & oblita tabulis est pictis, nec minus signis ornata. At mea, vestigium ubi sit nullum Lysippi, aut Antiphili, sed crebra satoris & pastoris. Et cum villa non sit sine fundo magno, & eo polito cultura, tua ista neque agrum habet ullum, nec bovem, nec equam.

Denique quid tua habet simile villæ illius, quam tuus avus & proavus habebat? nec enim, ut illa, foenificia videt arida in tabulato, nec vindemiam in cella, neque in granario messim. Nam quod extra urbem est ædificium, nihilo magis ideo est villa, quam eorum ædificia, qui habitant extra portam flumentanam, aut in Æmilianis. APPIUS subridens, Quoniam ego ignoro, inquit, quid sit villa, velim me doceas, ne labar imprudentia, quod volo emere a M. Sejo in Ostiensi villam. Quod si ea ædificia villæ non sunt, quæ asinum tuum, quem mihi quadraginta millibus emtum ostendebas apud te, non habent, metuo, ne pro villa emam Ostiæ in litore Sejanas ædes. Quod ædificium hic me L. Merula impulit, ut cuperem habere, cum diceret, nullam se accepisse villam, qua magis delectatus esset, cum apud eum dies aliquot fuisset. nec tamen ibi se vidisse tabulam pictam, neque signum aheneum aut marmoreum ullum: nihilo magis torcula vasa vindemiatoria, aut serias olearias, aut trapetas. AXIUS aspicit *Merulam*, & Quid igitur, inquit, est ista villa, si nec urbana habet ornamenta, neque rustica membra? cui *ille*, Non minus villa tua erit ad angulum Velini, quam neque pictor, neque tector vidit unquam, quam in Rosea, quæ est polita opere tectorio eleganter, quam dominus habes communem cum asino. Cum significasset nutu, nihilo minus esse villam eam, quæ esset simplex rustica, quam eam, in qua esset utrumque, [& ea, & urbana] & rogasset, quid ex his rebus colligeret: Quid? inquit, si propter passionem tuam

fundus in Rosea probandus sit; & quod ibi pascitur pecus ac stabulatur, recte villa appellatur: hæc quoque simili de causa debet vocari villa, in qua propter pastiones fructus capiuntur magni. Quid enim refert, utrum propter oves, an propter aves fructus capias? anne dulcior est fructus apud te ex bubulo pecore, unde apes nascuntur, quam ex apibus, quæ ad villam in alveariis opus faciunt? & num pluris nunc tu e villa illic natos verres lanio vendis, quam hic apros macellario Sejus? Qui minus ego, inquit AXIUS, istas habere possum in Reatina villa? nisi si apud Sejum Siculum sit mel, Corficum in Reatino: & hic aprum glans cum pascit emticia, facit pinguem; illic gratuita exilem. APPIUS, Posse ad te fieri, inquit, Sejanas pastiones non negavit Merula: ego, non esse, ipse vidi. Duo enim genera cum sint pastionum: unum agreste, in quo pecuariæ sunt, alterum villaticum, in quo sunt gallinæ, ac columbæ, & apes, & cetera, quæ in villa solent pasci; de quibus & Poenus Mago, & Cassius Dionysius, & alii quid separatim ac disperfim in libris reliquerunt, quos Sejus legisse videtur, & ideo ex his pastionibus ex una villa majores fructus capere, quam alii faciunt ex toto fundo. Certe, inquit MERULA. nam ibi vidi greges magnos anserum, gallinarum, columbarum, gruum, pavonum, nec non glirium, piscium, apro- rum, & cetera venationis. ex quibus rebus scriba librarius, libertus ejus, qui apparuit Varroni, & me absente patrono hospitio accipiebat, in annos singulos plus quinquagena millia [e villa] capere di-

cebat. Axio admiranti, Certe nosti, *inquam*, mater-
 teræ meæ fundum in Sabinis, qui est ad quartum &
 vicesimum lapidem via salaria a Roma. Quidni, *in-*
quit? ubi æstate diem meridie dividere soleam, cum
 eo Reate ex urbe, aut cum inde venio hieme, noctu
 ponere castra. Atque in hac villa qui est ornithon,
 ex eo uno quinque millia scio venisse turdorum de-
 nariis ternis, ut, sexaginta millia ea pars reddiderit eo
 anno villæ, bis tantum quam tuus fundus ducentum
 jugerum Reate reddit. Quid sexaginta, inquit AXIUS?
 LX, LX. derides? Sexaginta, *inquam*. Sed ut ad hunc
 bolum pervenias, opus erit tibi aut epulum, aut
 triumphus alicujus, ut tunc fuit Scipionis Metelli,
 aut collegiorum cœnæ, quæ tunc innumerabiles
 excandefaciebant annonam macelli. Reliquis annis
 omnibus & hanc expectabis summam. spero non ti-
 bi decoquet [non] ornithon. neque hoc accidit his
 moribus, nisi raro, ut decipiaris. Quotus quisque
 enim est annus, quo non videas epulum, aut trium-
 phum, aut collegia [non] epulari, quæ nunc in-
 numerabiles incendunt annonam? Sed propter lu-
 xuriam, *inquit*, quodammodo epulum quotidianum
 est intra januas Romæ. Nonne item L. Albutius,
 homo, ut scitis, apprime doctus, cujus Luciliano
 charactere sunt libelli, dicebat in Albano fundum
 suum passionibus semper vinci a villa? agrum enim
 minus dena millia reddere, villam plus vicena.
 Idem secundum mare, quo loco vellet, si parasset
 villam, se supra centum millia [e villa] receptu-
 rum. Age non M. Cato nuper cum Luculli accepit
 tutelam, e piscinis ejus quadraginta millibus sexter-

tiis vendidit pisces? AXIUS, *Merula* mi, inquit; recipe me quæso discipulum villaticæ pastionis. *Ille*, Quin simulac promiseris minerval, incipiam, inquit, id est coenam. Ego vero non recuso, vel hodie ex ista pastione crebro. APPIUS, Credo simulac primum ex isto villatico pecore mortui erunt anseres, aut pavones. Cui *ille*, quid enim interest, utrum morticinas editis volucres, an pisces, quos nisi mortuos estis nunquam? Sed oro te, inquit, induce me in viam disciplinæ villaticæ pastionis, ac vim formamque ejus expone, *Merula*, non gravate.

III. Primum, inquit, dominum scientem esse oportet earum rerum, quæ in villa, circumve eam ali ac pasci possint, ita ut domino sint fructui ac delectationi. Ejus disciplinæ genera sunt tria, ornithones, leporaria, piscinæ. Nunc ornithonas dico omnium alitum, quæ intra parietes villæ solent pasci. Leporaria te accipere volo, non ea, quæ tritavi nostri dicebant, ubi soliti lepores sint, sed omnia sæpta, afficta villæ quæ sunt, & habent inclusa animalia, quæ pascantur. Similiter piscinas dico eas, quæ in aqua dulci aut salsa inclusos habent pisces ad villam. Harum singula genera minimum in binas species dividi possant; in prima parte ut sint, quæ terra modo sunt contenta, ut sunt pavones, turtures, turdi. altera species sunt, quæ non sunt contenta terra solum, sed etiam aquam requirunt, ut sunt anseres, querquedulæ, anates. Sic alterum genus illud venaticum duas habet diversas species: unam, in qua est aper, caprea, lepus. Altera item

extra villam quæ sunt, ut apes, cocleæ, glires. Tertiî generis aquatilis item species duæ, partim quod habent pisces in aqua dulci, partim quod in marina. De his sex partibus: ad ista tria genera artificum paranda, aucupes, venatores, piscatores, aut ab his emenda, quæ tuorum servorum diligentia tuearis in foetura ad partus, & nata nutrire saginesque, in macellum ut perveniant. Neque non etiam quædam assumenda in villam sine retibus aucupis, venatoris, piscatoris, ut glires, cocleæ & gallinæ. Earum rerum cultura instituta prima, ea quæ in villa habentur. non enim solum augures Romani ad auspicia primum pararunt pullos, sed etiam patres familiæ rure. Secunda, quæ macerie ad villam venationis causa cluduntur, & propter alvearia. apes enim subter subgrundas ab initio vilatico usæ testæ. Tertia piscinæ dulces fieri cœptæ, & e fluminibus captos recepere ad se pisces. Omnibus tribus his generibus sunt bini gradus: superiores, quos frugalitas antiqua; inferiores, quos luxuria posterior adjecit. Primus enim ille gradus antiquus majorum nostrum erat, in quo essent aviaria, duo dumtaxat: in plano cohors, in qua pascebantur gallinæ, & earum fructus erant ova, & pulli. alter sublimis, in quo erant columbæ in turribus, aut summa villa. Contra, nunc aviaria sunt nomine mutato, quod vocantur ornithones, quæ palatum suave domini paravit, ut testæ majora habeant, quam tum habebant totas villas, in quibus stabulentur turdi ac pavones. Sic in secunda parti ac leporario pater tuus, *Axi*, præterquam lepusculum e ve-

natione vidit nunquam. Neque enim erat magnum id sæptum, quod nunc, ut habeant multos apros ac capreas, complura jugera maceriis concludunt. Non tum, *inquit* mihi, cum emisti fundum Tusculanum a M. Pisone, in leporario apri fuerunt multi? In tertia parti quis habebat piscinam, nisi dulcem, & in ea dumtaxat squalos ac mugiles pisces? Quis contra nunc Rhinton non dicit sua nihil interesse, utrum iis piscibus stagnum habeat plenum, an ranis? Non Philippus cum ad Immidium hospitem Casini divertisset, & ei e tuo flumine lupum piscem formosum apposuisset, atque ille gustasset, & exspuisset, dixit, Peream, ni piscem putavi esse? Sic nostra ætas, *inquam*, luxuria propagavit leporaria, ac piscinas protulit ad mare, & in eas pelagios greges piscium revocavit. Non propter hos appellati Sergius Orata, & Licinius Murena? Quis enim propter nobilitatem ignorat piscinas Philippi, Hortensii, Lucullorum? Quare, unde velis me incipere, *Axi*, dic.

IV. Ille, Ego vero, *inquit*, (ut ajunt) post principia in castris, id est, ab his potius temporibus, quam superioribus: quod ex pavonibus fructus capiuntur majores, quam e gallinis. Atque adeo non dissimulabo, quod volo, de ornithone primum, quod lucri fecerunt hoc nomen turdi. sexaginta enim millia Fircellina excande me fecerunt cupiditate. MERULA, Duo sunt, *inquit*, ornithonis genera. unum delectationis causa, ut Varro hic fecit noster sub Casino, quod amatores invenit multos. alterum fructus causa, quo genere macellarii, &

in urbe quidam habent loca clausa, & rure maxime conducta in Sabinis, quod ibi propter agri naturam frequentes apparent turdi. Ex his tertii generis voluit esse Lucullus conjunctum aviarium, quod fecit in Tusculano, ut in eodem tecto ornithonis inclusum triclinium haberet, ubi delicate coenitaret, & alios videret in mazonomo positos coctos, alios volitare circum fenestras captos. Quod inutile invenerunt. Nam non tantum in eo oculos delectant intra fenestras aves volitantes, quantum offendit, quod alienus odor opplet nares.

V. Sed quod te malle arbitror, Axi, dicam de hoc ornithone, quod fructus causa faciunt, unde, non ubi, sumuntur pingues turdi. Igitur testudo (ut peristylum tectum tegulis, aut rete) fit magna, in qua millia aliquot turdorum ac merularum includere possint. Quidam cum eo adjiciunt præterea aves alias quoque, quæ pingues veneunt cære, ut miliaria ac coturnices. In hoc tectum aquam venire oportet per fistulam, & eam potius per canales angustas serpere, quæ facile extergeri possint; si enim late ibi diffusa aqua, & inquinatur facilius, & bibitur inutilius: & ex eis caduca [quæ abundat,] per fistulam exire, ne luto aves laborent. Ostium habere humile, & angustum, & potissimum ejus generis, quod cochleam appellant, ut solet esse in cavea, in qua tauri pugnare solent. Fenestras raras, per quas non videantur extrinsecus arbores, aut aves; quod earum aspectus ac desiderium macrescere facit volucres inclusas. Tantum luminis habere oportet, ut aves videre possint ubi assident, ubi

cibus, ubi aqua sit. Tectorio tacta esse levi circum ostia, ac fenestras, ne aqua intrare, mus, aliave quæ bestia possit. Circum hujus ædificii parietes intrinsecus multos esse palos, ubi aves assidere possint; præterea e perticis inclinatis ex humo ad parietem, & in eis transversis gradatim modicis intervallis perticis annexis, [ad] speciem cancellorum scenicorum ac theatri. deorsum in terram esse aquam, quam bibere possint; cibatu offas positas. eæ maxime glomerantur ex ficis, & farre mixto. Diebus viginti antequam quis tollere vult turdos, largius dat cibum, quod plus ponit, & farre subtiliore incipit alere. In hoc tecto caveaque tabulata habeant aliquot ad perticæ supplementum. Contra hoc aviarium est aliud minus, in quo, quæ mortuæ ibi sunt aves, ut domino numerum reddat, curator servare solet. Cum opus sunt, ex hoc aviario ut sumantur idoneæ, excluduntur in minusculum aviarium, quod est conjunctum cum majore ostio, lumine illustriore, quod secluforium appellant. Ibi cum eum numerum habet exclusum, quem sumere vult, omnes occidit. Hoc ideo in secluso clam, ne reliqui, si videant, despondeant animum, atque alieno tempore venditoris moriantur. [Non ut advenæ volucres pullos faciunt, in agro ciconiæ, in tecto hirundines, sic aut hic aut illic turdi, qui cum sunt nomine mares, re vera feminæ quoque sunt: neque id non secutum ut esset in merulis, quæ nomine feminino mares quoque sint. Præterea volucres cum partim advenæ sint, ut hirundines & grues; partim vernaculæ, ut gallinæ ac columbæ:

de illo genere sunt turdi adventicio, ac quotannis in Italiam trans mare advolant circiter æquinoctium autumnale, & eodem revolant ad æquinoctium verum. Et alio tempore turtures, ac coturnices immani numero. hoc ita fieri apparet in insulis propinquis Pontiis, Palmariæ, Pandataria. Ibi enim in prima volatura cum veniunt, morantur dies paucos requiescendi causa. Idemque faciunt, cum ex Italia trans mare remeant.] APPIUS *Axio*, Si quinque millia huc conjeceris, inquit, & erit epulum ac triumphus, sexaginta millia quæ vis, statim in foenus des licebit. Tum *mihi*, Tu dic illud alterum genus ornithonis, qui animi causa constitutus a te sub Casino fertur, in quo diceris longe vicisse non modo archetypon inventoris nostri ὀρνιθορροῖον M. Læni Strabonis, qui Brundisii hospes noster primus in peristylo habuit exedra conclusas aves, quas pasceret objecto rete, sed etiam in Tusculano magno ædificio Luculli. Cui *ego*, Cum habeam sub oppido Casino flumen, quod per villam fluat liquidum & altum, marginibus lapideis, latum pedes LVII, & e villa in villam pontibus transeat, longum P. DCCCCL, directum ab insula [ad Museum,] quæ est ab imo fluvio, ubi confluit altera amnis ad summum flumen, ubi est Museum. Circum hujus ripas ambulatio sub dio, pedes lata denos. Ab hac ambulatione in agrum versus, ornithonis locus ex duabus partibus dextra & sinistra maceris altis conclusus. Inter quas locus, qui est ornithonis, patet in latitudinem P. XLVIII, deformatus ad tabulæ literariæ speciem cum capitulo. Forma qua est qua-

drata, patet in longitudinem P. LXXII; qua ad capitulum rotundus est, P. XXVII. Ad hæc, ita ut in margine quasi infimo tabulæ descripta sit ambulatio, ab ornithone plumula, in qua media sunt caveæ, qua introrsus iter in aream est. In limine, in lateribus dextra & sinistra porticus sunt primoribus columnis lapideis, intermediis arbusculis humilibus, ordinatæ, cum a summa macerie ad epistylum tecta porticus sit rete cannabina, & ab epistyllo ad stylobaten. hæ sunt avibus omne genus oppletæ, quibus cibus ministratur per retem, & aqua rivulo tenui affluit. Secundum stylobatis interiorem partem, dextra & sinistra, ad summam aream quadratam, e medio diversæ duæ non latæ, sed oblongæ sunt piscinæ ad porticus versus. Inter eas piscinas tantummodo accessus femita in tholum, qui est ultra rotundus columnatus, ut est in æde Catuli, si pro parietibus feceris columnas. Extra eas columnas est silva manu fata, grandibus arboribus tecta, ut infima perluceat, tota sæpta maceriis altis. Intra tholi columnas exteriores lapideas, & totidem interiores ex abiete tenues, locus est P. v latus. Inter columnas exteriores pro pariete reticuli e nervis sunt, ut perspici in silva possit, & quæ ibi sunt, neque avis eas transire. Intra interiores columnas pro pariete rete aviarium est objectum. Inter has, & exteriores gradatim substructum ut *θεατρίδιον* aviium. mutuli crebri omnibus columnis impositi, sedilia avium. Intra retem aves sunt omne genus, maxime cantrices, ut lusciniolæ ac merulæ, quibus aqua ministratur per canaliculam, cibus objicitur

sub retem. Subter columnarum stylobatem est lapis a falere pedem & dodrantem alta: ipsum falere ad duo pedes altum a stagno, latum ad quinque, ut in culcitas & columellas convivæ pedibus circumire possint. Infimo intra falere est stagnum cum margine pedali, & insula in medio parva. Circum falere & navalia sunt excavata anatium stabula. In insula est columella, in qua intus axis, qui promensa sustinet rotam radiatam, ita ut ad extremum, ubi orbile solet esse acutum, tabula cavata sit, ut tympanum in latitudinem duo pedes & semipedem, in altitudinem palmum. Hæc ab uno puero, qui ministrat, ita vertitur, ut omnia una ponantur & ad bibendum, & ad edendum, & admoveantur ad omnes convivas. Ex suggesto faleris, ubi solent esse περιπέτασματα, prodeunt anates in stagnum, ac nant, e quo rivus pervenit in duas, quas dixi, piscinas, ac pisciculi ultro ac citro commeant: cum, & aqua calida & frigida ex orbi ligneo mensaque, quam dixi in primis radiis esse, epitoniis versis ad unumquemque, factum sit, ut fluat in convivam. Intrinsecus sub tholo stella lucifer interdiu, noctu hesperus, ita circumeunt ad infimum hemisphærium, ac moventur, ut indicent, quot sint horæ. In eodem hemisphærio medio circum cardinem est orbis ventorum octo, ut Athenis in horologio, quod fecit Cyrrhestes. ibique eminens radius a cardine ad orbem ita movetur, ut eum tangat ventum, qui flet, ut intus scire possis. Cum hæc loqueremur, clamor fit in campo. Nos athletæ comitiorum una, cum id fieri non miraremur propter studia suffragatorum,

& tamen scire vellemus, quid esset, venit ad nos Pantulæjus Parra. Narrat ad tabulam, cum diriberent, quendam deprehensum tesserulas conjicientem in loculum, eum ad consulem tractum a fautoribus competitorum. Pavo surgit, quod ejus candidati custos dicebatur deprehensus.

VI. AXIUS, De pavone, inquit, libere licet dicas, quoniam discessit Fircellius, qui secus si quid diceres de iis, gentilitatis causa, fortasse an tecum duceret ferram. Cui MERULA, De pavonibus nostra memoria, inquit, greges haberi coepti, & venire magno. Ex iis M. Aufidius Lurco supra sexagena millia numum in anno dicitur capere. Ii aliquanto pauciores esse debent mares, quam feminæ, si ad fructum spectes; si ad delectationem, contra: formosior enim mas. Pavonum greges agrestes transmarini esse dicuntur in insulis, Sami in luco Junonis, item in Planasia insula M. Pisonis. Hi ad greges constituendos parantur bona ætate, & bona forma. huic enim natura formæ e volucris dedit palmam. Ad admissuram hæ minores bimæ non idoneæ, nec jam majores natu. Pascuntur omne genus obiecto frumento, maxime ordeo. itaque Sejus iis dat in menses singulos ordeï singulos modios, ita ut in foetura det uberius, & antequam salire incipiant. Is a procuratore ternos pullos exigit, eosque, cum creverunt, quinquagenis denariis vendit, ut nulla ovis hunc assequatur fructum. Præterea ova emit, ac supponit gallinis, ex quibus [ex iis] excusos pullos, refert in testudinem eam, in qua pavones habet, quod testum pro multitudine pavonum

fieri debet, & habere cubilia discreta, testorio levata, quo neque serpens, neque bestia accedere ulla possit. Præterea habere locum ante se, quo pastum exeant diebus apricis. Utrumque locum purum esse volunt hæ volucres. itaque pastorem earum cum patillo circumire oportet, ac sterces tollere, ac conservare; quod & ad agriculturam idoneum est, & ad substramen pullorum. Primus hos Q. Hortensius augurali adjiciali coena posuisse dicitur. quod potius factum tum luxuriosi, quam severi boni viri laudabant. quem cito secuti multi extulerunt eorum pretia, ita ut ova eorum denariis veneant quinis, ipsi facile quadragenis, grex centenarius facile quadragenà millia sextertia ut reddat, ut quidem Albutius ajebat, si in singulos ternos exigeret pullos, perfici sexagena posse.

VII. Interea venit apparitor Appii a consule, & augures ait citari. Ille foras exit e villa. At in villam intro involant columbæ. de quibus MERULA Axio, Si unquam περιστεροτροφεῖον constituisses, has tuas esse putares, quamvis feræ essent. Duo enim genera earum in περιστεροτροφεῖον esse solent. Unum agreste, ut alii dicunt, saxatile, quod habetur in turribus ac columinibus villæ, a quo appellatæ columbæ, quæ propter timorem naturalem summa loca in tectis captant. quo fit, ut agrestes maxime sequantur turres, in quas ex agro evolant suapte sponte, ac remeant. Alterum genus illud columbarum est clementius, quod cibo domestico contentum intra limina januæ solet pasci. hoc genus maxime est colore albo. illud alterum agreste sine albo,

vario. Ex his duabus stirpibus fit miscellum tertium genus fructus causa, atque incedunt in locum unum, quod alii vocant *περιστερεῶνα*, alii *περιστεροτροφεῖον*. in quo uno sæpe vel quinque millia sunt inclusæ. *Περιστερεῶν* fit, ut testudo. magna, camera tectus, uno ostio angusto, fenestris Punicanis, aut latioribus, reticulatis utrinque, ut locus omnis sit illustris, neve quæ serpens, aliudve quid animal maleficum introire queat. Intrinsecus quam levissimo marmore toti parietes ac cameræ oblinuntur, & extrinsecus, circum fenestras, ne mus aut lacerta qua adrepere ad columbaria possit. nihil enim timidius columba. Singulis paribus columbaria fiunt rotunda in ordinem crebra. ordines quam plurimi esse possunt a terra usque ad cameram. Columbaria singula esse oportet, ut os habeant, quo introire & exire possit; intus ternorum palmorum ex omnibus partibus. Sub ordines singulos tabulæ fictæ ut sint bipalmes, quo utantur vestibulo, ac prodeant. Aquam esse oportet, quo influat, unde & bibere, & ubi lavari possint. permundæ enim sunt hæ volucres. Itaque pastorem columbarium quotquot mensibus crebro oportet everrere. est enim, quod eum inquinat locum, appositum ad agriculturam, ita ut hoc optimum esse scripserint aliquot. sive quæ columba quid offenderit, ut medeatur. si qua perierit, ut efferatur. si qui pulli idonei sunt ad vendendum, promat. Item quæ foetæ sunt, in certum locum ut disclusum ab aliis rete habeant, quo transferantur, e quo foras evocare possint matres. Quod faciunt duabus de causis. una, si fastidiunt, aut inclusæ con-

fenescunt, quo libero aere cum exierint in agros, redintegrentur. altera de causa propter illicium. ipsæ enim propter pullos, quos habent, utique redeunt, nisi a corvo occisæ, aut ab accipitre interceptæ. Quos columbarii interficere solent, duabus virgis viscatis defixis in terram, inter se curvatis, cum inter eas posuerint obligatum animal, quod item petere soleant accipitres, qui ita decipiuntur, cum se obleverunt visco. Columbas redire solere ad locum licet animadvertere, quod multi in theatro e sinu missas faciunt, [atque ad locum redeunt:] quæ nisi reverterentur, non emitterentur. Cibus apponitur circum parietes in canalibus, quas extrinsecus per fistulas supplent. Delectantur milio, tritico, ordeo, piso, fæcolis, ervo. Item feras has in turribus, ac summis villis, qui habent, agrestes columbas, quoad possunt immittendum in περιστερῶνας ætate bona. parandum neque pullos, neque vetulas, totidem mares quot feminas. Nihil columbis fœcundius. itaque diebus quadragenis concipit, & parit, & incubat, & educat. Et hoc fere totum annum faciunt: tantummodo intervallum faciunt a bruma ad æquinoctium vernal. Pulli nascuntur bini, qui simulac creverunt, & habent robur, cum matribus pariunt. Qui solent saginare pullos columbinos, quo pluris vendant, secludunt eos, cum jam pluma sunt testi. deinde manducato candido farciunt pane: hieme hoc bis, æstate ter, mane, meridie, vespere. hieme demunt cibum medium. Qui jam pinnas incipiunt habere, relinquunt in nido illis crucibus, & matribus, uberius ut cibo uti possint, ob-

jiciunt. eo enim totum diem se, & pullos pascunt. qui ita educantur, celerius pinguiores fiunt, quam alii, & candidiores. Parentes eorum Romæ, si sunt formosi, bono colore, integri, boni seminis, paria singula vulgo veneunt ducenis numis, nec non eximia singulis millibus numum, quas nuper cum mercator tanti emere vellet a L. Axio, equite Rom. minoris quadringentis denariis daturum negavit. AXIUS, Si possem emere, inquit, περιστερῶνα factum, quemadmodum in ædibus cum habere vellem, emi fistilia columbaria, jam iissem emtum, & misissem ad villam. Quasi vero, inquit PICA, non in urbe quoque sint multi. An tibi columbaria qui in tegulis habent, non videntur habere περιστερῶνας, cum aliquot supra centum millium sextertium habeant instrumentum? e queis alicujus totum emas censeo, & antequam ædificas rure, magnum condiscas hic in urbe quotidie lucrum, assem semissem condere in loculos.

VIII. Tum MERULA, Perge deinceps. *Ille*, Turturibus item, inquit, locum constituendum proinde magnum, ac multitudinem alere velis; eumque item, ut de columbis dictum est, ut habeat ostium ac fenestras, & aquam puram, ac parietes, ac cameras munitas tectorio. Sed pro columbariis in pariete mutulos, aut palos in ordinem, supra quos tegeticulæ cannabinæ sint impositæ. Infimum ordinem oportet abesse a terra non minus tres pedes, inter reliquos dodrantes, a summo ad cameram ad semipedem, æque latum ac mutulus a pariete existare potest, in quibus dies noctesque pascuntur. Ci-

batui quod sit, objiciunt triticum siccum in centenos vicanos turtures fere semodium, quotidie everrentes eorum stabula, a stercore ne offendantur, quod item servatur ad agrum colendum. Ad saginandum appositissimum tempus circiter messem. Etenim matres eorum tunc optimæ sunt, cum pulli plurimi gignuntur, qui ad farturam meliores. Itaque eorum fructus id temporis maxime consistit.

IX. AXIUS, Ego quæ requiro farsuræ assuræ membra de palumbis, de gallinis dic sodcs, *Merula*: tum de reliquis, si quid idoneum fuerit, racemari licebit. Igitur sunt gallinæ, quæ vocantur, generum trium, villaticæ, & rusticæ, & Africanæ. Gallinæ villaticæ sunt, quas deinceps rure habent in villis. De his qui ὀρνιθοβοσκήειν institdere volunt, iidem adhibita scientia ac cura, ut capiant magnos fructus (ut maxime fecerunt Deliaci) hæc quinque maxime animadvertant oportet: de emptione, cujusmodi, & quam multas parent; de foetura, quemadmodum admittant, & pariant; de ovis, quemadmodum incubent, & excudant; de pullis, quemadmodum & a quibus educantur. Hisce appendix adjicitur, pars quinta, quemadmodum saginentur. E quibus tribus generibus proprio nomine vocantur feminæ, quæ sunt villaticæ, gallinæ; mares galli; capi semimares, quod sunt castrati. Gallos castrant, ut sint capi, candenti ferro inurentes ad infima crura, usque dum rumpatur. at quod exstat ulcus, oblinunt figlina creta. Qui spectat, ut ὀρνιθοβοσκήειν perfectum habeat, sint licet genera ei tria paranda, maxime villaticas gallinas. e quibus in pa-

rando eligat oportet fœcundas, plerumque rubicunda pluma, nigris pinnis, imparibus digitis, magnis capitibus, crista erecta, ampla. hæ enim ad partiones sunt aptiores. Gallos falaces; qui animadvertunt, si sunt lacertosi, rubenti crista, rostro brevi, pleno, acuto, oculis ravis, aut nigris, palea rubra subalbicanti, collo vario, aut aureolo, feminibus pilosis, cruribus brevibus, unguibus longis, caudis magnis, frequentibus pinnis. Item qui elati sunt, ac vociferant sæpe, in certamine peritinoses, & qui animalia, quæ nocent gallinis, non modo non pertimescant, sed etiam pro gallinis propugnent. Nec tamen sequendum in seminio legendo Tanagricos, ac Medicos, & Chalcidicos, qui sine dubio sunt pulchri, & ad præliandum inter se maxime idonei, sed ad partus sunt steriliores. Si ducentas alere velis, locus sæptus attribuendus, in quo duæ caveæ conjunctæ magnæ constituendæ, quæ spectent ad exorientem versus, utraq; in longitudinem circiter decem pedes, latitudine dimidiis minores, [quam in] altitudine paulo humiliores. utraq; fenestra lata tripedali, & eo pede altiores e viminibus factæ raris, ita ut lumen præbeant multum, neque per eas quidquam ire intro possit, quæ nocere solent gallinis. Inter duas ostium sit, qua gallinarius, curator earum, ire possit. In caveis crebræ perticæ trajectæ sint, ut omnes sustinere possint gallinas. Contra singulas perticas in pariete exsculpta sint cubilia earum. ante sit, ut dixi, vestibulum sæptum, in quo diurno tempore esse possint, atque in pulvere volutari. Præterea sit

cella grandis, in qua curator habitet, ita ut in parietibus circum omnia plena sint cubilia gallinarum, aut exsculpta, aut afficta firmiter. motus enim, cum incubant, nocet. In cubilibus, cum parturient, acus substernendum. cum pepererunt, tollere substramen, & recens aliud subjicere, quod pulices & cetera nasci solent, quæ gallinam conquiescere non patiuntur; ob quam rem ova aut inæquabiliter maturescunt, aut consenescent. Quæ velis incubet, negant plus xxv oportere ova incubare, quamvis propter fecunditatem pepererit plura. Optimum esse partum æquinoctio verno, ad autumnale. Itaque quæ ante aut post nata sunt, & etiam prima eo tempore, non supponenda: & ea, quæ subjiciat, potius vetulis, quam pullastris, & quæ rostra aut unguis non habeant acutos, quæ debent potius inconcipiendo occupatæ esse, quam incubando. Appositissimæ ad partum sunt anniculæ, aut bimæ. Si ova gallinis pavonina subjicies, cum jam decem dies pavonina fovere cœpit, tum denique gallinacea subjicere, ut una excudent. Gallinaceis enim pullis bis deni dies opus sunt, pavoninis ter novem. Eas includere oportet, ut diem & noctem incubent, præter quam a mane & vespere, dum cibus ac potio his detur. Curator oportet circumeat diebus interpositis aliquot, ac vertere ova, uti æquabiliter concalefiant. Ova plena sint, atque utilia, necne? animadverti ajunt posse, si demiseris in aquam. quod inane, natat; plenum, defidit. Qui (ut hoc intelligant) concutiant, errare, quod in eis vitales venas confundant. In iis idem ajunt, cum

ad lumen sustuleris, quod perluceat, id esse ob inane. Qui hæc volunt diutius servare, perfricant sale minuto, aut muria, tres aut quatuor horas; eaque abluta condunt in fursures, aut acus. In supponendo ova observant, ut fiat numero imparia. Ova, quæ incubantur, habeantne semen pulli, curator quatriduo, postquam incubari coepit, intelligere potest, si contra lumen tenuit, & purum uniusmodi esse animadvertit, putant ejiciendum, & aliud subjiendum. Excusos pullos subducendum ex singulis nidis, & subjiendum ei, quæ habeat paucos. ab eaque, si reliqua sint ova pauciora, tollenda, & subjienda aliis, quæ nondum excuderunt, & minus habent xxx pullos. hoc enim gregem majorem non faciendum. Objiciendum pullis diebus xv primis mane subiecto pulvere (ne rostris noceat terra dura) polentam mixtam cum nasturtii semine, & aqua aliquanto ante facta intrita, ne tum denique in eorum corpore turgescat. aqua prohibendum. Quando de clunibus coeperint habere pinnas, e capite & e collo eorum crebro eligendi pedes. sæpe enim propter eos consenescent. Circum caveas eorum incendendum cornum cervinum, ne quæ serpens accedat: quarum bestiarum ex odore solent interire. Prodigendi in solem & in sterquilinum, ut [se] volutare possint, quod ita alibiores fiunt. neque pullos tantum, sed omne *ἀπριζοβοσκεῖον*, cum æstate, tum utique cum tempestas sit mollis, atque apricum; intento supra rete, quod prohibeat eas extra sæpta evolare, & in eas involare extrinsecus accipitrem, aut quid aliud;

evitantem caldorem & frigus, quod utrumque his adversum. Cum jam pinnas habebunt, consuefaciendum, ut unam, ut duas sectentur gallinas, ceteræ ut potius ad pariendum sint expeditæ, quam in nutritu occupatæ. Incubare oportet incipere secundum novam lunam, quod fere quæ ante, pleraque non succedunt. Diebus fere xx excidunt. De quibus villaticis (quoniam vel nimium dictum) brevitate reliqua compensabo. Gallinæ rusticæ sunt in urbe raræ, nec fere mansuetæ sine cavea videntur Romæ, similes facie non his villaticis gallinis nostris, sed Africanis, aspectu ac facie incontaminata. In ornatibus publicis solent poni cum psittacis, ac merulis albis, item aliis id genus rebus inusitatis. Neque fere in villis ova, ac pullos faciunt, sed in silvis. Ab his gallinis dicitur insula Gallinaria appellata, quæ est in mari Tusco secundum Italiam contra montes Ligusticos, Intemelium, Albium Ingaunum. alii ab his villaticis investis a nautis, ibi feris factis procreatis. Gallinæ Africanæ sunt grandes, variæ, gibberæ, quas *μελεαγρίδας* appellant Græci. Hæ novissimæ in triclinium ganearium introierunt e culina, propter fastidium hominum. Veniunt propter penuriam magno. De tribus generibus, gallinæ saginantur maxime villaticæ. eas includunt in locum tepidum, & angustum, & tenebri-
cosum, (quod motus earum & lux pinguitudini inimica) ad hanc rem electis maximis gallinis, nec continuo his, quas Melicas appellant falso, quod antiqui ut Thetin Thelim dicebant, sic Medicam Melicam vocabant. Hæ primo dicebantur, quia ex

Media propter magnitudinem erant allatæ, quæque ex iis generatæ postea propter similitudinem. Amplas omnes ex iis, evulsis ex alis pinnis & e cauda farciunt turundis ordeaceis, partim admixtis ex farina loliacea, aut semine lini ex aqua dulci. Bis die cibum dant, observantes ex quibusdam signis, ut prior sit concoctus, quam secundum dent. Dato cibo, cum perpurgarunt caput, ne quos habeant pedes, rursus eas concludunt. Hoc faciunt usque ad dies xxv. tunc denique pingues fiunt. Quidam ex triticeo pane intrito in aquam, mixto vino bono & odorato, farciunt, ita ut diebus xx pingues reddant ac teneras. Si in farciendo nimio cibo fastidiunt, remittendum in datione, pro portione, ac decem primis processit, in posterioribus, ut diminuat eadem ratione, ut vicesimus dies & primus sit par. Eodem modo palumbes farciunt, ac reddunt pingues.

X. Transi, inquit AXIUS, nunc in illud genus, quod vos philogræci vocatis ἀμφίβιον, quod non est ulla villa ac terra contentum, sed requirit piscinas, in quibus ubi anseres aluntur, nomine χηνοβοσκειον appellatis. Horum greges Scipio Metellus & M. Sejus habent magnos aliquot. MERULA, Sejus, inquit, ita greges comparavit anserum, ut hos quinque gradus observaret, quos in gallinis dixi. Hi sunt de genere, de fœtura, de ovis, de pullis, de sagina. Primum jubebat servum in legendo observare, ut essent ampli & albi: quod plerumque pullos similes sui faciunt. Est enim alterum genus varium, quod ferum vocatur, nec cum iis libenter congregatur,

nec æque fit mansuetum. Anseribus admittendis tempus est aptissimum a bruma: ad pariendum & incubandum a Kalend. Martii usque ad solstitium. Saliunt fere in aqua, inungentur in flumen, aut piscinam. Singulæ non plus quater in anno pariunt. Singulis, ubi pariant, faciendum haras quadratas circum binos pedes, & semipedem. eas substernendum palea. Notandum earum ova aliquo signo, quod aliena non excudunt. Ad incubandum supponunt plerumque IX aut XI. qui hoc minus, VII: qui hoc plus, XV. Incubat tempestatibus dies XXX, tepidioribus XXV. Cum excudit, quinque diebus primis patiuntur esse cum matre. deinde quotidie serenum cum est, producunt in prata, item piscinas, aut paludes: iisque faciunt haras supra terram aut subtus; in quæis non includant plus vicanos pullos. easque cellas provident, ne habeant in solo humorem, & ut molle habeant substramen e palea, aliave quare, neve qua eo accedere possint mustelæ, aliæve bestiæ, quæ noceant. Anseres pascunt in humidis locis, ubi pabulum ferunt, quod aliquem fructum ferat, feruntque his herbam, quæ vocatur seris, quod ea aqua tacta etiam cum est arida, fit viridis. Folia ejus decerpentes dant, ne si eo inegerint, ubi nascitur, aut obterendo perdant, ut ipsi cruditate pereant. voraces enim sunt natura. quo temperandum iis, qui propter cupiditatem sæpe in pascendo, si radicem prenderunt, quam educere velint e terra, abrumpunt collum. perimbecillum enim id, ut caput molle. Si hæc herba non est, dandum ordeum, aut frumentum aliud. Cum est tempus farra-

ginis, dandum ut in feri dixi. Cum incubant, ordeum iis intritum in aqua apponendum. Pullis primum biduo polenta, aut ordeum apponitur, tribus proximis nasturtium viride confectum minutatim ex aqua in vas aliquod. Cum autem sunt inclusi in haras aut speluncas, ut dixi, victui obijciunt his polentam ordeaceam, aut farraginem, herbamve teneram aliquam concisam. Ad faginandum eligunt pullos circiter sexquimenſe qui ſunt natu: eos includunt in faginario, ibique polentam & pollinem aqua madefaſta dant cibum, ita ut per dies ſaturent. ſecundum cibum large ut bibant faciunt poteſtatem. ſic curati circiter duobus menſibus fiunt pingues. Quotieſcunque ſumſerunt, locus ſolet purgari: quod ipſi ament locum purum, neque ipſi ullum, ubi fuerint, relinquunt purum.

XI. Qui autem volunt greges anatium habere, ac conſtituere *νησσοτροφείον*, primum locum, cui eſt facultas, eligere oportet paluſtrem, quod eo maxime delectantur. ſi id non, potiſſimum ibi, ubi ſit naturalis aut lacus, aut ſtagnum, aut manuſaſta piſcina, quo gradatim descendere poſſint. Sæptum altum eſſe oportet, ubi verſentur, ad pedes xv, ut vidistiſ ad villam Sei, quod uno oſtio claudatur. circum totum parietem intrinſecus crepido lata, in qua ſecundum parietem ſint teſta cubilia: ante eas veſtibulum earum exæquatam teſtorio opere teſtaceo. In eo perpetua canalis, in quam & cibus ponitur iis, & immittitur aqua. ſic enim cibum capiunt. Omnes parietes teſtorio levigantur, ne fæles, aliave quæ beſtia introire ad nocendum poſ-

fit, idque sæptum totum rete grandibus maculis integitur, ne eo involare aquila possit, neve ex ea evolare anas. Pabulum iis datur triticum, ordeum, vinacei, uvæ. nonnunquam etiam ex aqua cammari, & quædam ejusmodi aquatilia. Quæ in eo sæpto erunt piscinæ, in eas aquam large influere oportet, ut semper recens sit. Sunt item non dissimilia alia genera, ut querquedulæ, phalarides. sic perdices, quæ, ut Archelaus scribit, voce maris audita, concipiunt. quæ, ut superiores, neque propter fœcunditatem, neque propter suavitatem saginantur, sed sic pascendo fiunt pingues. Quod ad villaticarum pastionum primum actum pertinere sum ratus, dixi.

XII. Interea redit Appius, & percontati nos ab illo, & ille a nobis, quid esset dictum ac factum, APPIUS, Sequitur, inquit, actus secundi generis, afficticius ad villam qui solet esse, ac nomine antiquo a parte quadam leporarium appellatum. Nam neque solum lepores eo includuntur silva, ut olim in jugero agelli, aut duobus, sed etiam cervi, aut capræ in jugeribus multis. Q. Fulvius Lippinus dicitur habere in Tarquinienfi sæpta jugera XL, in quo sunt inclusa non solum ea, quæ dixi, sed etiam oves feræ, etiam hoc majus hic in Statonensi, & quidam in locis aliis. In Gallia vero transalpina T. Pompejus tantum sæptum venationis, ut circiter ∞ ∞ ∞ ∞ passuum locum inclusum habeat. Præterea in eodem consæpto fere habere solent [de animalibus] coclearia, atque alvearia, atque etiam dolia, ubi habeant conclusos glires. Sed horum

omnium custodia, incrementum, & pastio aperta, præterquam de apibus. Quis enim ignorat, sæpta e maceris ita esse oportere in leporario, ut testorio tacta sint, & sint alta? alterum ne fælis, aut mælis, aliave quæ bestia introire possit, alterum ne lupo transilire: ibique esse latebras, ubi lepores interdum delitescant in virgultis, atque herbis: & arbores patulis ramis, quæ aquilæ impediunt conatus. Quis item nescit, paucos si lepores, mares ut feminas, intromiserit, brevi tempore fore ut impleatur? tanta fœcunditas hujus quadrupedis. Quatuor modo enim intromisit in leporarium, brevi solet repleri. Fit enim sæpe, cum habent catulos recentes, alios ut in ventre habere reperiantur. Itaque de his Archelaus scribit, annorum quot sint si quis velit scire, inspicere oportet foramina naturæ, quæ sine dubio alius alio habet plura. Hos quoque nuper institutum ut saginarent pleraque, cum ex ceptos e leporario concludant in caveis, & loco clauso faciant pingues. Eorum ergo tria genera fere sunt. Unum Italicum hoc nostrum pedibus primis humilibus, posterioribus altis, superiore parte pulla, ventre albo, auribus longis. qui lepus dicitur, cum prægnans sit, tamen concipere. In Gallia transalpina, & Macedonia fiunt permaghi: in Hispania, & in Italia mediocres. Alterius generis est, quod in Gallia nascitur ad Alpes, qui hoc fere mutant, quod toti candidi sunt. hi raro perferuntur Romam. Tertii generis est, quod in Hispania nascitur, similis nostro lepori ex quadam parte, sed humile, quem cuniculum appellant. L. Ælius putabat, ab eo dictum leporem, [a celeri-

tudine,] quod levipes esset. Ego arbitror a Græco vocabulo antiquo, quod eum Æoles Bœotii λέπτο-
 ριν appellabant. Cuniculi dicti ab eo, quod sub terra
 cuniculos ipsi facere soleant, ubi lateant in agris.
 Horum omnium tria genera, si possis, in leporario
 habere oportet. duo quidem utique te habere puto,
 & quod in Hispania annis ita fuisti multis, ut inde
 te cuniculos persecutos credam.

XIII. Apros quidem posse habere in leporario,
 nec magno negotio ibi & captivos, & cicures, qui
 ibi nati sint, pingues solere fieri, scis; *inquam*, AXI.
 Nam quem fundum in Tusculano emit hic Varro a
 M. Pupio Pisone, vidisti ad bucinam inflatam certo
 tempore apros & capreas convenire ad pabulum,
 cum e superiore loco e palæstra apris effunderetur
 glans, capreis vicia, aut quid aliud. Ego vero, *in-*
quit ille, apud Q. Hortensium cum in agro Laurenti
 essem, ibi istuc magis τραγκῶς fieri vidi. Nam silva
 erat, ut dicebat, supra quinquaginta iugerum ma-
 ceria sæpta, quod non leporarium, sed θηριοτροφεῖον
 appellabat. Ibi erat locus excelsus, ubi triclinio po-
 sito cœnabamus. Quintus Orphea vocari iussit. qui
 cum eo venisset cum stola, & cithara, & cantare
 esset iussus, buccinam inflavit, ubi tanta circum-
 fluxit nos cervorum, aprorum, & ceterarum qua-
 drupedum multitudo, ut non minus formosum mihi
 visum sit spectaculum, quam in circo maximo ædi-
 lium, sine Africanis bestiis cum sunt venationes.

XIV. AXIUS, Tuas partes, inquit, sublevavit
 Appius, O MERULA noster. Quod ad venationem
 pertinet, breviter secundus transactus est actus. Nec

de cocleis ac gliribus quæro, quod reliquum est. neque enim magnum emolumentum esse potest. Non istuc tam simplex est, inquit APPIUS, quam tu putas, o Axi noster. nam & idoneus sub dio sumendus locus cocleariis, quem circum totum aqua claudas, ne quas ibi posueris ad partum, non liberos earum, sed ipsas quæras. Aqua, *inquam*, finiendæ, ne fugitivarius sit parandus. Locus is melior, quem & non coquit sol, & tangit ros. Qui si naturalis non est, (ut fere non sunt in aprico loco) neque habeas in opaco, ut facias, ut sunt sub rupibus ac montibus, quorum alluant radices lacus ac fluvii, manu facere oportet roscidum. qui sit, si eduxeris fistulam, & in eam mammillas imposueris tenues, quæ eructent aquam, ita ut in aliquem lapidem incidat, ac late dissipetur. Parvus iis cibus opus est, & is sine ministratore. Et hunc, dum serpit, non solum in area reperit, sed etiam, si rivus non prohibet, in parietes stantes invenit. Denique ipsæ exgruminantes ad propalam vitam diu producunt, cum ad eam rem pauca laurea folia interjiciant, & aspergant fursures non multos. Itaque coquus has vivas an mortuas coquat, plerumque nescit. Genera coclearum sunt plura, ut minutæ albulæ, quæ afferuntur e Reatino, & maxime, quæ de Illyrico apportantur, & mediocres, quæ ex Africa afferuntur. Non quo non in his regionibus quibusdam locis, eæ magnitudinibus [non] sint dispariles: nam & valde amplæ sunt, quamquam ex Africa, quæ vocantur solitannæ, ita ut in eas LXXX quadrantes conjici possint, & sic in aliis regionibus eædem inter se collatæ & minores

sunt, ac majores. Hæ in foetura pariunt innumera-
bilia. Earum semen minutum, ac testa molli, diu-
rurnitate obdurescit. Magnis insulis in areis factis,
magnum bolum deferunt æris. Has quoque sagi-
nare solent ita, ut ollam cum foraminibus incru-
stent sapa & farre, ubi pascantur, quæ foramina
habeat, ut intrare aer possit. Vivax enim hæc
natura.

XV. Glirarium autem dissimili ratione habetur,
quod non aqua, sed maceria locus sæpitur. Tota
levi lapide, aut tectorio intrinsecus incrustatur, ne
ex ea erepere possit. In eo arbusculas esse oportet,
quæ ferunt glandem. quæ, cum fructum non ferunt,
intra maceriam jacere oportet glandem & casta-
neam, unde faturi fiant. Facere his cavos oportet
laxiores, ubi pullos parere possint. aquam esse te-
nuem, quod ea non utuntur multum, & aridum lo-
cum quærunt. Hi saginantur in doliis, quæ etiam
in villis habent multi, quæ figuli faciunt, multo
aliter atque alia; quod in lateribus eorum semitas
faciunt, & cavum, ubi cibum constituent. In hoc do-
lium addunt glandem, aut nuces juglandes, aut ca-
staneam. Quibus in tenebris, cum cumulatim posi-
tum est in doliis, fiunt pingues.

XVI. APPIUS igitur, Relinquitur, inquit, de
pastione villatica tertius actus de piscinis. Quid ter-
tius? inquit AXIUS. An quia tu solitus es in ado-
lescentia tua domi mulsum non bibere propter par-
simoniam, nos mel negligemus? APPIUS, Nobis
verum dicit, inquit. Nam cum pauper cum duobus
fratribus & duabus sororibus essem relictus; [qua-

rum] alteram sine dote dedi Lucullo, a quo hereditate me cessa primum, & primus mulsu domi meae bibere coepi ipse, cum interea nihilo minus pæne quotidie in convivio omnibus darem mulsu. Præterea meum erat, non tuum, eas novisse volucres, quibus plurimum natura ingenii atque artis tribuit: itaque eas melius me nosse, quam te, ut scias, de incredibili earum avium natura audi. MERULA, ut cetera fecit, *ιστορικῶς*, quæ sequi melliturgi soleant, demonstrabit. Primum apes nascuntur partim ex apibus, partim ex bubulo corpore putrefacto. Itaque Archelaus in epigrammate ait, eas esse — *βοὺς φθιμένης πεποτημένα τέκνα*. Idem: *ἵππων μὲν σφῆκες γενεὰ, μόσχων δὲ μέλισσαι*. Hæ apes non sunt solitaria natura, ut aquilæ, sed ut homines. Quod si hoc faciunt etiam graculi, at non idem: quod hic societas operis & ædificiorum, quod illic non est. Hic ratio atque ars, ab his opus facere discunt, ab his ædificare, ab his cibaria condere. Tria enim harum, cibus, domus, opus: neque idem quod cibus cera, nec quod ea mel, nec quod mel domus: non in favo sex angulis cella; totidem, quot habet ipsa pedes? (quod geometræ *ἐξάγωνον* fieri in orbe rotundo ostendunt, ut plurimum loci includatur.) Foris pascuntur, intus opus faciunt: quod, dulcissimum quod est, & Diis & hominibus est acceptum: quod favus venit in altaria, & mel ad principia convivii, & in secundam mensam administratur. Hæ ut hominum civitates, quod hic est & rex, & imperium, & societas, quod sequuntur omnia pura. itaque nulla harum affidit in

loco inquinato, aut eo, qui male oleat, neque etiam in eo, qui bona olet unguenta. itaque his unctus qui accessit, pungunt. non ut muscæ liguriunt, quod nemo has videt (ut illas) in carne, aut sanguine, aut adipe. ideo modo confidunt, in quo est sapor dulcis. Minime malefica, quod nullius opus vellicans facit deterius: neque ignava, ut non, qui ejus opus conetur disturbare, resistat. Neque tamen nescia suæ imbecillitatis; quæ cum causa musarum esse dicantur volucres, quod &, si quando displicatæ sunt, cymbalis & plausibus numero reducunt in locum unum. Et ut his Diis Heliconæ atque Olympon attribuerunt homines, sic his floridos & incultos natura attribuit montes. Regem suum sequuntur, quocunque it, & fessum sublevant; &, si nequit volare, succollant, quod eum servare volunt. Neque ipsæ sunt inficientes, nec non oderunt inertes. itaque insectantes a se ejiciunt fucos, quod hi neque adjuvant, & mel consumunt: quos vocificantes plures persequuntur etiam paucæ. Extra ostium alvei obturant omnia, qua venit inter favos spiritus, quam ἐπιστάχνη appellat Græci. Omnes ut in exercitu vivunt, atque alternis dormiunt, & opus faciunt pariter, & ut colonias mittunt. Hique duces conficiunt quædam ad vocem ut imitatione tubæ. tum id faciunt, cum inter se signa pacis ac belli habeant. Sed, o Merula, Axius noster ne, dum hæc audit, physicam addiscat, quod de fructu nihil dixi, nunc cursu lampada tibi trado. MERULA, De fructu, inquit, hoc dico, quod fortasse an tibi fatis sit, *Axi*, in quo

auctorem habeo non solum, qui alvearia sua locata
 habet quotannis quinis millibus pondo mellis, sed
 etiam hunc Varronem nostrum, quem audiui dicen-
 tem, duo milites se habuisse in Hispania fratres Veja-
 nios ex agro Falisco locupletes, quibus cum a patre
 relicta esset parva villa, & agellus non sane major
 jugero uno, hos circum villam totam alvearium
 fecisse, & hortum habuisse, ac reliquum thymo &
 cytiso obsevisse, & apiastro, quod alii *μελίφυλλον*,
 alii *μελισσόφυλλον*, quidam *μέλινον* appellant. Hos nun-
 quam minus, ut peræque ducerent, dena millia sex-
 tertia ex melle recipere esse solitos. tum eos & velle
 exspectare, ut suo potius tempore mercatorem ad-
 mitterent, quam celerius alieno. Dic igitur, *inquit*,
 ubi & cujusmodi me facere oporteat alvearium, ut
 magnos capiam fructus. *Ille*, *μελιτῶνας* ita facere
 oportet, quos alii *μελιτροφεία* appellant, eandem
 rem quidam mellaria. Primum secundum villam,
 potissimum ubi non resonent imagines. hic enim
 sonus harum fugæ [causa] existimatur esse. Proce-
 rum esse oportet aere temperato, nèque æstate fer-
 vido, neque hieme non aprico, ut spectet potissi-
 mum ad hibernos ortus, quæ prope se loca habeat
 ea, ubi pabulum sit frequens & aqua pura. Si pa-
 bulum naturale non est, ea oportet dominum sere-
 re, quæ maxime sequuntur apes. ea sunt, rosa,
 serpyllum, apiastrum, papaver, faba, lens, pi-
 sum, ocimum, cyperum, Medica, & maxime cyti-
 sum, quod valentibus utilissimum est. Etenim ab
 æquinoctio verno florere incipit, & permanet ad
 alterum æquinoctium autumnii. Sed ut hoc aptif-

simum ad sanitatem apium, sic ad mellificium thymum. Propter hoc Siculum mel fert palmam, quod ibi thymum bonum & frequens est. Itaque quidam thymum contundunt in pila, & diluunt in aqua tepida: eo conspergunt omnia seminaria confita apium causa. Quod ad locum pertinet, hoc genus potissimum eligendum juxta villam; non quo non in villæ porticu quoque quidam (quo tutius essent) alvearia collocarint. Ubi sint, alii faciunt ex viminibus rotundas, alii e ligno ac corticibus, alii ex arbore cava, alii fictiles, alii etiam ex ferulis quadratas longas circiter pedes ternos, latas pedem, sed ita, uti cum parum sit, qua compleant, eas coangustent, ne in vasto loco & inani despondeant animum. hæc omnia vocant a mellis alimonio, alvos: quas ideo videntur medias facere angustissimas, ut figuram imitentur earum. Vitiles fimo bubulo oblinunt intus, & extra, ne asperitate absterreantur. easque alvos ita collocant in mutulis parietis, ut ne agitentur, neve inter se contingant, cum in ordinem sint positæ. sic intervallo interposito, alterum & tertium ordinem infra faciunt, & ajunt potius hinc demi oportere, quam addi quartum. Media alvo, in qua introeant apes, faciunt foramina parva dextra, ac sinistra. Ad extrema, qua mellarii favum eximere possunt, opercula imponunt alvis. Optimæ fiunt corticæ, deterrimæ fictiles, quod & frigore hieme, & æstate calore vehementissime hic commoventur. Verno tempore & æstivo fere ter in mense mellarius inspicere debet fumigans leviter eas, & a spurcitiis purgare alvum,

& vermiculos ejicere. Præterea ut animadvertat, ne reguli plures existant: inutiles enim fiunt propter seditiones. & ut quidam dicunt, tria genera cum sint ducum in apibus, niger, ruber, varius; ut Menecrates scribit duo, niger, & varius: qui ita, melior; ut expediat mellario, cum duo sint eadem alvo, interficere nigrum, quem scit cum altero rege esse seditiosum, & corrumpere alvum, quod fuget, aut cum multitudine fugetur. De reliquis apibus optima est parva, varia, rotunda. Fur, qui vocatur ab aliis fucus, alter est, lato ventre. Vespa, quæ similitudinem habet apis, neque socia est operis, & nocere solet morfu, quam apes a se fecerunt. Eæ differunt inter se, quæ feræ, & cicures sunt. Nunc feras dico, quæ in silvestribus locis pascunt; cicures, quæ in cultis. Silvestres minores sunt magnitudine, & pilosæ, sed opifices magis. In emendo emtorem videre oportet, valeant, an sint ægræ. Sanitatis signa, si sunt frequentes in examine, & si nitidæ; & si opus, quod faciunt, est æquabile ac leve. Minus valentium signa, si sunt pilosæ, & horridæ, ut pulverulentæ, nisi opificii eas urget tempus. tum enim propter laborem asperantur, ac macescunt. Si transferendæ sunt alvi in alium locum, id facere diligenter oportet, & tempora, quibus id potissimum facias, animadvertendum; & loca, quo transferas, idonea providendum. Tempora, ut verno potius, quam hiberno, quod hieme difficulter consuecunt, quo sunt translataæ, manere: itaque fugiunt plerumque. Si e bono loco transfuleris eo, ubi idonea pabulatio non est, fugitivæ

fiunt. Nec si ex alvo in alvum in eodem loco tra-
jicias, negligenter faciendum. sed si transituræ sunt
apes ea, apiastro perfricanda, quod illicium hoc
illis: & favi melliti intus ponendi, a faucibus non
longe, ne, cum animadverterint, aut inopiam escæ
habuisse dicantur, aut cum sunt apes morbidæ pro-
pter primores vernos pastus, qui ex floribus nucis
Græcæ & cornu fiunt, coeliacas fieri, atque urina
pota refici. De his propolim vocant, e quo faciunt
ad foramen intritus protectum in alvum maxime
æstate. Quam rem etiam nomine eodem medici
utuntur in emplastris. propter quam rem etiam ca-
rius in sacra via, quam mel venit. Erithacen vo-
cant, quo favos extremos inter se conglutinant,
quod est aliud melle, propoli: itaque in hoc vim
esse illiciendi. quocirca examen ubi volunt confi-
dere, eum ramum, aliamve quam rem oblinunt
hoc, admixto apiastro. Favus est, quem fingunt
multicavatum e cera, cum singula cava sena latera
habeant, quot singulis pedes dedit natura. Neque
quæ afferuntur ad quatuor res faciendas, propo-
lim, erithacen, favum, mel, ex iisdem omnibus
rebus carpere dicuntur. simplex, quod e malo pu-
nico, & asparago cibum carpant solum, ex olea
arbore ceram, e fico mel, sed non bonum. duplex
ministerium præberi, ut e faba, apiastro, cucur-
bita, brassica, ceram & cibum. nec non aliter du-
plex, quod fit e malo & piris silvestribus, cibum
& mel. item aliter duplex, quod e papavere ceram
& mel. triplex ministerium quoque fieri, uti ex
nuce Græca, & e lapsana cibum, mel, ceram. item

ex aliis floribus ita carpere, ut alia ad singulas res sumant, alia ad plures. nec non etiam aliud discrimen sequantur in carptura, aut eas sequatur, ut in melle, quod ex alia re faciunt liquidum mel, ut ex fîsere flore: ex alia contra, spissum, ut e rore marino. Sic ex alia re, ut e fico mel insuave, e cytho bonum, e thymo optimum. Cibi pars, quod potio, & ea iis aqua liquida; unde bibant esse oportet, eamque propinquam, quæ præterfluat, aut in aliquem locum influat, ita ut ne altitudine ascendat duo aut tres digitos: in qua aqua jaceant testæ, aut lapilli, ita ut exstent paulum, ubi affidere & bibere possint. In qua diligenter habenda cura, ut aqua sit pura, quod ad melliâcium bonum vehementer prodest. Quod non omnis tempestas ad pâstum prodire longius patitur, præparandus his cibus, ne tum melle cogantur solo vivere, aut relinquere exinanitas alvos. Igitur ficorum pinguium circiter decem pondo decoquunt in aquæ congiis sex, quas coctas in offas prope apponunt. Alii aquam mulsam in vasculis prope ut sit curant. in quæ addunt lanam purpuream, per quam sugant: uno tempore ne potu nimium impleantur, aut ne incidant in aquam. Singula vasa ponunt ad alvos singulas, & hac supplentur. Alii uvam passam & ficum, cum pinserunt, affundunt sâpam, atque ex eo factas offas apponunt ibi, quo foras hieme in pabulum procedere tamen possint. Cum examen exiturum est, quod fieri solet, cum adnatæ prospere sunt multæ, ac progeniem veteres emittere volunt in coloniam, ut olim crebro Sabini factitave-

runt propter multitudinem liberorum; hujus quod duo solent præire signa, scitur. Unum, quod superioribus diebus, maxime vespertinis, multæ ante foramen (ut uvæ) aliæ ex aliis pendent conglomeratæ. Alterum, quod cum jam evoluturæ sunt, aut etiam inceperunt, consonant vehementer, proinde ut milites faciunt, cum castra movent. Quæ primo tum exierunt, in conspectu volitant, reliquas, quæ nondum congregatæ sunt, respectantes, dum conveniant. Cum a mellario id fecisse sunt animadvertæ, jaciundo in eas pulverem, & circumtinniendo ære, perterritas quo voluerit perducet. Non longe inde oblinunt erithace, atque apiastro, ceterisque rebus, quibus delectantur. Ubi confederunt, afferunt alvum prope eisdem illiciis illitam intus: & prope apposita, fumo leni circumeundo cogunt eas intrare: ut quæ in novam coloniam cum introierunt, permanent adeo libenter, ut etiam si proximam posueris illam alvum, unde exierunt, tamen novo domicilio potius sint contentæ. Quod ad passionem pertinere sum ratus, quoniam dixi, nunc jam, cujus causa adhibetur ea cura, de fructu dicam. Eximendorum favorum signum sumunt ex ipsis, cum plenas alvos habent, & cum illos geminaverint. ex apibus conjecturam capiunt, si intus faciunt bombum, & cum introeunt, ac foras trepidant, & si opercula alvi cum remota sint, favorum foramina obducta videntur mellis membranis. Cum sint repleti melle, in eximendo quidam dicunt oportere novem partes tollere, decimam relinquere. quod si omne eximas, fore, ut discedant. Alii

hoc plus relinquunt, quam dixi. ut in aratis, qui faciunt restibiles segetes, plus tollunt frumenti ex intervallis: sic in alvis, si non quotannis eximas, aut non quoque multum, & magis his assiduas habeas apes, & magis fructuosas. Eximendorum favorum primum putant esse tempus Vergiliarum exortu. secundum æstate acta, antequam totus exoritur arcturus. tertium post Vergiliarum occasum, & ita si foecunda sit alvus, ut ne plus tertia pars eximatur mellis, reliquum hiemationi relinquatur. si vero alvus non sit fertilis, ubi quid eximatur, exemptio cum est major, neque universam, neque partem facere oportet, ne deficient animum. Favi qui eximuntur, si qua pars nihil habet, aut habet inquinatum, cultello præsecatur. Providendum, ne infirmiores a valentioribus opprimantur. eo enim minuitur fructus. Itaque imbecilliores secretas subijciunt sub alterum regem. Quæ crebrius inter se pugnabunt, aspergi eas oportet aqua mulsa. quo facto non modo desistunt pugna, sed etiam conferciunt se lingentes, eo magis, si mulso sunt aspersæ, quo propter odorem avidius applicant se, atque obstupefcunt potantes. Si ex alvo minus frequentes evadunt, ac subfidit aliqua pars, suffumigandum, & prope apponendum bene olentium herbarum, maxime apiastrum & thymum. Providendum vehementer, ne propter æstum, aut propter frigus dispareant. Si quando subito imbri in pastu sunt oppressæ, aut frigore subito, antequam ipsæ providerint id fore, (quod accidit raro, ut decipiantur) & imbris guttis uberibus offensæ jacent prostratæ


& afflictae, colligendum eas in vas aliquod, & reponendum in tecto loco ac tepido, promum e die, quam maxime tempestate bona, & cinere facto e ficulneis lignis infriendum paulo plus caldo, quam tepidiore. deinde concutiendum leviter, ut manu non tangas, & ponendae in sole. Quae enim sic concaluerunt, restituant se, ac reviviscunt, ut solet similiter fieri in muscis aqua necatis. Hoc faciendum secundum alvos, ut reconciliatae ad suum quaeque opus & domicilium redeant.

XVII. Interea redit ad nos PAVO, Et, si vultis, inquit, ancoras tollere, latis tabulis fortitio fit tribuum, ac coepti sunt a praecone renuntiari, quem quaeque tribus fecerint aedilem. Appius confestim surgit, ut ibidem candidato suo gratularetur, ac discederet in hortos. MERULA, Tertium actum de passionibus villaticis postea, inquit, tibi reddam, Axi. Confurgentibus illis, AXIUS mihi, respectantibus nobis, quod & candidatum nostrum venturum sciebam, Non laboro, inquit, hoc loco discessisse Merulam. reliqua enim fere mihi sunt nota. Quod cum piscinarum genera sint duo, dulcium, & salinarum: alterum apud plebem, & [non] sine fructu, ubi lymphae aquam piscinis nostris villaticis ministrant. illae autem maritimae piscinae nobilium, quibus Neptunus, ut aquam, sic & pisces ministrat, magis ad oculos pertinent, quam ad vesicam, & potius marsupium domini exinaniunt, quam implent. Primum enim aedificantur magno, secundo implentur magno, tertio aluntur magno. Hirrius circum piscinas suas, ex aedificiis duodena millia

sextertia capiebat. eam omnem mercedem escis , quas dabat piscibus , consumebat. Non mirum. uno tempore enim memini hunc Cæsari duo millia murrænarum mutua dedisse in pondus , & propter piscium multitudinem quadragies sextertio villam venisse. Quare nostra piscina ac mediterranea plebeja recte dicitur dulcis , & illa amara. Quis enim nostrum non una contentus est hac piscina ? quis contra maritimas non ex piscinis singulis plures conjunctas habet ? Pluris. nam ut Pausias , & ceteri pictores ejusdem generis , loculatas magnas habent arculas , ubi discolores sint ceræ , sic hi loculatas habent piscinas , ubi dispares disclusos habent pisces , quos proinde ut sacri sint ac sanctiores , quam illi in Lydia , quos sacrificanti tibi , Varro , ad tibicinem Græcum gregatim venisse dicebas ad extremum litus , atque aram , quod eos capere auderet nemo , cum eodem tempore insulas Ludinorum ibi choreusas vidisses ; sic hos pisces nemo cocus in jus vocare audet. Q. Hortensius familiaris noster cum piscinas haberet magna pecunia ædificatas ad Bauculos , ita sæpe cum eo ad villam fui , ut illum sciam semper in coenam pisces Puteolos mittere eum solitum. Neque satis erat eum non pasci piscinis , nisi eos ipse pasceret ultro ; ac majorem curam sibi haberet , ne ejus esurirent muli , quam ego habeo , ne mei in Rosea esuriant asini. & quidem utraque re , & cibo , & potione , cum non paulo sumtuosius , quam ego , his ministraret victum. Ego enim uno fervulo , ordeo non multo , aqua domestica , meos multinumos alo asinos : Hortensius primum ,

qui ministrarent, piscatores habebat complures, & ii pisciculos minutos aggerebant frequenter, ut a majoribus absumerentur. Præterea falsamenta in eas piscinas emitita conjiciebat, cum mare turbaret, uti per tempestatem suis piscibus e macello cetario-
rum, uti e mari, obsonium præberet, cum neque everriculo illi in litus educere possent vivam saginam, plebejæ coenæ pisces. Celerius voluntate Hortensii ex equili educeres rhedarias, ut tibi haberes, mulas, quam e piscina barbatum mullum. At, inquit *ille*, non minor cura ejus erat de ægrotis piscibus, quam de minus valentibus servis. itaque minus laborabat, ne servus æger, quam aquam frigidam biberent sui pisces. Etenim hac incuria laborare ajebat M. Lucillum, & piscinas ejus despiciebat, quod æstivaria idonea non haberet, ac [in] residem aquam, & locis pestilentibus habitarent pisces ejus. Contra ad Neapolim L. Lucullus posteaquam perfodisset montem, ac maritima flumina immisisset in piscinas, quæ reciprocæ fluerent, ipse Neptuno non cederet de piscatu. factum esse enim, ut amatos pisces suos videatur propter æstus eduxisse in loca frigidiora, ut Apuli solent pecuarii facere, quod propter calores in montes Sabinos pecus ducunt. In Bajano autem tanta ardebat cura, ut architecto permiserit, ut suam pecuniam consumeret, dummodo perduceret specus e piscinis in mare, objectaculo, quo æstus bis quotidie ab exorta luna ad proximam novam introire, ac redire rursus in mare posset, ac refrigerare piscinas. Nos hæc. At strepitus a dextra, & eccum recta candidatus

noſter designatus ædilis. Cui nos occurrimus, & gratulati in Capitolium proſequimur. ille inde eundo ſuam domum, nos noſtram. Opinionis noſtræ ſermonem de paſtione villatica ſummatim hunc, quem expoſui, habeto.







3 6105 013 379 313

STANFORD UNIVERSITY LIBRARIES
CECIL H. GREEN LIBRARY
STANFORD, CALIFORNIA 94305-6004
(415) 723-1493

All books may be recalled after 7 days

DATE DUE

JUN 30 1996
JUN 20

8.0
44
1

